



3.6.701

306.

IX

FALST

Ex Legato Dni. Equitij Antonii
Francisci de Marmis



CHRISTIANI FALSTERI
MEMORIÆ
OBSCURÆ,
QUARUM PARS

I. SCRIPTORES QUOSDAM ROMANOS, HACTENUS FERE INCOGNITOS,

II. INGENIA QUÆDAM ROM. QUÆ LITTERARUM GLORIA ABSQUE SCRIPTIS FLORUERUNT,

III. MONUMENTA NONNULLA INCERTORUM AUCTORUM, TITULOS ET FRAGMENTA,

IV. URBES IMPERII ROM. STUDIO- RUM LAUDE FLORENTISSIMAS COMPLECTITUR.

UNA CUM INDICE NECESSARIO.



21



GENEROSO & PERILLUSTRI
FRIDERICO
ROSTGARD,
DOMINOPRÆDII KRO-
GERUP ET INSULÆ AN-
HALTINÆ,

S.R.M.DAN. ET NORVEG. A SU-
PREMIS CANCELLARIÆ DANICÆ
CURIS, A CONSILIIS STATUS
ET JUSTITIÆ, AB AR-
CHIVIS &c.

PATRONO SUO BENE-
FICENTISSIMO

S. P. D.
CHRISTIANUS FALSTERUS.



VIR ILLUSTRISIME!

NISI Tristem *meum*
 Ovidium *tam serena*
fronte tam benigno Biblio-
the-

*thecæ TUÆ hospitio jam
ante excepiſſes, merito huic
libello meo in aurem velut
dicerem, quod ille ſuo Eleg.
1. Trist. v. 69-72. metuerem
omnino, quod Epiſtetus
ſubmonet Cap. 52. "Οταν Φοι-
τᾶς πρὸς τινος τῶν μέγα δυναμέ-
ων, πρόβαλλε, ὅτι ἐκ ἐυρήσεις αὐ-
τὸν ἔνδον, ὅτι ἀπεκλείσθῃ, ὅτι ἐκ-
τιναχθῇσονται σοι αἱ θύραι, ὅτι
ὃ Φροντιεὶ σῶ. Sed non eſt
): (3 quod*

quod metuas. Novi æquitate animi TUI & liberalissimam indulgentiam, in quam Clientes TUI tum maxime peccare TIBI videntur, quum nihil peccant, id est, graviores curas TUAS nihil morantur, nullo litterarum negotio otium TUUM interpellant. Novi sublimes & plane singulares virtutes ingenii TUI.

bo-

*bonis artibus ad exemplum
usque & immortalē no-
minis Danorum gloriam
deditissimi. Novi incredi-
bilem TUUM in litteratos
amorem, cujus ego testis
non infimus sum, licet infi-
mus testium. TUORUM ita-
que in me beneficiorum me-
moriae OBSCURAS has
MEMORIAS confidentis-
sime consecro, FAUTOR
EXIMIE. TUO Museo,*

*tot spectaculorum littera-
riorum generibus prorsus
mirabili , rudes has Scri-
ptorum quorundam Ro-
manorum imagines & Mo-
numentorum tabulas, ve-
tustatis injuria fere victas,
honorificentissime dedico.
TUO patrocinio litteratas
meas in provinciis Roma-
nis Urbes tanquam Deo
tutelari venerabiliter com-
mendo. Brevi : totum
me*

me TIBI *commendo*, TU-
 UMQUE *in sinum studia*
mea adversus iniquitatem
fortunæ abdo. Fortunæ,
inquam, non meæ, sed to-
tius patriæ, quæ Manlio
aliquo Vopisco, litteras
pene fugientes strenue
vindicaturo, quam maxime
indiget. Agedum, G E-
 NEROSISSIME DO-
 MINE, *suscipe causam*
communem, TUISQUE

Rempublicam nostram literariam meritis ita ornare perge, ut suos exteri Patronos, TIBI συγγεόνες, tantopere admirari nobisque objicere desinant, Itali suos Cardinales Corsinum, Ruspolum, Imperialem &c. Lusitani suum Comitem de Ericeyra, Hispani suum Dominum Ludovicum Curiel, Galli suum


suum Ducem de la Force,
Cancellarium Dagueffeau,
Præsidem de Valbonnais,
Abbatem illustrem & præ-
potentem Bignonium &c.
Angli Heroem suum, Ca-
rolum de Halifax, Jaco-
bum Hill &c, alii alios.
De reliquo audaciam me-
am & exhortandi fiduci-
am ita interpretare, IN-
DULGENTISSIME

PA-

PATRONE, *ut nihilo minus porro ex animo mihi studeas benevolentissimo, tenerosque meos in literis profectus inæstimabili TUO favore alere & promovere adnitaris.*

Dabam Ripis Cimbrorum
 ipsis Idibus Januar.
 c1515CCXXII.










PARS I.
DE
SCRIPTORIBVS
QVIBVSDAM
ROMANIS,
QVORVM MEMORIA VELVT
INCLVSA VISCERIBVS BIBLIO-
THECÆ ROMANÆ HACTENVS DE-
LITVISSE VISA
EST.





PRÆFATIO
AD
PARTEM PRIMAM.

Miratus sæpenumero fortunam
terræ Græciæ, quæ tot præcla-
ra ingenia, tot illustria littera-
rum exempla procreavit, sæ-
piusnumero mirari soleo pru-
dentiam Græcorum, qui velut prævisa
temporis & factorum iniquitate, quo testa-
tior diuturniorque foret litteraria gentis
suæ memoria, Vitas & Scripta Clarissimo-
rum Virorum litteris opportune & fideli-
ter tradiderunt, *Philonem Herennium*
Byblium puto, *Lampriam*, filium *Plutarchi*,
Callimachum, *Hermippum*, *Antigonum Ca-*
rystium, *Damasten Sigeensem*, *Glaucum*
Rbeginum, *Speusippum*, *Aristoxenum*, *Di-*
cæarchum, innumeros alios. Quorum
Scripta licet interciderunt, tituli tamen
superstites immortalitatem Scriptorum

custodiunt. Sæpiissime vero mirari subit indiligentiam ROMANORVM, qui studiosissimi ceteroquin Græcæ diligentiae imitatores, *Acta Populi & Senatus*, *Belli &c.* sanctissime observarunt, *Eruditorum* pessime neglexerunt. Intuere, quæso, universa Historiæ Romanæ, quæ ad litterariam referri possunt, momenta dicam an monumenta? Paucissima certe ætas imperii Romani tulit, pauciora ætatem tulerunt. Unus fere post *Ciceronem* de Claris Oratoribus, Auctorem *Dialogi* de causis corruptæ eloquentiæ, *Quintilianum* (Lib. X. Cap. I.) de Auctoribus & Poetis Rom. superest *Suetonius*, cui Vitas suas debent Illustres Grammatici & Rhetores, (majori tamen parte per fortunæ nescio quam invidiam sublata) item poëta Terentius, Horatius, Persius & Lucanus. *Ausonius* de *Professoribus* præclare meritis est, maxime *Burdigalensibus*. Perierunt vero *Libri Cornelii Nepotis* de *Viris illustribus*, in quibus non de Excellentibus modo Romanorum Imperatoribus sed & Scriptoribus egit, teste *Hieronymo* in præfatione *Libri* de *Scriptoribus Ecclesiasticis* ad *Dextrum* p. m. 13. Perierunt *Varronis Hebdomades*,

mades, quæ imagines doctorum Virorum eorumque laudes continebant, item Libri de *Poëtis & Rerum Humanarum*, quorum sex prioribus Vitæ illustrium Virorum perscriptæ traduntur, ut Vitas Virorum non modo rebus gestis sed & Scriptis præstantium, quas in litteras miserunt *Santra & Hyginus* (v. *Hieron.* l. c.) nec non Libros *Tranquilli & Sedigiti* de *Poëtis* trans-eam. Recentiores demum Scriptores interruptam hanc telam serio exorssi, Auctorum Romanorum Conspectum eorumque in litteras merita satis exquisito studio profecuti sunt, *G. Jo. Vossius*, *Olaus Borrichius*, *Lilius Gyraldus*, *Jo. Henr. Bæclerus* &c. exquisitissimo vero *Jo. Alb. Fabricius* meus, qui triplici eoque apparatissimo Bibliothecæ Latinæ Volumine Latium litteratum illustravit. Quorum quidem Celeberr. Virorum emendatissimas lucubrationes quod quantillis meis observationibus augere non dubitaverim, invidiæ minime futurum spero. Scilicet implorare hanc meam operam visa sunt tot illustria & vere desideratissima Scriptorum Romanorum nomina, quæ longa nocte hætenus, quantum equidem

invenio, tecta fuerant, nisi quod unus forte alterve de iis, sed absque justa scriptorum commemoratione, meminerunt. Tu vero, BENEVOLE LECTOR, candide atque ut hominem decet, de homine judica.

Dabam Ripis Cimbrorum
postridie Kalendas No-
vemb. c1010ccxxi,

A.

ACTERIANUS, incertæ ætatis Scrip-
tor, citatur a *Macrobio* Lib. 3. Saturn.
Cap. 8. „Quidam legunt (in Virgilio)
„*Discedo ac ducente Dea flammam*
„*inter & hostes*

„*Expeditior*

„cum ille doctissime dixerit *ducente Deo* non *Dea*,
„nam & apud *Calvum* *Acterianus* affirmat legen-
„dum

„ *Pollentemque Deum Venerem*

„non *Deam*. „ Hactenus *Macrobius*, cujus *Acte-*
rianus quid scripserit, parum constat, nisi *Licini-*
um Calvum poetam illustrasse credendus sit, adeo-
que ad familiam Grammaticorum pertinere. (vid.
Quæst. nostras Romanas p. 154. & *Sueton.* de Illustr.
Gramm. cap. 4.) Ceterum cum *Calvo* suo jam pri-
dem periit noster *Acterianus*, pro quo forte *Ate-*
rianus ripfit *Macrobius*, & Historicum intellexit,
qui *Trebellio Pollioni Julius Aterianus* vocatur
in vita *Victorini* p. m. 378, de quo v. *Vossius* Lib.
II. de Hist. Lat. Cap. IV. p. 183.

ACTIVS POSTVMVS. vid. *Postumus*.

C. ÆLIANVS a *Plinio* inter Auctores lau-
datur, ex quibus hic *Librum* suum *tertium Histo-*
rie Naturalis composuit, pro quo *Gellianum* re-
poni jubet *Jo. Harduinus* ex MSS. Tom. I. p. 19.
nec fane temere, cum in ipso *Plinii* Libro citato
cap. 12 disertè legitur: *Gellianus Auctor est, lacu*
Fucino haustum Marforum oppidum - -. Conf.

Jo. Alb. Fabricii Bibl. Græc. L. IX. cap. XXI. p. 697. Ceterum quis fuerit ille noster *Gellianus*, quidve scripserit aut quo tempore, me prorsus nescire fateor; neque enim in Historia Vet. Rom. hoc nomen me alibi legisse memini, præterquam in fragmento *Atei Capitonis* apud *Gellium* Lib. 13. cap. 12. *Quum a muliere quadam tribuni plebis adversum eum aditi, Gelliamum ad eum misissent* - . Historicum eum fuisse crederes, quod ad Historiam pertinere videntur, quæ ex eo *Plinius* l. supr. cit. desumfit, quanquam *Celeb. Vossio* aliter forte visum fuit, qui in præclaro utroque de Historicis Opere memoriam hujus plane prætermisit.

ÆLIUS MELISSVS Grammaticus, sub Trajano & Hadriano vixit, de quo *Gellius* Lib. 18. cap. 6. princ. *Ælius Melissus in nostra memoria fuit Romæ summi quidem loci inter Grammaticos & temporis, (decoris * legit Gronovius) sed majore erat in litteris jactantia & σοφιστεία, quam opera.* Is præter alia quæ scripsit compluria, librum composuit, ut tum videbatur, quum est editus, doctrinæ inclutæ. Ei libro titulus est ingentis illecebræ ad legendum scriptus: quippe est **DE LOQVENDI PROPRIETATE**. Quibus *Gellii* verbis commotus Vir Clar. *Jacobus Dur. Casellius* mendum

* Verba *Gronovii* sunt, „Vix me expedit, nisi legam „loci inter grammaticos & decoris,“. Ego vix dubito *Gellium* scripsisse - inter Grammaticos id temporis, ut Lib. I. cap. 23. Si libri copia fuisset id temporis, quum hac distavi; & Lib. II. c. 29. id ferme temporis, ut appetit messus.

fum credidit locum *Nonii* Cap. V. num. 82. *Sed hac definitio videtur absurda. Ad hæc fidelius locupletiores*, mutandumque ita censuit: *Hac differentia videtur absurda. At hanc Ælius de loquendi proprietate.* Vide *Varias* hujus *Lectiones* Lib. I. cap. VII. Diversi a Nostro sunt *Lenæus* & *Cajus Melissus*, nec non *Melissus* historiarum Scriptor, quem *Palephatus* laudat initio libri de *Incredibilibus* p. m. 2. (conf. *Notas Martini Brunneri* p. m. 84. & *Vossium* de *Histor. Græc.* Lib. 3. p. 303.) item *Melissus* Ithagensis filius Samius, cujus vitam & dogmata breviter perstringit *Laertius* Lib. 9. p. m. 442. & *Hesychius* p. 699.

L. ÆLIVS STILO, Grammaticus sui temporis eruditissimus, clarus est in primis testimonio Ciceronis in *Bruto*: *Fuit is Vir* (L. Ælius) *omnino egregius & eques Romanus cum primis honestus, idemque eruditissimus & Græcis litteris & Latinis, antiquitatisque nostræ & in inventis rebus & actis, Scriptorumque Veterum litterate peritus, quam scientiam Varro noster acceptam ab illo auctamque per sese, Vir ingenio præstans, omni-que doctrina pluribus & illustrioribus litteris explicavit.* conf. *Quæst. Acad.* Lib. I. p. m. 35. Scilicet Magister Varronis fuit *Stilo* noster, auctore *Gellio* Lib. I. c. 18. & Lib. 16. cap. 8. minime *Ælius Gallus*, uti contendit *Turnebus*, quem refellit *Lud. Carrio* *Antiq. Lect. Comment.* III. Cap. V. p. m. 62. De cognomine duplici *Ælii* nostri, qui & *Præconinus* dictus est, quod pater ejus præconium fecerat, & *Stilo*, quod orationes

nobilissimo cuique scribere solebat, vid. *Sueton.* de *Illustr. Gramm.* c. 3. & *Plin. Lib.* 33. cap. 1. nec non *Lib.* 37. c. 1.

Scripsit porro *Commentarium de proloquiis*, de quo meminit *Varro Lib.* IV. de *L. Lat.* p. m. 36. & *Lib.* VI. p. 72. meminit *Gellius Lib.* XVI. cap. 8. Interpretatus est *carmina Saliorum*, uti refert laudatus *Varro Lib.* VI. p. m. 65. & cum eo *Festus in Molucrum, Manios, Pescia, Salia Virgines*, apud quem & nonnulla ejusdem fragmenta exstant in vocibus MONSTRVM, NAVCV M, NEBVLO, NVSCITIOSVS, OBSTITVM, ORDINARIVS, PETAVRISTÆ, PORTISCVLVS, SONTICVS, MORBVS, SVBVCVLA, TAMNE, VICTIMA. Adde ex *Plinio Lib.* 9. *Hist. Nat.* Cap. 35. *Ælius Stilo Jugurthino bello unionum nomen impositum maxime grandibus margaritis prodit.* (conf. *Salmas. Plin. Exercitat.* p. 1169.) Adde *Gell. Lib.* II. cap. 21. III. c. 3. V. c. 21. VI. c. 15. X. c. 21. & c. & *Quintil. L. I.* c. 6. De *L. Stilone* non opus est dicere, qui multis post annis vixit, occisus ab Imperatore Severo, uti auctor est in vita hujus *Ælius Spartianus* p. m. 321.

ÆMILIVS PORCINA, Orator, nemini ignotus est, qui legit illud *Ciceronis* in *Bruto*: *Marcus Æmilius Lepidus, qui est Porcina dictus, iisdem temporibus fere quibus Galba, sed paulo minor natus, & summus Orator est habitus & fuit, ut apparet ex orationibus, scriptor sane bonus. Hoc in Oratore Latino primum mihi videtur & lenitas apparuisse illa Græcorum & verborum comprehensio,*
etiam

etiam artifex, ut ita dicam stylus. Verum ex *Orationibus*, quas commendat *Cicero*, nihil ad nos pervenit, præter fragmentum, quod apud *Priscianum* observavi Lib. IX. p. m. 366. *Æmilius Porcina* Orator in *Oratione*, uti lex *Æmilia* abrogetur: *Tempore astiturum atque petiturum me abesse.* forte *ne abessem.*

ALBINVS aliquis, qui Geometricos Libros & Dialecticos in Aristotelem scripsit, citatur a *Boethio* L. I. de interpretat. cetera obscurus, quod pace tamen *Cassiodori* dixerim, qui Musices scriptorem eum facit & *Virum Magnificum* appellat. conf. *Boeth.* Lib. 2. *Musicæ* c. 12. & *Fabric.* *Biblioth.* *Græc.* Lib. III. cap. XI. p. 273.

L. ALBUTIVS, Scriptor Satyricus fuit, uti conjicio ex verbis *Varronis* de *Re Rustica* Lib. 3. c. 2. *Nonne item L. Albutius, homo (ut scitis) apprime doctus, cujus Luciliano charactere (i. e. Satyrico scribendi genere) sunt libelli; dicebat in Albano fundum suum pastionibus semper vinci a villa?* &c. conf. cap. 6. sub fin. ubi pro *quidam Albutius* emendatius forte *quidem legeris**. *Quintilianus* Lib. II. cap. 15. *Albutium* aliquem laudat non obscurum *Professorem* atque *Auctorem*, (conf. Lib. 3. c. 6. p. m. 164.) sed is omnino alius est, &, nisi vehementer fallor, vel *Rhetor* ille, (*Cajus Albutius Silus*) cujus vitam in litteras misit *Tranquillus*

* Quam lectionem mihi confirmat *Petrus Victorius* *Explicat.* S. in *Varr.* *Cast.* p. m. 61. qui in optimis exemplaribus antiquis legi monet, *ut quidem Abuccius habebat.*

Ius de Clar. Rhet. cap. 6. coll. cum *M. Seneca* Controv. Lib. 2. cap. 13. vel, quod verisimilius est, *Orator* (*Titus Albutius*) apud *Ciceronem* de Clar. Orat. p. m. 148. & Lib. 5. Tusc. Quæst. p. 1163. quem *A. Albutium* vocat *Apuleius* in Apologia p. m. 378. Epicureum puta, de quo *Gassendus* Lib. II. de vita & moribus Epicuri cap. VI pag. 44.

ALFIVS FLAVIVS, Historicus, quo tempore vixerit, non satis constat. *Vossio* de Histor. Lat. p. 694. circa Severi Imperatoris tempora vel aliquanto post vixisse videtur. Sed errat sine dubio Vir maximus, qui *Alfium Flavium* cum *Alfio Avito* Poëta confundit. Floruisse eum multo ante ævum Severi manifestum est ex *Plinio* Lib. 9. cap. 8. *Pigeret rescribere, ni res Mecenatis, Flaviani* (rectius forte *Fabiani*) & *Flavii Alfii* multorumque esset litteris mandata. Conf. Lib. I. ubi in Indice Libri IX. inter eos recensetur, quorum opera se usum *Plinius* fatetur. Scripsit is noster *Alfius* historiam belli Carthaginensis, cujus librum primum citat *Festus* in *Mamertini*. Conf. *Senecam* Controv. Lib. I. c. 1. & Excerpt. Controv. Lib. I. Decl. 1. Denique idem est, nisi fallor, *Alfius*, qui (verbis utor *Columellæ* Lib. I. de Re Rust. cap. 7) vel optima nomina non appellando fieri mala dixisse verissime fertur, quem Auctor ibidem fœneratorem vocat, exemplo forte *Horatii* Epod. 2. v. 67:

Hæc ubi locutus fœnerator Alfius

Jamjam futurus rusticus, &c.

C. AMARANUS APOLLINARIS, Scrip-
ptor

ptor incertæ ætatis, incerti argumenti, a *Julio Frontino* de Aquæduct. citatur Lib. I. c. 2. p. III. 2. (edit. A. 1523. in 8.) *Fontium memoria cum sanctitate adhuc exstat & colitur; Salubritatem enim agris corporibus afferre creduntur, sicut C. Amaranus Apollinaris meminit.*

C. AMASINIVS, (al. *Amasinius*, sive *Amasianus*) nomen fere oblitteratum, sed memoria dignissimum, quod ab hoc auctore *Philosophia* primum Latinis litteris illustrata sit, teste *Ciccone* Lib. IV. *Tusc. Quæst.* p. m. 215. (edit. Venet. 1581. in fol. cum commentario *Aldi Manutii*) *Illius veræ elegantisque philosophiæ, quæ ducta a Socrate in Peripateticis adhuc permansit, & idem alio modo dicentibus Stoicis, cum Academici eorum controversias disceptarent, nulla fere sunt aut pauca admodum Latina monumenta, sive propter magnitudinem rerum occupationemque hominum, sive etiam, quod imperitis ea probari posse non arbitrabantur, cum interim illis silentibus C. AMASINIVS exstitit dicens, cujus libris editis, commota multitudo - &c. - post Amasinium autem multi ejusdem æmuli rationis multa cum scripsissent, Italiam totam occupaverunt. Ceterum quam ἀρέτως noster scripserit, testis idem & iudex est Lib. I. Qu. Acad. p. 35. Didicisti enim non posse nos Amasiani aut Rabirii similes esse, qui nulla arte adhibita, de rebus ante oculos positis vulgari sermone disputant, nihil definiunt, nihil partiuntur. De grege Epicuri eum fuisse indicant porro verba *Tullii* Lib. XV. ad familiares *Epist.* 19. Ipse enim*

enim Epicurus, a quo omnes Catii & Amafinii, mali verborum interpretes, proficiuntur. Memoriam Amafinii nostri intactam reliquit *Jonsius* de Scriptoribus Hist. Philosoph. quod sine invidia & diminutione Viri solertissimi dixerim.

ANDRONICVS, poëta insignis, temporibus *Juliani* floruit, de quo jam pridem meminit *Lilius Gyraldus* Dial. VIII p. 880. testimonio usus *Ammiani Marcellini* (Lib. XIX. p. m. 458.) cui addimus illud *Symmachi* Lib. VIII. Epist. 22. ad Andronicum: *In ore tuo vernat Cecropia Musa, mihi lingua Latiaris est.* -- Tu vero, ut es amicorum diligens, Bibliothecæ nostræ carminum tuorum divitias intulisti. - Tradam publicæ admirationi, quæ legenda misisti -, Græca sc. poëmata.

ANNEVS PLACIDVS. v. *Placidus*.

C. ANNIVS. vide infra CANNIVS.

ANNIVS CIMBER (pro quo *Anneus* nonnulli, alii *Amens* legunt) clarus est ex Epistola Augusti ad Tiberium apud *Suetonium* in vita Augusti cap. 86. *Tuque dubitas, Cimberne Annius an Veranius Flaccus imitandi sint tibi?* - ad quem locum *Casaubonus* in Notis: „Cimber hic ille est „rhetor antiquarius, in quem lusit Virgilius epigrammate eo, quod hodieque exstat in Catalensis & apud *Quintilianum*. *Anneius* is vel *Anneus* non *Annius* habuit nomen si fides libris antiquis &c.

M. ANTONIVS, illustre illud & satis notum nomen in Historia Romana, temporibus Augusti, Epistolas scripsit, de quibus *Tacitus* Annal. IV, 34, 8.

An-

Antonii Epistola (illæ sc. in quibus Augusto libertinum proavum exprobrat restionem, avum argentarium, vid. *Sueton.* in Aug. c. 2. coll. cum *Servio* in V. *Æneid.* & *Charisio* Lib. 5.) *falsa quidem in Augustum probra, sed multa cum acerbitate habent.* Scripsit insuper *refutationem Philippi-carum*, teste *Plutarcho* in vita Ciceronis p. 882. ut & Antonii ipsius p. 916. item *Orationem* in funere Cæsaris, ibid. p. 922. atque in Bruto p. 993. Plura de hoc *Antonio* vide apud *Carolū Stephānum* in *Lexico Historico-Poëtico*, editionis *Loydianæ* Londini 1686. in folio.

ANTONIVS alius, eloquentiæ laude clarissimus temporibus Theodosii, *Orationes* varias scripsit, quarum unam præcipue laudat *Symmachus* Lib. I. Epist. 89. ad Antonium: *Non incognito quidem nobis eloquii splendore nituisti, sed magnis rebus accommodata & majestate scripti aptata, gloriam, quam magisterio ante quaesisti, recens auxit oratio. Nam præter loquendi phaleras, quibus te natura ditavit, simile quiddam planeque conveniens auribus Patrum, gravitate sensuum, verborum proprietate sonuisti - -. Fuit in illa oratione (minime ratione, quod nonnulli legunt) quod unusquisque diligeret, & pro ingenii sui qualitate laudaret - -. Consulem hunc cum Syagrio fuisse puto (ad quem *Symmachus* postremas XIV epistolas Lib. I. scripsit) quo tempore Athenaricus Rex Gothorum Constantinopolin venit, ibique vitam exegit. Vid. *Cassiodori* *Chronicon* p. m. 695. Quam quidem conjecturam meam haud parum adjuva-*

re videtur potentia & dignitas, quam Antonio nostro tribuit laudatus *Symmachus* lib. cit. Epist. 93. *Sanctum Zenonem commendare non debeo, quem scio ad clientelam tuam pertinere* --. conf. Epist. 90, 91, 92.

ANTONIVS CASTOR, Rei Herbariæ peritissimus Scriptor, ævo *Plinii* vixit, qui Lib. XXV. Cap. 2. *Nobis certe, inquit, exceptis admodum paucis* (sc. herbis) *contigit reliquas contemplari scientia Antonii Castoris, cui summa auctoritas in ea arte erat nostro ævo. Visendo hortulo ejus, in quo plurimas alebat, centesimum ætatis annum excedens nullum corporis malum expertus, ac ne ætate quidem memoria aut vigore concussis.* De *piperiti* ac *marrubio* quid tradiderit, vide apud eundem Lib. XX. Cap. 17 & 22. Conf. Lib. I. in cuius Indice ab ipso *Plinio* sæpiuscule ANTONIVS CASTOR inter eos Auctores laudatur, quorum scriptis ad Historiam Naturalem conficiendam sese usum fatetur & quidem Lib. XX, XXI, XXII. &c. Alius est, (quod pace *Harduini* & aliorum dixerim) & multo antiquior *Castor*, cujus meminit *Varro* Lib. 3. de Gente Populi Romani apud *Augustinum* de Civitate Dei Lib. XXI. Cap. 8. *In cælo mirabile extitit portentum: nam in Stella Veneris nobilissima, quam Plautus Vesperuginem, Homerus Ἑσπερον appellat, pulcherrimam dicens, Castor scribit tantum portentum extitisse, ut mutaret colorem, magnitudinem, figuram, cursum: quod factum ita neque antea neque postea sit.* Adde hoc fragmentum iis, quæ de *Castore*

Rhodio

Rhodio erudite & diligenter collegit G. Jo. Vossius de Hist. Gr. Lib. I. Cap. ult. p. 158. seqv. Conf. Scaligeri Lect. Aufon. Lib. I. Cap. 15. & Lib. II. Cap. 27. Notamus denique *Antonium* nostrum *Castorem* a Cl. Jonsio de Script. Hist. Phil. Lib. II. Cap. XV. p. m. 229. *Medicum* appellari, quo auctore, incertum; neque enim quod de herbis scripsit, Medicus magis dicendus videtur, quam *Cornelius Celsus*, qui de Medicina, quam nunquam professus est, Libros VIII. reliquit.

ANTONIUS GNIPHO, Grammaticus doctissimus, cujus scholam Cicero post laborem fori frequentasse dicitur, Volumen scripsit, quo disputat, quid sit *Festra* (ostium minusculum in sacratio. Confer *Festum* & *Plaut. Cas. act. I. sc. I. v. 44*) editis & in Virgilium lucubrationibus, quæ cum reliquis ejus operibus pridem perierunt. Vid. *Macrob. Saturnal. Lib. 3. cap. 12. coll. cum Lipsio 2. Elect. cap. 15. pag. 53. & Palmerio Spicileg. pag. m. 814*. Taceo duo Volumina de Latino sermone, quæ a *Gniphone* nostro relicta tradit auctor vitæ ejus *Svetonius de Illustr. Gramm. Cap. 7*. Adde *Quintilianum Lib. I. Cap. 6. Antonius Gnipho robur quidem & ebur atque etiam marmur fatetur esse, verum fieri vult ex his robura, ebura, marmura*. Adde *Cornelium Frontonem pag. m. 1331. SPECIES divisio est generis: SPECIALITAS ficta est ab Antonio Gniphone Grammatico: SPECIETAS qualitatis*. Conf. *Theodori Canteri Var. Lect. Lib. I. Cap. 23. p. m. 735. Gniphonem*

nem nostrum audivit *Artejus Philologus*, quod in epistola ad *Lucium Hermam* fatetur apud *Suetonium* de Ill. Gr. cap. 10.

ANTONIUS RVFVS Grammaticus, a *Quintiliano* citatur Lib. I. cap. 5. *Dixere quoque, quanquam id Antonius Rufus ex diverso ponit exemplum, de pluribus patronis præco pronunciet.* Alius est *Antonius Rufus* poëta, qui *Homerum* & *Pindarum* Latine convertit, (de quo vid. *Lil. Gyrald.* Dial. IV. p. m. 509) adeoque merito addendus iis *Homeri Interpretibus Latinis*, de quibus meminit *Celeb. Fabricius* meus *Bibl. Gr. Lib. II. cap. III. §. 18. pag. 297.*

APPIUS aliquis (quod prænomen CLAVDIORVM apud Romanos est. Vide *Sigonium* de Nom. Rat. p. 1405. & 1416) sub *Trajano* scripsit, ad quem *Plinius* Lib. IX. Epist. 35. *Librum quem misisti recepi, & gratias ago: sum tamen hoc tempore occupatissimus. Idco nondum eum legi, quum alioqui validissime cupiam: sed eam reverentiam cum litteris ipsis tum scriptis tuis debeo, ut sumere illa, nisi vacuo animo, irreligiosum putem.* conf. seqv. *ibid.* Ceterum quid scripserit, haud temere dixerim.

APPIVS PVLCHER, nobilis Romanus, *Ciceroni* æqualis & valde familiaris, uti liquet ex hujus epistol. famil. Libro tertio, qui totus est ad *Appium Pulchrum*, Libros de *Augurali disciplina* scripsit, quorum primum citat *Festus* in *Sollistimum*: *SOLLISTIMUM* *Appius Pulcher* in *Auguralis disciplina* libro primo ait esse tripudium, quod avi
exci-

excidit ex eo quod illa fert. Conf. illud *Ciceronis* Lib. 3. ep. famil. 9. ad Appium p. m. 692. *Cum ipsam cognitionem juris augurii consequi cupio, tum me bercule tuis incredibiliter studiis erga me muneribusque delector*; adde Epist. 4. & II. Conf. porro infr. P. III. in *Augurales Libri*. Præceptorem habuit *Attejum Philologum* teste *Svetonio* de *Illustr. Gramm.* cap. 10. Patrem *Appium Caco*, auctore eodem in vita *Tiberii* cap. 3. *Ex hac stirpe Tiberius Cæsar genus trahit, & quidem utrumque, paternum a Tiberio Nerone, maternum ab Appio Pulchro, qui ambo Appii Caci filii fuerunt.* De aliis *Appiis Pulchris*, *Viris Consularibus*, vide *Elie Reusneri Genealogicon Romanum* pag. 16 - - de *Coss. Romanorum familiis*. NB. Cum de *Appio Caco* meminimus, non prætermittendum putamus hujus fragmentum apud *Priscianum* Lib. 8. p. m. 286. *Amicum cum vides, obliviscere misérias, inimicus si es commentus, nec libens æquæ commentus caco πεπλασμένος.* Quod emendatius forte ita legeris: *Amicum cum vides, obliviscere misérias, (nisi malis injurias) inimicus si es commentus (i. e. non ex animo, simulans inimicitiam) nec libens Caco. Commentus Caco, (quæ interpretatio Prisciani est) πεπλασμένος.* Loqui autem videtur Auctor de se ipso.

A QVILA aliquis libertus Mecænatis, qui *Notas* Romanæ scripturæ auxit, ab *Isidoro* citatur Lib. I. Cap. 21. *Romæ primus Tullius Tiro Ciceronis libertus commentatus (lego commentus) est notas, sed tantum præpositionum.* Post eum *Tertius Persannius*,

Philargius & Aquila libertus Mecanatis alius alias addiderunt. Unde est, quod Dio Lib. 55. *Mecanatem γραμματα πρὸς τάχος* primum invenisse refert. Conf. *Fabricii* mei Bibl. Lat. p. m. 363. Alius est *Julius Aquila*, *Hetruscæ* disciplinæ Scriptor, de quo infra; alius porro *Aquila* philosophus & reliqui apud *Suidam* pag. m. 48.

ARELLIVS FVSCVS, præceptor *Fabiani* philosophi (de quo infr.) Varias *Orationes*, *Declamationes* & *controversias* scripsit, laudatus sæpiissime a *Seneca* Rhetore in *Suaforiis*, in *Controversiis* præcipue Lib. II. Cap. 8, 9, 10, 11, 14. & Lib. III. C. 16, 17, 18. seqv. Alius est, credo, *Arellius Fuscus*, eques Romanus, de quo *Plinius* Lib. XXXIII. *Histor. Nat.* cap. 12. *Vidimus & ipsi Arellium Fuscum motum equestri ordine ob insignem calumniam, cum celebritate affectarentur adolescentium scholæ, ex argento annulos habentem.* *Horatius* 2. *Serm.* 6. v. 78, *Arellium* aliquem avarum perstringit.

nam si quis laudat Arelli

sollicitas ignarus opes, sic incipit: - - -
quem *Fuscum* nostrum intelligit *Torrentius* in *Notis*, ego vero *Arellium* illum, de quo *Plinius* Lib 35. Cap. 10. *Fuit & Arellius Romæ celeber, paulo ante Divum Augustum, nisi flagitio insigni corrupisset artem (pictoriam) semper alicujus scemina amore flagrans, & ob id Deas pingens, sed dilectarum imagine.* Taceo *Arellium Fuscum*, de quo *Trebellius Pollio* in *Triginta Tyrannis* Cap. XX. meminit & *Vopiscus* in *Aureliano* c. 40.

Nam

Nam hunc νεκτερικώτερον esse nemo non facile ex historia temporum animadvertit.

ARRIVS ANTONINVS, avus maternus Antonini Pii, Consul, Proconsul Asiæ, suavissimus Poëta fuit temporibus Trajani, ad quem *Plinius* Lib. IV. epist. 3. *Loquenti tibi illa Homericæ senis mella profluere, & quæ scribis, complere apes floribus & nectare videntur. Ita certe sum adfectus ipse, quum Græca epigrammata tua, quum jambos proxime legerem - - . Callimachum me vel Herodem, vel si quid his melius tenere credebam - - . Hominemne Romanum tam Græce loqui? non, medius fidius, ipsas Athenas tam Atticas dixerim.* Item epist. 18. *Quemadmodum magis approbare tibi possum, quantopere mirer epigrammata tua Græca, quam quod quadam æmulari Latine & exprimere tentavi? - .* Conf. Lib. V. epist. 10. item Lib. IV. ep. 27. in qua auctor gravissimum senem nostrum vocat, nec non ex recentioribus Scriptoribus *Casaubonum* in *Capitolini Pium* cap. I. & *Reinesii Varias Lectiones* pag. 277.

ARTORIVS, Grammaticus doctissimus, antiquorum verborum significationes reliquit apud *Festum*, in PROCESTRIA: *Artorius procestria dixit, quæ sunt ante castra; INTENTIPELLUM: Tentipellium Artorius putat esse calceamentum ferratum quo pelles extenduntur.* Item TOPPER: *Topper significare ait Artorius cito, fortasse, celeriter.* Idem, credo, est *Artorius* noster, quem *C. Artorium Proculum* vocat *Quintilianus* Lib.

IX. Cap. 1. alius vero *Artorius*, Medicus Augusti, cujus celebre est somnium apud *Valerium Maximum* I. 7. 1. & 2. *Lactantium* II. 7. 22. *Apianum* Civil. 4. *Sveton.* Cap. 91. *Vellejum*, *Florum*, *Dionem*, alios.

ASELLIVS SABINUS, sub Augusto & Tiberio vixit, a quo (Tiberio) HS. ducenta accepit pro dialogo, in quo boleti & ficedula & Ostrea & turdi certamen induxerat, quæ verba sunt *Svetonii* in vita *Tiberii* Cap. 42. Hunc *Afellium* esse puto, de quo meminit Augustus in epistola ante paucos, quam obiret, menses ad Agrippinam neptem ita scripta: *Puerum Cajum XV. Kalend. Junii, si Di volent, ut ducerent Talarium & Afellium, heri cum his constitui* - - v. *Sveton.* in *Caligula* cap. 8. ex quo loco Grammaticum *Afellium* nostrum fuisse iudico, quippe quorum munus erat comites principum & nobilium in itinere esse. Confer insuper *Senecam* Epist. 40.

C. ASINIUS GALLUS, filius Asinii Pollionis, qui consulari functus dignitate A. U. C. 746. (vide *Svetonium* in vita *Horatii*, & *Plinium* Lib. 33. *Histor. Nat.* Cap. 10.) ad res novas conspiravit cum *Statilio Corvino*, (uti auctor est *Tranquillus* in vita *Claudii* cap. 13) postea adulterii cum *Agrippina* incusatus, egestate cibi periiit (teste *Tacito* *Annal.* VI. 23. 1. & 25. 2. teste *Seneca* Epist. 55. *Plinio* H. N. Lib. XIII. Cap. 15. & *Tertulliano* de *Pallio* pag. m. 138) LIBROS scripsit de *Comparatione Patris & Ciceronis*, uti auctor est *Plinius* Junior VII. 4, 4. (conf. *Gellium* Lib.

Lib. XVII. cap. I. & *Quintilianum* Lib. XII. Cap. I.) quos confutatos video a *Claudio Cæsare*, apud *Svetonium* in vita hujus cap. 41. *Ciceronis defensionem, adversus Asinii Galli libros, satis eruditam composuit.* Superest & hujus Epigramma in M. Pomponium Marcellum apud *Svetonium* de Ill. Gram. cap. 22.

*Qui Caput ad levam didicit, glossmata vobis
Præcipit: os nullum, vel potius pugilis!*

Refertur & Fragmentum aliquod *Asinii* a *Prisciano* Lib. VIII. pag. m. 287. *Cujus experta (πᾶσιν) virtus bello Germaniæ traducta ad custodiam Illyrici est;* (Virtutem intelligo *Tiberii*, qui totum Illyricum perdomuit & in ditionem redegit. v. *Sveton.* cap. 16.) sed hoc *Pollionis* esse nullus dubito, cum quod hic ἀπλῶς sæpe *Asinius* vocatur, tum quod diserte apud eundem ib. (pag. nimirum 286.) una cum cognomento *Pollionis* & hoc fragmento allegatur: *sed cum ob ea, quæ speraveram dolebam, consolabar (passive) ob ea, quæ timui.* Taceo de *Ælio* & *Cornelio Gallo*, quos cum *Asinio* nostro *Gallo* confundunt *Donatus* in vita *Virgilii*, & *Servius* *Eclog.* 10. erroris proinde admoniti a *J. Bertrando* & *Mollero* *Homonymoscop.* Cap. IV. pag. 372.

ASMONIVS, obscuri nominis & sequioris ætatis Grammaticus fuit, ex quo sequentia profert *Priscianus* Lib. de Metris Comicis pag. m. 883. *Comici poëtae laxius etiam in versibus suis quam tragici spatium dederunt, & illa quoque loca, quæ proprie debebantur jambo, dactylicis oc-*

cupant pedibus, dum quotidianum sermonem imitari volunt, & a versificationis observatione spectatorem ad actum rei convertere, ut non fictis sed veris affectionibus inesse videantur. Vixit ASMONIUS noster tempore Constantini, ad quem *de Arte Grammatica* scripsit, teste cit. Auctore Lib. X. pag. m. 395. *Vetustissimi etiam sciscidi (ascindo) proferebant, quod solum quoque in usu esse putat Asmonius in arte, quam ad Constantinum Imperatorem scribit, sed errat, nam &c.*

ATTICVS (JVLIVS) v. *Julius Atticus.*

ATTICVS TIRO, Delphidius, Rhetor & poëta carminum laude clarus fuit, ad quem *Ausonius* in *Commemoratione Professorum Burdigal.* VI.

Facunde docte lingua & ingenio celer,

Jocis amæne Delphidi,

Tu pene ab ipsis orsus incunabulis

Dei poëta nobilis

Sertum corona præferens Olympiæ,

Puer celebrasti Jovem.

Mox inde cursim more torrentis freti

Epos ligasti metricum &c.

Conf. seqv. & *Scaligerum*, qui in *Lectonibus Ausonianis* Lib. I. Cap. X. p. m. 29. hunc versum

Puer celebrasti Jovem

ita exponit, ut sensus sit: *Vix dum pubes Capitolinam quercum meruisti, hoc est, poëta coronatus fuisti: quem rectius forte in hanc sententiam interpretatus fuisset: Puer laudes Jovis cecinisti.*

conf.

conf. *Ovid. Trist. Lib. II. v. 73.* & mox præced. ibidem. Vixit *Atticus* noster temporibus *Juliani*, quod ex historia liquet, quam narrat *Animianus Lib. XVIII. (sub init.) pag. m. 446.* *Narbonensis paulo ante rectorem, accusatum ut furem, inusitato censorio rigore pro tribunali palam admissis volentibus audiebat: qui quum inficiatione defenderet objecta, nec posset in quoquam confutari, Delphidius Orator accerrimus vehementer eum impugnans, documentorum inopia percitus exclamavit: Ecquis, florentissime Cæsar, nocens esse poterit usquam, si negare suffecerit? Circa quem Julianus prudenter motus ex tempore, Ecquis, ait, innocens esse poterit, si accusasse sufficiet? Abundantiam Delphidio nostro tribuit Sidonius Lib. V. Epist. X. Conf. ibidem Notas Jo. Savari p. m. 346.*

ATTILIVS SERRANVS, v. *Serranus.*

AVFVSTIVS, Vetus Scriptor, Fragmenta duo reliquit, quorum alterum custodivit *Festus* in GENIUS: *Genius est Deorum filius & parens hominum, ex quo homines gignuntur, & propterea genius meus nominatur;* (confer notas *Lindenbrogii* ad *Censorinum* pag. 18. - 21.) alterum *Priscianus* Lib. VIII. pag. m. 286. *Omnia argumentata (passive) nomina; ex quibus Grammaticus fuisse videtur.*

AVLVSCÆCINA vel CECINNA, Client Serviliorum, equestris ordinis Vir, Ciceroni per familiaris (Vide Lib. VI. ad Familiares, Epist. 5. 6. 7, quæ Cæcinnæ est ad Ciceronem, 8. & Lib.

XIII. ep. 66.) Pompejanarum partium homo, adversus Cæsarem scripsit, qui (verbis utor *Svetonii* in vita Cæsaris cap. 75.) *Auli Cæcinæ criminosisimo libro & Pitholai carminibus maledicentissimis laceratam existimationem suam civili animo tulit.* Eloquentiam nostro tribuit *Seneca* Quæst. Nat. Lib. II. Cap 56. *Hoc apud Cæcinnam invenio, facundum virum, qui habuisset aliquod in eloquentia nomen, nisi illum Ciceronis umbra pressisset, pro quo præcessisset* (forte non male) legit *Jac. Nicolaus Loensis* Miscellan. Epiphil. Lib. IX. Cap. XXI. p. m. 674. Confer *Quintilianum* Lib. IX. Cap. 3. p. m. 531. Scripsit porro *Hetrusca*, uti conjicio ex verbis laudati *Senecæ* lib. cit. cap. 39. princ. *Genera fulminum tria esse ait Cæcinnæ, Consiliarium, Autoritatis & quod status dicitur.* Et cap. 49. *Nunc nomina fulminum, quæ a Cæcinnæ ponuntur, perstringam &c.* Nimirum *Hetruscæ* disciplinam edoctus erat a Patre *Cæcina*, teste *Cicrone*: *Si te ratio quadam Hetruscæ disciplinæ, quam a patre nobilissimo atque optimo Viro acceperas, non fefellit, nec nos quidem nostra divinatio fallit.* Cave vero *Aulum* hunc *Cæcinam* confundas cum isto *Suetonii* in *Vespasiano* filio cap. 6. *In his A. Cæcinam, consularem Virum, vocavit ad cænam, ac vixdum triclinio egressum confodi jussit; vel cum A. Cæcina Taciti, de quo hic sæpiuscule meminit, & Vellejus Paterculus* II. 112. 4. Denique notandus hic videtur *Albertus Magnus*, qui in libro de animi immortalitate, *Cæcinam* Epicureis adscribit,

con-

confutatus proinde a *Gaffendo* Lib. 2. de Vita Epicuri Cap. 6. pag. 51.

AVRELIVS OPILIVS, Epicurei cujusdam libertus (unde & in Catalogum Epicureorum refertur a *Fabricio* Bibl. Gr. Lib. III. cap. 33. pag. 813) philosophiam primo, deinde Rhetoricam, novissime Grammaticam docuit. Dimissa autem schola Rutilium Rufum damnatum in Asiam secutus, ibidem Smyrnæ consenuit, composuitque variae eruditionis aliquot volumina, ex quibus novem unius Corporis. De Libello, qui inscribitur PINAX, vide *Svetonium* de Illustr. Gramin. cap. 6 cui & præcedentem historię Opilii nostri partem debemus. Cæterum de hoc Grammatico etiam *Varro* meminit Lib. VI. de L. Lat. pag. m. 74. *Vesperugo, stella, quæ vespere oritur, a quo Opilius etiam scribit Vesperum;* item p. 76. *Cerastibola, Opilius scribit, circum coxendices sunt nobis;* nec non in eo ibid. *Præfica, ut Aurelius scribit, mulier a luctu, quæ conduce-retur, quæ ante domum mortui laudes ejus caneret:* & pag. 78. *Conticinium puto a conticescendo dictum, sive (ut Opilius scribit) ab eo, quod conticuerunt homines;* ut alia loca mittam. Scripsit Noster *Libros Musarum* (Conf. *Sveton.* l. cit. & *Vossium* de Histor. Græcis Lib. I. Cap. 3. p. 13.) quorum ex primo sequentia tradit *Gellius* Lib. I. Cap. 25. INDUCIÆ dicuntur, quum hostes inter sese utrinque alter ad alterum impune & sine pugna ineunt: inde ab eo nomen esse factum videtur, quasi initus atque introitus. Conf. Lib. III,

III. cap. 3. sub initium, de *Indicibus Aurelii* & aliorum, atque Notas ibid. Reliquit præterea librum de *Silvestribus arboribus*, quem indicat *Macrobius* Saturnal. Lib. II. Cap. 14. & 15. ubi *Oppius* legitur sed male, monente *Meursio* in Notis, cui suffragatur *Vossius* de Hist. Lat. Lib. I. Cap. 13. pag. 68. imo repugnante prorsus *Festo* in FOMITES, qui ex eodem libro de *Silv. Arb.* nonnulla profert, & nomen OPILII incorruptum retinet, quem confer in NECESSARIUM, NUSCITIOSUS, SEDUM, SPIRILLUM, TAMNE, THOMICES, VALGI, VETERINA, BESTIA. Adde & Fragmentum, quod ex *Aurelio* hujusmodi refert *Priscianus* Lib VIII. pag. m. 285. Ab his Gallos adortos, (παθητικὸς) ex insidiis plurimos necatos.

B.

BÆBIUS MACER, Consul designatus sub Trajano (vid. *Plin. Jun.* IV. 9. 16. conf. ib. 12. 4.) Præfectus urbis sub Hadriano (v. *Spartianum* in vita hujus cap. 5.) *Festalia Sacrorum* scripsit, quæ a *Fulgentio* citantur num. 6. expof. serm. Ant. *Bebius Macer*, qui *festalia sacrorum* scripsit, ait *Junoni* eas, quæ geminos parerent, oves sacrificare cum duobus agnis altrinsecus religatis, quas oves ambegnas (ita legendum, conf. *Varro* de L. Lat. Lib. VI. c. 3. p. m. 50. & *Festus* in *Ambegni*, editio vero *Hervagiana* male *ambiguas* præfert.) vocari, quasi ex utraque parte agnos habentes; adde ex Notis *Servii* ad *Virgil.* (Eclog. IX.

v. 47.) pag. m. 53. *Sane astrum Græce dixit (Virgilius:) nam stellam debuit dicere. Bæbius Macer circa horam octavam stellam amplissimam quasi lemniscatis coronam ortam dicit, quam quidam ad inlustrandam gloriam Cæsaris juvenis pertinere existimabant. Ipse animam patris sui esse voluit -- item (ad Libr. V. Æneid. v. 556) p. m. 399. Bæbius Macer dicit a Cæsare Augusto pueris, qui luserunt Trojam, donatas esse galeas & bina hastilia - - . Alius est Bæbius Macer Præfectus prætorii, de quo meminit Vopiscus in Aureliano Cap. 13. alius Bæbius Macrinus, de quo vide Partem II.*

BALBUS (CORNELIVS) amicus Julii Cæsaris, historiam scripsit sive ephemeridem, de qua *Vossius* Lib. I. de Hist. Lat. Cap. 13. pag. 66. Neque vero historiam solum sed & *Libros ἑξηγητικῶν* reliquit, quorum octavum decimum citat *Macrobius* Saturn. Lib. 3. Cap. 6. p. m. 398. *Cornelius Balbus ἑξηγητικῶν libro octavo decimo ait apud aram maximam observatum, ne Lectisternium fiat; adde ex Notis Servii ad Virgil. (Libr. IV. Æneid. v. 127.) pag. 330. Cornelius Balbus Hymenæum ait Magnetis filium, musicæ artis peritum, pulchritudine muliebri, dum nuptias Liberi patris & Alteæ religiosis cantibus celebrat, exspirasse, propter quod vitalis honor nuptiis attributus est, ut celebratio nominis ejus nuptiarum jungendarum perpetuum numen esset. Conf. Fragmentum (ad v. 10. Eclog. IX) ex Oratione Cornelii in Alfenum. De Consulatu Balbi nostri ejusque*

jusque rebus gestis videri possunt *Svetonius* in Augusto Cap. 29. *Plinius* Lib. 5. H. N. cap. 5. & Lib. 7. cap. 43. nec non Lib. 36. cap. 7. *Vellejus Paterculus* II. 51. 3. *Gellius* Lib. XVII. Cap. 9. &c. Alius non est *Cornelius Balbus Theophanes* apud *Casarem* Lib. 3. de B. Civ. cap. 18. *Valerium Maximum* L. 8. c. 14. *Julium Capitolinum* in vita *Balbini* Cap. 7. *Plutarchum*, *Strabonem* &c. quod putat *Vossius* Lib. I. de Hist. Gr. Cap. 23. p. 147. seqv. Alius vero est *Cornelius Balbus*, ad quem *Marci Antonini* epistola exstat apud *Spartianum* in *Pescennio Nigro* Cap. 4. princ. Denique mirari subit memoriam horum *Corneliorum* prætermissam esse a *Petro Nannio Alemariano*, qui ad *Cornelium Musinum Delphinum* singularem de claris *Corneliis* Librum scripsit, teste *Fabricio* Bibl. Lat. Lib. I. Cap. 7. p. m. 75. De *Q. Lucilio Balbo* vide Partem II.

LVCILIVS BASSVS, *Ciceroni* commemoratur Lib. XII. ad *Atticum* Epist. 5. *Cato me quidem delectat, sed etiam Bassum Lucilium sua*; id est, Catone meo delector, sed fortasse sine causa, quando etiam Bassum Lucilium malum scriptorem, sua delectant, uti exponit *Paulus Manutius* pag. m. 278. edit. Venet. 1592. in fol. Alius est *Lucilius Bassus* sub *Vespasiano*, de quo v. *Tacitus* Hist. II. 100, 5. III. 12, 2. & 36, 2. item 40, 1. nec non IV. 3, 1.

BLANDVS. v. *Rubellius Blandus*.

BVTHVS five **BYTHVS** *Dyrrachinus*, incertæ ætatis scriptor a *Plinio* Lib. I. in Indice Lib.

Lib. 34. in Latinis auctoribus recensetur, quorum ex scriptis se profecisse fatetur. Adde ex Lib. XXVIII. Cap. 7. *Bythus Dyrrhachinus hebetata aspectu speculâ recipere nitorem tradit iisdem averfa rursus contuentibus, omnemque vim talem resolvi, si nullum piscem secum habeant, quemadmodum legit Sigismundus Gelenius in Castigationibus suis Plinianis pag. m. 488. Peregrinum nomen esse Buti nostri, nemo temere dubitaverit, qui legit Zenobium pag. 44. nec non Hesychium & Svidam in Βῆρος περιΦερα, p. m. 186. Dyrrachinum eum dictum esse a Dyrrachio, civitate Macedoniæ, (vide Lexicon Geographicum Caroli Stephani edit. noviss. Londin. 1686. in Dyrrachium) quilibet facile animadvertit. Qui quidem Græce an Latine scripserit auctor, haud satis constat, sed Latinis scriptoribus ideo a Plinio, credo, adnumeratur, quod vel Romæ scripserit, vel de rebus Romanorum.*

C.

CÆCILIVS aliquis, qui *Medicus* vocatur, a Plinio Lib. I. inter eos recensetur, ex quorum scriptis nonnulla transtulit in Histor. Nat. Librum XXIX. Qui quidem quo tempore aut quid scripserit, haud temere dixerim, cum fortuna nihil præter nomen superesse voluerit. Certe inter *Cecilios* veteres, quorum certa aliqua memoria exstat, *Medicum* neminem invenio. Dictus est autem, nisi fallor, *Medicus*, quod de re Medica scripsit, unde forte nomen traxerunt *Cerasa Caci-*

Caciliana & Lactuca Caciliana apud eundem *Plinium* Lib. XV. cap. 25. & Lib. XIX. Cap. 8. Detur venia conjecturæ.

A. CÆCINA. vid *Aulus* - - .

C. JULIVS CÆSAR STRABO, Poëta & Orator eloquentissimus, cujus dicendi genus *Julius Cæsar* adolescens secutus videtur *Svetonio* in vita hujus Cap. 55. Orationem scripsit pro SARDIS, ex qua ad verbum nonnulla in DIVINATIONEM suam transtulit *Julius Cæsar*, auctore *Tranquillo* ibidem. Fertur & hujus Oratio contra SULPITIUM Tribunum plebis cujus Fragmentum aliquod custodivit *Priscianus* Lib. V. p. m. 140. & Lib. VI. p. 200. Deinde propinquos nostros *Messalas* domo deflagrata penore volebamus privare. Scripsit porro *Tragædias* teste *Cicerone* in *Bruto*: C. Cæsar L. F. & superioribus & aequalibus omnibus præstitit, oratorque fuit minime ille quidem vehemens, sed nemo unquam urbanitate, nemo lepore, nemo suavitate conditior. Sunt ejus aliquot orationes, in quibus sicut ex ejusdem *Tragædiis* lenitas ejus sine nervis perspicitur potest. Adde ex *Asconio Pediano* in *Orat. Cic. pro M. Scauro* pag. m. 175. *Julius Cæsar* inter primos temporis sui oratores & tragicus poëta admodum habitus est. Hujus sunt enim *tragædiae*, quæ inscribuntur *Julii*.

Harum, nisi fallor, una est *Adrastus*, cujus meminit *Festus* p. m. 383. PROPHETAS in *Adrasto* *Julius* nominat antistites sanorum oraculorumque interpretes. Cum Capita viridi lauro velare imperant

perant prophetæ sancta ita caste qui putant sacra.
 Quos versus ita restituit *Jos. Scaliger* ad Festum:

Cum capita viridi lauro velare imperant.

Prophetæ, sancta caste qui purant loca.

Vide *Ideam* nostram *Historiæ Litter. Rom.* pag. 238. & Not. ibidem. Taceo *Vell. Paterc.* II. 9, 2. & locum *Valerii Maximi* III. 7, 11. de *Cesare* nostro, cui in collegium poetarum venienti *Accius* nunquam assurrexit, non majestatis immemor, sed quod in comparatione communium studiorum aliquanto superiorem se esse consideret. Conf. *Mollerii* Homonymoscop. cap. IV. §. 30. pag. 379. seqv. Addo denique hunc *Strabonem* illis, quos recenset *Celeb. Jo. Alb. Fabricius* Bibl. Græc. Lib. IV. cap. I. pag. 8. ut & *Cecilium Strabonem* apud *Plinium* Lib. IV. Epist. 12. n. 4.

L. CÆSAR. vid. infr. *Lucius Cæsar*.

CÆSELLIVS VINDEX Grammaticus, *Commentarios Antiquarum Lectionum* reliquerat, quorum unum alterumve fragmentum custodivit *Gellius*, ut Lib. II. cap. 16. *Postuma proles non eum significat, qui patre mortuo, sed qui postremo loco natus est, sicuti Silvius, qui Æneajam sene, tardo seroque partu est editus.* Lib. III. cap. 16. „Cæsellius Vindex in Lectionibus suis „Antiquis, *Tria*, inquit, nomina *Parcarum* sunt, „*Nona*, *Decuma Morta*; & versum hunc *Livii* „antiquissimi ponit ex Ὀδυσσεΐα:

„Quando dies adveniet, quem præfata *Morta* „est?

„Sed homo minime malus Cæsellius *Mortam*

C

„quasi

„quasi nomen accepit, quum accipere quasi Mœram deberet,, Lib. VII. cap. 2. *Turpe erratum offendimus in illis celebratissimis commentariis Lectionum antiquarum Cæsellii Vindicis* &c. Conf. Lib. IX. c. 14. Lib. XI. c. 15. Lib. XVIII. c. 11. Lib. XX. c. 2. Scripsit & Librum *Cæsellius* noster, quem *Stromateum* (forte a varietate argumentorum) inscripsit, ex quo *Priscianus* lib. VI. pag. 168. „Ostendit hoc etiam Cæsellius Vindex in *Stromateo* his verbis: *Calyponem ita declinatum esse apud antiquos*, porro pag. 180. *Jupiter Jupiteris & Jupitris, ut Cæsellio Vindici placet, debuit declinari.* pag. 181. *Mulciber mulciberis & mulcibris, ut Cæsellius in Stromateo docet.* Alius est *Cacilius Vindex*, quem cum nostro confundi sæpissime, ostendit V. Cl. *Joh. Mollerus* cap. IV. *Homonymosc.* p. 361. seqv. ex *Lipsii* libr. 2. Var. Lect. c. 18.

M. CALIDIUS, Quinti filius (vide *Asconium* in *Proem. Actionis in Verrem* pag. 59) *Apolodori* (*Pergameni*, de quo *Quintilian.* lib. 3. cap. I. &c.) discipulus, ex ordine equestri Cæsarianas partes sequutus, (teste *Eusebio*) Orator insignis & subtilissimus, de quo *Cicero* in *Libro de Claris Orat.* c. 79. p. m. 276. *De M. Calidio dicamus aliquid, qui non fuit orator unus e multis, potius inter multos prope singularis fuit, ita reconditas exquisitasque sententias mollis & pellucens oratio vestiebat - -* ORATIONEM scripsit pro *domo Ciceronis*, teste *Quintiliano* Lib. X. cap. I. pag. m. 568.

568. qui lib. XII. cap. 10. *subtilitatem Callidii* prædicat. Adde Fragmentum ex *Festo*: *SUFES Consul lingua Pænorum : Calidius : Senatus, inquit, censuit referentibus Sufetis.* Plura de *Calidio* nostro vide apud *Ciceronem* lib. cit. p. m. 277. *Valerium Max.* VIII. 10, 3. & *Quintilianum* lib. XI. cap. 3. p. m. 666. & 672. nec non *Vellejum Paterc.* II. 36, 2.

CALPHVS aliquis, poëta, a *Prisciano* citatur lib. V. pag. m. 139., *Calphus in Epithalamio: Hesperium ante jubar quatiens --*

Legerit fortasse aliquis *Calvus*; non repugno.

CALPVRNIVS BASSVS (minime *Calphurnius*, quod plerique malunt; vide *Festum* in *Calpurnii*) a *Plinio* lib. I. Hist. Nat. in iis auctoribus laudatur, quorum opera & scriptis se adjutum fatetur in Indice Libri XVI. item XVII, XIX, XXI. cetera nobis ignotissimus.

CALPVRNIVS PISO, poëta eruditus & disertus temporibus Trajani, a *Plinio* commendatur Lib. V. Epist. 17. *Nuntio tibi, fuisse me hodie in auditorio Calpurnii Pisonis. Recitabat ἑρωςποικίλῃον, (opus de ludo amoris) cruditam sane luculentamque materiam. Scripta elegis erat fluentibus, & teneris & enodibus, sublimibus etiam verbis, ut poposcit locus.* Conf. seqv. Hujus forte fabula *Phronesis* est, cujus fragmentum reliquit *Fulgentius* de *Prisco* Sermonem, num. 27.

Ubi tu nasternatus aquam petas.

Conf. *Lexicon Cellarii*, quod pro *Fulgentio* perperam allegat *Nonium*. Alius est & multo anti-

quior *Calpurnius Piso*, Consul cum M. Glabrio
A. IocLXXXVII. cujus memoriam ex *Cicerone* bre-
viter attingit *Vossius* de Hist. Lat. Lib. I. cap. 6.
pag. 26. Conf. *Valer. Max.* II. 7. 9. & IV. 3. 10.

CALVINVS. vid. *Domitius Calvinus*.

CAMPESTER aliquis (poëta, nisi fallor)
a *Fulgentio* citatur de Allegoria Librorum Virg.
lii pag. m. 2. *Non illa in tuis operibus querimus,*
in quibus aut Pythagoras modulos, aut Heracli-
tus ignes, aut Plato ideas, - - aut ἐντελεχείας Ari-
stoteles inverfat: nec illa, quæ aut Dardanus
in Dinameris - - aut Campester in Catabolicis in-
*fernalibusque cecinerunt.** Citatur & a *Servio* ad
illud *Virgilii* lib. X. *Æneid.* v. 272 -

Non secus ac liquida si quando nocte Cometae
Sanguinei lugubre rubent - -

Unde de *Cometis* scripsisse non nemini creditur.

CANNIVS aliquis a Festo citatur una cum
hoc Fragmento in VETERATORES: *Mulier non*
astuta facile Veterator persuasit. Pro *Cannius*
nonnulli legunt *Gannius* (quod inauditum nomen
est in Historia Romana, *) alii *Sannius* (quod
in eandem reprehensionem incurrit) alii *Granius*
(forte *Flaccus Licinianus*, de quo suo loco) alii
denique vel *Canis* (quod mendo nequaquam va-
cat, nisi *Canium* forte intellexeris, equitem Ro-
manum, de quo *Cicero* lib. III. de Officiis pag.
m. 141. C. *Canis* eques Romanus homo nec infac-
etus, & satis litteratus - .) vel T. *Annius*, sive
C. An-

*Præterquam apud *Priscianum* Lib. VI, pag. m. 186
qui tres versus ex Poëta *Gannio* affert.

C. *Annius*, quod mihi probatur, ita ut C. *Annium* intelligas, ex quo *Varro* de L. Lat. lib. V. cap. 8. pag. m. 43. sequentia profert: *sensumque inesse & motum in membris cerno.*

CANVT IVS aliquis a *Prisciano* lib. VIII. pag. m. 285. cum hoc fragmento allegatur: *Turpe est propter venustatem vestimentorum admirari* (passive, *θαυμάζεσθαι*) *& propter turpissime vitam actam contemni.* Oratorem ego puto, qui *Ciceroni* in *Bruto* *Publius Canutius* (sive *Cannutius*, ut alii legunt. Vide *Budæi* Annotat. in *Pandectas* pag. m. 125. edit. Gryph. Lugd. 1551) vocatur, Auctori *Dialogi de Orat.* cap. 21. simpliciter *Canutius*, nisi malis forte *Cajum Canutium*, de quo *Svetonius* Cap. 4. de *Clar. Rhet. Epidius* docuit inter ceteros *Marcum Antonium & Augustum.* Quibus quondam *Cajus Canutius*, objicientibus sibi, quod in *Repubblica administranda potissimum consularis Isaurici sectam sequeretur*, *Malle*, respondit, *Isaurici esse discipulum, quam Epidii calumniatoris.* Conf. *Vell. Patercul.* II. 64, 4.

CASSIVS SEVERVS LONGVLANVS. vid. infr. *Longulanus.*

CASTRICIVS FIRMVS (ita conjunctim legendum omnino esse contra *Harduinum* & alios arbitror) a *Plinio* lib. I. in iis laudatur, quorum opera se librum XIX. *Histor. Nat.* composuisse fatetur. Scripsit is ipse *Cepurica*, (sive de *Oleribus*) teste eodem auctore ibidem, at quo tempore, incertum, nisi divinare liceat, eum esse, de quo *Svetonius* in vita *Augusti* cap. 56. *Unum o-*

minino e reorum numero, ac ne cum quidem nisi precibus eripuit (Augustus) exorato coram iudicibus accusatore, Castricius, per quem de conjuratione Murenæ cognoverat. Alius est Castricius Firmus apud Porphyrium in vita Plotini cap. VII. Καστρίκιος ὁ Φίρμος καλέμενος, ἀνδρῶν τῶν κατ' ἡμᾶς φιλοκαλῶτατος γεγονώς, καὶ τὸν τε Πλωτῖνον σεβόμενος καὶ Ἀμελίου οἷα οἰκέτης ἀγαθὸς ἐν πᾶσιν ὑπηρετόμενος καὶ Πορφυρίου ἐμοῖ, οἷα γνησίῳ ἀδελφῷ ἐν πᾶσι προσεσχικῶς, id est, interprete Marsilio Ficino: Castricius cognominatus Firmus, Vir profecto omnium ætatis nostræ bonarum artium studiosissimus, observatorque Plotini, & Amelii servilii etiam obsequio cultor, mibique Porphyrio cunctis in rebus non aliter quam legitimo fratri deditus. Conf. Cap. II. & Job. Alb. Fabricii Biblioth. Græc. Lib. IV. cap. XXVI. pag. 94, 95, 105. Vixit sub Valeriano, Galliano & postea. Conf. Ammian. Marcellin. lib. XIV. pag. m. 412. De Tito Castricio quem cum nostro Simlerus & alii confundunt, vide Partem II.

M. CATIVS, Insuber de grege Epicuri, Philosophica scripsit, teste Quintiliano lib. X. cap. I. *Supersunt, qui de philosophia scripserunt -- In Epicureis levis quidem sed non injucundus tamen auctor est Catius.* Cujus sub persona Horatius Epicureorum præcepta ad artem culinariam spectantia false irridet Lib. II. Sat. IV. quæ ita incipit:

Unde & quo Catius?

Conf. Cicer. Epist. ad Famil. XV. 16, & 19. & Notas Aldi Manutii ibidem pag. m. 587. 589. seqv.

M. CA.

M. CATO M. *Filius M. Nepos, vehemens Orator fuit, multasque orationes ad exemplum avi scriptas reliquit - &c.* Verba sunt Gellii lib. XIII. cap. 19. (in vulgatis editionibus, 18.) ubi plura satis memorabilia de hoc Catone memoriae produntur.

CATVLINVS, Grammaticus five Rhetor antiquus, a *Servio* laudatur ad illud *Virgilii* lib. X. *Æneid.* v. 18.

O pater o hominum -

Verba *Servii* sunt pag. m. 594. *Et Titianus* (de quo v. infr.) *& Catulinus, qui themata omnia de Virgilio elicuerunt & conformarunt ad dicendi usum - - Alii Calvus legunt; qua auctoritate, nescio.*

A. CECINNA v. *Aulus.*

CESENNIVS, qui *Cepurica* scripsit, a *Plinio* laudatur lib. 1. *Hist. Nat.* in iis, quos auctores habuit libri XIX. Nomen de reliquo obscurum.

CIMBER ANNIVS. v. *Annius Cimper.*

CIRINIVS, insignis poëta sub *Domitiano*, *Epigrammata* scripsit, ad quem *Martialis* lib. VIII. *Epigr.* XVIII.

*Sic tua, Cirini, promas Epigrammata vulgo,
Ut tecum possis vel prior ipse legi.*

Conf. sequentia.

CLANARIVS aliquis a *Servio* laudatur ad illud *Virgilii* lib. XI. *Æneid.* v. 316.

*Est antiquus ager, Tusco mihi proximus
amni;*

Grammaticus, nisi fallor, qui Virgilium illustravit, uti conjicio ex verbis laudati Servii pag. 659. *Hoc loco Donatus erravit dicens agrum, quem Latinus donare se disponit, esse in Campania juxta Usentem fluvium (quod etiam Clanarius ait) cujus terras vicinas Tusci aliquando tenuerunt - -* nisi forte pro *Clanarius* legere malueris *Claranus* (de quo Grammatico vide infr. Partem II) quo modo legendum esse certissime mihi persuadeo.

CLAUDIVSSATVRNINVS Librum de Coronis ediderat, cujus meminit Tertullianus de Corona pag. m. 124. *Plura quærentibus omnia exhibebit præstantissimus in hac quoque materia commentator Claudius Saturninus. Nam est illius de Coronis liber, & origines & causas & species & solemnitates earum ita edifferens, ut nullam gratiam floris, nullam letitiam frondis, nullum cespitem aut palmitem non alicujus capiti invenias consecratum.* Alius est apud eundem Sentius Saturninus lib. IV. adv. Marcionem pag. 532. (Conf. Vell. Paterc. II. 2. 3) alius Saturninus, Menandri Simoniani discipulus, p. m. 249. & 325. item Vigellius Saturninus, qui odium in Christianos amissione oculorum luit, p. 680. ut alios bene multos Saturninos taceam, Aponium, Antonium, Apulejum, Lusum, Vitellium, Iunium, Pompejum &c. in historia Romana non incelebres. Conf. Sidon. Apoll. Carm. XXI. in Epistola ad Leontium pag. m. 167. & ex recentioribus Jo. Mollerus Cap. IV. Homonymoscop. §. 58. pag. 404.

CLE-

CLEMENS JVSTVS. vid. Partem II.

CLOATIVS VERVS, Vetus Grammaticus, libros scripsit *Verborum a Gracis tractorum*, in quibus non pauca dixit curiose & sagaciter conquisita, neque non tamen quadam futilia & frivola, iudice Gellio lib. XVI. cap. 12. Conf. seqv. ex Libro quarto ibidem. Adde ex Macrobio Lib. II. cap. 14. Saturnal. „Cloatius Verus in libro a Gracis tractorum ita memorat: Juglans, di prætermisum est, quasi dijuglans, id est, διὸς βόιλανος, & postea ibidem: „Nux Græca hæc est, quæ & amygdale dicitur. Sed & Thassa eadem nux vocatur; testis est Cloatius in Ordinatorum Græcorum (sive Originationum Græcarum, uti legendum videtur Scriverio) libro 4. cum sic ait: NUX GRÆCA AMYGDALÆ, porro ex Capite XV. ibidem. „Malorum genera Cloatius in Ordinatorum Græcorum libro quarto ita diligenter enumerat: Sunt autem genera malorum, Amerinum, Cotonium, Citreum - - Persicum - &c. Vides Persicum a Cloatio inter mala numeratum - . „Quod autem ait idem Cloatius, Citreum, & ipsum Persicum malum est secundum Virgilium &c. & paucis interjectis: Cloatius pirorum vocabula sic describit: Anicianum, Cucurbitivum, cirritum, cervisca - - &c., item capite XVI. „Admonent nos & fici arida, ut enumeremus genera ficorum, eodem Cloatio nos de his, ut de aliis, instruente: sic enim diversas ficos diligentia suæ more dinumerat: Africa, albula, harundinea, asinastra, atra - &c., nec non denique ex libr. III.

cap. VI. „*Constat, sicut Cloatius Verus Ordina-
torum libro secundo docet, esse Deli aram, apud
quam hostia non ceditur, sed tantum solenni de-
um prece venerantur. Verba Cloatii hæc sunt :
„Deli Ara est Apollinis Γενήτορος, in qua nullum
animal sacrificatur, quam Pythagoram velut in-
violatam adoravisse produnt.*” Scripsit & Clo-
atius noster *Libros Sacrorum*, ex quibus loca non-
nulla servavit Festus in *Molucrum, Obstitum, O-
scum, Piacularis & Subucula.*

CONSENTIVS, poëta Narbonensis, æqua-
lis Sidonio, quæ Carm. XXIII. venam Nostri ita
prædicat :

Misisti mihi multiplex poema,

Doctum, nobile, forte, delicatum &c

item lib. VIII. Epist. 4. *Citos jambos, elegos acu-
tos ac rotundos hendecasyllabos & cetera carmi-
na, muscos flores thimumque redolentia - - ambi-
gendum celerius an pulchrius elucubrasti, apud
aquevos gratiam tuam, famam apud posteros am-
pliaturus &c.* conf. lib. IX. epist. 15. Alius est
Consentius Grammaticus, cujus, *Ars de duabus ora-
tionis partibus, Nomine & Verbo* circumfertur.

CORNELIVS BALBUS. v. Balbus.

CORNELIVS FRONTO. v. Fronto.

CORNELIVS LABEO, pater forte Labeo-
nis Antistii, Jcti, qui temporibus Augusti floruit,
(de quo vide *Menagium* in Amœnit. J. Civ. c. 20.
Mollerum Homonymoscop. pag. 381. alios) *Hi-
storiam* (maxime *sacram*) scripsisse videtur ex
verbis *Macrobii* lib. I. Saturnal. cap. XII. *Affir-
mant*

mant quidam, quibus Cornelius Labeo consentit, hanc Majam, cui mense Majo res divina celebratur, terram esse - & sequ. ibid. Auctor est Cornelius Labeo, huic Maje adem Kalendis Majis dedicatam sub nomine Bonæ deæ - item cap. XVI. Cornelius Labeo primo fastorum libro mundinis ferias esse pronuntiat. Conf. libr. III. cap. X. ubi liber sexagesimus octavus citatur. Quo accedit Liber Labeonis nostri alius, cui titulus est (verba sunt Macrobiani lib. cit. cap. XVIII.) De oraculo Apollinis Clarii, in quo vim numinis nominisque interpretationem, qua Liber pater & Sol ἰάω significatur, executus traditur. Taceo librum nescio an libros de diis Penatibus apud eundem lib. III. cap. IV. Cornelius quoque Labeo de diis Penatibus eadem existimat; hanc opinionem sequitur Maro, cum dicit,

Sic fatus meritos aris mactabat honores:

Taurum Neptuno, taurum tibi pulcher Apollo.

CORNIFICIVS aliquis, Grammaticus, credo, a Festo citatur in NVPTIAS: Nuptias dictas esse ait Cornificius, quod nova petantur conjugia; item in Nave: Nave a nave ductum Cornificius ait, quod aqua feratur natans ut navis; sc. in Libris Etymorum, quos allegat Macrobius Saturnal. lib. I. cap. 9. Cornificius Etymorum libro tertio, CICERO, inquit, NON JANVM SED EANVM NOMINAT AB EVNDO. (Unde manifestum satis esse videtur, Cornificium nostrum post Ciceronis ætatem vixisse, adeoque alium esse L. Cornificium patrem, ad quem exstant Ciceronis Epistolæ lib. I. Fam.

I. Fam. Epp.) item cap. 17. *Cornificius arbitrat*ur Apollinem nominatum ἀπὸ τῆ ἀναπολεῖν - . & postea ibid. Φοῖβος appellatur, ut ait Cornificius ἀπὸ τῆ Φοῖβαν βία, quod vi fertur; item, hanc opinionem Cornificius in etymis retulit; nec non cap. 23. Jovis appellatione solem intelligi Cornificius scribit, cui unda Oceani velut daper ministrat. Scripsit & Libros de cœnis Deorum, quorum primum citat Priscianus lib. VI. pag. m. 198. cum hoc fragmento: *Ipsis vero ad Cereris memorie renovanda gratiam lectus* (pro lecti, conf. præced. ib.) *sternuntur.* Conf. insuper Festus in Minerva, Oscillum, & Rediculi & Talia; nec non Donatus in vita Virgilii, & Philargyrius ad Eclog. III. v. 105. item Servius, qui Cornificium nostrum Longum vocat in Notis ad libr. III. Æneid. v. 332. pag. m. 292. & lib. X. v. 245. pag. 608. Alius est, nisi fallor, L. Cornificius filius, quem de arte rhetorica scripsisse tradit Quintilianus lib. III, cap. 1. sub finem, (conf. lib. IX. cap. 2. p. m. 500. & cap. 3. pag. 533.) alius Cornificius poëta apud Ovidium Trist. lib. II. v. 436. & Macrobius lib. VI. Saturn. cap. 5. qui hoc ei fragmentum tribuit:

Centauros sedare bimembres

Caprigenumque pecus nullo custode per herbas.

CORVINVS aliquis a Festo laudatur in TABES, una cum hoc fragmento Orationis pro Liburnia: *Propter hanc tabem atque perniciem domus totius. M. Valerium Corvinum Messalam* intelligi suspicor; cujus vitam & scripta exposuit celeb.

celeb. *Vossius* de Hist. Lat. lib. I. cap. XVIII. pag. 89. Neque enim *Corvini* alii Oratores in Historia Romana mihi hactenus innotuerunt.

L. COTTA, laudatur Suetonio de Illust. Gramin. cap. I. *Nam quod nonnulli tradunt, duos libros DE LITTERIS SYLLABISQUE ITEM DE METRIS ab eodem Ennio editos, jure arguit Lucius Cotta, non poeta sed posterioris Ennii esse, cujus etiam de AVGVRANDI DISCIPLINA volumina feruntur.* (*Ennii* sc. illius, qui vulgares notas primus mille & centum invenit, de quo v. *Isidor.* lib. I. Orig. cap. 21.) Idemne sit *Lucius* noster *Cotta*, quem *Quindecimvirum* *Tranquillus* vocat in vita *Cæsaris* cap. 79. & cujus sententiam refert *Cicero* lib. II. de Divinatione, haud temere dixerim, sane haud multum dubito. Conf. *Jul. Cæsar* de B. Gallico lib. 2. cap. 3. lib. 4. cap. 5. lib. 5. cap. 4. item *Lucan.* lib. I. v. 428. de *L. Aurunculeio Cotta*, qui primus ex plebeja Aurunculorum gente ad Remp. accessit, prætorque Sardiniam rexit, postea cum quinque cohortibus in hibernis fraude *Ambiorigis* cæsus. Hic vero alius omnino esse videtur, & forte is, qui librum de Rep. Romana conscripsit, teste *Athenæo*. Conf. *Caroli Stephani* Lexicon Historico-Poëticum in *Cotta*, & *Mallincrotti* Paralipom. de Hist. Græcis p. m. 31. seqv. edit. Fabric.

COTTA MESSALINVS, Messalæ Oratoris filius, illustris sub Tiberio Scriptor (cujus meminit *Tacitus* Annal. II, 32, 2. IV. 20, 5. V. 3, 5. VI. 5, 1. XII. 22, 2.) a *Plinio* lib. I. H. N. in iis
lati-

laudatur, ex quorum scriptis nonnulla transtulit in librum suum XIV. & XV. Adde elogium *Cotta* nostri *Messalini* ex *Vellejo Paterculo* II. 112.

1. seqv. *Felix eventu, forte conatu, prima æstate belli, Messalini opus mandandum est memoria. Qui Vir animo etiam quam gente nobilior, dignissimusque qui & patrem Corvinum habuisset & cognomen suum Cotta fratri relinqueret - &c.*

L. CRASSITIVS. v. *Lucius.*

CRISPINVS aliquis a *Fulgentio* num. 28 de *Prisco Sermone* p. m. 564. cum hoc fragmento allegatur in verbo ANTISTARE: *Divinis virtutibus antistans Alcides.* Intellige Poëtam *Crispinum Lippum*, de quo *Acro* ad *Horatii* lib. I. Sat. I. v. 120. seqv. *Hic Crispinus Poeta fuit, qui sectam Stoicam versibus scripsit*; item ad Sat. 4. v. 14. *Hic similiter ut Lucilius multos sed malos versus faciebat.* Alius est *Crispinus Alexandrinus*, de quo vid. *Vetus Scholiastes* ad *Juvenalis* Satiram IV. v. 24.

CRISPVS PASSIENVS, Stoicus (vide *Fabricii* Bibl. Gr. lib. III. c. 15. p. 402) Orator celeberrimus, *Vitricus Neronis*, de quo *Plinius* lib. XVI. Hist. Nat. cap. 44. In hoc arborem eximiam ætate nostra adamavit *Passienus Crispus*, bis Consul, Orator, *Agrippina* matrimonio & *Nerone* privigno clarior postea - . conf. *Tacit. Annal.* VI. 20, 2. & *Sueton.* in *Nerone* cap. 6. Ex hoc *Passieno* sequentia refert *Seneca* lib. I. de Benef. cap. 15. *Crispus Passienus solebat dicere, quorundam se judicium malle quam beneficium, quorundam*

dam beneficium malle quam iudicium; & Quæst. Nat. lib. IV. Præfat. Crispus Passienus, quo ego nihil cognovi subtilius in omnibus rebus, maxime in distinguendis & curandis vitiis, sæpe dicebat, adulationi nos opponere, non claudere ostium. Adde Quintiliani locum lib. VI. cap. I. Sunt & illi leniores epilogi, quibus adversario satisfacimus, si forte sit ejus personata talis, ut illi debeatur reverentia, aut quum amice aliquid commonemus & ad concordiam hortamur: quod est genus egregie tractatum a Passieno, cum Domitia uxoris sue pecuniariam litem adversus fratrem ejus Ænobarbum ageret; & Lib. X. cap. I. Nobis pueris insignes pro Voluseno Catulo Domitii Afri, Crispi Passieni, Decimi Lælii orationes ferebantur. Conf. Senec. Controv. lib. II. c. 13. & Excerpt. Controv. lib. III. Præf. Alius est & forte nostri filius Crispus Passienus, itidem orator sub Trajano, quem ita loquentem inducit Plinius Junior lib. VII. Epist. 6. n. 11. Bene, me hercule, bene.

• CVRIATIVS aliquis, forte Grammaticus a *Festo* allegatur in NACCÆ: Naccæ, sive (Nactæ, ut nonnulli scribunt, alii Nattæ) appellantur vulgo fullones, ut ait Curiatius, quod nauci non sint, id est, nullius pretii. Item in NVPTIÆ: Nuptias dictas esse ait Curiatius, quod nova ratio fiat; & TVRMA: Turmam equitum dictam esse ait Curiatius quasi terimam, quod terdeni equites ex tribus tribubus Tatiensium Ramnium, Lucerum fiebant. Confer Varronem lib. IV de L. lat. cap. 16. cujus verba *Festus* h. l. repetit. Alius est, credo, Curiatius Maternus apud

apud auctorem Dialogi de Orat. cap. 2. princ. & postea passim, Poëta nempe, de quo *Vossius* de Poëtis Latinis pag. 48. alius *Curatius*, de quo *Martialis* lib. IV. Epigr. 60.

Ardea Solistitio, Pæstanaque rura petantur,

Quique Cleonæo federe fervet ager :

Cum Tiburtinas damnet Curatius auras,

Inter laudatas ad Styga missus aquas.

CVRTIVS NICIA vid. NICIA.

D.

DARDANVS aliquis a *Prisciano* citatur de *Ponderibus & Mensuris* pag. m. 850. Obolus dicitur, ut *Dardanus* docet, scrupulus esse, id est sex filiquæ - &c. item pag. 852. Sciendum quod secundum *Livii* computationem centum minæ Atticæ, quarum singulæ 75. drachmas habent, faciunt talentum magnum : nam minus habet 60 secundum *Dardanum*. Meminit ejusdem Scriptoris (poëtæ, nisi fallor) *Fulgentius* de Allegoria Librorum *Virgilii* ad *Calcidium Grammaticum* p. m. 2. Non illa in tuis operibus quærimus, in quibus aut *Pythagoras* modulos, aut *Heraclitus* ignes, aut *Plato* ideas - aut ἐντελεχείας *Aristoteles* inverfat : nec illa, quæ aut *Dardanus* in *Dinameris*, aut *Battiades* in *Parcedris*, aut *Campester* in *Catabolicis infernalibusque* cecinerunt - . Obscurum nomen, de quo quid amplius disseram, me nescire fateor, postquam tacet *Rhemmius Fannius*, tacet *Isidorus* Lib. XVI. Orig. cap. 24. seqv. de *Ponderibus & Mensuriis*, tacent cuncti alii Scripto-

ptores. De aliis *Dardanis* vide *Jo. Savari* Notas ad *Sidonium* Lib. V. Epist. IX. pag. m. 342.

DECIMVS LÆLIVS, Orator præstantissimus, *Orationes* reliquerat, quas *insignes* prædicat *Quintilianus* Lib. X. cap. I. *Nobis pueris insignes pro Voluseno Catulo Domitii Afri, Crispi Passieni, Decimi Lælii Orationes ferebantur.* Vixit sub *Vespasianis*, uti conjicio ex verbis *Plinii* in Præfat. Hist. Nat. *Hæc doctissimum Persum legere nolo, Lælium Decimum volo.* Ut proinde alius sit *Decimus Lælius*, qui temporibus *Cæsaris Asiaticis* navibus præerat, de quo vid. *Cæsar* de Bello Civili Lib. III. Cap. I. 8. & 19.

DECIVS ECULEO, a *Plinio* Lib. I. inter eos auctores laudatur, quorum ex scriptis nonnulla se transtulisse fatetur in Hist. Nat. Lib. XXXV. En locum ibidem cap. 10. *Pinxit (Parrhasius) & Archigallum, quam picturam amavit Tiberius princeps, atque ut auctor est Decius Eculeo LX Sesteritiis æstimatam, cubiculo suo inclusit.* *Harduinus* mavult *Decimus Aculeo.* Vide hujus Indicem Auctorum *Plinii* pag. 110.

DOMITIVS AFER, insignis Orator temporibus *Augusti* & *Tiberii*, accusator *Claudie Pulchræ* & *Quintilii Vari*, mortuus sub Imperatore *Claudio* (v. *Tacit. Annal.* IV, 52. I. & 66. 2. XIV, 19. I. nec non *Dialog. de Orat.* XIII, 4.) *Varia* ad *Artem Oratoriam* pertinentia scripsit, ut auctor est *Quintilianus* Lib. V. cap. 7. *Sufficiebant alioqui libri duo a Domitio Afro in hanc rem (de Testibus sive Testimoniis) compositi, quem a-*

dolescentulus senem colui : ut non lecta mihi tantum ea, sed pleraque ex ipso sint cognita &c - cap. 10. *Efficiens idem Domitii Afri sententia est pulchra : Ego accusavi, vos damnastis. Lib. VI. Cap. 3. Id porro quod dicitur, aut est lascivum & hilare, qualia Galbæ pleraque - - aut lene, qualia Domitii Afri. Ibid. pag. m. 354. Mire fuit in hoc genere venustus Afer Domitius, cujus Orationibus complures hujusmodi narrationes insertæ reperiuntur. Sed dictorum quoque ab eodem urbane sunt editi libri. Conf. pag. m. 356, 359, 361, 362. Adde ex libro VIII. Cap. 5. Interim ad personam, quale est Afri Domitii : PRINCEPS, QUI VULT OMNIA SCIRE, NECESSE HABET MULTA IGNOSCERE. Conf. p. m. 467. item Lib. IX. Cap. 2. 3. & 4. Lib. X. cap. 1. (v. supra *Decimus Lælius*) Lib. XI. Cap. 3. & Lib. XII. Cap. 11. item *Plin.* Lib. II. Epist. 14. n. 10. seqv. Meminerunt denique *Domitii* nostri *Dio* & *Eusebius*, quorum hic in cœna ex cibi redundantia eum sub Nerone mortuum refert.*

CN. DOMITIVS CALVINVS, Cos. cum M. Valerio A. U. 700. & cum C. Asinio 713. sub Cæsare præfectus Asiæ finitimarumque provinciarum, cujus res gestæ hic illic legi possunt apud *Cæsarem* de B. Civ. Lib. 3. p. m. 579. 581. 615. nec non *Hirtium* de Bello Africano p. 673. 678. coll. cum *Svetonio* in vita Cæsaris c. 36. *Vallejo Paterculo* II. 78. 3. & *Frontino* Strategem. III. 2. 1. quid scripserit, me nescire fateor, cum solum nomen *Plinius* Lib. I. in Indice Lib. XI. & XVIII.

XVIII. tantum profitetur inter auctores eos, quorum opera se usum ingenue fatetur. Alius vero est *Cn. Domitius Calvinus*, CENS. cum *Qv. Fabio A. U. 474*, alius *Domitius Calvinus A. 627*. Cos. cum *Cassio Longino*, (de quo vid. *Eutrop. IV. 10, 1.*) & reliqui quorum memoriam persequitur *Elias Reusnerus* in *Genealog. Rom. pag. 42. de Familiis Coss. Romanorum.*

DOMITIVS PISO, incertæ ætatis scriptor, a *Plinio* citatur in *Præfatione Histor. Nat. ad Vespasianum: Quoniam, ut ait Domitius Piso, thesauros oportet esse non libros. Taceo Pisones alios, de quibus vide Vossium de Histor. Lat. Lib. I. Cap. 7. p. 24. seqv.*

DORCATIVS, poëta, cujus ætatis nescio, de *Sphærarum genere & pondere* scripsit, teste *Isidoro*, qui *Lib. XVIII. Cap. 69.* hos ex eo *Versiculos* profert:

*Ne tu parce pilos vivaces vendere cervi,
Uncia donec erit geminam superaddita libram.
lego Vivacis.*

E.

ELIS, Vetus Grammaticus, *Commentarium* reliquerat, ex quo *Gellius Lib. XIII. Cap. 14. De Aventino monte prætermittendum non putavi, quod non pridem ego in Elidis Grammatici Veteris commentario offendi, in quo scriptum erat, Aventinum antea, sicuti diximus, extra pomerium exclusum, post auctore D. Claudio receptum, & intra pomerii fines observatum.*

EPICURIVS CÆLIVS, historicus antiquus, cujus ex *Libro primo Histor.* hoc fragmentum affert *Priscianus* Lib. 3. p. m. 82. *dextimos in dextris scuta jubet habere*: de reliquo ignotus, & *Vossio* eo forte prætermisus, quod non distinguendum putavit a L. *Cælio Antipatro*, cujus vitam & scripta jussa diligentia profecutus est Lib. I. de Historicis Latinis Cap. VIII. pag. 31. seqv.

F.

FABIANVS PAPYRIVS, Vir disertus & disciplinæ Stoicæ sectator sub Tiberio, præceptoribus usus *Arellio Fusco* & *Blando* rhetoribus, Libros *de animalibus* scripsit, quos allegat *Charisius* & cum eo *Diomedes*; item *Civilium*, teste *Seneca* Epist. 100. *Fabiani Papirii Libros, qui inscribuntur CIVILIVM, legisse te cupidissime scribis.* Videtur & de *Rebus* five *Causis Rerum Naturalium* disseruisse, ex verbis *Plinii* Lib. 18. Cap. 28. *Causa evidens*, (sc. quod luna in plenilunio æstate gelidas facit noctes, hieme tepidas) *sed alia redditur a Fabiano Græcisque auctoribus*; & Lib. 28. Cap. 4. *Aristoteles* & *Fabianus* plurimum somnari circa vernum & autumnum tradunt, magisque supino cubito, ac (lego at) prono nihil; item Lib. 15. Cap. 1. *Fabianus* negat provenire in frigidissimis oleam neque in calidissimis; nec non Lib. 36. cap. 15. extr. *Inter plurima alia Italiæ miracula, ipsa marmorea in lapicidinis crescere auctor est Papyrius Fabianus, naturæ rerum peritissimus.* Conf. Lib. I. in Ind. Lib. 2, 9, 11, 13, 14, 15, 17, 18.

23, 24, 28, 36. Creberrima porro *Papyrii* nostri mentio sive laudatio exstat apud *Senecam*, ut, de *Brevitate Vitæ* Cap. 14. *Dubitare se interim Fabianus noster aiebat, an satius esset, nullis studiis admoveri, quam his implicari.* Epist. 40. *Fabianus Vir egregius & vita & scientia, & quod post ista est, eloquentia quoque, disputabat expedite magis, quam concitate, ut posses dicere, facilitatem esse illam, non celeritatem.* Epist. 52. *Differebat populo Fabianus, sed audiebatur modeste.* Epist. 58. *Ciceronem auctorem hujus verbi habeo, puto locupletem. Si recentiorem quæris, Fabianum, discretum & elegantem, orationis etiam ad nostrum fastidium nitidæ.* Plura de *Fabiano* nostro legi possunt in Epistola, superius citata C. ubi de scriptis ejus copiosius differitur, nec non in Libro tertio *Quæst. Nat.* cap. 27. & *Controversiis* passim.

FABIVS VESTALIS, cujus meminit *Æpius* *Plinius* in *Historia Naturali*, de *pictura* scripsit. Vide Lib. I. in *Indice* Lib. 33. 34. 35. 36. ubi inter ceteros auctores laudatur, quibus se usum *Plinius* fatetur. *Memoriam hujus Scriptoris, prætermisit Leo Baptista de Albertis, quem vide Lib. II. de Pictura* pag. m. 14. edit. *Vitruv.* 1649. in folio.

FAVONIVS aliquis (forte M. *Favonius*, philosophus Cynicus, *Catonis* æmulus, de quo meminit *Plutarchus* T. I. pag. 989, 999.) a *Plinio* laudatur Lib. I. in *Indice* Libri II. *Hist. Nat.* cujus ingenii monumenta jam pridem perierunt, adeoque prorsus ignorantur. Conf. *Valer. Max.* p. m. 232. edit. *Thys.* Alius est *Favonius*, quem memorat *Celeb.*

meus *Fabricius* Lib. III. Bibl. Gr. cap. 11. in CatalogoScriptorum, qui a Boëthio àllegantur, pag. 287.

FAVORINVS, Orator Romanus, cujus ætatis nescio, a *Gellio* citatur Lib. XV. Cap. 8. in lemmate: *Locus ex oratione Favorini Veteris Oratoris de cœnarum atque luxuriæ opprobrotatione, qua usus est, quum legem Liciniam de sumtu minuendo suasisit; & mox in principio ipsius Capituli: Quum legeremus orationem veterem Favorini non indiferti Viri, quam orationem totam, ut meminisse possemus, odio hercle istiusmodi sumtus atque victus, perdidicimus. Verba hæc, quæ apposuimus, Favorini sunt: -- conf. seq. De hoc Favorino varie ambigunt eruditi, pro quo *Fannii* nomen reponit *Pithæus*, alius *Favonii*, *Gronovius* P. *Augurini*. Ego præter necessitatem a Codicibus MStis minime recedendum esse arbitror, retinendum vero nomen *Favorini*, quod post nostrum usurparunt *Favorinus* Peripateticus apud *Plutarchum* Sympof. VII. 10. & *Favorinus* Platonicus (apud *Suidam*, *Gellium* aliosque) cujus monumenta recenset Cl. *Fabricius* Bibl. Gr. L. III. c. 5. p. 59, 60.*

FAVSTINVS, poëta peregregius temporibus Domitiani, quem ut libellos suos edat, enixe rogat *Martialis* Lib. I. Epigr. 26.

Ede tuos tandem populo, *Faustine* libellos,

Et cultum docto pectore profer opus.

Quod nec *Cecropiæ* damnent *Pandionis* arces,

Nec fileant nostri prætereantque senes.

Ante fores stantem dubitas admittere famam,

Teque piget curæ præmia ferre tua?

Post

Post te victura, per te quoque vivere chartæ

Incipiant, cineri gloria sera venit.

Confer. *ibid.* Epigr. 115. ad eundem, item Lib. III. Epigr. 25. L. IV. Epigr. 10. & 57. L. V. Epigr. 37. & 72. L. VI. Epigr. 60. v. 1. L. VII. Epigr. 11. & 79. L. VIII. Epigr. 41. & L. X. Epigr. 51.

Idem forte est *Perellius Faustinus* Scriptor, de quo *Donatus* in vita *Virgilii* pag. m. 4. *Est adversus Æneida Liber Carbilii Pictoris, titulo Æneido - mastix - - Herennius tantum vitia ejus, Perellius Faustinus furta contraxit.*

FIRMIANVS aliquis a *Rufino* de *Metris* Comicis citatur pag. m. 899. *Firmianus ad Probum, de Metris Comædiarum sic dicit:* Nam quod de *Metris* Comædiarum requisisti, & ego scio plurimos existimare, *Terentianas* vel maxime fabulas metrum non habere Comædiæ Græcæ, id est, *Menandri* *Philemonis* *Diphili*, qui trimetris versibus constant - - &c. & pag. 900. *Mensuram esse in fabulis, hoc est μέτρον, Terentii & Plauti ac ceterorum Comicorum & Tragicorum, dicant hi, Cicero, Scaurus, Firmianus, Varro &c.* Quæ equidem loca ad *Lactantium Firmianum* referre nullus dubito, quippe qui teste *Hieronymo* in *Catalogo* Scriptorum *Ecclesiasticorum* cap. 80. p. m. 166. quatuor *Epistolarum* Libros *ad Probum* scripsit. Et retulerunt forte alii, sed in *Editionibus* *Lactantii*, quas videre mihi contigit, *Veterumque* de *Lactantio* testimoniis, quæ præmitti plerumque solent, nihil tale animadverti.

FIRMVS. Vid. *Castricius Firmus*

FLAVIVS PROCVLVS a *Plinio* Lib. I. in Indice Lib. 12. inter reliquos auctores recensetur, quorum ex monumentis se profecisse fatetur. Conf. Lib. XXXIII. Cap. 2. ubi equitem Romanum fuisse & sub Imperatore Claudio vixisse, ex his verbis liquet: *Adeo promiscuum id esse cepit, ut apud Claudium Casarem in censura ejus unus ex equitibus Flavius Proculus CCCC ex ea causa reos postularet.* Quis quidem quid scripserit, me prorsus nescire fateor.

FLAVIVS VIRGINIVS, Rhetor inclutus, de *Arte oratoria* scripsit, teste *Quintiliano* Lib. III. Cap. 1. sub finem: *scripsit de eadem materia* (sc. præcepta eloquentiæ) *non pauca Cornificius - - accurate vero priores Gallione Celsus & Lenas, & ætatis nostræ Virginius, Plinius, Rutilius;* unde cum sub Vespasianis floruisse constat. (conf. seqv.) item Cap. 8. *Itaque dixerunt conjecturalem, legalem, juridicalem, qui & Virginio placent;* nec non Lib. IV. Cap. 1. *quo in loco Virginius fallitur, qui Theodoro placere tradit, ut ex singulis questionibus singuli sensus in præmium conferantur.* Adde ex Libro VII. Cap. 5. *Hoc tantum admiror, Flavium cujus apud me merito summa est auctoritas, cum artem Scholæ tantum componeret, tam anguste materiam qualitatis terminasse;* & Lib. XI. Cap. 3. *Urbane Flavius Virginius interrogavit de quodam antisophiste, quot millia passuum declamasset.* Conf. *Plin.* in Indice Lib. XIX.

M. CORN. FRONTO, Rhetor percelebris temporibus Hadriani, Magister Imperatorum M. Antonini, *Philosophi & Veri* (v. *Capitolinus* in vita illius)

illius Cap. 2. & *hujus* Cap. 2. coll. cum *M. Antonin.* Lib. I. de rebus suis §. 11. pag. m. 3.) quem se audivisse fatetur *Gellius* Lib. XIX. cap. 8. & 10. quid scripserit, haud fatis constat, nisi *Orationem* (forte adversus Christianos) huic tribuere liceat, quam memorat *Minutius Felix* in *Octavio* Cap. 9. *Et de convivio notum est, (passim omnes loquuntur) id etiam Cirtensis nostri oratio testatur.* coll. cum Cap. 31. *Sic de isto (incesto convivio) & tuus Fronto, non ut adfirmator testimonium fecit, sed convitium ut orator adpersit: & fragmentum apud Isidorum* Lib. XV. Cap. 2. extr. *ut pergracari potius amœnis locis, quam coerceri carcere videretur;* cui addi possunt tria alia apud *Servium* in *Notis* ad *Virgil. Æneid.* I, v. 413. & VII. v. 30. 688. Conf. *Eutrop.* qui *Oratorem nobilissimum* nostrum vocat Lib. VIII. Cap. 6. item *Cassiodor.* Chron. pag. m. 691. nec non *Hieronym.* de *Viris Illustr.* c. 24. p. m. 93. & *Auson.* in *Gratiarum Actione* ad *Gratianum.* Alius est *Fronto* *Emisenus* Orator, qui *Athenis* æmulus *Philostrati* primi & *Apfinis* *Gadareni*, qui & *Romæ* temporibus Imperatoris *Severi* vixit, de quo vide sis *Suidam* in *Φρόντων* p. m. 1004. Alius item *Fronto*, nobilis Romanus, eximius litteratorum & poetarum Fautor, cujus meminit *Juvenalis* Sat. I. v. 12.

Frontonis platani convulsaque marmora clamant

Semper & assiduo ruptæ lectore columnæ.

item *Martialis* Lib. I. Epigr. 56.

Clarum militiæ Fronto togæque decus.

quem *M. Frontonem* vocat *Gellius* Lib. II. cap. 26.

Mitto *Frontones* alios, *Julium*, *Octavium*, *Vibium*, *Catium* &c. de quibus vide *Tacitum* Histor. I, 20. 5. II. 26. 2. & *Annal.* II. 33. 1. nec non 68. 3. Denique qui Oratoris nostri dicendi genus sequebantur, *Frontonianos* dictos fuisse adnotare libet ex *Sidonio Apoll.* Lib. I. Epist. I. conf. Lib. IV. ep. 3. & 21. item Lib. VIII. Ep. 10. de oratione Frontonis in *Pelopem*.

FVLVIVS FLACCVS, antiquissimus Scriptor, a *Varrone* laudatur Lib. V. de L. L. cap. 4. p. m. 35. *Secundus*, (Mensis *Aprilis*) ut *Fulvius Flaccus* scribit & *Junius Gracchus*, a *Venere*, quod ea sit *Ἀφροδίτη* -- & mox ibid. *Februarius*, ut iidem dicunt *Scriptores* ab diis infereis appellatus, quod tum *beis* parentetur. Adde ex Capite tertio ibid. *MEDITRINALIA* dies dictus a medendo, quod, ut *Flaccus* flamen *Martialis* dicebat, hoc die solitum vinum novum & vetus libari & degustari medicamenti causa. De ætate *Flacci* nostri nihil definitio, cum plures in historia Romana *Fulvii Flacci* commemorantur, de quibus vide hinc *Elia Reusneri* *Genealogicon Romanum*, illinc *Livium* Lib. 42. c. 11. *Frontinum* *Strateg.* 4. I. 32. *Vell. Paterculum* I. 10, 6, II. 6, 4, & 8, 2. *Eutropium* III. 1, 4. *Sallustium* B. J. p. m. 290, 233. 234. *Florum* *Præf.* 6. & II. 6. 43. &c.

C. FVNDANIVS, Comædiarum Scriptor optimus imo solus temporibus Augusti, ab *Acrone* & *Porphyrrio* laudatur ad illa *Horatii* Lib. I. Sat. X v. 42.

Arguta meretrice potes, Davoque Chremeta

Elu-

*Eludente senem, comis garrere libellos,
Unus vivorum, Fundani.*

F V R I V S aliquis, incertæ ætatis antiquissimus
Scriptor, laudatur *Macrobio* Lib. III. Sat. cap. 9. *Repe-
ri in libro quinto rerum reconditarum Sereni Sam-
monici utrumque carmen, quod ille se in cuiusdam
Furii vetustissimo libro reperisse professus est; est au-
tem carmen huiusmodi, quo dii evocantur, cum op-
pugnatione civitas cingitur* : SI. DEVS. SI.
DEA. EST. CVI. POPVLVS. CIVI-
TAS. QVE. KARTHAGINIENISIS. EST.
IN. TVTELA. TE. QVE. MAXIME.
ILLE. QVI. VRBIS. HVIVS. POPOLI.
QVE. TVTELAM RECEPISTI. PRE-
COR. VENEROR. QVE. VENIAM.
QVE. A. VOBIS. PETO. VT. VOS. PO-
POLVM. CIVITATEM. QVE. KAR-
THAGINIENSIEM. DESERATIS. LO-
CA. TEMPLA. SACRA. VRBEM. QVE
EORVM. RELINQVATIS. ABSQVE.
HIS. ABEATIS. EI. QVE. POPOLO. CI-
VITATI. QVE. METVM. FORMIDI-
NEM. OBLIVIONEM. INJICIATIS.
PRODITI. QVE. ROMAM. AD. ME.
MEOS. QVE. VENIATIS. NOSTRA,
QVE. VOBIS. LOCA. TEMPLA. SA-
CRA. VRBS. ACCEPTIOR. PROBA-
TIOR. QVE. SIT. MIHI. QVE. POPO-
LO. QVE. ROMANO. MILITIBUS.
QVE. MEIS. PRÆPOSITI. SITIS. UT
SCIAMUS. INTELLIGAMUS. QVE.
SI.

SI. ITA. FECERITIS. VOVEO. VOBIS.
 TEMPLA. LVDOS. QUE. FACTVRVM.
 Conf. sequentia ibidem. Alius est, credo, *Furius*, uterque poëta, de quibus vide *Gyraldum* Dial. IV. pag. m. 424 - 426. & *Vossium* de Histor. Lat. pag. 61.

FVSSITIVS, Scriptor rei Architectonicæ, a *Vitruvio* laudatur in Præfatione Libri VII. *Animadverti in eare ab Græcis Volumina plura edita, ab nostris oppido quam pauca. Fusfitius enim mirum (lege unum) de his rebus primus instituit edere volumen, item Terentius Varro de novem disciplinis, unum de Architectura, Pub. Septimius duo. Alii Fusfitius legunt, sed minus emendate. Ad oram editionis antiquæ (1523. in forma, quam vocant, octava) cum MStis Codicibus collatæ, quæ in Bibliotheca nostra Scholastica Ripis affervatur, adnotatum est Fuitius, quod neque mendo carere videtur.*

G.

GADVLLIVS GALLICANVS, auctor incertæ ætatis, a *Nonio* cum hoc fragmento citatur Cap. 3. num. 50. in *Canalis*: *Ego vero confiteor certo canali cuncta decurrere.* Pro *Gadullius Gallicanus* forte legendum *Turdulus Gallicanus*, historicus, de quo vide *Vopiscum* in vita *Probi* Imperatoris cap. 2. Sed nihil muto. Taceo *Gallicanos* alios apud *Cassiodorum* in Chron. p. m. 694. *Julium Capitolinum* in *Maximinis Duobus* p. 359. & *Gordiano* tertio p. 365. &c. *Gadullii* vero nomen nusquam invenio.

GALLICVS, poëta & rhetor, nisi fallor, sub
 Do-

Domitiano fuit, cui *Martialis*, iudicium rogatus, ita false respondet Lib. VIII. Epigr. 76.

Dic verum mihi, Marce, dic amabo :

Nilest, quod magis audiam libenter :

Sic & cum recitas tuos libellos,

Et causam quoties agis, clientis,

Oras, Gallice, me rogasque semper.

Durum est, me tibi, quod petis, negare.

Vero verius ergo quid sit audi :

Verum, Gallice, non libenter audis.

Conf. Lib. IX. Epigr. 49, in *Gallicum*.

GALLIO aliquis a *Plinio* laudatur Lib. I. Histor. Nat. in Indice Libri XX. incertum, M. *Gallio*, cui *Libros ad Herennium* tribuit *Julius Caesar Scaliger*, (v. *Fabric. Bibl. Lat.* p. m. 96) an *Junius Annaeus Gallio* (quod verisimilius mihi videtur) de quo meminit idem *Plinius* Lib. XXXI. Cap. 6. *Præterea est alius usus multiplex, principalis vero navigandi phthisi affectis, ut diximus, aut sanguinem egerentibus : sicut proxime Annæum Gallionem fecisse post Consulatum meminimus.* Qui quidem *Annaeus Gallio* filiusne M. *Annæi Senecæ* sit, ante adoptionem M. *Annaeus Novatus* dictus, (cujus mentio exstat Actorum XVIII. 12) haud ita constanter asseruerim, fane vix dubitaverim. Conf. de hoc *Gallione* nostro *Tacitum* Annal. VI. 3, I. & XV. 73. 3. *Senecam* de Vita Beata Cap. I. princ. *Quæst. Nat. Lib. IV. Præfat.* p. 690. & Lib. V. cap. II. ac denique *Epist.* 104. sub init. nec non *Caroli Stephani* Lexicon Historico-Poëticum in *Gallio*, & quos allegat *Celeb. Fabricius* Supplem. *Bibl. Lat.*

p. 149. *Grotium, Nicolaum Antonium, Barthium*,
item Jo. Savari Notas ad *Sidonii* Epist. X. Lib. V. p.
m. 345.

GELLIANVS. v. supra C. ÆLIANVS.

GEMINIUS, *Plinio* Juniori familiaris, scrip-
pisse aliquid videtur ex hujus Lib. IX. Epist. XI. ad
illum : *Epistolam tuam jucundissimam recepi, eo
maxime, quod aliquid ad te scribi volebas, quod
libris inferi posset.* Conf. epist. 30. & Lib. VII.
Ep. 24. nec non Lib. VIII. Epist. 2. & 22. Equitem
Romanum eum fuisse censeo, quod nobilis aut e-
questris fuit gens Geminiorum apud Romanos.
Vide inprimis *Livium & Tacitum.*

GEMINIVS VARIUS. vid. *Varius.*

ANT. GNIPHO v. sup. *Antonius.*

C. GRACCHVS, Orator illustris, nemini
ignotus esse potest, qui *Ciceronem* legit Lib. III.
de Oratore. Sed *Orationes* hominis earumque
fragmenta nondum utique innotuerunt, quorum
notitiam debemus partim *Gellio* Lib. I. Cap. 7. *Sed
& Gracchus dicturum - indefinito modo dixit.* Lib.
IX. Cap. 14. „C. Gracchus (sc. in Oratione) de legi-
„bus promulgatis, *Ea luxurii causa aiunt institui.*
„Lib. XI, c. 13. „Apud T. Castricium - legebatur
„oratio C. Gracchi in P. Popilium. In ejus ora-
„tionis principio collocata verba sunt accuratius
„modulatusque, quam veterum oratorum consue-
„tudo fert; ea verba sicuti dixi composita sunt hæc :
„*Quæ vos cupide per hosce annos appetistis atque vo-
„luistis, ea sitemere repudiâritis, abesse non potest.*
„*quin aut olim cupide appetisse aut nunc temere re-*

„*pudiasse dicamini* „ Conf. Lib. XV. Cap. 12. quod totum loca continet ex oratione C. Gracchi de parsimonia ac pudicitia sua ad populum, quam Græce convertit *Plutarchus* in Graccho; partim *Pri-sciano* Lib. VIII. pag. m. 287. *Ærarium delargitur* (lego *dilargitur*, passive) *Po. Rom.* item Lib. X. pag. 393. „Gracchus pro se: *si nanciam* (pro, nanciscar) *populi desiderium, comprobabo reip. commoda.* partim *Festo* in *Masculino* -: C. Gracchus in *Popilium & matronas* -: *Dignus fuit, qui mala cruce periret; & in Occisitantur: Homines liberi nunc in oppido occisitantur; in Osi* : C. Gracchus in ea, quæ est de lege *Minucia* : *Mirum si quid iis injuriæ sit? semper eos osi sunt* ; in *Ostentum* : C. Gracchus de legibus a se promulgatis : *quod unum nobis in ostentum, ipsis in usum asportatur.* in *Potestur* : *Poteratur* (sc. dixit) C. Gracchus in ea, qua usus est, cum circum *conciliabula* iret; in *Respublicas* : C. Gracchus in ea, quam conscripsit de lege *P. Ennii & peregrinis* : *æ nationes cum aliis rebus per avaritiam atque stultitiam respublicas suas amiserunt.* Conf. *Quintilian.* Lib. I. Cap. 10. p. m. 68. & Lib. XI. c. 3. p. m. 646. *Diomedes* de Impersonali Verb. Declinatione, sub finem, item p. m. 9. ex Oratione in *L. Metellum.* *Servius Georg.* II. v. 288. *Æn.* VII. v. 716. & XI. v. 301. nec non *Gellius* Lib. X. c. 3. princ. Lib. XI. c. 10.

GRÆCINVS JVLIVS, Vir egregius Senatorii Ordinis, & eloquentiæ sapientiæque studio notus (quæ verba sunt *Taciti* in vita *Agricolæ* IV, 2) de *Vineis* scripsit teste *Columella* de R. R. Lib. I. Cap. 1.

Cap. I. *Duo Volumina similium praeceptorum de Vineis Julius Gracinus composita facetiis & eruditius posteritati tradenda curavit ; quorum fragmentum apud eundem Lib. IV, Cap. 3. legitur : In omni genere impensarum (sicut ait Gracinus) plerique nova opera fortius auspicantur, quam tucntur perfecta. Nam quidam, ut inquit, ab inchoato domos exstruunt, nec per ædificatis cultum adhibent &c. & mox ibidem : Idque non solum ratione sed etiam exemplo nobis idem Gracinus declarat eo libro, quem de vineis scripsit, cum refert ex patre suo saepe se audire solitum, Paridium quendam Veterensem vicinum suum duas filias & vineis consitum habuisse fundum, cujus partem tertiam nubenti majori filiae dedisse in dotem, ac nihilo minus aequè magnos fructus ex duabus partibus ejusdem fundi percipere solitum - &c. Adde ex Libro III. Cap. 2. Ubi multa invitabunt regionis commoda, ut nobilem vitem conferamus, generosam requiremus, inquit Julius Gracinus - &c. Cap. 3. Cur ergo res infamis est? non quidem suo sed hominum inquit vitio Gracinus. (Conf. seqv. ib. p. m. 98, 99.) Cap. 12. Sed ne nunc per infinitas terreni species evagemur, non intempestive commemorabimus Julii Gracini conscriptam velut formulam, ad quam posita est limitatio terræ vinealis. Idem enim Gracinus sic ait -- &c. & denique Lib. IV. Cap. 28. Gracinus sic refert ; potest videri satis esse constitutam vineam ter fodere. Adde porro ex Plinio H. N. Lib. XVI. Cap. 44. Gracinus auctor est, sexagenis annis durasse vites. Conf. Lib. XIV. Cap. 2. (ubi Cornelium*

lium Celsum transcripsisse Noster dicitur) item lib. I. in Indice lib. XIV, XV, XVI, XVII, XVIII, ubi *Gracini* nomen inter eos Scriptores repetitur, quorum opera Auctor historiam suam naturalem se composuisse fatetur: & *Menagii* Amœnit. Jur. Civ. C. IX. p. 21. Vis alia de *Gracino* nostro testimonia? audi *Senecam* Lib. II. de Beneficiis Cap. 21. *Si exemplo magni animi opus est, utamur Gracini Julii Viri egregii, quem C. Cæsar occidit ob hoc unum, quod melior vir erat, quam esse quemquam tyranno expediret.* Vides ætatem, quæ illustrem hunc Scriptorem tulit. Conf. Epist. XXIX. & *Festum* in *Potitus*.

GRANIANVS. v. *Julius Granianus*.

GRANIVS FLACCVS LICINIANVS Grammaticus, uti conjicio, de feriis diebus sive discrimine dierum apud Romanos scripsisse videtur ex verbis *Macrobii* Lib. I. Sat. Cap. 16. *Cornelius Labeo primo fastorum libro nundinis ferias esse pronunciat. Causam vero hujus varietatis apud Granium Licinianum libro secundo diligens lector inveniet.* Conf. ib. Cap. 18. Reliquit & Librum ad Cæsa-rem de *Indigitamentis*, ut auctor est *Censorinus* de die Natali c. 3. de quo forte *Granio* intelligendum illud *Festi* in *PRICAE*: *Granius* quidem ait esse mulieb-rem cingulum capitis, quo pro vitta *Flaminica* redimiatur; & *Quintiliani* Lib. I. cap. 6. *Ingeniose sibi visus est Cæj-ius Granius Cælibes dicere veluti Cœlites* - (ubi *Cani-nius* legit *Valla* in *Dialecticis*, alii *Gabinus*) item fragmentum ex *Peliadibus* apud *Nonium* Cap. III. num. 75. *sonat impulsa regia cardo.* conf. *Arnob.* adv. Gentes lib. VI & notas *Servii* ad *Virgil.* lib. I. *Æ-neid.* v. 741. p. m. 227. Pætereo alia de *Granio* nostro

E

quæ

quæ tradit *Lud. Carrio* Emendat. Lib. I. Cap. IV. p. m. 97, 98. Taceo de *Granio*, quem *Medicum* appellat *Plinius* Lib. I. H. N. in Indice Libri XXXVIII. cujus & hæc observatio refertur Lib. XXVIII, Cap. 4. *Ejectus lapillus calculoso, alligatus suprapubem, levare ceteros dicitur ac jecineris etiam dolores, ac celeritatem partus facere.* Addidit *Granius*, efficaciorē ad hoc esse ferro exemptum. Sunt & alii in historia Romana non incelebres *Granii*, ut *Granius Marcellus* apud *Tacitum* Annal. I. 74. 1. *Granius præco* apud *Lucilium* (v. Gell. Lib. IV. cap. 17.) *Q. Granius* itidem apud *Tacitum* Annal. IV, 21. 2. *Granius Marcianus* ib. VI, 38. 5. & *Granius Silvanus* ib. XV, 50. 3. & 60. 5. nec non 71, 3. &c.

H.

HERENNIVS aliquis, (Grammaticus, credo) qui de *Vitiis Virgilii* scripsit, a *Donato* in Vita *Virgilii* laudatur pag. m. 4. Obscurum nomen inter tot *Herennios*, de quibus vide *Celeb. Fabricii* mei Bibl. Lat. Lib. I. Cap. 8. p. m. 97. 98. & infra *Paratem* II. de *Herennio Severo*.

HIERONYMV aliquis a *Seneca* allegatur Lib. I. de Ira cap. 16. cum hoc dicto: *Quid opus est, inquit Hieronymus, cum velis cadere aliquem, prius tua labia mordere?* incertum, Græcus Scriptor an Romanus, philosophus, (uti mihi videtur) an historicorum unus, de quibus *Vossius* Lib. I. de H. Gr. Cap. XL p. 63 -- 66.

L. HORTENSIVS, de rebus *Catilinæ* scripsit, si fides habenda *Porcio Latroni*, qui in Declamat, in *Catilinam* p. m. 913. *Lucius Hortensius*, inquit

quit, *Vir eximia caritate Reipublicæ summisque ornamentis præditus & scientiæ & moderationis, nequaquam omnia credenda esse dicit, jubetque gravissimis hominibus facilitatem judiciorum diligenter esse continendam.* Primum affirmat Catilinam in perpetua custodia Senatus exstitisse, denique nunquam ferme discessisse a latere Publii Capionis nobilissimi civis atque integerrimi Viri, ita ut lepide dicat, *disseparationi eorum neque solem orientem unquam neque occidentem intervenisse.* Credo equidem sapientissimum hominem Hortensium (ut est innocentia singulari summaque virtute) cuncta ipsa, quæ gravissime simul atque ornatisime complexus est, ita vera esse, sicuti dixerit, existimare; ex quibus forte conjiciet aliquis, rhetorem fuisse Hortensium nostrum & pro Catilina dixisse: non repugno. Conf. *Sidon. Apoll. Lib. IV. epist. 3. de Vernante Hortensio, & Apul. Apolog. p. m. 447. de Oratoria distributione Hortensii, ut testimonia Ciceronis taceam atque Hieronymi ad Lætam epist. 7. nec non Servii locum ad Virgil. Æneid. XI. v. 497.*

HYLLVS aliquis a Macrobio citatur Lib. 3. Sat. Cap. 2. *Hyllus Libro, quæ de diis composuit, ait Vitulam vocari Deam, quæ latitiæ præest.* Ad quem locum Pontanus in notis: „Rescripserat, inquit, „Scriverius ad oram libri sui, *Hyginus.* Qui & aliquoties a Macrobio in testimonium adducitur. „Quamvis, eodem notante, *Hyllus* inter Romana „etiam nomina reperiatur in Inscriptionibus & apud Martialem, „ Adde ex Observationibus Philologicis Viri Cl. *Georg. Henr. Ursini* Cap. IX. pag.

154. „*Hyllus* cum dicit, *Deam esse lætitiæ præsidem quæ Vitula vocatur*, Piso contra *Victoriam* „vult nominari *Vitulam*. Quis autem *Hyllus* iste, „qui Librum nescio quem de Diis composuit? Pro „forma equidem nominis Græculum oportet fuisse. „Ego nihil definio, sed nec temere mutandum quidquam censeo. Id unum adnoto, apud *Martialem*, cuius auctoritate utitur *Scrivenerius*, non *Hyllum* legi sed *Hylum* in istis versibus Lib. IV. Epigr. 7.

Cur herè quod dederas, hodie puer Hyle negasti?
& mox ibid.

Quid nos derides? herè qui puer Hyle fuisti, -
Conf. Lib. II. Epigr. 51. & 60. Et ne quid dissimulem, fateor suspectum mihi esse locum *Plinii* Lib. X. H. N. c. 16. legendumque *Hylas*, pro eo quod receptum est, *Hylas*. Verba *Plinii* sunt: *Externorum de auguriis peritisime scripsisse Hylas nomine putatur. Is tradit noctuam, bubonem, picum arbores cavan-tem, trogonem, cornicem, a cauda de ovo exire - &c.*

I.

IACCHVS aliquis a *Plinio* Lib. I. Hist. Nat. in Indice Libri XXXVII. inter eos Scriptores laudatur, ex quibus auctor se profecisse testatur. De quo quidem obscuræ memoriæ homine quod prodam non habeo, nisi conjectare liceat, eum esse, quem *Siscennium Iacchum* vocat *Svetonius* de Illustr. Gramm. cap. 3. notissimumque doctorem in *Gallia Togata* docuisse tradit. Nomen est *Bacchi* (Ἰάκχον Græci dixerunt) quod & apud *Ciceronem* legitur, Lib. 2. de Legibus Cap. 14. *Quid ergo aget Iacchus*
Eumol-

Eumolpidaeque nostri & *augusta illa mysteria?* Conf. *Virgil Eclog. 6. v 15.* et *Petri Castellani Syntagma de Festis Græcorum pag. 137* seqv.

JVLIVS AQUILA, Eques Romanus temporibus Claudii, de *Hetrusca disciplina* scripsit, teste *Plinio* Lib. I. in Indice Lib. II. & XI. Cujus quidem de rebus gestis vide *Tacitum* Annal. XII. 15, & 21. Alius est *Julius Gallus Aquila*, de quo alii qui vitas Jctorum scripserunt. Alius *Aquila*, de quo supra suo loco.

JVLIVS ATTICVS, *rei rusticæ* Scriptor, ab *Isidoro* laudatur Lib. XVII. Orig. Cap. 1. *Apud Romanos de agricultura primus Cato instituit, quam deinde Marcus Terentius expolivit, mox Virgilius laude carminum extulit. Nec minus studium habuerunt postmodum Cornelius Celsus & Julius Atticus - &c. & Columella* Lib. I. Cap. 1. Non minorem laudem meruerunt nostrorum temporum *Viri Cornelius Celsus & Julius Atticus. Quippe Cornelius totum Corpus disciplinæ quinque libris complexus est. Hic de una specie culturæ pertinentis ad vites singularem librum edidit. Adde ex Libro III. Cap. 3. Neque id cuiquam dubium esse debet, cum & nostram & Julii Attici rationem dispexerit; & Cap. 11. Quicquid, ut ait Julius Atticus, retorridum furculum facit. Gravis est rubrica, ut idem Atticus ait, et ad comprehendendum radicibus iniqua; Cap. 16. tali consitioni Julius Atticus abunde putat esse malleorum sexdecim millia. Cap. 17. Mox Julius Atticus & Cornelius Celsus ætatis nostræ celeberrimi auctores -* Conf. Cap. 18. & Lib. IV. Cap. 1.

8, 10, 13, 28, 29, 33. Allegatur & noster a *Plinio* Lib. I. in Indice Libri XV. (ubi distinctio adhibenda videtur) & XVII. Alius est, credo, (calculo temporis recte posito) & ætate inferior *Julius Atticus* speculator apud *Tacitum* Hist. Lib. I. Cap. XXXV. n. 3. qui *Obvius in palatio, cruentum gladium ostentans*, occisum a se *Othonem exclamavit*. Alius porro *Julius Atticus* sub *Trajano*, de quo meminit *Plinius Junior* Lib. I. Epist. 12. num. 10.

JVL. GRÆCINVS. v. *Græcinus*.

JVLIVS GRANIANUS, Rhetor, Præceptor *Alexandri Severi*, *Declamationes* scripsit, teste *Lampridio* in vita hujus Cap. 3. *Romæ Grammaticos* (magistros habuit *Alex. Severus*) *Scaurinum Scaurini filium doctorem celeberrimum: rhetores Julium Frontinum et Babium Macrinum et Julium Granianum, cujus hodieque orationes declamatae feruntur*.

JVLIVS MODESTVS, Grammaticus, *Hygini* libertus, in studiis atque doctrina vestigia patroni secutus (quæ verba sunt *Svetonii* de Ill. Gr. cap. XX.) *Quæstiones confusas* scripsit, quarum secundum *Librum* allegat *Gellius* meus Lib. III. cap. 9. Conf. *Ptolomæi Flavii Conjectan.* Cap. XIX. p. m. 965. Tom. I. Thesaur. Gruter. Reliquerat & *Librum de Feriis*, ex quo *Fragmenta* adducit *Macrobius Saturnal.* Lib. I. cap. 4. „*Julius Modestus* „de feriis, *Saturnaliorum*, inquit, *feriæ*; & in eodem „libro: *Antias*, inquit, *Agonaliorum repertorem* „*Numam Pompilium refert*., item cap. 10. *Julius Modestus ideo sacrificari huic deæ (Angeroniæ) dicit,*
quod

quod populus Romanus morbo, qui angina dicitur, præmissò voto sit liberatus. Conf. Cap. 16. Meminit & Modesti nostri Quintilianus Lib. I. Cap. 6. Nec ei (Cajo Granio) cedit Modestus inventione, nam quia Cælo Saturnus genitalia absciderit, hoc nomine (cœlibes) appellatos, qui uxore careant. Adde porro Martial. Lib. I. Epigr. XXI.

*Scribere te, quæ vix intelligat ipse Modestus,
Et vix Claranus, quid, rogo, Sexte, juvat?*

De aliis Modestis vide Molleri, Viri Cl. Homonymoscopiam Cap. IV. §. XLVI. pag. 392. Conf. Jo. Alb. Fabricii mei Biblioth. Lat. p. 238. & 674. & Voss. de Ausidio Modesto Lib. I. pag. 114.

JVLIVS PAVLVS, Grammaticus & poëta, temporibus Hadriani, cujus eruditionem mirifice prædicat Gellius Lib. I. Cap. 22. *Julius Paulus, homo in nostra memoria doctissimus.* & Lib. XIX. cap. 7. *Julius Paulus, poeta, Vir bonus & rerum litterarumque veterum impense doctus.* Conf. Lib. V. Cap. 4. & Lib. XVI. cap. 10. In Cælii Historiam & nonnullas Afranii comœdias scripsit, teste Charisio. Alius est *Julius Paulus* Batavus, cujus meminit Tacitus Histor. IV. 13. 1. alius porro *Julius Paulus* inclytus ille sub Alexandro Severo apud Lampridium cap. 68. Ictus, de quo vide sis Jo. Molleri Homonymoscopiam Cap. IV. §. 48. pag. 393.

JVLIVS SECVNDVS, Orator eloquentissimus, quid scripserit, jam pridem monuit eruditissimus Vossius de H. L. p. 145. Nos in gratiam Vossii & uberiores Secundi memoriam præclara addimus testimonia *Quintiliani* Lib. X. Cap. 1. *Julio*

Secundo si longior contigisset ætas, clarissimum profecto nomen Oratoris apud posteros foret. & Cap. 3. Qua de re memini narrasse mihi Fulium Secundum, illum æqualem meum, atque a me, ut notum est, familiariter amatum, miræ facundiæ Virum. - item Lib. XII. Cap. 10. In his etiam, quos ipsi videmus, copiam Senecæ (reperiemus) vires Africani, maturitatem Afri, jucunditatem Crispi, sonum Trachalli, elegantiam Secundi. Alius est, nisi fallor, Secundus, ἐπὶ τῶν ἐπιστολῶν γενόμενος τῷ Οἰθωνῶ, qui Othoni (Imperatori) ab epistolis fuit, de quo vide Plutarchum in Othone pag. 1070.

L.

CORN. LABEO. v. *Cornelius Labeo.*

C. LÆLIVS quantus Orator fuerit, quantis virtutibus conspicuus, nemo quantillum humanus ignorat; verum quid scripserit, a nemine adhuc adnotatum animadverti. *Orationes* ab eo editas esse certum est, quarum unius, quam *pro se* dixit, fragmenta duo leguntur apud Festum in *Obsidium*: Ut in (forte ii) nobis terra mariq; simul obsidium facerent. & *Satura*: Dein postero die, quasi per Saturam sententiis exquisitis, in deditionem accipitur. De Decimo Lælio vide supra, de Lælio Felice Jcto antiquissimo, qui libros aliquot ad Q. Minucium Scævola composuit, Gellium Lib. XV. c. 27. ut alios Lælios taceam.

L APPA RVBRENVS, poëta sui temporis tragicus, *Atreum* tragœdiam scripsit, si recte intelligo illud *Juvenalis* Sat. VII. v. 72

posci

poscimus, ut sit

*Non minor antiquo Rubrenus Lappa cotburno,
Cujus & alveolos & lenam pignorat Atreus.*

Scripserat autem & Accius tragœdiam, cui *Atreus* nomen, teste *Gellio* Lib. XIII, Cap. 2. item *Nonio*, qui hujus fragmenta nobis servavit pag. m. 202, 210, 281, 415, & 505. edit. Paris. 1614. in 8.

LARGIVS LICINIVS satis forte notus est una cum suo libello, cui titulus *Ciceromastix*, quem damnat *Gellius* Lib. XVII. Cap. I. confer *Plin.* Jun. II. 14, 9 & III. 5, 17. item *Plinium* avunculum, qui Lib. I. in Indice Libri XXI. P. *Largii* meminit, & Lib. XIX. Cap. 2. extr. *Lartii Licinii* in hunc modum: *Lartio Licinio Pratorio viro jura reddenti in Hispania Carthagine paucis his annis scimus accidisse mordenti tuber, ut deprehensus intus denarius primos dentes inflecteret*; ubi *Largium Licinium* haud male forte intellexeris. Conf. Lib. XXXI. Cap. 2.

LATINVS ALCIMVS, Rhetor, inter Professores Burdigalenses ab *Aufonio* una cum Scriptis suis commendatur num. 3. pag. m. 65. præcipue in his versibus:

*Ut Julianum tu magis famæ dabis,
Quam sceptrâ, quæ tenuit brevi.
Sallustio plus conferent libri tui,
Quam consulatus addidit.*

Historiam (verba sunt *Jos. Scaligeri* Lib. I. *Aufon.* Lect. c. IX. pag. 27) ut hinc conjicimus, suorum temporum, hoc est, *Claudii Juliani Imp.* conscripserat *Latinus Alcimus*. *Julianus* vero Consulatu

E 5

fuo

fuio quarto collegam habuit Sallustium. Cum igitur gesta Juliani in commentarios referret, non est credibile, Consulem Sallustium eum præteriisse. Meminit & de Latino nostro *Alcimo Sidonius* Lib. V. epist. 10.

P. LAVINIVS a *Gellio* citatur Lib. XX. Cap. 11. *P. Lavinii liber est non incuriose factus, is inscriptus est de VERBIS SORDIDIS. In eo scripsit scVLNAM, vulgo dici, quasi SECVLNVN, quem qui elegantius, inquit, loquuntur, sequestrem appellant.* Conf. seqv. & *Menagii* Amœn. Jur. Civ. p. 218 - nec non *Morhof.* de Patavin. Liv. p. 82. *Macrobius* Lib. III. Sat. cap. 8. *Lavino* alicui hoc fragmentum tribuit: *Venerem igitur almun' adorans sive femina sive mas est, ita uti alma noctiluca est;* ubi pro *Lavino* legi oportere *Lavinium* putat *Meursius*, cui adsentior. Alius est *L. Lavinius* apud *Donatum*, de quo *Gyraldus* Dialog. VIII. p. m. 895.

LAVRANIVS aliquis, Grammaticus, credo, qui de *Litteris* forte scripsit, (adversus *Servium* temporibus Augusti) a *Quintiliano* laudatur Lib. IX. Cap. 4. *Quæ fuit causa & Servio (Sulpitio) subtrahende S. litteræ, quoties ultima esset, aliaque consonante susciperetur, quod reprehendit Lauranius, Messala defendit, qui scilicet de littera S. scripsit, teste eodem Lib. I. Cap. 7.*

LENÆVS MELISSVS, Grammaticus, a *Svetonio* citatur de Illustr. Gr. Cap. 3. *Lutatium Daphnidem Lenæus Melissus per cavillationem nominis Πανὸς ὀνύμα dicit.* Ad quæ *Vir Clar. Jo. Georg.* *Grævius* in Notis pag. m. 820. „Nomen *Lenæus*

„*neus* corruptum esse cenſeo. Is enim fuit Pom-
 „peji libertus - ſed *Meliſſus* fuit libertus Mecænatis,
 „vide Cap. 21. Legendum *Cilnius Meliſſus*, nam
 „quis ignorat Mecænatem Cilnium eſſe dictum? „
 Ego a recepta lectione nequaquam recedendum
 eſſe arbitror, aſſumendum vero potius nomen *Me-*
cænatis quam *Cilnii*, quod & approbat *Plinius* Lib.
 XXVIII. Cap. 6. *Triennio Mecænatem Meliſſum ac-*
cepimus ſilentium ſibi imperaſſe, a convulſione red-
dito ſanguine: quem locum non appoſite ſatis in rem
 ſuam convertiſſe videtur ſagaciſſimus *Grævius*, ut-
 pote de *Cajo Meliſſo*, Liberto Mecænatis, non *Le-*
næo noſtro accipiendum. De aliis *Meliſſis* vid.
 ſupr. *Ælius Meliſſus*.

LENÆVS POMPEIVS, Pompeji Ma-
 gni libertus, quomodo ſe ſchola ſuſtentaverit, in
 Carinis ad ædem Telluris docuerit, Salluſtium acer-
 biſſima Satyra laceraverit, &c. refert *Svetonius* in
 huius vita de Illuſtr. Gramm. Cap. XV. Conf. Cap.
 II. Sed & *Plinium* audiamus Lib. XV. Hiſt. Nat.
 Cap. XXX. ſub init. *Duo lauri genera tradit Cato :*
Delphicam & Cypriam: Pompejus Lenæus adjecit,
quam muſtaceam appellavit, quoniam muſtaceis ſubji-
ceretur. - &c. item Lib. XXV. Cap. 2. *Antea con-*
diderat ſolus apud nos, quod equidem inveni, Pom-
pejus Lenæus, Magni libertus: quo primum tempore
hanc ſcientiam (ſc. rei herbariæ) ad noſtros perve-
niſſe animaduerto; & paucis interjectis ibidem :
Pompejus omni regia præda potitus, transferre ea
(arcana medica) ſermone noſtro libertum ſuum Lenæ-
um, Grammaticæ artis doctiſſimum, juſſit. Conf.
 Cap.

Cap. 6. & Lib. I. in Indicibus Libb. XIV, XV, XX, XXI, XXIII, XXIV, XXV, XXVI, XXVII. Adde ex Gellio Lib. XVII, Cap. 16. *Anates Ponticas dicitur edundis vulgo venenis victitare. Scriptum etiam a Lenæo Cn. Pompeji liberto, Mithridatem illum Ponti regem medicæ rei & remedium id genus solertem fuisse, solitumque eorum sanguinem miscere medicamentis, quæ digerendis venenis valent &c.*

LENAS POPILIVS, Nobilis Romanus (vide Eliam Rucfnerum de Familiis Coss. Rom. p. 33. seqv. de Popiliis Lenatibus Coss.) præcepta eloquentiæ litteris tradidit, teste Quintiliano Lib. III. Cap. 1. *scripsit de eadem materia (oratoria) non pauca Cornificius, aliqua Stertinius, nonnihil pater Gallio, accurate vero priores Gallione Celsus & Lenas - &c.* Addo ex Libro X. Cap. ult. *Illud quod Lenas præcepit, displicet mihi, quæ scripserimus, in summas sive commentarios & capita conferre; facit enim & discendi negligentiam hæc ipsa fiducia, & lacerat ac deformat orationem.* item ex Libro XI. Cap. ult. sub finem: *Nec inutiliter ex Græcis Veteres transtulerunt, quod ab his sumtum Lenas Popilius posuit, esse hanc inotiosam (Quintilianus forte inactuosam ex Popilio scripserat) actionem.*

LENIVS Auruncanus, poëta Satyricus, a Veteri Scholiaste laudatur & intelligi creditur in illo Juvenalis Sat. I, v. 20

Per quem magnus equos Auruncæ flexit alumnus: aliis Lucilio hunc titulum adferentibus. Vid. Jor. Scalig. Lect. Aufon. Lib. II. cap. XI. p. m. 115.

LI-

LIVIVS DRVSVS, Juris homo peritissimus, monumenta ad jus civile pertinentia condidit, teste Valerio Maximo VIII, 7, 4. *Consimilis perseverantia Livius Drusus, qui ætatis viribus & acie oculorum defectus, jus civile populo benignissime interpretatus est: utilisissimaque discere id cupientibus monumenta composuit. Nam ut senem illum natura, cæcum fortuna facere potuit: ita neutra interpellare valuit, ne non animo & videret & vigeret.* Pater hic *Livii Drusi* fuit, quem turbatore plebis vocat Tacitus Annal. III, 27, 3. (Conf. Flor. III, 17, 1. seqv. Epit. Livii 70. & 71. Senec. Consol. ad Marciam, XVI. &c.) Ceterum inter Jureconsultos Veteres *Livium* nostrum a *Pomponio* præteriri, (Digest. Lib. I. Tit. 2.) merito cum *Colero* miramur.

LONGVLANVS *Cassius Severus* Scriptor insignis & orator temporibus Augusti & Tiberii, laudatur a *Plinio* Lib. I. in Indice inter eos, quorum scriptis se adjutum fatetur Lib. XXXV. Dictus forte *Longulanus* (nam prænomen nescimus) ab oppido Volscorum haud ignobili *Longula*, cujus meminit *Livius* Dec. I. Lib. II. pag. m. 28. & 29. meminisse vero supersedent Lexica Latina, quæ vidi, omnia, etiam Geographicum *Caroli Stephani*, (edit. Londin. 1686. in fol.) & *Cluverius* Introduct. in Geographiam Lib. III. Cap. XXVII. pag. m. 270. de Oppidis Volscorum. Plura vide apud *Harduinum* in Indice Auctorum Plinii pag. 103.

LVCEIVS, five, quod alii malunt, *Luccejus*, ab *Asconio Pediano* in Orat. Cic. contra C. Ant. citatur pag. m. 151. *Hac Luceius quoque Catilinæ obji-*
cit

cit in orationibus, quas in eum scripsit. Illum puto, qui res a Cicerone in Consulatu gestas & historiam belli Italici & civilis scripsit, de quo vide *Vossium* lib. I. de Hist. Lat. pag. 58, 59. Alius est *Luceius Albinus*, orator disertissimus, testimonio *Plinii* lib. III. Epist. 9. de quo vide sis *Partem II.*

LVCILIVS JUNIOR, Siciliæ procurator, temporibus *Senecæ*, quem vide Lib. IV. Quæst. Nat. Præfat. princ. pag. m. 687. Epicureus fuit, teste eodem, Epistola 23. *Possim vocem tibi Epicuri tui reddere* - adeoque in Catalogum Epicureorum merito relatus a *Gassendo* de Vita & moribus Epicuri Lib. II. Cap. VI. pag. 48. & postea a *Fabricio* meo Biblioth. Gr. L. III. Cap. 33. pag. 812. Scripsit Carmen de *Ætna* (vid. Epist. 79.) aliaque poemata (v. Epist. 8. & Quæst. Nat. Lib. III. Cap. 1. & 26.) & Epistolas Varias ad *Senecam*, qui studia & Libros *Lucilii* mirifice extollit. Vide inprimis Epist. 19, 21, & 46. *Lucilium* hunc nostrum quidam *Balbum* cognominant (vide *Lipsium* ad Epistolam 53.) sed minus recte. Dicendus est Junior, quo cognomine utitur apud laudatum *Senecam* Lib. III. Qv. Nat. Cap. 1. sub init. & in Præfatione Libri IV. Reperitur & hujus *Lucilii* mentio in Epistolis, quæ Paulo & *Senecæ* tribuuntur, imo & *Paulus* ad *Lucilium* scripsisse, perhibetur. Vide *Celeb. Fabricii* Codicem Apocryphum Novi Testamenti pag. m. 892. & 896. edit poster. Hamb. A. 1719.

LVCILIVS BASSVS. v. supra *Bassus*.

LVCILLVS aliquis tempore *Symmachi* scripsit, ad quem hic Lib. VIII. Epist. 21. *Indulgere te otio*

otio opinionis falsus putabam: tu vero animum lectione, labore corpus exerces. Hoc indicant scripta & munera tua stylo exsculpta &c. quanquam dissimulare nolumus, quod in nonnullis Symmachii editionibus nulla prorsus ἐπὶ ῥημάτων huic epistolæ præfixa conspiciatur. Alus est *Lucillus Tarrhæus*, de quo vid. *Vossius* de H. Gr. p. 384. & *Lilius Gyraldus* Dial. X. de Poëtarum Historia p. m. 1078. ut de aliis *Lucillis* taceam.

LVCIVS CÆSAR a *Prisciano* Lib. VIII. p. m. 285. cum hoc fragmento allegatur: *Quæres augurantur*, passive, ὁ ὠνοσκοπεῖνται. item a *Festo* in MAJOR CONSUL: Majorem Consulem *L. Cæsar* putat dici vel eum, penes quem fasces sint, vel eum, qui prior factus sit: Prætores autem majorem urbanum, minores ceteros. Ego inter tot *Lucios Cæsares*, de quibus vide *Ciceronem* Lib. VII. Epist. 12. *Sextum Aurelium Victorem* de origine Gentis Romanæ pag. m. 598. (conf. *Voss.* de Hist. Lat. pag. 65) *Julium Cæsarem* de B. Gall. Lib. VII; Cap. 12. de B. Civ. Lib. I. Cap. 3. *Hirtium* de B. Afric. cap. 11. *Svetonium* in vita Cæsaris Cap. 75. *Priscianum* Lib. X. p. m. 398. (de L. Cæsare, pro quo ad populum *Cato* dixit) nihil certi definitio, sed neque dubito, *Cæsarem* nostrum ad ætatem Augusti pertinere, quod huic apud laudatum *Priscianum* fragmentum (ex epistola, credo) ad *Virgilium* tribuitur Lib. cit. pag. 408. *Excucurristi a Neapoli*. ubi ἀπὸ Νεῶς *Cæsar* vocatur.

LVCIVS CRASSITIVS (forte a *Crasso* ita dictus) illustris Grammaticus, *Commentarium Smyrna* edidit, edito ita inclaruit, ut hæc de eo scriberentur:

Uni

Uni Crasitio se credere Smyrna probavit :

Definite indocti conjugio hanc petere.

Soli Crasitio se dixit nubere velle :

Intima cui soli nota sua extiterint.

Vide *Svetonium* de *Illustr. Gr.* cap. 18. qui pluribus hujus vitam persequitur.

T. ANNIVS LVSCVS, orator, adversus T. Gracchum dixerat, cujus orationis fragmentum exstat apud *Festum* in s A T V R A : *Imperium, quod plebs (antique pro plebs) per Saturam dederat, id abrogatum est.* Confer de *Lusco* nostro *Livium* Lib. XLII, Cap. 25. & XLIII, Cap. 17.

M.

MACER (BÆBIUS) v. *Bæbius*.

MALLIVS aliquis à *Macrobio* citatur *Saturn.* lib. I. c. 10. „Mallius ait eos, qui se Saturni nomine „(malo numine) & religione defenderant, per triduum festos instituisse dies & Saturnalia vocavisse : „Unde & *Augustus*, hujus rei, inquit, opinionem secutus in legibus judiciariis triduo servari ferias „jussit.„ Duos equidem memini a *Macrobio* *Mallios* laudari, L. *Mallium*, quem *pietorem Romæ optimum* vocat Lib. II. Cap. 2. & P. *Mallium*, hospitem *Ciceronis*, ibid. cap. 3. sed uterque a nostro diversus. Cognomines alios non novi præter *Mallium Chilonem*, ad quem *Aureliani Imperatoris* Epistola exstat apud *Flavium Vopiscum* Cap. 23. sed & hic alius est.

MANILIVS aliquis a *Varrone* citatur Lib. II. Cap. 3. de *Re Rustica* : *De emtione aliter atque de ovibus*

ovibus dico, quod capras sanas sanus nemo promittit, nunquam enim sine febris sunt, itaque stipulantur paucis exceptis verbis, ac Manilius scriptum reliquit sic - &c. & cap. 7. Emtio equina similis fere ac bouum & asinorum, quod iisdem rebus dominium in emtione mutatur, ut in Manilii actionibus sunt perscripta. Conf. Cap. 5. Manilium puta illum, qui temporibus Marii & Syllæ floruit, de quo videatur *Vossius* Lib. I. de Historicis Latinis cap. 9. pag. 40.

MANLIVS SVRA, Orator præclarus, temporibus Augusti & Tiberii, sæpissime a *Plinio* laudatur in iis Scriptoribus, quorum ex monumentis aliqua transtulit in Historiam suam Naturalem. Vide Lib. I. in Indice Libri VII, X, XI, XII, XIII. Adde ex Libro XVIII. Cap. 16. *Apud antiquos erat pabuli genus, quod Cato Ocynum (lego Ocymum, ut apud Catonem legitur de Re R. Cap. 27, 33, 54. a Græco verbo ὠκυνς, quod valet cito, quæ verba sunt Varronis de R. R. Lib. I. Cap. 31) vocat, quo sistebant alvum bubus. Id erat pabulis, segete viridi desecta, antequam gelaret. (emendatam & genuinam lectionem quære apud Varronem l. c.) Sura Manlius id aliter interpretatur, & tradit fabam modios decem, vicia duos, tantundem erviliæ in jugero autumno misceri & feri solitum. Meminit vero & Quintilianus de Manlio nostro Lib. VI. Cap. 4. Afer (Domitium puta) venuste Manlium Suram multum in agendo discursantem, salientem, manus jactantem, togam dejicientem & reponentem, non agere dixit, sed satagere: item Lib. XI. Cap. 3. Harduinus in Plinio Mamilius legit pro Manlius, sed*

absque consensu Quintiliani, cujus loca non animadvertit.

MARCVS REGVLVS, Caussidicus sub Domitiano & Trajano, homo malus & inimicissimus Viro optimo *Rustico Aruleno*, Stoico, (de quo conferri possunt *Jonsius* de Script. H. Philos. lib. III. Cap. 5. p. m. 21. *Mollerus* Homonymosc. Cap. IV. p. 381. *Vossius* de H. L. p. 155. alii) cujus morte exultavit adeo, ut Librum recitaret, in quo *Rusticum* inlectatus, *STOICORVM* eum *SIMIAM* appellavit, quæ verba sunt *Plinii Junioris* Lib. I. ep. 5. Librum *de vita filii* scripsit, teste eodem Lib. IV. epist. 7. *Ipse* (Regulus) nuper, adhibito ingenti auditorio, Librum *de vita filii* recitavit : tum eundem Librum in exemplaria transcriptum mille, per totam Italiam provinciasque dimisit. Scripsit publice, ut a decurionibus eligeretur vocalissimus aliquis ex ipsis, qui legeret eum populo; factum est. De moribus hujus Reguli v. porro *Plin.* l. cit. & Lib. II. ep. 20. L. IV. ep. 2. L. VI. ep. 2.

C. MATIVS, Eques Romanus, amicitia Augusti clarus, una cum scriptis suis a *Collumella* laudatur Lib. XII. de R. R. Cap. 44. princ. *Sequuntur vindemiam rerum æstivum alium compositiones, quæ & ipsæ curam villicæ distendunt. Nec ignoro, plurima in hunc librum non esse collata, quæ C. Matius diligentissime persecutus est. Illi enim propositum fuit urbanas mensas & lauta convivia instruere. Libros tres edidit, quos inscripsit nominibus Coci, & Cetarii & salgamarii. Quo pertinent illa Plinii Lib. XII. Hist. Nat. Cap. 2. Primus Cn. Matius*

ex equestri ordine, Divi Augusti amicus, invenit nemora consilia intra hos LXX. annos. Conf. Lib. XV. cap. 14. Alius est Cn. Matius, poëta, de quo vide sis *Gyraldum* Dial. VIII. de Poëtarum historia pag. m. 919. seqv. *Fabricium* meum Biblioth. Gr. Lib. II. pag. 297. *Scaligerum* ad Varronem pag. 150.

MAXIMVS aliquis (forte *Mesius*) præfectus Achaïæ, Scriptor præclarus, temporibus Trajani floruit, ad quem *Plinius* Lib. IV. ep. 20. *Quid senserim de singulis libris tuis, notum tibi, ut quemque perlegeram, feci. Accipe nunc, quid de universis generaliter judicem. Est opus pulchrum, validum, acre, sublime, varium, elegans, purum, figuratum, spatiosum etiam, & cum magna tua laude diffusum. Opus sive Libros intelligo, de quibus idem ad eundem Lib. IX. Epist. I. Sape te monui, ut Libros, quos vel pro te vel in Plantam (alii Blateram legunt, quod minus placet) imo & pro te & in illum composuisti, quam maturissime emitteres.* Conf. Lib. VIII. Epist. 19. in qua Auctor *Maximo* suo se potissimum cenfore & emendatore operum suorum uti fatetur.

MAXIMVS alius est, & nisi fallor, poëta, ad quem *Martialis* Lib. III. Epigr. 18.

Perfrixisse tuas quæstæ est præfatio fauces.

Cum te excusaris, Maxime, quid recitas?

quo pertinet forte illud Lib. IV. Epigr. 41.

Quid recitaturus circumdas vellera collo?

Conveniunt nostris auribus ista magis.

item aliud huic geminum lib. VI. Epigr. 41.

Qui recitat lana fauces & colla revinctus ;

Hic se posse loqui, nosse tacere negat.

Conf. lib. VII. Epigr. 62. ad *Maximum* & alibi passim.

MAXIMVS JVNIVS, historicus. Vide Partem II.

MECÆNAS quid scripserit, satis notum est ex *Gyraldi* Dialogo IV. de Poëtis Latinis & *Vossio* de Hist. Lat. pag. 105, 106. Nos in utriusque, ut & *Christophori Sandii* gratiam, qui *Vossium* adnotavit & locupletavit, Fragmentum addimus ex *Prisciano* Lib. X. pag. m. 410. *Mecenas in Octavia: Pexisti capillum naturæ muneribus gratum.* forte *Octavio* legendum. Conf. *Sveton.* in Aug. cap. 79. de *Capillo Octavii leniter inflexo & sufflavo.*

Q. METELLVS NVMDICVS, insignis Orator satisque inclutus testimoniis *Ciceronis* pro Arch. poët. II. 6. & de Clar. Orat. p. m. 148. item *Velleji Paterculi* II, 9, 1. *Flori* III, 1, 12. & aliorum. Varias Orationes scripsit, ut de PROLE AVGENDA sive de DUCENDIS VXORIBVS, cujus fragmenta duo apud *Gellium* leguntur lib. I. cap. 6. (conf. *Sveton.* in Augusto Cap. 89. & *Flor.* in epitome Livii lib. LIX.) ADVERSVS C. MANLIUM. Vid. *Gell.* lib. VI. cap. 11. ubi alii C. *Mallium*, Schefferus C. *Mamilium*, Pighius C. *Mamilium* legi sudent, ego vero supra positam lectionem retineo, auctoritate & auspiciis *Prisciani*, qui & ejusdem Orationis & ex ea loci cujusdam ineminit, lib. VIII. p. m. 285. *Metzellus Numidicus in oratione, qua apud populum C. Manlio trib. pleb. respondit: Nam ut aliis plerumque obvenienti magistratu ob metum statua polliceantur.*

antur. παſſive ἐπαγγέλλονται. DE TRIUMPHO SVO (ſc. Jugurthino) Vid. *Gell.* lib. XII. cap. 9. coll. cum *Aurelio Viſtore* de Viris Illuſtr. c. 66. & *Sigonii* Commentar. in Faſtos & triumphos Roman. ad annum DCXLIV. IN VALERIVM MESSALAM ACCVSATIONIS LIBROS, quorum *Tertium* una cum brevi fragmento allegat laudatus *Gellius* Lib. XV. cap. 14. & denique EPISTOLAM, ad Cn. & L. DOMITIOS, quum eſſet in exilio, datam, cujus duo loca ſervata debemus eidem Lib. XV. cap. 13. & lib. XVII Cap. 2.

METELLVS SCIPIO, Tribunus plebis Julio Cæſare & Bibulo COSS. a *Plinio* inter Scriptores ſuos laudatur lib. I. in Indice lib. VIII. & XXIX. Quiniſmo audiamus ipſum *Plinium* lib. VIII. Cap. 48. *Metellus Scipio tricliniaria Babylo- nica ſeſtertium octingentis millibus veniſſe jam tunc, poſuit in Catonis criminibus, quæ Neroni principi quadragies ſeſtertio nuper ſteterẽ.* Scripſit nempe vehementiſſime adverſus Catonem Uticenſem, teſte *Plutarcho* in Catone Minore pag. 771.

MODESTVS v. *Julius Modestus.*

MONATIVS aliquis ab *Iſidoro* lib. 10. Orig. Litt. N. column. m. 1081. cum hoc fragmento allegatur: *Hic adoleſcens nequam non malus*, id eſt, uti ille interpretatur, nugax non pernicioſus. At quis, quæſo, iſte *Monatius*? certe legendum ſuſpicor *Munatius*, imo *Munatium* forte *Ruſum* intelligen- dum, de quo Scriptore meminit *Valerius Maximus* lib. 4. cap. 3. & exinde *Vofſius* de H. L. pag. 23. ſive L. *Munatium Plancum*, Oratorem & diſcipulum

Ciceronis, qui, cum diceretur Afinius Pollio orationes in se parare quæ ab ipso aut liberis post mortem Planci ederentur, ne respondere posset, dixisse fertur, *Cum mortuis non nisi larvas luctari*, uti auctor est *Plinius* in Præfat. Hist. Nat. circa finem. Conf. *Tacit. Annal. I. 39, 2.* Alius vero est *Munatius Flaccus* apud *Plutarchum* in Catone Minore p. 770. 777. & 783.

MONTANVS VOTIENVS, toto animo Scholasticus, a *Seneca* laudatur Controv. Lib. 3. cap. 20. lib. 4. Præfat. & cap. 24, 25, 26, 27, 28. Adde & 29. ubi *Scripta Montani* memorantur, sed obscura, sed ignotissima. Alius est *Alpinus Montanus*, apud *Tacitum* Hist. III. 35, 2. IV, 31. 2. & 32, 5. V. 19, 4. aliüs *Julius Montanus* apud eundem *Annal. XIII, 25, 3.* & *Senecam* Epist. 122. p. m. 557.

MUCIANVS (*Licinius*) historicus sui temporis gravissimus fuit, cujus vitam & Scripta postquam cumulatissime illustravit diligentissimus *Vossius* de H. Lat. lib. I. Cap. XXVII. pag. 141. hoc unicum addere libet ex Dialogo de Oratoribus Cap. 37. princ. *Nescio an venerint in manus vestras hæc Vetera, quæ & antiquorum bibliothecis adhuc manent, & nunc maxime a Muciano contrahuntur: ac jam undecim, ut opinor, Actorum libris, & tribus Epistolarum composita & edita sunt.*

N.

NAVCELLIVS sive **NAVCELLVS**, Vir eruditus, poëta eximius, amicus Symmachi, qui scripta illius poëtica & antiquaria in hunc modum collau-

laudat Lib. III. Epist. 11. *Non fitebo alterum munus opusculi tui, quo prisca cujusque Reipublicæ ex libro Græco in Latinum transtulisti: Arma ab Samnitibus, insignia a Tuscis, leges de lare Lycurgi & Solonis sumferamus. Tuus nobis posthac addidit labor peregrina monumenta, quæ jam sui nesciunt. Nunc vere civitas nostra populorum omnium parens facta est; docere potest singulos antiquitates suorum. Ipsa vero pars materiæ digna laudari, quanto verborum stellatur auro? Nescias cultu an rebus magis voluminis honor gaudeat.* Adde ex Epistola 13. ad Naucellium: *Dum carmina tua ruminas, dum epigrammata oblati lucis aut annibus componis, fallitur doctis cogitationibus sensus laboris.* Editionem Symmachi sequor *Pareanam* Francof. 1642. 8. quod minime dissimulandum putavi, cum *Jacobus Lectius* in sua Genevensi 1587. *Juliano* citatas epistolas inscribit, non *Naucello*, quanquam & *Naucelli* nomen agnoscit Epist. 16.

NIGER SEXTIVS, Gente Romanus, Græce de *Medicina* scripsit, teste *Plinio* Lib. I. in Indice H. Nat. Lib. 12, 13, 14, 15, 16. seqv. In plerisque editionibus *Sestius* scribitur & *Sextius* promiscue, quasi nulla inter utramque gentem differentia intercedat, de qua copiosius jam olim disseruit V.C. *Carolus Sigonius* Lib. I. Emendat. Cap. XVIII. pag. 190, 191. Tom. II. Thesaur. Gruter. Ceterum accipiamus, quæ ex Nigro nostro tradit laudatus *Plinius* Lib. XVI. Cap. 10. sub fin. *Hanc* (tatum) *Sextius Smilacem a Græcis vocari dixit, & esse in Arcadia tam præsentis veneni, ut, qui obdormi-*

ant sub ea, cibumve capiant, moriantur. item Lib. XXVIII. Cap. 8. *Sextius plus quam drachmæ pondere in vini hemina potum, perniciem afferre tradit; præterea ejusdem decocti jus cum melle sumtum, Venerem inhibere.* & Lib. XXIX. Cap. 4. *Sextius Venerem accendi cibo earum (Salamandarum) si detrahitis interaneis & pedibus & capite in melle servantur, tradit, negatque restingui ignem ab ijs.* nec non Lib. XXXII. cap. 3. sub. init. *Amputari hos (testes) ab ipsis (castoribus) cum capiantur, negat Sextius diligentissimus medicinae &c.* quod elogium Plinianum errores illos prorsus diluere videtur, quos in herbis explicandis *Sextio* tribuit *Dioscorides* in Præfatione. Citatur & *Sextius* noster a *Plinio Valeriano* IV, 5. De Q. *Sextio* vid. infr. quem patrem *Nigri* nostri fuisse conjicio.

NIGER TREBIVS. v. *Trebius*.

NIMIVS CASSIVS, Vetus poëta, *Iliadem* Homeri Latino Carmine reddidit (sicut & *Accius Labeo*, teste Veteri Scholiaſte ad *Persium* Sat. I. v. 50. nec non *Cnejus Mattius*, v. *Gell.* Lib. VI. c. 6. lib. IX. c. 14. *Diomedem*, *Charisium*, alios) cujus ex libro XXIII. ſequentem verſiculum affert *Prifcianus* Lib. IX. pag. m. 368.

Nam non connivi oculos ego deinde ſopore.

MS. *Putſchii* Codex pro *Nimius Caſſius* legit *Ninnius Craſſus*; v. *Fabricii* mei Bibliothec. Græc. Lib. II. Cap. III. pag. 297.

NISVS aliquis a *Prifciano* citatur Lib. X. pag. m. 385. *Ungo quidem Niſus & Papyrianus & Probus tam ungui quam unxi dicunt facere præteritum;*

ex

ex quibus Grammaticum eum fuisse vides. Reliquit et *Commentarios fastorum*, quorum testimonio utitur *Macrobius Saturnal. Lib. I. c. 12.* Adeo ut, sicut *Nisus in commentariis fastorum dicit*, apud maiores quoque nostros hæc appellatio mensis (*Junonii*) diu manserit: sed post detritis quibusdam litteris ex *Junonio Junius dictus sit* &c. Adde ex *Donato in vita Virgilii pag. m. 4.* *Nisus Grammaticus audisse se a Senioribus* agebat, *Varium duorum librorum* (*Æneid. Virgilii*) ordinem commutasse, & qui nunc secundus sit, in tertium locum transtulisse &c.

NUMA POMPILIVS quid scripserit satis notum est ex istis *Plinii Lib. XIII. cap. 13.* *Cassius Hemina quarto Annalium libro prodidit*, *Cn. Terentium Scribam agrum suum in Janiculo repastinantem*, offendisse arcam, in qua *Numa*, qui Romæ regnavit, situs fuisset. In eadem libros ejus repertos -- Et libros citratos (ita legit *Harduinus* ex MS. Reg. Paris. Tolet. alii cedratos) fuisse, propterea arbitrari er tineas non tetigisse. In his libris scripta erant philosophiæ *Pythagoricæ*. Eosque combustos a *Q. Patilio* prætore, quia philosophiæ scripta essent. (conf. *Notas ad Quæstiones nostras Romanas pag. 257.*) Hoc idem tradit *L. Piso Censorius primo commentariorum*: sed libros septem juris Pontificii, totidemque *Pythagoricos* fuisse: *Tuditanus decimo tertio*, *Numa decretorum* fuisse: ipse *Varro Humanarum antiquitatum Sexto*, *Antias secundo*, duos pontificales Latinos, totidem Græcos, præcepta philosophiæ continentes. Quin immo ex Pontificalibus Numæ libris ecce memorabile & hætenus reconditum fra-

gmentum apud *Fulgentium* de Prisco Sermonem Num. 14. *Varro* in Pontificalibus ait, Tutulos sacerdotes dici brevium deorum. *Numa* vero *Pompilius*, & ipse de Pontificalibus scribens, Tutulum dici ait pallium, quo Sacerdotes caput tectabant, cum ad sacrificium accessissent. Pro brevium deorum quid legendum sit, (nam depravatum locum esse nemo dubitare potest) diu deliberavi, miratus simul, hanc lectionem neque a *Scaligero* neque *Mercero* aut aliis adnotatam. Tandem quid reponi commodè possit nihil inveni, nisi *larium deorum*, de quo judicent sapientiores.

O.

Q. OCTAVIUS AVITVS (sive, ut alii legunt, *Attius*) Grammaticus, uti videtur, *Octo volumina* Ὀμοιοτελεύτων scripsit, quæ quos unde versus transtulerit *Virgilius*, continent, teste *Donato* in vita *Virgilii* pag. m. 4. Nomen de reliquo obscurissimum.

OCTAVIUS RVFVS poëta insignis sub *Trajano* floruit, clarus imprimis Epistolis *Plinii*, in quibus hic *Carminum* illius copiam nunc sibi nunc omnibus fieri postulat, ut Lib. I. ep. 7. n. 5. *Cur non usquequaque Homericis versibus agam tecum? quatenus tu me tuis agere non pateris: quorum tanta cupiditate ardeo, ut videar mihi hac sola mercede posse corrumpi, ut vel contra Baticos adsum.* item Lib. II. ep. 10. *Hominem te patientem vel potius durum ac pene crudelem, qui tam insignes libros tamdiu teneas! Quousque & tibi & nobis invidebis?*
tibi

tibi, maximam laudem, nobis, voluptatem. Sine per ora hominum ferantur, iisdemque, quibus Lingua Romana, spatiis pervagentur - Enotuerunt quidam tui versus & invito te claustra tua fregerunt. Quo pertinet, nisi fallor, Censura auctoris Lib. IX. Ep. 38. Ego vero Rufum nostrum laudo; non quia tu, ut ita facerem, petiisti, sed quia est ille dignissimus. Legi enim librum omnibus numeris absolutum, cui multum apud me gratia amor ipsius adjecit.

OPPIANVS, poëta sub Domitiano, obscuri, ut videtur, nominis, de quo *Martialis* Lib. VII. Epigramm. 3.

*Effet, Castrice, cum mali coloris,
Versus scribere cepit Oppianus.*

Conf. Lib. VI. Epigr. 42. & Lib. VIII. Epigr. 25. Alius est *Oppianus*, poëta Græcus sub M. Antonino apud *Suidam* p. m. 671. de quo *Gyraldus* Dial. IV. de Poëtis p. m. 550. seqv.

ORBILIVS, Grammaticus Vetus, cum hoc fragmento allegatur a *Prisciano* Lib. VIII. p. m. 285. *Quæ vix ab hominibus consequi (παρρησιαῶς) possunt.* Conf. *Svetonius*, qui Lib. de Illustr. Gramm. Cap. 9. Vitam & Scripta *Orbilii* nostri iusto ordine persequitur, quo & pertinent sequentia ex *Orbilio* Cap. 4. ibidem: *Sunt, qui literatum a literatore distinguant, ut Græci Grammaticum a Grammatista, & illum quidem absolute hunc mediocriter doctum existiment, quorum opinionem Orbilius etiam exemplis confirmat. Nam apud majores, ait, cum familia alicujus venalis produceretur, non temere quem literatum, in titulo, sed literatorem inscribi soli-*

solitum esse, quasi non perfectum literis, sed imbutum. Conf. *Gulielmi Ranchini* Var. Lect. Lib. I. Cap. IV. pag. m. 9, 10. De filio *Orbilio*, itidem Professore, nihil constat.

OTHO JUNIVS. *Seneca* Controv. Lib. II. Cap. 9. *Otho Junius pater solebat difficiles controversias belle dicere - Edidit quidem quatuor libros colorum, quos belle Gallio noster Antiphontis libros vocabat.* Conf. *Excerpta* Controv. Lib. II. Declam. I. & Lib. IV. Contröv. 8. Adde ex *Tacito* Annal. III. 66. 4. *Junio Othoni literarium ludum exercere vetus ars fuit : mox Seiani potentia Senator, obscura initia impudentibus ausis propellebat.* Conf. VI. 47, 2.

P.

PALFURIUS SVRA, eloquentiæ & poëti-
cæ laude conspicuus, memoratur *Juvenali* Sat. IV.
v. 53.

*Si quid Palfurio, si credimus Armiliato,
Quicquid conspicuum pulchrumque est equore
toto,*

Res fisci est, ubicunque natat -

ad quem locum *Vetus Scholiastes* : *Palfurius Consularis filius, in agone cum Virgine Lacedæmonia sub Nerone luctatus est. Post inde a Vespasiano Senatu motus transiit ad Stoicam sectam, in qua cum prevaleret & eloquentia & artis poetice gloria, abusus familiaritate Domitiani, acerbissime partes delationis exercuit; quo interfecto Senatu accusante damnatus est.* Adde hunc *Palfurium* nostrum Stoicis iis, quorum
Cata-

Catalogum habes apud Celeberrimum *Fabricium* meum Lib. III. Biblioth. Gr. Cap. 15. Conf. porro *Suetonius* in Domitiano cap. 13. & *Martialis* Lib. I. Epigr. 50. sub finem.

PALLADIUS aliquis, rhetor clarissimus temporibus Theodosii &c. *Declamationes* scripsit, quarum unam prædicat *Symmachus* Lib. I. Epist. 15. ad Aufonium: *Pene evenerat, ut tecum succincta brevitate loqueremur, quoniam decrant digna memoratu - Sed tempestive Palladii Rhetoris nostri declamatio auxit paginam. Ea complacita summatis litterarum clam te esse non debuit.* &c. &c. Palladii hujus eruditionem & facundiam Idem sæpius collaudat, ut Epist. 94. ibid. *Si fratrem meum Palladium spectatum bonis omnibus facundiæ atque eruditionis adstipuler.* & Lib. III. Epist. 50. *Si quid præterea scitu opus est, meus Palladius indicabit, quem ego non minus doleo abductum a Juventute Romana, quam gratulor in spem sui honoris accitum.* Conf. Lib. IX. Epistola I. ad Palladium, ex qua prope est ut concludam, Palladium nostrum eum esse, qui Consul cum Theodosio fuit, (vid. *Cassiodor.* Chron p. m. 696) de quo sæpiuscule meminit *Ammianus Marcellinus*, in primis Lib. XXIX. p. m. 530-534. Addo denique testimonium *Sidonii Apollinaris* Lib. V. Epist. 10. ad Sapaudum: *Sane ne videar tibi sub hoc quasi hyperbolico rhetorum catalogo blanditus quippiam gratificatusque, solam tibi acrimoniam Quintiliani, pompamque Palladii* (i. e. facundiam. v. Lib. IV. Ep. 17.) *comparari non ambigo. Sed neque prætereundum illud Jo. Saris-*
beri-

beriensis Lib. III. Metalogici Cap. X. *Est autem, ut ait Palladius, magna pars prudentiæ, ejus, cum quo agitur, æstimare personam.* De aliis *Palladiis* vide *Fabric.* Bibl. Gr. Lib. V. Cap. 32. pag. 10 - 14.

PASSIENVS CRISPVS. v. *Crispus.*

PATERNVS aliquis a *Vegetio* laudatur Lib. I. Cap. 8. *Hæc necessitas compulit evolutis auctori- bus, ea me in hoc opusculo fidelissime dicere, quæ Caius ille Censorius de disciplina militari scripsit, quæ Cornelius Celsus, quæ Frontinus perstringenda duxerunt, quæ Paternus diligentissimus juris militaris assertor in Libros redegit.* ad quod nomen *Stevvechius* in *Notis* pag. m. 35. „Huic *Terrunteni Paterni* nomen reddo. Nam & index *JCtorum* *Pandectis* *Pilarris* præfixus *Ταβέρντηνον Πάτερνον* „appellat, & iisdem libris inscriptiones legum. *Hujus Paterni* etiamnum fragmenta reperio l. 7. & „secundum libros quosdam in l. 15. falso *Papinianus* „adscripta ff. de re militari. Aliud ejusdem „quoque fragmentum reperi l. 12. ff. dicto tit. & l. „ult. ff. de jure immunitatis. *Paternum* hunc vixisse „se observo sub Imp. *Commodo Antonino*, & præfectum prætorio fuisse. &c. „ *Hactenus Stevvechius* satis erudite. Ceterum & alii *Paterni* illustres sunt apud Romanos, ut *Plinius Paternus*, ad quem epistola XXI. *Plinii Junioris* exstat Lib. I. forte, qui sub *Hadriano* Consul fuit cum *Torquato* (v. *Casiod.* Chron. p. m. 691) & in quem *Martialis* lib. XII. Epigr. 53.

*Numi cum tibi sint operque tanta,
Quantas civis habet, Paterne, rarus,
Largiris nihil.*

Ta-

Taceo *Paternum* Consulem sub Alexandro Mam-
mææ filio, una cum Maximo, & alios sub Valeria-
no & Gallieno, Aureliano, Tacito & Theodosio, de
quibus vide laudatum *Casfodorum*. Verum ab his
nihil memoriæ proditum scimus.

PERELLIVS FAVSTINVS. v. *Faustinus*.

PISO CALPVRNIVS. v. *Calpurnius*.

ANNEVS PLACIDVS a *Servio* laudatur
ad illud *Virgilii* Lib. I. *Æn.* v. 45.

Unius ob noxam, & furias Ajacis Oilei?

Verba five Notæ Servii sunt: *Dicitur Minerva tan-
tum ob vitiatam Cassandram in templo suo, solius
Ajacis pœna non fuisse contenta, ut postea per oracu-
lum de ejus regno quotannis unam nobilem puellam
jusserit Ilium sibi ad sacrificium mitti; & quod est
majus, de ea tribu, de qua Ajax fuerat, sicut Anneus
Placidus refert.* Ita ex Fuldensi Codice MSto non-
nulli legunt, pro *Ennius*, quod receptum erat, & for-
te emendatius, ita ut hæc de Ajace traditio ad *sacram
Ennii Historiam* pertineat, de qua diximus in *Idea
nostra Historiæ Litterariæ Romanorum* p. 243. sq.

L. PLOTIVS GALLVS, Rhetor Romanus
temporibus Ciceronis, primus omnium laudatur
Svetonio de *Claris Rhetoribus* cap. 2. quem sequu-
tus est *Hicronymus* in *Chron* Eusebii. Qui qui-
dem quid scripserit, uterque commemorare super-
fedet. Ego vero de *Gestu* (sc. Oratorio) eum scri-
psisse video ex *Quintiliano* lib. XI. Cap. 3. p.m. 671.
*Idque ut fiat, qui de gestu scripserunt circa illa tem-
pora Plotius Nigidiusque precipiunt.* Meminit &
hujus

hujus rhetoris *Varro* apud *Nonium* Cap. 2. num. 85. *Vinicius meus, quod apud Plotium rhetorem bubulcitaret, alteri in dolore non defuit.* Alius est *Plotius* apud *Ciceronem* Lib. XIII. ad Att. Epist. 45. *Taceo Firmum, Griphum, Legatum illum Pompeji &c. Plotius, de quibus Livius, Tacitus, alii.*

POMPEIVS MESSALINVS, Grammaticus, credo, aut rhetor, *de numeris & pedibus Oratorum* scripsit, cujus duo fragmenta reliquit *Rufinus* de Metris Comicis pag. m. 912. *Cicero spondeum incisus idoneum putat, qui (ut ait) paucitatem pedum gravitate sua & tarditate compensat - &c. item de Sallustiana compositione sive numero & structura ibidem: Nunc si videatur, Sallustianæ periodi numeros inspiciamus &c. &c.* Alius est *Pompejus*, prænomine *Quintus*, cujus locum posteritati servavit *Priscianus* Lib. VIII. pag. 287. *Me miserum, quem mille femina despiciari ausa sunt.* Intellige mecum vel *Q. Pompejum Rufum*, Syllæ e filia *Neptem*, vel *Q. Pompejum Bithynicum*, utrumque Oratorem eloquentissimum.

POMPILLVS, poëta sub *Domitiano*, cujus versibus jam pridem evenit, quod prædixerat *Martialis* lib. VI. Epigr. 60.

*Rem factam Pompillus habet, Faustine legetur,
Et nomen toto sparget in orbe suum.*

*Sic iove flavorum valeat genus Uspiorum,
Quisquis & Ausonium non amat imperium.*

Conf. seqv. ibidem.

PRISCVS aliquis, Vir eruditissimus, sub *Traiano* de *Conviviis* scripsit, teste *Martiali* lib. IX. Epigr. 79.

Quod

*Quod optimum sit disputat Convivium
Facunda Prisci pagina:*

*Et multa dulci, multa sublimi refert,
Sed cuncta docto pectore. &c.*

Conf. Lib. X. Epigr. 3. Lib. XII. præfat. item Epigr. I, 4, 14. & 94. *Neratius* hic forte *Priscus* intelligitur, Juris consultissimus, qui plurimum gratia & auctoritate apud Trajanum valuisse traditur, de quo vide *Pandectas* passim & *Spartianum* semel in Hadriano Cap. 18. Certe omnino is esse mihi videtur, ad quem *Plinius* sæpissime scripsit, nec mea me conjectura, credo, fallit, cum penitus inspexero Epistolam XXI. ad *Priscum* Lib. III, quæ ita incipit: *Audiod Valerium Martialem decessisse & moleste fero.* conf. seqv. & Lib. II. Epist. 13. Lib. VII. Ep. 7, 8, 14. præcipue vero Lib. VI. Ep. 15. in qua *Priscus* *Plinii* interesse officiis, adhiberi consiliis, atque etiam *Jus civile publice respondere* dicitur, quod in *Neratium Priscum* apposite cadit. Alius est apud eundem *Marius Priscus* Lib. II. Ep. 11. & 12. alius *Stilponius Priscus*, Lib. III. Ep. 9. ut alios taceam.

PROCVLVVS, poëta, temporibus Trajani floruit, cujus ingenium & venam haud proletariam cognoscis ex ista *Plinii* censura Lib. III. Epist. 15. *Petis, ut libellos tuos in secessu legam examinemque, an editione sint digni - adjicis, M. Tullium mira benignitate poëtarum ingenia fovisse - Faciam, quod desideras - Videor autem jam nunc posse rescribere, esse opus pulchrum, nec suppressendum - &c.* Alius est *Proculus*, itidem poëta, de quo *Ausonius* ad libellum suum Epigr. 33.

*Irascor Procuro: cujus fecundia tanta est,
Quantus honor. Scripsit plurima quæ cohibet.
Hunc studeo ulcisci: & prompta est hæc ultio vati:
Qui sua non edit carmina, nostra legat.*

Conf. seqv. & Epigramma penultimum pag. m. 36.
De aliis porro *Proculis* poëtis vide *Gyraldum*.

R.

C. RABIRIVS, de quo vid. *Vossius* de H. L. p. 111. *Gyraldus* de Poëtis p. m. 503. alii, idem forte est, quem rei Medicæ Scriptorem allegat *Plinius* Lib. XXVIII. Cap. 7. *Alvum etiam sistit potum* (lac muliebre) *ut Rabirius scribit, & menses ciet.*

M. REGVLVS. v. *Marcus Regulus*.

RVBELLIVS BLANDVS, historicus, a *Servio* citatur in notis ad *Virgil.* (*Georg. I.* v. 103.) pag. m. 71. *Sane Rubellius Blandus & Quadrigarius historici, dicunt Gargarum flumen vocari in finibus Thurinis - &c.* Alius est *Blandus*, credo, eques Romanus & præceptor *Fabiani* philosophi, qui rhetoricam professus sæpiusculè a *Seneca* Rhetore in *Controversiis* laudatur. Vid. Lib. II. Cap. 8, 9, 11, 13, 14. & Lib. III. Cap. 17.

RVBRENVS v. *Lappa Rubrenus*.

RVTILIVS aliquis, qui de modo ædificiorum scripsit, laudatur *Svetonio* in vita *Augusti* Cap. 89. *Etiam libro. totos & Senatui recitavit, & populo notos per edictum sæpe fecit: ut Orationes Q. Metelli De prole augenda* (v. supr. METELLVS) & *Rutilii De modo ædificiorum, &c.* Confer *Notas Torrentii & Casauboni* de *Rutilio* nostro quibus quod adjiciam, nihil prorsus me habere fateor. S.

S.

SABINVS TYRO, sub Augusto Librum *Χηπερικῶν* live *Rerum hortensium* scripsit, Mecæ-
nati dicatum, teste *Plinio* H. N. Lib. XIX. Cap. 10.
sicut *Cesennius*, *Castritius Firmus* &c. quos profite-
tur laudatus *Plinius* Lib. I. Conf. Ind. Lib. VI. &
XIX. Taceo *Sabinos* alios, poëtam illum sub
Augusto, item *Massurium*, *Aulum*, *Cæbium*, de qui-
bus alii meminerunt.

SARDVS, incerti argumenti Scriptor sub
Trajano, (oratorii, ut videtur) amicus *Plinii*, qui
Lib. IX. ad illum Epist. 31. *Postquam a te recessi,*
non minus tecum, quam quum apud te fui. Legi e-
nim librum tuum, identidem repetens, ea maxime,
qua de me scripsisti. In quibus quidem percopiosus
fuiſti. Quam multa, quam varia, quam non ea-
dem de eodem, nec tamen diversa, dixisti?

SASERNÆ duo, pater & filius de Re Rustica
diligentissime apud Romanos post *Catonem* scripse-
runt, teste *Columella* Lib. I. Cap. 1. *Ut agricola-*
tionem Romana tandem civitate donemus, jam
nunc M. Catonem Censorium illum memoremus, qui
eam Latine loqui primus instituit. Post hunc duos
Sasernas patrem & filium; qui eam diligentius eru-
dierunt - adde præcedentia ibidem: Multos memo-
rabiles auctores comperi persuasum habere, longo ævi
situ qualitatem cæli statumque mutari, eorumque
consultissimum astrologiæ professorem Hipparchum
prodidiſſe, tempus fore, quo cardines mundi loco mo-

verentur, idque etiam non spernendus autor rei rusticæ *Saserna* (pater, credo,) videtur adcredidisse. Nam eo libro, quem de agricultura scriptum reliquit mutatum cæli statum sic colligit, quod, quæ regiones antea propter hiemis assiduam violentiam nullam stirpem vitis aut oleæ depositam custodire potuerint, nunc mitigato jam & intepescente pristino frigore largissimis olivitatibus, liberique vindemiis exuberent. Conf. Lib. III. Cap. 3, 12, 17. & Lib. IV. Cap. 11. nec non *Varro* de R.R. Lib. I. Cap. 2, 3, 18, 19. &c. & Lib. II. cap. 9. De *Ratione Arbusorum Sasernæ* nostri a *Plinio* citantur Lib. XVII. Cap. 23. Conf. Lib. I. in Indice Lib. XI. Pro *Sasernæ* nonnullæ editiones *Plinii* legunt *Sarsenæ* aut *Sarsennæ*; priorem vero scripturam luculenter confirmant nummi veteres gentis *Hostiliæ*, ex qua ii prodierunt: quos nummos *Patinus* exhibet L. de famil. Rom. p. 123. Verbis utor *Harduini* in Indice Auctorum *Plinii* pag. 128.

CL. SATVRNINVS v. *Claudius*.

L. SAVFEIVS a *Servio* citatur ad *Virgilii* *Æneid.* Lib. I. v. 10. pag. m. 21. *Saufei*us Latium dictum ait, quod ibi latuerunt incolæ, qui quoniam in cavis montium vel occultis, caventes sibi a feris belluis, vel a valentioribus vel a tempestatibus habitaverint, *Cassæi* vocati sunt, quos posterius *Aborigenes* nominaverunt, quoniam ab iis ortos esse recognoscebant, ex quibus *Latinos* etiam dictos. Plura de *Saufeio* nostro *Epicureo* (vide *Gassendum* de vita & moribus *Epicuri* Lib. II. Cap. VI. pag. 44) quære apud *Cornelium Nepotem* in vita *Attici* Cap. XII. num.

num. 5. & *Ciceronem* Lib. I. ad *Atticum* Epist. 2, & 7. Lib. II. Epist. 8. Lib. IV. Ep. 6. Lib. VII. Epist. 1. princ.

Q. SCÆVOLA (forte Q. ille *Mucius Scauola*, quem *Juris peritorum eloquentissimum* vocat *Tullius* & post eum *Vellejus Paterculus* II. 9, 2. conf. Cap. 26. n. 2) allegatur a *Tito Probo* de Nominibus Impositivis pag. m. 1398. *Pueris non prius, quam togam virilem sumerent, puellis non ante, quam nuberent, prænomen imponi moris fuisse, Quintus Scævola auctor est.* Videtur & amatoria live lasciviores versus scripsisse, quod *Plinius Junior* reprehensus a nonnullis ob versiculos, *parum*, ut ipse vocat, *severos*, *Quinti Scævolæ* exemplo se & auctoritate tuetur. Verba *Plinii* sunt Lib. V. Epist. 3. n. 3. *Ego verear, ne me non satis deceat, quod decuit M. Tullium, Cajum Calvum - Q. Scævola?* Conf. præced. ibid. item *Varro* de L. Lat. pag. m. 6, 22, 50, 80, 82. Prætereo alia ad vitam & litterariam Scævola nostri historiam pertinentia, quæ alii litteris tradiderunt. Prætereo porro alios Scævolas, qui cum nostro confundi possunt, de quibus vid. *Jo. Molieri* V. C. Homonymoscop. pag. 404, 405.

L. METELLVS SCIPIO. Metellus.

CN. TREMELLIVS SCROFA, Scriptor peritissimus rerum rusticarum, ævo *Varronis* vixit, qui Lib. II. de R. R. Cap. 2. *Scrofa noster*, inquit, *cui hæc ætas desert rerum rusticarum omnium palmam.* item Lib. I. Cap. 2. *Video huc venire Cn. Tremellium Scrofam Virum omnibus virtutibus politum, qui de agricultura Romanus peritissimus existima-*

tur. Rem rusticam primus eloquentissime latinis litteris illustravit teste *Columella* Lib. I. Cap. 1. & Lib. II. Cap. 1. sub initium, apud quem & varia hujus præceptorum sententiarumque fragmenta leguntur, ut Lib. I. Cap. 1. *Tremellius id ipsum excusat, quod Italia & Africa solum cælumque diversa natura, nequeat eodem proventus habere.* conf. præced. Lib. II. cap. 8. *Tremellius quidem asseverat, priusquam impluerit, (ita omnino legendum pro impleverit) ab avibus aut formicis sata edi, ubi æstivis serenitatibus ager aret.* & Cap. 10. *Fugerum agri, ut Tremellio, quatuor, ut nobis videtur, fabæ sex occupant modii, si solum pingve sit: si mediocre, paulo amplius.* Lib. III. Cap. 3. *De arbusto inter autores non exigua pugna fuit, abnuente Salserna genus id ruris, Tremellio maxime probante.* Conf. Cap. 11. & 12. nec non *Cicero* ad *Atticum* Lib. V. epist. 4. & Lib. VII. ep. 1. *Taceo locum Plinii* Lib. XVII. H. N. Cap. 23. princ. *Sequitur arbusti ratio, mirum in modum damnata Salsernæ patri filioque, celebrata Scrofa, vetustissimis post Catonem peritissimisque: ac ne a Scrofa quidem nisi Italia concessa.* De Origine nominis *Scrofa* non convenit inter *Varronem* & *Macrobium*, quorum ille Lib. II. de Re R. Cap. 4. sub init. *Tremellium ita loquentem introducit: Ignorare videris, cur appeller Scrofa: Avus meus primum appellatus est Scrofa, qui quaestor cum esset, Licinio Nerva prætore, in Macedonia provincia relictus, qui præesset exercitui, dum prætor rediret, hostes arbitrati occasionem se habere victoriæ, impressionem facere ceperunt in castra. A-*

vus,

vus, cum hortaretur, ut caperent arma ac exirent contra, dixit celeriter se illos (ut Scrofa porcos) disiecturum; idque fecit: nam eo pralio hostes ita fudit ac fugavit, ut eo Nerva prator imperator sit appellatus, & avus cognomen invenerit, ut diceretur Scrofa. Hic vero, nescio quem autorem sequutus, Lib. I. Sat. Cap. 6. extr. Tremellius, inquit, Scrofa cognominatus est eventu tali - Reliqua quære apud auctorem.

SEBOSVS STATIVS. v. Statius.

SECVNDIVS, poëta illustris sub Anthemio Imperatore seculo quinto floruit, clarus imprimis testimonio illo, *Sidonii lib. II. Epist. 10. Namque ab hexametris eminentium poetarum Constantii (de quo vide Isidorum de Scriptoribus Ecclesiasticis cap. IV. pag. m. 50. & Auberti Miræ Auctarium §. CIII. p. m. 21.) & Secundini vicinania altari Basilica latera clarescunt - & altero Lib. V. Epist. 8. ad Secundinum princ. Diu quidem est, quod te hexametris familiariter inservientem stupentes prædicantesque lætitabamus. Erat siquidem materia jocunda, seu nuptiales tibi thalamorum faces, sive perfosse regiis ictibus fera describerentur. Sed triplicibus trocheis nuper in metrum hendecasyllabum compaginatæ nihil ne tuo quidem iudicio simile fecisti.* Conf. seqv.

SEPTICIANVS aliquis (forte poëta) sub Trajano *quinque Libros* (incertum cujus argumenti) scripsit, ad quem *Martialis Lib. XI. Epigr. 108.*

*Explicitum nobis usque ad sua cornua librum
Et quasi perfectum, Septiciane, refers.*

Omnia legisti: credo, scio, gaudeo, verum est.

Perlegi libros sic ego quinque tuos.

SEPTIMIUS aliquis, qui *Libros Observationum* (eheu! deperditos) edidit, laudatur a *Quintiliano* Lib. IV. Inst. Orat. Cap. I. pag. m. 204. incertum, *Pub. Septimius*, qui duo Volumina de *Architectura* scripsisse perhibetur a *Vitruvio* in Præfatione Libri VII. an *Septimius*, cui se tres priores Libros de Lingua Latina misisse testatur *Varro* sub initium Libri Quarti, an alius quispiam.

SERGIUS FLAVIUS, rhetor sine dubio, quid scripserit, juxta cum illis scio, qui nesciunt. Meminit hujus auctoris *Quintilianus* Lib. VIII. cap. 3. *Multa ex Græco formata nova, ac plurima a Sergio Flavio, quorum dura quedam admodum videntur, ut* ENS ET ESSENTIA. Idem, credo, *Sergius* est, de quo *Apulejus* Lib. III. de philos. Rationali p. m. 404. *Quam vocat Sergius EFFATVM, Varro PROLOQVIVM, Cicero ENVNCIATVM, Græci PROTASIN, tuin AXIOMA.* Conf. *Gell.* Lib. XVI. cap. 8.

SERGIUS PAVLVS Scriptor antiquus, a *Plinio* laudatur Lib. I. Hist. Nat. in Indice Lib. II. & XIX. cetera obscurus.

SERRANVS (*Attilius*) nobilis poëta, sub Domitiano floruit, cujus paupertatis testem habemus *Juvenalem* Sat. VII. v. 80.

*Contentus fama jaceat Lucanus in hortis,
Marmoreis: at Serrano, tenuique Salejo,
Gloria quantalibet, quid crit, si gloria tantum
est?*

Conf.

Conf. Notas Scholiast. Vet. ibid. Alius est *Attilius* apud *Plinium* Lib. I. Epist. 9. n. 8. II. 14, 2. VI. 8, 1. & 8. item 25, 1. Alius est & multo antiquior *Attilius Serranus*, triumvir, apud *Livium*, alios.

SERVIVS CLAVDIVS five **CLODIVS** *Commentarium* scripsit, ex qua sequentia refert *Gellius* Lib. XIII. cap. 21. In commentario quodam *Servii Claudii* scriptum invenimus, *NERIO* dictum quasi *NEIRIO*, hoc est, sine ira & cum placiditate, ut eo nomine mitem tranquillumque fieri *Martem* precemur. Intelligo *Claudium* illum, cujus meminit *Svetonius* de Illustr. Gr. Cap. 2. in hunc modum: Instruxerunt auxeruntque ab omni parte *Grammaticam* L. *Ælius Lanuvinus*, gener *Quinti Ælii* (vel uti emendatius legi jubet L. *Carrio* Antiqu. Lect. I. Cap. VIII. pag. m. II. Generque *Ælii*) *Servius Claudius*, uterque eques Romanus, multique ac varii & in doctrina & in Rep. usus. Prætereo denique loca *Ciceronis* Lib. I. Epistola XVIII. ad *Atticum*: L. *Papirius Pætus*, Vir bonus amatorque nostri mihi libros eos, quos *Servius Claudius* reliquit, donavit. nec non L. IX. Famil. ep. 16. Ut *Servius* frater tuus, quem litteratissimum fuisse judico, facile diceret, hic versus *Plauti* non est, hic est; quod tritas haberet aures notandis generibus poetarum & consuetudine legendi.

SEXTIVS NIGER, v. *Niger*.

Q. SEXTIVS, Romanus Sapientiæ affectator, (verbis utor *Plinii* Lib. XII. cap. 28.) Præceptiones Philosophicas disciplinæ Stoicæ, Græca Lingua scripsit, de quo *Seneca* Epist. 59. Sextium ecce cum

maxime lego, Virum acrem, Græcis verbis, Romanis moribus philosophantem - &c. item Ep. 64. Læctus est deinde liber Q. Sextii patris (cujus filium fuisse Sextium Nigrum auguror, de quo superius dixi, itidem homine Romano Scriptore Græco) magni, siquid mihi credis, Viri, & licet negent, Stoici - Cum legeris Sextium, dices: Vivit, viget, liber est - In quacunque positione mentis sim, cum lego hunc (fatebor tibi) libet omnes casus provocare - Hoc quoque egregium Sextius habet, quod & ostendet tibi beatæ vitæ magnitudinem, & desperationem ejus non faciet. Nec non Epist. 73. Solebat Sextius dicere, Jovem plus non posse, quam bonum Virum. & Lib. II. de Ira Cap. 36. princ. Quibusdam, ut ait Sextius, iratis, profuit aspexisse speculum - &c. Hactenus philosophumena nonnulla Sextii, quo & pertinet, quod animalibus abstineret, credens scilicet, homini satis alimentorum citra sanguinem esse, & crudelitatis consuetudinem fieri, ubi in voluptatem esset adducta laceratio - &c. quæ verba sunt ejusdem auctoris Ep. 108. Ceterum ut vitæ tempus & historiam philosophiæ Sextii brevi attingamus, vixit sub Julio Cæsare, teste eodem Ep. 98. Honores repulit pater Sextius, qui ita natus, ut remp. deberet capessere, latum clavum divo Julio dante, non recepit. Vixit porro tam religiose, ut consummato die cum se ad nocturnam quietem recepisset, interrogaret animum suum: Quod hodie malum tuum sanasti? Cui vitio obstitisti? qua parte melior es? Vid. Lib. III. de Ira Cap. 36. Denique exordium exodiumque hujus philosophiæ cognoscis ex Libro VII. Quæst. Nat.

Nat. Cap. ult. *Sextiorum nova* (sc. Stoico-Pythagorica) & *Romani roboris secta*, inter initia sua, cum magno impetu cepisset, exstincta est. Taceo illud *Svetonii* de *Illustr. Gramm.* cap. 18. *Lucius Crassitius - dimissa repente Schola transiit ad Quinti Sextii* (ita legi jubent Codices Pithœi & Petavii pro vulgato *Septimii*, & me iudice satis emendate) *philosophi sectam*. Conf. quæ ex *Galco* de *Sextio* nostro affert *Fabricius* meus *Bibl. Gr. Lib. III, c. 14. pag. 411.*

SEXTVS aliquis, poëta obscurissimus, vixit sub Domitiano & Trajano, ad quem *Martialis* Lib. X. Epigr. 21.

Scribere te, quæ vix intelligat ipse Modestus,

Et vix Claranus, quid rogo, Sexte, juvat?

Non lectore tuis opus est sed Apolline libris,

Iudice te major Cinna Marone fuit.

Sic tua laudentur: sane mea carmina, Sexte,

Grammaticis placeant, & sine Grammaticis.

SINNIVS vel SISINNIVS CAPITO (ita vocatur *Hieronymo* in *Genes. X.*) Vir eruditissimus, *Epistolas* plurimas scripsit, quas *Gellius* allegat Lib. V. Cap. 20. SOLOECISMVM *Sinnius Capito* in litteris, quas ad *Clodium Tuscum* dedit, hisce verbis definit: *Solæcismus est, inquit, impar & inconueniens compositura partium orationis.* & Cap. 21. *Sinnii Capitonis doctissimi Viri epistolæ sunt uno in libro multæ, opinor, positæ in templo Pacis. Prima epistola scripta est ad Pacuvium Labeonem, cui titulus præscriptus est, PLVRIA NON PLVRA DICI DEBERE.* In ea epistola rationes Grammaticas

cas posuit, per quas docet PLVRIA Latinum esse, PLVRA barbarum. Edidit & Libros Spectaculorum, quos citat Lactantius VI, 20, 35. Paullatim tamen & ceteris diis idem honos tribui cepit, singulique ludi numinibus eorum consecrati sunt, sicut Sifinnius Capito in libris Spectaculorum docet. ubi Titinnium pro Sifinnio perperam legit Scholiastes Q. Sereni, quem refellit Jacobus Nicol. Loensis Miscell. Epiphill. Lib. IX. Cap. XVIII. Confer Festum in Alterum, Manius, Monstrum, Nec, Nequam, Aurum, Numero, Pacem, Quot Servi tot hostes, Rideo, Sabini, Salva res, Sardi venales, Sexagenarii, Tensa, Vapula Papiria. Confer & Servium ad Lib. I. Æneid. v. 114.

* SORNATIVS, incertus auctor, a Plinio Lib. I. in Indice Libri XXXI. inter eos allegatur, quorum scriptis & opera se usum ingenue fatetur. *Harduinus* in Reg. Cod. 2. *Surnatino* se scriptum vidisse testatur, (in Indice Auctorum Plinii pag. 129) legendumque suspicatur *Sorano*. Ego receptæ lectioni faveo, quam optimæ editiones Veteres velut de compacto tuentur.

SOSIBIANVS, poëta ingeniosus, sub Domitiano & Trajano floruit, ad quem *Martialis* lib. IV. Epigr. 33.

Plena laboratis habeas cum scrinia libris,

Emittis quare, Sosibiane, nihil?

Edent heredes, inquis, mea carmina; quando?

Tempus erat jam te, Sosibiane, legi.

Conf. Lib. XI. Epigr. 84. ad eundem. Alius est *Sosibius* Lacon, Grammaticus (apud *Suidam*, *Athenæum*,

neum, Arnobium, Clementem Alexandrinum, Censorinum &c.) quem cum Sofibiano nostro confundit Nicolaus Loydus & Carolus Stephanus in Lexico Historico-Poëtico, edit. Londin. 1686. in fol.

STATIVS SEBOSVS de *Rebus Indiae* scripsisse videtur ex verbis *Plinii* Lib. IX. Cap. 15. *In Gange Indiae esse Statius Sebosus haud modico miraculo affert, Vermes, branchiis binis, sex cubitorum, caeruleos, qui nomen a facie traxerunt. His tantas esse vires, ut elephantos ad potum venientes, mordicus comprehensa manu (proboscide) eorum abstrahant. Adde ex Solino Cap. 52. Anguillas ad tricenos pedes longas educat Ganges: quem Statius Sebosus inter miracula praecipua ait vermibus abundare, caeruleis nomine & colore-nec non Capite ult. Ultra Gorgadas Hesperidum insulae, sicut Sebosus affirmat, dierum quadraginta navigatione in intimos maris sinus recesserunt. Conf. laudat. Plin. Lib. I. in Indice Lib. II, III, V, VI. &c. Vixit Ciceronis temporibus, qui Lib. II. ad Atticum Epist. 14. C. Arrius, inquit, proximus est vicinus, imo ille quidem jam contubernalis - ecce ex altera parte Sebosus ille Catulli familiaris. & Epist. 15. Cum hac maxime scriberem, ecce tibi Sebosus.*

STATIVS TVLLIANVS (forte Libertus ille Quinti, fratris Ciceronis, de quo v. Lib. II. ad Atticum Epist. 18. Lib. V. Ep. 1. Lib. VI. Ep. 2. Lib. XV. Ep. 19. & Lib. I. ad Q. Fr. Epist. 2.) Grammaticus, nisi fallor, Libros de *vocabulis rerum* reliquerat, quorum ex primo hoc affert *Macrobius* Lib. III. Saturn. Cap. 8. *dixisse Callimachum Tuscos Camil-*

millum appellare Mercurium; quo vocabulo significant præministrum deorum. Conf. *Servius* ad lib. XI. *Æneid.* v. 543.

STAVERIVS aliquis (Vetus, credo, Grammaticus) a *Prisciano* citatur Lib. VIII. pag. m. 286. „*Staverius de proportionibus: Non esse positiones regulæ, a quibus interdum analogia calumniatur: συκοφαντεῖται.*

STERTINIUS, Orator, inter eos, qui præcepta eloquentiæ condiderunt, laudatur a *Quintiliano* Lib. III. Cap. 1. Conf. *Senec.* Controv. Lib. II. Cap. 9. Alius est L. *Stertinius* de quo vid. *Tacitus* Annal. I. 60. 4. & 71, 1. II. 8, 4. & 17, 1. nec non 22, 2. Alius est *Stertinius* philosophus, qui *ducentos viginti Libros Stoicorum Latine scripsit*, ut auctor est *Acro* in *Notis ad Horat.* lib. I. Epist. 12. v. 20. Conf. Lib. II. Sat. 3. v. 33. & 296. Adde hunc Stoicum iis, quorum Catalogum habes apud *Fabricium* meum Lib. III. Bibl. Gr. Cap. 15.

C. CÆSAR STRABO. v. *Cæsar*.

C. SVLPICIUS GALLVS, peritissimus Romanorum Astrologus (de quo in *Idea* nostra *Historiæ Liter. Rom.* pag. 357. diximus) monumentum aliquod peritiæ Astrologicæ reliquisse videtur ex verbis *Plinii* Lib. II. H. N. Cap. 21. *Pythagoras Vir sagacis animi a terra ad lunam centum viginti sex millia stadiorum esse collegit. Ab ea usque ad solem, duplum: inde ad duodecim signa, triplicatum: in qua sententia & Gallus Sulpitius noster fuit.* Imo reliquit *Volumen de Solis ac Lunæ defectione*, quod *Plinius* Lib. cit. Cap. 12. in prin. memorat; Et ra-

tionem, quidem defectus utriusque (Solis ac Lunæ) primus Romani generis in vulgus extulit Sulpitius Gallus, qui consul cum Marcello fuit: sed tum Tribunus militum, sollicitudine exercitu liberato, pridie quam Perseus rex superatus a Paulo est, in concionem ab imperatore productus ad prædicendam eclipsim, mox & composito volumine. Vir clarissimus Jo. Harduinus in Indice Auctorum Plinii pag. 130. Historiam Romanam Sulpitio nostro Gallo tribuit ex Plutarcho in vita Romuli pag. 28. sed Gallum cum Galba Sulpitio confundit, de quo vide Vossium Lib. I. de Hist. Lat. Cap. XIIX. pag. 92. & locum Plutarchi adjice. Conf. Cic. in Bruto c. 20. de Officiis Lib. I. (edit. Venet. Ald. in fol. 1592.) pag. 24. & in Catone M. pag. 184. nec non Donatus in vita Terentii pag. m. 2. de C. Sulpitio Gallo, homine docto, cujus ope Terentius adjutus creditur.

SVRA MANLIVS, v. Manlius.

SVRA PALFVRIVS. v. Palfurius.

SVRDINVS. Seneca Suasor. 7. Apud Cestium Pratorem declamabat hanc suasoriam Surdinus, ingeniosus adolescens, a quo Græcæ fabula in latinum Sermonem conversa sunt - &c. Conf. Controv. Lib. III. c. 20.

SYLLANVS (Decimus Junius) a Plinio inter auctores Historiæ suæ naturalis allegatur Lib. I. in Indice Lib. XIV, XV, XVIII. XIX. &c. luculentissime vero Lib. XIIX. Cap. 3. sub finem: Magoni Pæno tantum honorem Senatus noster habuit Carthagine capta, ut, cum regulis Africa bibliothecas donaret, unius ejus duodetriginta volumina censeret in Latinam

nam linguam transferenda, cum jam M. Cato præcepta condidisset, peritisque linguæ Punicæ dandum negotium, in quo præcessit omnes Vir clarissimæ familiæ D. Syllanus, sive ut Harduinus legit, Silanus. Conf. *Vigilia nostra Prima Noctium Ripensium* pag. 75.

T.

L. TARVTIVS *Firmanus*, Mathematicus percelebris tempore Ciceronis, Græce *de astris* scripsit, teste *Plinio* Lib. I. in Indice Libri XIX. quo pertinent forte fragmenta illa apud *Ciceronem* Lib. II. de *Divinat.* pag. in. 1229. L. quidem *Tarutius Firmanus*, familiaris noster, inprimis *Chaldaicis rationibus* eruditus, urbis etiam nostræ natalem diem repetebat ab iis *Parilibus*, quibus eam a *Romulo* conditam accepimus, Romanque in iugo cum esset luna, natam esse dicebat, nec ejus fata canere (id est, prædicere, vaticinari, conf. III. in *Catil.* c. 8. *Nep.* in *vita Attici* cap. 16. &c.) dubitabat. & *Solinum* Cap. I. *Romulus* auspicato fundamenta murorum jecit duodeviginti natus annos, undecimo *Kalendas Majas*, hora post secundam ante tertiam plenam: sicut *Lucius Tarutius* (ita legendum mihi prorsus videtur tum auctoritate aliorum Scriptorum, tum inprimis *Plutarchi*, cui *Ταργήτιος* sive *Ταγῆτιος* vocatur in *vita Romuli* pag. 24. secus sentiente Cl. *Salmasio*, qui *Tarruntium* legi jubet in *Plinianis Exercitationibus* pag. 15.) prodidit, Mathematicorum nobilissimus, *Jove* in *piscibus*, *Saturno*, *Venere*, *Marte*, *Mercurio* in *Scorpione*, *Sole* in *tauro*, *Luna* in *libra* constitutis.

TER-

TERGILLA aliquis a *Plinio* Lib. I. in iis auctoribus Romanis laudatur, quorum ex Scriptis nonnihil transtulit in *Histor. Nat. Libr. XIV. & XV.* *Harduino* in *Indice Auctorum Plinii* pag. 131. de *agricolatione* scripsisse videtur, (forte quia *Liber XIV.* agit de *Vitium natura*) sed non animadvertit locum *Cap. 22.* five ult. *ibid. Tergilla Ciceroni M. F. binos congios simul haurire solitum ipsi objicit, Marcoque Agrippæ a temulento scyphum impa-ctum.* quæ verba quid affine habeant *agricolationi*, ego sane non video.

TERTIVS aliquis, qui de *ritu sacrorum* multa differuit, allegatur a *Macrobio* lib. III. *Saturn.* *Cap. 11.* forte *Tertius* ille *Persannius*, de quo *Isidorus* Lib. I. *Orig. Cap. 21.* *Romæ primus Tullius Tiro Ciceronis libertus commentus est notas, sed tantum præpositionum.* Post eum *Tertius Persannius, Philargius & Aquila libertus Mecænatis alius alias addiderunt.* Alius omnino esse videtur *Julianus Tertius*, de quo meminit *Tacitus Histor. II, 85, 4.* *IV, 39, 2.* nec non *40, 4.*

JVL. TITIANVS, Magister Maximini Imperatoris, præcepta ad *Rhetoricam* pertinentia scripsit, si is est, ut est sine dubio, de quo *Isidorus* Lib. II. *Orig. Cap. 2.* *Hæc disciplina a Græcis inventa est - & translata in Latinum (malo Latium) a Tullio videlicet & Titiano & Quintiliano.* Illustravit & *Virgilium* teste *Servio* ad *Lib. X. Æneid. v. 18.* *Titianus & Catulinus, qui thematum materias omnes de Virgilio elicuerunt, & conformarunt ad dicendi usum.* Scripsit porro *Chorographiam*, ut au-

ctor est idem Lib. IV. v. 42. quo spectat illud *Sidonii Apollinaris* Lib. I. Ep. 1. *Nam de Marco Tullio silere in stylo epistolari melius puto, quem nec Julius Titianus sub nominibus illustrium sœminarum digna similitudine expressit* - &c. Vide notas V. Cl. *Joannis Savari* Claromontensis pag. 3. Citatur insuper *de Agricultura* a *Diomede*. Conf. *Aufonius*, qui *Apologos* nostro tribuit Epist. XVI. ad Probum: *Apologos Titiani & Nepotis chronica, quasi alios apologos, ad nobilitatem tuam misi*. Denique & hoc addere lubet ex ejusdem *Gratiarum Actione* Cap. 10. *Quomodo Titianus magister? sed gloriosus ille municipalem scholam apud Visontionem Lugdunumque variando, non ætate quidem, sed utilitate consenuit*. Alius est *Titianus*, quem ut confcium tyrannidis & argui passus est *Hadrianus* & proscribi, teste *Spartiano* in vita hujus Cap. 15. Alius *Salvius Titianus* apud *Tacitum* Histor. II, 60, 4. alius porro *Titianus Symmachi* Lib. I. Ep. 46.

TRACHALLVS *Galerius* præclarus artis Oratoriæ Scriptor, sub Othone Imperatore floruit, qui ingenio ipsius uti in rebus Urbanis credebatur. v. *Tacitus* Histor. Lib. I, 90, 3, & II. 60, 6. Laudatur a *Quintiliano* Lib. X, cap. 1. *Erant clara & nuper ingenia. Nam & Trachallus plerumque sublimis & satis apertus fuit, & quem velle optima crederes: auditus tamen major. Nam & vocis, quantum in nullo cognovi, felicitas, & pronuntiatio vel scenis suffectura, & decor.* & Lib. XII, cap. 5. *Habuit ætas nostra Oratores copiosiores; sed cum diceret, eminere inter æquales Trachallus videbatur: ea*

corporis sublimitas erat, is ardor oculorum, frontis autoritas, gestus præstantia, vox quidem, non ut Cicero desiderat, pene tragædorum sed super omnes, quos ego quidem audierim, tragædos. Conf. Cap. 10 p. m. 715.

TREBIUS NIGER, quo tempore vixerit, nempe Luculli, quidve scripserit, nempe *de Piscium natura*, ex Plinio constat Lib. IX. Hist. Nat. cap. 30. *Non sunt prætereunda & L. Lucullo Proconsule Baticæ comperta de polypis, quæ Trebius Niger e comitibus ejus prodidit: Avidissimos esse concharum - & mox ibidem: Ostendere Lucullo caput ejus (Polypi) dolii magnitudine, amphorarum quindecim capace, atque (ut ipsius Trebii verbis utar) barbas, quas vix utroque brachio complecti esset, clavarum modo torosas: longas pedum tricenum - nec non* Lib. XXXII. Cap. 2. *Milvago quoties cernatur extra aquam volitans, tempestates mutari, Trebius Niger auctor est - Idem loligines evolare ex aqua tradit, tanta multitudinc, ut navigia demergant.* Conf. lib. XI IX. Cap. 3. *de liberalitate Trebii, qui in Ædilitate assibus populo frumentum præstitit: quam ob causam & ei statuae in Capitolio ac Palatio dicatae sunt: ipse supremo die populi humeris portatus in rogum est.*

SEMPRONIUS TVCCA poëta sub Trajano vixit, æmulus studiorum Martialis, in quem proinde *hic* ita scribit Lib. XII. Epigr. 96.

Scribebamus epos: cæpisti scribere: cessi,

Æmula ne starent carmina nostra tuis.

Transtulit ad tragicos se nostra Thalia cothurnos :

Aptasti longum tu quoque Syrma tibi.

Conf. seqv. & Lib. VII. Ep. 40. Alius est *Ausidius Tucca*, alius *Plotius Tucca*, de quo v. *Gyraldus* de Latinis Poëtis Dial. IV. pag. m. 472.

TVLLIVS MARCELLVS. Vide infra *Partem IV. in Carthago.*

TVRANNIVS GRACCVLVVS, (five quod ex MSS. Codd. reponit *Jo. Harduinus* in Indice Auctorum Plinii pag. 133. *Turranius Gracilis*) a *Plinio* citatur Lib. XVIII. Cap. 7. In *Batica* & *Africa* genus, ex qua fiat (*Ptisana*), *bordei*, *glabrum* appellat *Turranius*. Idem *olyram* & *oryzam* eandem esse existimat. Conf. Lib. I. in Indice Lib. III. & proœmio. Adde quæ de nostro refert *Seneca* de Brev. vitæ Cap. 20. *Turannius* (ita præstantissimæ editiones legunt) fuit exactæ diligentia *Senex*: qui post annum nonagesimum, cum vacationem procurationis a *C. Casare* ultro accepisset, componi se in lecto, & velut exanimem a circumstante familia plangi iussit. Lugebat domus otium domini senis, nec finivit ante tristitiam, quam labor illi suus restitutus est. Alius est, credo, *Turranius* (D. id est *Decimus*) apud *Ciceronem* Lib. I. ad *Atticum* Epist. 5. & Lib. VII. Epist. I. Conf. de *Turannio* poëta *Lil. Gyrald.* Dial. VIII. p. m. 929.

V.

VALERIVS VALENTINVS, poëta antiquissimus, a *Festo* citatur in *TAPVLLA*: *Tapullam legem*

legem convivalem ficto nomine conscripsit jocosò carmine Valerius Valentinus, cujus meminit Lucilius hoc modo : Tapullam rident legem contere opimi; quem versum Lucilianum ita emendat V. C. Josephus Scaliger:

Tapullam rident legem Conceræ Opimi

Conceræ pro Congerræ. Ejusdem Valerii est, credo, Phormio, & ex Phormione fragmentum apud Priscianum Lib. VI. pag. m. 162. & 199.

Quid hic cum tragicis versibus & Syrmafacis ? pro Syrmate.

C. VALGIUS RVFVS, rhetor, præceptorum Apollodori diligentissimus in tradendo Latine fuit, quæ verba sunt Quintiliani Lib. III. Cap. 1. Adde ex Capite 5. Causam finit Apollodorus, ut interpretatione Valgii discipuli ejus utar, ita : Causa est negotium omnibus suis partibus spectans ad questionem - &c. & Lib. V. cap. 10. Epicherema Valgius aggressionem vocat. Scripsit quoque de usu herbarum imperfectum Volumen ad Augustum, de quo Plinius Lib. XXV. Cap. 2. princ. Primus & diu solus idem ille M. Cato, omnium bonarum artium magister, paucis duntaxat attigit, boum etiam medicina non omissa. Post eum unus illustrium tentavit, C. Valgius, eruditione spectatus, imperfecto Volumine ad Divum Augustum, inchoata præfatione religiosa-Conf. Lib. I. in Ind. Lib. XXIII, XXIV, XXVI. Taceo fragmentum de monte Ætna apud Senecam Epist. 51. princ. Tu istic habes Ætnam, illum nobilissimum Siciliæ montem, quem quare dixerit Mesala unicum sive Valgius, (apud utrumque enim legi)

non reperio. Denique & Libros memorare attinet *de rebus per epistolam quasitis*, quorum *secundum* una cum sententia auctoris de vocabulo *Liētoris* allegat Gellius Lib. XII. Cap. 3. quæ inscriptio *Aldum Manutium* Pauli filium, Aldi Nepotem ita delectavit, ut exemplo Valgii nostri tres Libros *de Quasitis per Epistolam* ediderit, quos in Thesauro Critico Gruteri habes Tom. IV. a pag. 169. usque ad 318. „Postremo vitam *Valgii* nostri (verbis utor P. Colomesii in Cimel Litter. pag. 219.) „se scripsisse ait „*Crinitus* (in T. Valgio Poëta) in Libris de Oratoribus; quod opus hodie non exstat. Fortasse est „intēr inedita, quæ Ferrariæ apud Estenses Principes asservari scribit *Gesnerus*, „ Idem porro est *Valgius* noster sine dubio, ad quem *Horatius* Oden IX scripsit Lib. II. Carm. quippe qui Horatio σὺ γ-
 ρεσος fuit, nisi forte *T. Valgium* malis cum *Gyrardo* pag. m. 473. quem cum nostro *Ruso* confundit *Jacobus Nicol. Loenſus* Miscell. Epiphill. lib. IV. cap. 12. pag. m. 417.

GEMINVS VARIVS, rhetor, cujus sententias & Controversias refert M. *Seneca* Controv. Lib. III. Cap. 16. 17. 19. seqv. hoc fragmentum de *Asellio* rhetore reliquit apud L. *Annaum Senecam* Epist. 40. *Quomodo istum disertum dicatis, nescio: tria verba non potest jungere.*

VARRO aliquis, eximius poëta & lyricus & tragicus, sub Domitiano & Trajano scripsit, cujus memoriam fane illustrem uni *Martiali* debemus Lib. V. Epigr. 31.

*Varro, Sophocleo non inficiande cothurno,
Nec minus in Calabria suspiciende lyra,
Differ opus: nec te facundi scena Catulli
Detineat, cultis aut elegia comis. &c.*

VEGETIVS PRÆTEXTATVS, Peripateticus, Themistium in utraque Aristotelis Analytica convertit, teste Boethio v. Jo. Alb. Fabricii mei Bibl. Gr. Lib. III. cap. 11. pag. 291. & 314.

VERANIVS FLACCVS, Grammaticus, Libros scripsit *de Verbis Pontificalibus & Quaestiones Pontificales*. Vid. Macrobi. Saturnal. Lib. II. Cap. 16. Lib. III. Cap. 2. & 5. Hujus varia fragmenta habes apud Festum in *Myrtea corona, Offendices, Oletum, Paludati, Prodiguae hostiae, Referral diem prodietam, Silere, Sinistræ aves*. Meminit porro Veranii nostri Augustus in Epistola ad Tiberium apud Suetonium Cap. 86. *Tuque dubitas, Cimberne Annius an Veranius Flaccus imitandi sint tibi? ita ut verbis, quæ C. Sallustius excerpserit ex Originibus Catonis, utaris?* unde liquet, falsum esse eruditissimum Meursium, qui in notis ad Macrobium Saturn. Lib. III. c. 6. pag. m. 398 (edit. Gronov. Lugd. Bat. 1670) pro *Veratius* legi jubet *Veranius* cum hoc fragmento: „Sed Veratius Pontificalis in eo libro, quem „fecit de Supplicationibus ita ait: *Pinariis, qui novissime comeso prandio venissent, cum jam manus „pransores lavarent, præcepisse Herculem, ne quid „postea ipsi aut progenies ipsorum ex decima gustarent sacrandæ sibi, sed ministrandi tantummodo „causa, non ad epulas, convenirent; quasi ministrantes ergo sacri custodes vocari: ut ipse Vergilius a „libi:*

At Trivia custos jamdudum in montibus Opis,,
 Haftenus *Veratius*, qui Virgilium allegat, cujus testimonio *Veranius* noster, Virgilio multo antiquior, nequaquam uti potuisset; adde quod allatum Veratii fragmentum antiqua & obsoleta dictione prorsus vacat, quam Veranio Augustus tribuit.

VERATIVS v. mox supra *Veranius*.

VERGINIVS RVFVS. v. *Virginus*.

C. HELIVS VESTINVS a Plinio Lib. I. inter eos auctores laudatur quorum ex Libris non-nihil se transtulisse fatetur in Librum XXI. Idem forte, quem simpliciter *Helium* vocat *Suetonius* in vita Neronis Cap. 23. *Cum praesentia ejus urticas res egere a liberto Helio admoneretur, rescriptis his verbis*. Alius est *Vestinus Atticus*, Consul apud eundem ibid. Cap. 35. & *Tacitum* Annal. XV. 48. 1. quem cum nostro confundit *Harduinus* in Indice Auctorum Plinii p. 133. alius L. *Vestinus* itidem apud *Tacitum* Hist. IV, 53, 1. alius porro *Julius Vestinus* Sophista, cujus scripta commemorat *Suidas* p. m. 686. in Ουνήσιος.

L. VETVS a Plinio laudatur Lib. I. in Indice Lib. III, IV, V, VI. Vixit sub Nerone, si idem est, qui Tacito L. *Antistius Vetus* vocatur Annal. III, 38, 2. XIII, 11, 1. & 53, 2. XIV. 58, 4. XVI. 10, 1. & 11, 4. nec non 22, 3.

VIBIVS RVFVS inter Auctores Historiae suae Naturalis recensetur a Plinio Lib. I. in Indice Lib. XIV, XIX, XXI. Conf. *Senec.* Controv. Lib. I. Cap. 8. & Lib. II. Cap. 11, 14.

L. VINICIIVS, Orator, sub Augusto floruit, de quo *Seneca* Controv. Lib. II. Cap. 13. *Hic est L. Vini-cius*

cius (conf. *præcedentia*) *quo nemo civis Romanus in agendis causis præsentius habuit ingenium. Quidquid longa cogitatio illi præstitura erat, prima intentio animi dabat - De hoc eleganter dixit divus Augustus : Unus Vinicius ingenium in numerato habet.* Conf. *Excerpta Controv. Lib. VII. Declam. 5. extr. & L. Ann. Senec. Epist. 122. p. m. 558.* Alius est *Vinicius* rhetor, de quo *Varro* apud *Nonium* Cap. 2. num. 85. *Vinicius meus, quod apud Plotium rhetorem bubulcitaret, alteri in dolore non defuit.* intellico *Vinicium* illum, de quo *Seneca* Epist. 40. *Ipse malueris aliquando, si necesse est, vel juxta P. Vinicium dicere; qui, cum quæreretur quomodo diceret, Afellius ait, Tractim -* conf. seqv. Taceo illustres alios *Vinicios*, ut *Cajum & Marcum*, Consules sub Augusto & Tiberio, de quibus *Cassiodorus* in *Chronico* pag. m. 688.

VIRGINIVS FLAVIVS. v. *Flavius.*

VIRGINIVS RVFVS, five, quod forte rectius est, *Verginius* (ita *Tacito* passim vocatur. Conf. *Angeli Politiani* *Observat. & Emend. Cap. 77. p. m. 90. Tom. I. Thesaur. Gruter.*) de *Arte Oratoria* scripsit, teste *Quintiliano*, quem vide sis *Lib. III, Cap. 1. & 6.* nec non *Lib. IV. Cap. 1.* *Ἐρωτοπαίγνιον* quodque lusisse videtur, quum *Plinius Junior* versiculos suos parum castos & severos hujus gravissimi Viri & aliorum auctoritate atque exemplo tuetur *lib. V. Epist. 3. num. 3.* *Ego verear, ne me non satis deceat, quod decuit M. Tullium, C. Calvum, - & proxime Verginium Rufum ?* conf. *præced. ibid.* Vitam & laudes *Virginii* nostri Idem quoque copiosius per-

sequitur Lib. II. Epist. I. ad Voconium, quæ ita incipit: *Post aliquot annos insignis atque etiam memorabile populi Romani oculis spectaculum exhibuit publicum funus Verginii Rufi, maximi & clarissimi civis - &c.* Quo spectat versus, quem monimento suo inscribi ipsemet Virginius mandaverat curaveratque, Lib. VI. Epist. 10. num. 4.

HIC SIT VSEST RVFVS, PVLSO
QVI VINDICE QVONDAM
IMPERIVM ADSERVIT NON
SIBI, SED PATRIÆ.

Conf. Lib. IX. Epist. 19. num. 1. seqv. nec non *Jul. Frontin.* de Aquæduct. fol. m. 18. col. 2. edit. 1523. in 8. *Dio Cassius* Lib. LXIII. p. 725. *Plutarchus* in *Galba* pag. 1055. & *Tacitus* sæpissime. Idemne an alius sit *Virginius Rufus* apud *Alexandrum Aphrodisiensem* de *Anima* pag. 154. (edit. Venet. 1534. fol. * Vid. *Fabric. Biblioth. Gr. Lib. IV. cap. XXV. pag. 88.*) haud temere dixerim.

C. VISELLIVS, rhetor, à *Quintiliano* nonnunquam allegatur, & quidem cum hoc elogio Lib. IX. Cap. 2. pag. m. 514. *Non negligens auctor Visellius - add.* quæ mox ibidem sequuntur pag. 515. *Visellius* quanquam paucissimas facit figuras, facit ἐνδύμματα tamen, quod COMMENTVM vocat: & RATIONEM appellans ἐπερχέμενα inter eas habet; quod quidem recipit quodammodo & *Celsus*: nam Consequens an epicherema sit, dubitat. *Visellius* adjicit & sententiam. item Cap. 3. pag. m. 533. *Hæc omnia copiosius sunt executi, qui non ut partem operis transcurrerunt, sed proprie libros huic operi dedica-*

dicaverunt, sicut Cacilius, Dionysius, Rutilius, Cornificius, Visellius, aliique non pauci. Adde porro

Fragmentum apud *Priscianum* Lib. VIII. pag. m.

287. *Boneres per illos a raro initio exorsa* (πα-
 ρητικῶς, pro, inchoatæ) *in te ad summum pervene-*
runt. Conf. *Valer. Max.* Lib. VIII. Cap. 2. ex-
 empl. 2. & *Cicero* de Clar. Orat. pag. m. 272. edit.
 Ald. in folio Venet. 1592.

UMBRICIUS MELIOR, Aruspicum ævo
Plinii (ut *hic* tradit Lib. X. Cap. 6.) peritissimus, de
avibus scripsit & *Hetrusca disciplina.* Vid. Lib. I. in
 Indice Libri XI. De hoc *Umbricio* intellige illud
Taciti Histor. I. 27. 1. XVIII. *Kalend. Febr. sacrifi-*
canti pro æde Apollinis Galbæ, haruspex Umbricius
tristia exta & instantes insidias ac domesticum ho-
stem prædicit. Conf. *Juvenalis*, qui Lib. I. Sat. 3.
 v. 21. seqv. *Umbritorium* Virum Optimum, ex urbe
 Roma Cumas migrantem & discessus sui causas
 exponentem inducit, quod peregrinis, servilibus &
 adulatoribus, non bonis locus in urbe esset.

VOLVMNIVS aliquis, poëta, qui *Tra-*
gædias Tuscas scripsit, citatur *Varroni* de L. Lat. Lib.
 IV. pag. m. 16. idem forte qui *Μῆμος* *Plutarcho* di-
 citur in vita *Bruti* pag. 1005. five *P. Volumnius*, e-
 ques Romanus apud *Ciceronem* Lib. VII. Epist. 32.
 Lib. IX. Ep. 26. & ad *Atticum* Lib. V. Ep. 15. mini-
 me *P. Volumnius ἀνὴρ φιλόσοφος*, apud laudatum
Plutarchum l. c. pag. 1006. & 1008.



PARS II.

DE

INGENIIS

QVIBVSDAM

ROMANIS,


HACTENUS FERE INCOGNITIS,

QVÆ

ERVDITIONIS ET LITTERARVM

GLORIA ABSQVE SCRIPTIS

FLORVERVNT.



PRÆFATIO

AD

PARTEM SECVNDAM

QUOD suis temporibus *Cicero* Lib. II. de Orat. p. m. 72. dolet, *Oratores Veteres Romanos Scripta, ex quibus iudicium fieri posset, (quomodo ætates singulæ singula dicendi genera extulerint) non multa reliquisse*, id nostra ætate merito magis dolemus. Dolemus ἀγλαφίαν (quam hodie vocamus) clarissimorum quorundam civium Romanorum, quæ immane quantum caliginis illustrissimæ gentis nomini relinquit. Gravius vero ferimus amissam eorum ingeniorum notitiam, quæ ἀτρεγ γλαφῆς in litteris eminuerunt. Intuere quæso, quantum est, qui de rebus Romanis scripserunt hodieque supersunt. Plurima de Virtutibus & gestis, paucissima de eruditione testimonia numerabis. *Laertium* Romanum neminem habemus, neminem *Hesychium, Eunapium* &c. Ego vero Latium non minus fortunatum eruditis hominibus quam terram Græciam prædicare audeo. Circumspice inprimis
tem-

tempora *Ciceronis* & *CÆSARIS*, quorum copiam doctrinæ & facundiæ laudat *Vellejus Paterculus* Lib II. Cap. XXXVI. confer *Quæstiones nostras Romanas* pag. 317) quo & pertinet illud *Svetonii* de *Cæsare* Cap. 42. *Omnes Medicinam Romæ professos & liberalium artium doctores, quo libentius & ipsi urbem incolerent & ceteri appeterent, civitate donavit.* Circumspice tempora *AVGVSTI*, qui ingenia sui seculi omnibus modis fovit, recitantes & benigne & patienter audit, nec tantum carmina & historias, sed & orationes & dialogos, teste *Tranquillo* c. 89. Vides largissimum omnigenæ eruditionis proventum. Confer *Ideam* nostram *Histor. Litter. Romanorum* pag. 318. Quinimo sub *NERONE* etiam præclaris ingeniis abundasse *Remp. Romanam*, idem auctor est Cap. I. de *Claris Rhetoribus*: *Nero Cæsar primo imperii anno, publice quoque, bis antea, declamavit; plerique autem Oratorum etiam declamationes ediderunt. Quare magno studio hominibus injecto, magna etiam professorum ac doctorum profluxit copia &c.* Quid de *VESPASIANO*? qui ingenia & artes vel maxime fovit, & primus e fisco *Latinis Græcisque rhetoribus annua centena constituit.*

*stituit-apud eundem Cap. 18. Conf. Quintilian. III. 1. sub finem. Taceo ævum TRA-
IANI, cujus fortunam litterariam ita extol-
lit Plinius Lib. I. Epist. X si quando Urbs no-
stra liberalibus studiis floruit, nunc maxime
florete. Multa claraque exempla sunt. Conf.
Epist. XIII. princ. & Panegy. Cap. XLVII.
nec non exclamationem super ingeniis sui
temporis eruditissimis sed in obscuro de-
litescentibus Lib. VII. Epist. XXV. princ.
O quantum eruditorum aut modestia ipsorum
aut quies operit & subtrahit famæ? Taceo
tempus HADRIANI, qui Μεσικώτατος βα-
σιλεὺς dictus Athenæo III. 29. Τῆς θρασυτείας
τῆ λόγῃ μεγάλως ἐδεξίστο, συνεπομένους ἔχων αὐ-
τῷ καὶ ἐς ἡδὲ ἀνδρας σοφές. Viros doctos ma-
gno amore complectebatur, & quos sapientes
nosset, in comitatu semper habebat, ut est apud
Theodorum Metochitam in Hist. Rom. item
ANTONINI PII, qui Rhetoribus & phi-
losophis per omnes provincias & honores &
salaria detulit, teste Capitolino in hujus Vita
Cap. 6. Taceo denique laudes seculi, quo
M. ANTONINVS Philosophus impera-
vit, apud Herodianum Lib. I. Cap. II. p. m. 5.
Extulit illa ætas magnum sapientum virorum
proventum. Brevi: Habuerunt Athenæ*

Romanæ suos passim non modo *Platones*,
Demosthenes, *Sophocles* &c. sed & *Socrates*
 quam plurimos, id est, eos, qui nullum eru-
 ditionis & eloquentiæ monumentum, nul-
 lam litteram reliquerunt, exemplo *Socratis*,
 μηδὲ συγγράμματα καταλιπώντος, quæ verba
 sunt *Origenis* five alterius incerti auctoris
Philosophum. Cap. XII. p. m. 107. consen-
 tientibus *Cicerone*, *Laertio*, aliis. Quorum
 quidem memoriam cum neglectam fere &
 oblitteratam hætenus deprehendi, excus-
 sa, quantum per alias occupationes licuit,
 Bibliotheca Veteri Romana, otii quoque
 nonnihil in iis nominibus eruendis collo-
 care decrevi, quibus singularem aliquam
 ingenii & eruditionis celebritatem antiqui
 Scriptores Latini tribuunt. Tu vero, o-
 ptime Lector, benevole hanc operam in-
 terpretare, & molliori manu hos Erudito-
 rum Romanorum Manes excipe, quibus
 plures ex inferis suis evocare nunc non va-
 cavit. Vale.

A.

ÆMILIVS MAGNVS ARBORI-
VS, avunculus Aufonii, Rhetor, quan-
ta eloquentiæ laude floruerit, testis est
hic Parental. IV. v. 9.

*Qui me lactantem puerum, juvenemque vi-
rumque*

Artibus ornasti, quas didicisse juvat.

Te sibi Palladiæ antetulit toga docta Tolosa,

Te Narbonensis Gallia præposuit,

Ornasti cujus Latio Sermone tribunal,

Et fora Iberorum, quæque Novem populis;

Hinc tenus Europam fama crescente, perito

Constantinopolis rhetore te viguit.

Tu per mille modos per mille oracula, sandi

Doctus, facundus, tum celer atque memor.

*Rigorem Æmilio nostro tribuit Sidonius Lib. V. Ep.
X. ad Sapaudum pag. m. 344. Tua tam clara, tam
spectabilis dictio est, ut illi divisio Palemonis, gra-
vitas Gallionis, abundantia Delphidii, Agratii di-
sciplina, fortitudo Alcimi, Adelphii teneritudo, rigor
Magni, dulcedo Victorii, non modo non superiora
sed vix æquiparabilia scribantur.*

*AFRICANVS aliquis, Orator sub Valentiniano,
inmemoratur Ammiano Marcellino lib. XXIX. cap. 3.
pag. m. 536. Africanus caussarum in urbe defen-
sor assiduus, post administratam provinciam ad ali-
am regendam adspiravit. Alius est Africanus JC-
tus, Papiniani discipulus, sub Alexandro Severo, de
quo meminit Lampriidius in hujus Imperatoris vita
p. m. 355.*

CÆCINA ALBINUS. v. *Furius Albinus.*

LUCEJUS ALBINUS v. *Lucejus.*

FURIUS ALBINUS v. *Furius.*

ANINIUS MACER, illustris Orator Græcus, sed gente Romanus, temporibus M. Antonini Philosophi vixit, qui eo præceptore usus est. Vid. *Jul. Capitolinus* in vita *hujus* Cap. 2. Alii legunt *Annius Macer*, quod magis placet.

ANTISTIVS (CAPELLA) rhetor clarissimus, magister Commodi Antonini fuit, de quo *Lampridius* in vita *hujus* meminit Cap. 1. *Habuit* (Commodus Antoninus) *litteratorem Græcum, Onesicritum: Latinum, Capellam Antistium.* Taceo *Capellas* alios, de quibus v. *Lilius Gyraldus* Dial. IV. p. 579. potissimum vero *Fabricius* meus lib. III. Bibl. Lat. Cap. 15. p. 637.

ANTONIVS JULIANVS, gente Hispanus, rhetor insignis fuit temporibus Hadriani, cujus virtutes & singularem eruditionem prædicat *Gellius* Lib. I. Cap. 4. *Antonius Julianus* rhetor perquam fuit honesti atque amœni ingenii, doctrina quoque ista utiliore (lego iste utili vere) ac delectabili, veterumque elegantiarum cura & memoria multa fuit; ad hoc scripta pleraque antiquiora tam curiose spectabat, & aut virtutes pensitabat aut vitia rimabatur, ut judicium factum esse examissim diceret. Adde ex Libro IX. Cap. I. *Per-cunctabar Antonium Julianum* rhetorem, cur hoc ita usu veniret, ut contigui magis directioresque ictus fiant, si vel lapidem vel sagittam sursum versus jacias quam deorsum. Conf. seqv. & Cap 15. nec non

non Lib. XV. Cap. 1. Lib. XIX. Cap. 5. Lib. XIX. Cap. 9. Lib. XX. Cap. 9. Alius est, credo, *Antonius Julianus*, Rerum Judaicarum Scriptor apud *Minucium Felicem* in Octavio Cap. XXX. num. 5. *Scripta Judæorum relege, vel si Romanis magis gaudes, ut transeamus Veteres, Flavii Josephi, vel Antonii Juliani, de Judæis require &c.* de quo scriptore vid. *Vossius* Lib. III. de Hist. Lat. pag. 696.

TROSIUS APER, v. *Trosius*.

LUCIUS APPULEIUS, Grammaticus, ab *Esicio Calvino Equite Romano prædixit quadringenis annuis conductus multos edocuit*, quæ verba sunt *Svetonii* de Illustr. Gramm. cap. 3. Alius est *Lucius Appulejus Saturninus*, Tribunus plebis, eloquentissimus iudicio *Ciceronis* de Clar. Orat. p. m. 26c. de quo videri porro possunt *Livius* Epitom. 69. & *Aurelius Victor* de Viris Illustribus cap. 73. quem adjungere libet *Appulejis* Fabricii mei lib. III. Bibl. Lat. Cap. 2. pag. 514. seqv. item *Apulejum Rufinum* Consulem cum Severo postea Imperatore, (v. *Spartianus* in vita Severi pag. m. 319) nec non *Apuleium Pansam* apud *Livium*, alios.

APRUNCULUS GALLUS, Orator disertus sub Juliano, clarus imprimis est ex historia *Ammiani Marcellini*, quæ ita incipit Lib. XXII. cap. 1. princ. *Dum hæc in diversa parte terrarum fortunæ struunt volubiles casus, Julianus inter multa, quæ per Illyricum agitabat, exta rimabatur adsidue. Eique tandem aruspiciæ peritus Aprunculus Gallus Orator, promotus postea rector Narbonensis, nunciavit &c.*

ARRIANUS MATURIUS, homo equestris, temporibus Trajani, ex oppido Venetiæ Altino

oriundus, omnium merito in se admirationem convertit, qui legunt testimonium *Plinii* Lib. III. Epist. 2. *Arriani Maturii ego consilio in negotiis, iudicio in studiis utor. nam plurimum fide, plurimum veritate, plurimum intelligentia præstat.* Conf. præced. ib. & Lib. I. Ep. 2. in qua Librum suum Arriano emendandum commendat, nec non Lib. II. Epist. 11. & 12. ad Arrianum, item Lib. IV. Ep. 8. n. 12. Lib. VI. Ep. 2. Lib. VIII. Ep. 21. De aliis *Arrianis* vide *Molleri* Homonymoscop. Cap. IV. pag. 355. seqv. & *Fabricii* mei Biblioth. Gr. Lib. IV. c. 8. p. 269.

ASINIVS BASSVS, filius Asinii Rufi, Quæstor temporibus Trajani, quam excellentis ingenii & eruditionis fuerit, testis locupletissimus est *Plinius* Lib. IV. Ep. 15. ad Fundanum: *Difficile est, ut mihi de absente credas, quanquam credere soles omnia, tantum in illo (Asinio Basso) industria, probitatis, eruditionis, ingenii, studii, memoria denique esse, quantum expertus invenies. Vellem tam ferax seculum bonis artibus haberemus, ut aliquos Basso præferre deberes; tum ego te primus hortarer moneremque, circumferres oculos, ac diu pensitares, quem potissimum elegeris.*

ATEDIUS MELIOR, Vir clarissimus sub Domitiano vixit, notus præcipue ex Epistola *P. Papinii Statii*, Libro Secundo Sylvarum præfixa, quæ ita incipit: *Et familiaritas nostra, qua gaudeo, MELIOR Vir optime, nec minus in iudicio litterarum quam in omni vita colore tersissime* &c. Conf. *Martialis* Lib. VI. Epigr. 28. 29. & Lib. VIII. Epigr. 38.

AT-

ATTEIVS SANCTVS, Orator percelebris temporibus Commodi Antonini floruit, cui 2 studiis erat. v. *Lamprid.* in vita Commodi cap. 1.

CL. AVGVSTALIS, ingenue eruditionis homo temporibus Claudii Imp. laudatur a *Columella* Lib. XI. de R. R. Cap. 7. princ. *Claudius Augustalis tam ingenue naturæ quam eruditionis adolescens, complurium studiorum, & præcipue agriculturæ sermonibus instigatus excudit* (malo extudit) *mibi, cultus hortorum prosa ut oratione componerem.* Conf. seqv. ib. Cetera ignotus.

JVL. AVITVS, Juvenis eruditus & πολυμαθής, sed in ipso ætatis flore sub Trajano extinctus, lugetur a *Plinio* Lib. V. Epist. 9. *Illud plane non triste solum, verum etiam luctuosum, quod Julius Avitus decessit, dum ex questura redit - Quo ille studiorum amore flagrabat? quantum legit? quantum etiam scripsit? quæ nunc omnia cum ipso sine fructu posteritatis, aruerunt.* Alius est *Junius Avitus*, cujus mortem idem acerbius deplorat Lib. VIII. Ep. 23. addito simul hoc encomio: *Aviti hæc præcipua prudentia, quod alios prudentiores arbitrabatur, hæc præcipua eruditio, quod discere volebat. Semper ille aut de studiis aliquid aut de officiis vitæ consulebat.*

AVITVS (LOLLIANVS) Vir consularis sub Antonino Pio vixit, cujus eruditissimam eloquentiam ita extollit *Apulejus* in Apologia pag. m. 446. *Multos in vita mea Romani nominis disertos viros sedulo cognovi, sed sum æque neminem admiratus. Nemo est hodie, quantum mea opinio fert, alicujus in eloquentia laudis ac spei, quin Avitus es-*

se longe malit, si cum eo se, remota invidia, velit conferre. Quippe omnes fandi virtutes pene diversa in illo viro congruunt. Quamcunque Orationem struxerit Avitus, ita illa erit undique sui perfecte absoluta, ut in illa neque Cato gravitatem requirat, neque Lalius lenitatem, neque Graccus impetum, nec Caesar calorem, nec Hortensius distributionem, nec Calvus argutias, nec parsimoniam Salustius, nec opulentiam Cicero-&c. Conf. pag. 135. & Notas Scipionis Gentilis ibidem pag. 137.

B.

BÆBIUS MACRINUS, rhetor percelebris, temporibus Alexandri Severi floruit, qui magistro eo usus traditur a *Lampridio* in vita hujus Cap.3. Alius est *Bæbius Macer*, de quo vide *Partem I.*

Q. LUCILIUS BALBUS, Stoicus, a *Cicerone* laudatur Lib. I. de natura Deorum pag. m. 4. *Ad-*
erat etiam Q. Lucilius Balbus, qui tantos progressus
habebat in Stoicis, ut cum excellentibus in eo genere
Græcis compararetur. Conf. seqq.

POMPONIUS BASSVS. v. *Pomponius*

PUBLIUS BLESSUS, Orator temporibus Vespasiani, notus potissimum est ex illo *Quintiliani* Lib. VI. Cap. 3. p. m. 357. *Publius Blesius Junium* (*Bassum* intellige, de quo v. Lib. XI. Cap. 3. p. m. 667. & *Turneb.* Lib. XXVIII. Advers. cap. 35.) *hominem nigrum & macrum & pandum, fibulam ferream dixit.*

BRUTIDIUS NIGER, ædilis sub Tiberio, ab ingenio & eruditione commendatur *Tacito* *Annal.*
III.

III. 66. §. *Brutidium artibus honestis copiosum, & si rectum iter pergeret, ad clarissima quæque itinerum, festinatio exstimulabat.* Conf. num. 2. ibid.

C.

CALVISIUS NEPOS, Vir magnus & doctissimus sub Trajano, immortalitatem nominis sui præcipue imo unice debet *Plinio Juniori*, qui Lib. IV. Epist. 26. *Petis, inquit, ut libellos meos, quos studiosissime comparasti, recognoscendos emendandasque curem. faciam. quid enim suscipere libentius debeo, te præsertim exigente? Nam quum Vir gravissimus, doctissimus, disertissimus-tanti putes scripta nostra circumferre tecum, quantopere mihi providendum est, ne hæc pars sarcinarum tanquam supervacua offendat?* Adde ex Epist. 4. ib. *Calvisium Nepotem validissime diligo, Virum industrium, disertum, re-ctum, quod apud me vel potissimum est.* Conf. Lib. II. Ep. 3. ad *Calvisium nostrum*, nec non Lib. III. Ep. 16. & Lib. VI. Ep. 19. item Lib. I. Ep. 12. num. 12.

CANINIUS CELER, Orator Græcus, gente Romanus, temporibus M. Antonini Philosophi & Veri Imperatorum floruit, qui præceptore eo usi traduntur a *Capitolino* in Vita *hujus* cap. 2. *illius* itidem 2. *Maussacus*, qui in *Dissertatione Critica*, quam Harpocratiōi a se edito attexuit, *Caninium* & *Celerem* quasi duos recenset, quorum *Marcus Caninius* alter sit dictus, neminem (puto) σύμψυχον habet. Verbis utor *Gatakeri* in notis ad Philosophum p. 4. Conf. *Jonsius* de Script. Hist. Philos. Lib. III. Cap. IX. §. 3. p. m. 49.

TIT. CASTRICIVS, rhetor sub Hadriano celeberrimus fuit, de quo præclarum exstat Gellii testimonium Lib. XIII. Cap. 20. (in editione Gronovii novissima cap. 21) princ. *Titus Castricius rhetoricæ disciplina doctor, qui habuit Romæ locum principem declamandi ac docendi, summa Vir auctoritate gravitateque, & a divo Hadriano in mores atque litteras spectatus* &c. Conf. seqv. ibidem & Lib. I. Cap. 6. Lib. II. cap. 27. nec non Lib. XI. cap. 13. Gronovius in Notis ad Gellium pag. 51. (edit. Lugd. 1706. in 4to.) *Non puto, inquit, eundem esse, qui κρηγματὰ scripsit, ex quo in Librum 19. Hist. Nat. multa transtulit Plinius.* Recte, mi Gronovi, neque enim putare debes. Vide Partem I. de *Castricio*.

CASTRICVS, eximius poëta sub Domitiano floruit, quem *Martialis* Lib. VII. Epigr. XLI. ita extollit :

*Muneribus cupiat si quis contendere tecum,
Audeat hic etiam, Castrice, carminibus.
Nos tenues in utroque sumus, vinci que parati :
Inde sopor nobis & placet alta quies.
Tam mala cur igitur dederim tibi carmina,
quæris?*

Alcinoonullum poma dedisse putas?

FRONTO CATIUS. v. *Fronto*.

CELER CANINIUS v. supra *Caninius*.

VELLEIUS CELER. v. *Vellejus*.

CELSINUS JULIANUS (sive JULIUS) NVMIDA, homo litteratus, &, nisi fallor, sub Hadriano familiariter cum Gellio vixit, quem vide sis Lib. XIX. cap. 7. & 10. C. CEN-

C. CENSORINVS, qui Cn. Octavium Consulē interfecit, ut *Appianus refert*, *Græcis literis satis doctus* dicitur *Ciceroni* de Clar. Orat. p. m. 264. *quod proposuerat, explicans expedite, non invenustus auctor & inimicus fori.* Alius est *Censorinus* apud eundem Lib. XII. epist. 5. ad Atticum; alius, ad quem *Horatius* Lib. IV. Od. VIII.

Donarem pateras, grataque commodus,

Censorine, meis ara sodalibus &c.

ut Censorinos alios transeam.

Q. CERELLIVS, equestris ordinis homo & officiis municipalibus functus, amicus *Censorini*, qui suum illi Librum *de Die Natali* inscripsit, cujus ex Capite primo hæc in laudem Cerellii depromo: *Sapientium disciplina formatus, satis liquido comperiisti, hujusmodi* (blandimenta fortunæ, opes &c.) *sita in lubrico, bona malave per se non esse, sed τῶν μέσων, hoc est bonorum malorumque media censeri.* Conf. sequentia ibid. de eruditione Cerellii. Adde ex Capite XV. *Quem veterum nunc memoria* (ma-lo memoria) *suspiciamus, quem prudentia-tibi antistare dicemus? Quis eorum, si adesset, non in te omnium virtutum prædicationem conferret? quis tuis laudibus se postponi erubesceret? De eloquentia quoque sileo: quam omnia nostrarum provinciarum tribunalia, omnes præsides noverunt: quam denique urbs Roma & auditoria sacra mirata sunt. hæc se & ad præsens & in futura secula satis ipsa nobilitat.* Cassiodorus *Cerellium* scribit per diphthongum pro *Cerellium*, quod posterius in notis ad Censorinum pag. 3. recte satis tuetur *Lindenbrogius*, sed

fed testimoniis *Plinii* Junioris Lib. II. Ep. 19. & Lib. IV. Ep. 21. frustra in partem vocatis, cum autor ad *Cerealem* binas illas epistolas scripsit, non *Cerellium*. De aliis *Cerelliis* vide *Glandorpii* Onomasticon Romanum pag. 216.

CINNA CATULLUS, Stoicus percelebris, temporibus M. Antonini Philosophi floruit, quo & hic præceptore usus traditur a *Capitolino* c. 3. *Salmasius* mavult *Catulum* legi, sequutus forte ipsum *Antoninum*, qui Lib. I. §. 13. pag. m. 3. *Κάτρυλον* vocat. Nec est, quod ad *Catullos* omnino referatur, cum & *Catulos* agnoscit historia Romana apud *Vellejum Paterc.* II, 32. *Plinium* XXXIV. Hist. Nat. 8. *Gellium* XIX. 9. *Lucanum*, *Eutropium*, *Tacitum*, *Florum*, *Senecam*, alios. *Salmasio* suffragantur eruditorum alii, ut *Celeb. Fabricius* meus Lib. III. Biblioth. Gr. Cap. 15. pag. 394. & *Jo. Fonsius* de Script. Histor. Philos. Lib. III. Cap. 9. §. 5. p. m. 50.

CLARANUS, vetus Grammaticus, sub Claudio docuit, cujus memoriam nobis reliquit *Seneca* Epist. LXVI. *Claranum* condiscipulum meum vidi-illustriorem vero *Ausonius* Epist. 18. p. m. 230.

Ursule, collega nobilis *Harmonio*.

Harmonio : quem *Claranus*, quem *Scaurus*
& *Asper* :

Quem sibi conferret Varro, priorque *Crates*.
& *Martialis* Lib. X. Epigr. 21. v. 2.

Scribere te, quæ vix intelligat ipse Modestus,
Et vix Claranus, quid, rogo, Sexte, juvat?
Conf. Ptolemæi Flavii Conjectan. Cap. XIX. p. m. 965. & supr. Part. I. in *Clanarius*,

CLAV-

CLAVDIUS AUGUSTALIS v. *Augustalis.*

SERVIUS CLAUDIUS v. *Servius.*

CLAUDIUS VENATUS, Orator amplissimus vocatur ab *Ælio Lampridio*, qui & consiliis Alexandri Severi Imperatoris eum interfuisse tradit in hujus vita Cap. 68.

CONCORDIUS, Philologus Burdigalensis, celebris inprimis est Carmine XI. *Ausonii* in Commemoratione Prof. Burd. p. m. 73.

*Et tu, Concordi,
Qui profugus patria,
Mutasti sterilem
Urbe alia Cathedram.*

VAL. CORDUS, quo litteratore usus est Alexander Severus, memoratur *Lampridio* in vita hujus Cap. 3.

CORELLIUS RUFUS, vir emendatissimus sub Domitiano & Trajano floruit, quem non sine summa reverentia dilexit *Plinius* Junior. Vid. Lib. I. Epist. 12. Conf. præced. ibidem & Lib. IV. Ep. 17. nec non lib. VII. Ep. 11. & 31. Philosophus fuit gravissimus, disciplinæ, nisi fallor, Stoicæ, & in iis numerandus, quorum Catalogum exhibet *Joh. A. Fabricius* Bibl. Gr. Lib. III. Cap. 15. Dixi mox, nisi fallor. sed non fallor. Perpende, quæso, verba *Plinii* Lib. I. Epist. 12. num. 3. *Corellium quidem summa ratio, quæ sapientibus pro necessitate est, (ex mente Stoicorum) ad hoc consilium (ut sponte decederet & inedia mortem acceleraret) compulit.* item num. 9. & 10. *Misit ad me uxor ejus Hispulla communem ami-*

amicum C. Geminium cum tristissimo nuntio, destinaſſe Corellium mori, nec aut ſuis aut filia precibus flekti-Dixerat ſane medico admoventi cibum, & exiit - Quinimo & Plinium ejusdem ſectæ fuiſſe crederes, quod in ſequentibus ait num. 12. Amiſi enim, amiſi vitæ meæ teſtem, rectorem, magiſtrum. In ſumma, dicam, quod recenti dolore contubernali meo Calviſio dixi ; Vereor ne negligentius vivam.

CORNELIUS MINUTIANUS. v. Minutianus.

D.

DECIANUS, gente Hiſpanus, ex urbe *Emerita* oriundus, Vir eruditus & Græcarum Latinarumque litterarum ſcientiſſimus prædicatur a *Martiali* Lib. I. Epigr. 40.

*Si quis Cecropiæ madidus, Latiaque Minervæ
Artibus, & vera ſimplicitate bonus :*

Siquis erit recti cuſtos, imitator honeſti,

Et nihil arcano qui roget ore deos :

Siquis erit magnæ ſubnixus robore mentis,

Diſpeream, ſi non hic Decianus erit.

Stoicum fuiſſe, teſtis eſt Idem ibidem Epigr. 9.

Quod magni Traſeæ conſummatique Catonis

Dogmata ſic ſequeris, ſalvus ut eſſe velis,

Pectore nec nudo ſtriſtos incurris in enſes,

Quod feciſſe velim te, Deciane, facis. &c.

Inſere hunc Catalogo Stoicorum *Celeb. Fabricii* Lib. III. Cap. 15. Bibl. Gr. pag. 402. De reliquo conf. Epigr. 25. & 62. nec non Lib. II. Præfat. & Epigr. 5.

DOMITIUS INSANUS, Grammaticus fuit temporibus Hadriani, quem *hominem doctum celebremque* vocat Gellius Lib. XII. cap. 7. Dictus cognomento *Insanus*, quoniam erat natura *intractabilior & morosior*, quæ verba ejusdem sunt ibidem. Conf. Jo. Baptiste Pii Annotat. Poster. Cap. 113. p. m. 513. (Tom. I. Thesaur. Gruter.) de significationibus vocis *Insanus*, qui ex citato Gellii loco probare conatur, homines intractabiles, non comes, non urbanos, non eutrapelos, ut Græci dicunt, Romanis *Insanos* appellatos fuisse. Conf. & Tiraquellus in notis ad Alexandrum ab Alexandro pag. 28. litt. o.

E.

EPRIUS MARCELLUS, Orator eloquentissimus, sub Vespasiano causas egit, de quo Auctor Dialogi de Orat. Cap. 5. num. 7. *Quid aliud infestis patribus nuper Eprius Marcellus, quam eloquentiam suam opposuit? qui accinctus & minax disertam quidem sed inexercitatum & ejusmodi certaminum rudem Helvidii sapientiam elusit.* & Cap. 8. princ. *Ausim contendere, Marcellum Eprium & Crispum Vibium non minus esse in extremis partibus terrarum, quam Capuæ aut Vercellis, ubi nati dicuntur.* Conf. seqy. ibid. & Tacit. Annal. XVI. 22, 10. Transeo alia, quæ vitam Eprii nostri illustrent, nempe quod prætor unius diei fuit, quod Thraseam accusavit, quod Neronem in exitium multorum impulit, de quibus vide proxime laudatum auctorem Annal. XII. 4, 4. XIII. 33, 3. XVI. 22, 1. & Histor. II. 53, 2. nec non 95, 5. IV. 7, 7. &c.

ERU-

ERUCIUS CLARUS, Vir illustris, quem ad A. U. C. Idccclxx. inter COSS. ordinarios refert *Cassiodorus* pag. m. 691. (reprehensus proinde ab *Onuphrio* Comment. in Lib. Fast. I. qui suffectum eum tantum fuisse observat) præfectus Urbis sub Trajano (v. *Dion Cassius* p. m. 160) amicus Plinii Junioris (cujus ad illum Epistola XVI. exstat Lib. I.) ob eximiam eruditionem commemorari meretur, cujus testis est inprimis *Gellius*, Lib. XIII. cap. 16. *Erucius Clarus, qui præfectus Urbi & bis Consul fuit, Vir morum & litterarum Veterum studiosissimus ad Sulpicium Apollinarem scripsit - quærere sese & petere, ut sibi rescriberet, quanam esset eorum verborum (inter os & offam) sententia - &c.* Adde & testimonium *Plinii* Lib. II. Epist. 9. *Erucius Vir sanctus, antiquus, disertus, atque in agendis causis exercitatus, quas summa fide, pari constantia, nec verecundia minore defendit.* Alius est omnino *Erucius Clarus* apud *Paulum* de Officio Præfecti Vigili-
 lum l. 3. §. 2. *Effracturæ sunt plerumque in insulis, in horreisque, ubi homines pretiosissimam partem fortunarum suarum reponunt, cum vel cella effringitur, vel armarium, vel arca. & custodes plerumque puniuntur. & Divus Antoninus Erucio Claro rescripsit*-Nempe hic est *Erucius* ille, quem a *Commodo* occisum refert *Spartianus* in vita *Severi* Cap. 13. adeoque emendandus error *Viri Cl. Ægidii Menagii* qui Cap. XXXI. Amœnit. Jur. Civil. pag. 121. nostrum cum hoc *Erucio* confundit.

SEXTUS ERUCIUS, dignus patre (*Erucio Claro, de quo proxime diximus*) filius, magnopere
 a *Pli-*

a *Plinio* itidem commendatur loc. cit. (Lib. II. Ep. 9) num. 3. *Quæ causa si studium meum non incitaret, adjutum tamen cuperem juvenem probissimum, gravissimum, eruditissimum, omni denique laude dignissimum.*

MARCELLVS ESERNINVS, rhetor eximius, M. *Seneca* aliquoties memoratur, qui hujus sententias & Controversias refert Lib. III. Controv. Cap. 17, 19. seqv. Meminit & *Esernini* nostri *Tacitus* Annal. XI, 6, 4. *Meminissent C. Asinii & Messala ac recentiorum Arruntii & Esernini, ad summa provectos incorrupta vita & facundia* (conf. III, 11, 2.) unde satis liquido apparet, eum sub Augusto & Tiberio in primis floruisse. Conf. *Plinius* Lib. XII. Hist. Nat. Cap. 1. Alius est *Æsernius* Lucilii Sat. Lib. IV. apud *Nonium* Cap. IV. p. m. 393. & *Ciceronis* de Opt. Gen. Orat. cap. 6. de quo fusius disserit *Janus Parrhasius* Epist. LX. de rebus per epist. quæsitis pag. m. 812, 813. Ceterum *Æsernius* an *Eserninus* (quod *Erasmo* placuit) scribendum sit, haud temere dixerim; quanquam non equidem diffiteor, prius mihi probari, cum *Æsernia* scribitur passim antiqua illa Samnitum urbs in Italia de qua vide *Cluverum* Lib. 3. Geogr. Cap. 28. p. m. 275. Conf. *Caroli Sigonii* Liber de Nom. Rom. pag. m. 1435.

F.

FABIVS SABINVS, Sabini insignis Viri filius, Alexandro Severo a Confiliis, *Cato sui temporis* vocatur a *Lampridio* in vita Severi Cap. 68. at

K

quan-

quantum elogium! Conf. *Menagii* Amœnitates Juris Civilis Cap. XXIII.

POLLIVS FELIX, homo eloquentissimus & eruditissimus, sub Domitiano, amicus poëtæ *Statii Papinii* fuit, qui Lib. II Sylv. in Præfatione, de illo: *Pollii mei*, inquit, *Villa Surrentina debuit a me vel in honorem eloquentia ejus diligentius dici, sed amicus ignovit.* & Lib. III. itidem in Præfatione ad illum: *Tibi certe Polli dulcissime, & hac, cui tam fideliter inheres, quiete dignissime, non habeo probandam diu libellorum istorum temeritatem, cum scias multos ex illis in sinu tuo subito natos, & hanc audaciam stili nostri frequenter expaveas, quoties in illius facundia tua penetrare seductus, altius literas intro, & in omnes a te studiorum sinus ducor.*

FESTVS POSTVMIVS, Grammaticus (uti videtur) temporibus Hadriani floruit, de quo *Gellius* meminit Lib. XIX. Cap. 13. *Stabant forte una in vestibulo palatii fabulantes Fronto Cornelius, & Festus Postumius & Apollinaris Sulpitius; atque ego ibi assistens cum quibusdam aliis, sermones eorum, quos de litterarum disciplinis habebant, curiosius captabam.* Conf. seqv. ibidem. *Barthius* Adversar. II. cap. 3. *Festum nostrum Postumium* eundem esse credit, qui de *Verborum significatione* scripsit, dictus vulgo *Sextus Pompejus Festus*. Sed fallitur sine dubio Vir optimus, cum *Postumius & Pompejus* haud temere confundi possunt: fallitur, inquam, quum temporibus *Gellii* minime vixisse videtur *Festus* posterior, sed sub Imperatoribus Christianis. Vid. *Fabri.*

Fabricii mei Biblioth. Lat. p. m. 764. Conf. *Notas Gronovii* ad *Gellium* pag. m. 857.

FIDVS OPTATIVS, Grammaticus illustribus temporibus Hadriani fuit, de quo *Gellius* Lib. II. Cap. 3. *Venit nobis in memoriam, Fidum Optatum multi nominis Romæ Grammaticum ostendisse mihi librum Æneidos secundum, mirandæ vetustatis.* *Philippus Carolus* Animadvers. in *Gellium* pag. 118. ignotissimum sibi hoc nomen esse fatetur, adeoque minime pro proprio accipiendum suspicatur, legendum vero *fidum opinatumque multi nominis Grammaticum*, quasi inauditum in historia Romana esset nomen *Optati*, quo utitur apud *Plinium* Lib. IX. c. 17. libertus Claudii, (confer *Notas & Emendationes Harduini* pag. 373) & apud *Cassiodorum* Consul cum Paulino sub Impp. Constantino & Galerio, pag. m. 694. ut Inscriptiones transeam.

FRONTO CATIVS, Orator insignis sub Trajano floruit, de quo *Plinius* Junior Lib. II. Ep. II. num. 18. *Dixit pro Mario rursus Fronto Catius insigniter.* *Cellarius*, Vir emendatissimus *Cornelium Frontonem* intelligi putat, sed minus emendate. Vide *Partem I.*

FURIUS ALBINVS a *Macrobio* Saturnal. Lib. II. Cap. 10. princ. loquens in convivio introducit cum hoc encomio: *subjecit Furius Albinus, antiquitatis non minus quam Cæcina peritus* - item Lib. VI. Cap. 1. sub init. *Meminimus Viros inter omnes nostra ætate longe doctissimos Furium Cæcinamque Albino promississe, se prodituros, quid idem*

Maro de antiquis Romanis scriptoribus traxerit - unde Grammaticum fuisse apparet.

FVRNIVS aliquis ab *Horatio* inter doctos sui temporis Viros laudatur Lib. I. Sat. X. v. 86.

Ambitione relegata te dicere possum

Pollio, te Messala tuo cum fratre, simulque

Vos Bibuli & Servi, simul his te candide Furni:

Complures alios, doctos ego quos & amicos

Prudens pratero -

Intelligo *Furnium* illum, qui Consul cum C. Silano sub Augusto fuit, teste *Cassiodoro* Chron. pag. m. 689. Alius est *Furnius* apud *Ciceronem* Lib. V. ad Atticum Epist. 15. Lib. IX. Ep. 18. Lib. XI. Ep. 8. & ad Familiares Lib. X. Ep. 25. nec non apud *Florum* IV, 12, 51. & *Dionem* Lib. LIV. pag. 599.

FUSCUS SALINATOR, patricius Romanus, eximius Orator fuit sub Trajano, de quo *Plinius Junior* Lib. VI. Ep. 11. *Audiavi ex diverso agentes summae spei summa indolis juvenes duos, Fuscum Salinatorem & Numidium Quadratum, egregium par, nec modo temporibus nostris, sed litteris ipsis ornamento futurum.* conf. seqv. item Epist. 26. *Ipse* (Fusc. Salinator) *est studiosus, litteratus, etiam disertus - &c.* Conf. porro Lib. VII. Epist. 9. & Lib. IX. Ep. 36, 40. ad *Fuscum*, quem equidem *Salinatorem* nostrum esse nullus dubito, cum quod in his de officio & studio orandi *Plinius* scribit, tum quod Lib. VI. Epist. 26. effuse eum a se amari testatur, tum denique quod Lib. VII. Ep. 9. monet, hortatur, suadet, tanquam rector & magister, quem se a *Salinatore* habitum esse Lib. VI. Ep. 11. declarat. Denique

nique idem vel certe pater Salinatoris nostri esse videtur, qui Consul cum Hadriano fuit sub Imperatore Trajano apud *Cassiodorum* pag. m. 691.

G.

JUL. GENITOR, rhetor sub Trajano clarissimus fuit, amicus *Plinii* Junioris, qui tres ad eum epistolas reliquit. Vid. Lib. III. epist. 11. Lib. VII. Epist. 30. & Lib. IX. Ep. 17. Confer & Lib. III. Epist. 3. in qua Auctor, consultus a Corellia Hispulla de studiis filii rite instituendis, *Genitori* nostro eum tradi jubet, commendata simul hunc in modum Viri sanctitate & eloquentia : *Videor ego demonstrare tibi posse Julium Genitorem, amatur a me - Vir est emendatus & gravis : paulo etiam horridior & durior, ut in hac licentia temporum. Quantum eloquentia valeat, pluribus credere potes : nam dicendi facultas aperta & exposita statim cernitur - Proinde trade eum (filium) preceptor, a quo mores primum, mox eloquentiam discat, quæ male sine moribus discitur.*

H.

HARMONIUS, Grammaticus Trevirorum, ab *Ausonio* ita laudatur in Epistola XIIIX. ad Ursulum p. m. 230.

Ursule, collega nobilis Harmonio.

Harmonio : quem Claranus, quem Scaurus & Asper,

Quem sibi conferret Varro priorque Crates. &c.

Q. HATERIUS, Consularis, Orator illustis

stris temporibus Tiberii floruit, de quo meminit *Svetonius* in hujus vita Cap. 29. copiosius vero *Tacitus*, quem vide *Annal.* I. 13. 4. seqv. II. 33. 1, III. 57. 3. IV. 61, 2. De hoc nostro *Haterio* ita judicat *Seneca* *Epist.* 40. pag. m. 117. Q. *Haterii* cursum suis temporibus oratoris celeberrimi, longe abesse ab homine sano volo. Nunquam dubitavit, nunquam intermisit : semel incipiebat, semel desinebat. NB. Suis temporibus, inquit *Seneca*, ut alius proinde sit Q. *Haterius*, quo COS. una cum D. Junio Nero XVI annos natus Octaviam Cæsaris filiam in matrimonium accepit. v. *Tacit.* XII. 58, 1. Taceo *Haterios* alios, *Agrippam*, *Antonium* &c. quibus nullus hic locus est ὁμωνυμίας.

HELVIDIUS PRISCUS, *Thraseæ* gener, tribunus plebis sub Nerone fuit, cui *disertam sapientiam* tribuit Auctor *Dialogi de Orat.* Cap. 5. n. 7. Confer *Tacitum* *Annal.* XII. 13, 16. XIII. 28, 5. XVI. 33, 2. & 35, 1. *Histor.* II. 91, 3. IV. 4, 5. denique *Agricol.* 45. 3. Uberiorem *Helvidii* nostri memoriam nobis invidit *Domitianus*, qui ut illius nomen extingueret, *Herennium Senecionem* & *Junium Rusticum* extingui jussit, quorum hic laudes *Helvidii*, ille de vita ipsius libros scripserat. Vid. *Gerard. Jo. Vossius* Lib. I. de *Hist. Lat.* p. 154. seqv.

HERENNIUS SEVERUS a *Plinio* Lib. IV. *Epist.* XXIX princ. ita laudatur : *Herennius Severus, Vir doctissimus, magni aestimat in bibliotheca sua ponere imagines municipum tuorum, Cornelii Nepotis & Titi Caspii* - Meminit & *Suidas* *Herennii* nostri pag. m. 327. in Ἑρμῆπος Βηρύτιος : *Hermip-*

mippus Berytius, e vico in mediterraneis, discipulus Philonis Biblii, a quo commendatus est Herennio Severo sub Adriano Imperatore. Alius est 'Ερέννιος, quem Origenes sequutus dicitur Porphyrio de vita Plotini Cap. III. pag. m. 97. Taceo Herennios alios apud Fabricium Bibl. Lat. pag. 97, quibus adde T. Herennium (de quo v. Eutropius V. 2, 3.) Herennium Celsum (v. Trebellius Pollio de Trīginta Tyrannis cap. 21) Herennium Nepotem (v. Æl. Spartianus in vita Severi Imp. pag. m. 321) Herennium Bassum (v. Livius p. m. 211.) Herennium Samnitum (v. Florus I. 16, 10.) Herennium Grammaticum, de quo vide sis Partem I.

I.

ANTONIUS JULIANUS. v. *Antonius.*

JULIANUS CELSINUS. v. *Celsinus.*

JULIUS AVITUS. v. *Avitus.*

JULIUS GENITOR. v. *Genitor.*

TERENTIVS JUNIOR. v. *Terentius.*

MAXIMUS JUNIUS. v. *Maximus.*

L.

LÆLIUS aliquis, poëta temporibus Domitiani, Martialis carmina perstrinxit, ad quem proinde *hic* Lib. I. Epigr. 92.

Cum tua non edas, carpis mea carmina, Læli,

Carpere vel noli nostra, vel ede tua.

Cetera nobis ignotissimus.

C. OCTAVIUS LAMPADIO, Grammaticus antiquissimus, eo imprimis nomine memorandus nobis videtur, quod *Nævii bellum Puni-*

cum, unico volumine & continenti scriptura (vide *fis Ideam* nostram *Historiæ Litterariæ Romanorum* p. 78-81.) *expositum, in septem libros divisit*, quæ verba sunt *Svetonii* de *Illustr. Gramm.* Cap. 2. Quam divisionem *Octavianam* sequutus passim est *Nonius* (jam *Librum secundum* allegans, jam *tertium, quartum, sextum, septimum*) præter opinionem *Casauboni*, quem vide in notis ad locum cit. *Svetonii* pag. m. 702. edit. Græv. 1691. in 4to. De nomine *Lampadionis* vid. *Lud. Carrionis* *Emendat. Lib. II. Cap. XVI.* pag. 174, 175. *Conf. & Lucret. IV. v. 1158.*

LVCIVS ÆLIVS LANUVINVS in album *Grammaticorum illustrium* a *Suetonio* refertur Cap. 2. *Instruxerunt auxeruntque ab omni parte Grammaticam* **LVCIVS ÆLIUS LANUVINVS**, gener *Quinti Ælii*, **SERVIVS CLAVDIVS**, *uterque eques Romanus, multique ac varii & in doctrina & in rep. usus.* ita hunc locum emendavit *Ludovicus Carrio*, quem vide *Antiqv. Lect. Comment I. Cap. VIII.* pag. 11. 12. 13.

SALVIVS LIBERALIS, Orator gravis & disertus a *Plinio* commendatur *Lib. II. Epist. 11. num. 17.* *Postero die dixit pro Mario Salvius Liberalis, Vir subtilis, dispositus, acer, disertus: in illa vero causa omnes artes suas protulit.* *conf. Lib. III. Ep. 9.* Non multum forte erraverim, si *Liberalem* nostrum eundem esse dixerim, de quo meminit *Suetonius* in *vita Vespasiani* Cap. 13. *Salvium Liberalem in defensione divitis rei, ausum dicere, quid ad Cæsarem, si Hipparchus LLS. millies habet? & ipse lau-*

laudavit. Adde hunc *Liberalibus*, Æbutio, M. Antonio, Tiberio Claudio, quorum meminit Jo. Alb. Fabricius Bibl. Gr. Lib. III. Cap. XXVII. pag. 679. 680. adde porro *Flavium Liberalem* itidem apud *Svetonium* ibidem cap. 3.

VALER. LICINIANVS, Rhetor fuit sub Domitiano & Trajano, cujus memoriam post *Svetonium* (qui *prætorium* eum Virum tacite appellat in vita Domitiani Cap. 8.) repetit *Plinius Junior* Lib. IV. Epist. II. num 1. *Audistine Valerium Licinianum in Sicilia profiteri?* - *Prætorius hic modo inter eloquentissimos causarum actores habebatur: nunc eo decidit, ut exul de Senatore, rhetor de Oratore fieret. Itaque &c.* *Licinianum* hunc intelligo apud *Martialem* Lib. I. Epigr. 50. [in Inscriptione)

*Vir Celtiberis non tacende gentibus,
Nostra equalis Hispaniæ.*

& Epigr. 62.

*Te, Liciniane, gloriabitur nostra,
Nec me tacebit Bilbilis.*

ubi *Liciane* alii utrobique legunt.

LICINIUS SCVRRA, homo litteratissimus & eloquentissimus sub Trajano floruit, cui *Plinius altissimam eruditionem* tribuit Lib. IV. Epistola 30. in qua auctor miram naturam fontis in Comensi agro narrat, cujus causam & ipse indagat, & Licinio suo indagandam commendat. Confer extrema epistolæ verba: *Scrutare tu causas, (potes enim) quæ tantum miraculum efficiunt.* Adde Epigrammata *Martialis* 46. Lib. VII. quod ita incipit:

Doctorem, Licini celeberrime, summe Virorum,

Cujus prisca graves lingua reduxit avos-

M. LOLLIVS PALICANVS. v. *Palicanus.*

LVCEIVS ALBINUS, Orator disertissimus sub Trajano, clarus imprimis est testimonio *Plinii Junioris* Lib. III. Epist. 9. num. 7. *Aderam Baeticis, mecumque Lucejus Albinus, Vir in dicendo copiosus, ornatus: quem ego quum olim mutuo diligerem, & hac officii societate amare ardentius cæpi.* Conf. Lib. VI. Epist. 10. ad *Albinum*, quem *Lucejum* nostrum esse nullus dubito. Alius vero est *Luceius Albinus*, a Nerone Mauritaniæ Cæsariensi præpositus, & dum e Tingitana provincia Mauritaniam petiit, in littore trucidatus, de quo vide sis *Tacitum* Histor. II. § 8, 2. & § 9. 2.

M.

ANINIVS MACER, vid. supra *Aninius.*

POMPEIVS MACER, v. *Pompejus.*

BAEBIVS MACRINVS, v. *Babius.*

PLOTIVS MACRINVS, Vir eruditissimus sub Nerone vixit, cui *Persius* Satiram II. inscripsit, quæ ita incipit:

Hunc, Macrine, diem

ad quæ verba vetus Scholiastes: *Alloquitur, inquit, Plotium Macrinum, hominem sane eruditum, & paterno se (Persium) affectu diligentem, qui in domo Servilii didicerat, a quo agellum comparaverat, indulto sibi pretio aliquanto.* Intellego *Macrinum*, qui consul cum Gallo sub Nerone fuit. v. *Cassiodori*

Chro-

Chronicon pag. m. 690. Alius est *Macrinus* Philologus, de quo *Aufonius* in Commemoratione Profess. Burdigal. XI. p. m. 73.

*Sit Macrinus in his
Sobrius in pueris,
Et puerorum
Utilis ingeniis.
Huic mea principio
Credita puerities.*

MANLIVS VOPISCVS, v. *Vopiscus*.

VICTORIVS MARCELLVS, homo eloquentissimus sub Vespasiano floruit, cui *Librum Quartum Sylvarum* honorifice inscripsit *Papinius Statius*. Lege Præfationem & Carm. IV. ad eundem v. 65.

*nec enim tibi sola potentis
Eloquii Virtus-&c.*

Idem est *Marcellus Victorius*, ad quem *Quintilianus* Instit. orat. Lib. I. præm. *Quod opus, Marcelle Victori, tibi dicamus: quem cum amicissimum nobis, tum eximio litterarum amore flagrantem, non propter hæc modo (quanquam sunt magna) dignissimum hoc mutuae inter nos caritatis pignore judicabamus, sed quod-&c. & Lib. VI. præm. Hæc, Marcelle Victori, ex tua voluntate maxime ingressus.* Conf. Lib. XII. sub finem.

VIBIVS MARSVS, de quo multa prodit *Tacitus* Annal. II. 74. 4. & 79. 2. IV. 56. 4. XI. 10. 1. in album eruditorum referri ab eodem jubetur VI. 47. 4. *Marsus quoque vetustis honoribus & inlustis studiis erat.*

AR-

ARRIANUS MATURIUS v. supra *Arrianus*.

MAXIMUS JUNIUS, homo eruditus sub Vespasiano, clarus imprimis est testimonio *Statii* in Præfatione Libri IV. *Silvarum*: *Maximum Junium dignitatis & eloquentiæ nomine a nobis diligere, satis eram testatus epistola, quam ad illum de editione Thebaidos meæ publicavi.* Adde porro ex Carmine VII. ibid. ad Maximum Junium, extr.

*Sed tuas artes puer ante discat,
Omne quis mundi senium remensus
Orsa Sallusti brevis, & Timavi
Reddis alumnum.*

unde *historiam* scripsisse videtur, & ad familiam eorum pertinere, quorum memoriam prætermisit Vir Celeb. G. Jo. *Vossius* in præclaro de Historicis Latinis monumento.

ATEDIUS MELIOR. v. supr. *Atedius*

MESSALA aliquis clarissimus, sed inter tot Messalas obscurissimus, sub Alexandro Severo floruit, cujus egregiam eloquentiam & eruditionem Imperator ipse prædicat in Epistola ad matrem Mainmæam, apud *Capitolinum* in Maximino Junio rep. m. 361. *Hæc quidem cogito, sed te tamen consulo, Maximinum Maximini filium generum velis, an Messalam ex familia nobili, Oratorem potentissimum, eundemque doctissimum, & (nisi fallor) in rebus bellicis, si applicetur, fortem futurum.*

METIUS TARPA, Criticus & auditor assiduus Poëtarum, carminumque perdiligens æstimator, notus imprimis est ex illo *Horatii* de Arte Poëtica v. 387.

Si

Si quid tamen olim

Scripseris, in Metii descendat iudicis aureis,
item illo Lib. I. Sat. X. v. 38

hac ego ludo,

Qua nec in ade sonent certantia, iudice Tarpa,
ubi *Porphyrio* in notis: *Il fere, inquit, qui scenas*
scribebant, ad Tarpam hunc quasi emendatorem eas
afferebant.

MINERVIVS, Vir doctissimus sub Theodoro & reliquis Imperatoribus vixit, quem scriptorum suorum doctissimum iudicem ac socium lectionis vocat *Symmachus* Lib. IV. Epist. 18. Conf. Ep. 35- usque ad 49. Alius est *Minervius* Exconsularis, de quo vid. *Ammianus* Lib. XXVII. p. m. 524. alius porro *Tiberius Victor Minervius* apud *Ausonius* in Commemoratione Professorum Burdigal. pag. m. 63. & huius filius *Aletius Minervius* pag. 69.

CORNEL. MINUTIANUS, dignus, qui ad tribum eruditorum Romanorum referatur, videtur ex illo *Plinii* Junioris testimonio Lib. VII. Ep. 22. *Est Cornelius Minutianus, ornamentum regionis meae seu dignitate seu moribus. Natus splendide, abundat facultatibus, amat studia, ut solent pauperes.*

N.

CALVISIVS NEPOS. v. *Calvisius.*

TIBERIUS CLAUDIVS NERO, pater *Tiberii Caesaris*, clarum fuit & illustre inter erudita sui temporis ingenia nomen, de quo *Vellejus Patzerculus* II. 75. 1. *Per eadem tempora exarserat in*
- *Cam-*

*Campania bellum, quod professus eorum, qui perdid-
derant agros, patrocinium, ciebat Tib. Claudius Nero,
prætorius & Pontifex, Tib. Cæsaris pater, magni vir
animi doctissimique ingenii. Alia de hoc Nerone
vide apud Svetonium in vita Tiberii Cap. 4.*

BRUTIDIUS NIGER. v. Brutidius.

NUMIDIUS QUADRATUS, Orator
præclarus sub Trajano floruit, de quo Plinius Juni-
or Lib. VI. Epist. 11 *O diem latum! adhibitus
in consilium a præfecto urbis, audiui ex diverso agen-
tes summa spei, summa indolis juvenes duos, Fuscum
Salinatorem & Numidium Quadratum, egregium
par, nec modo temporibus nostris, sed litteris ipsis or-
namento futurum. Mira utrique probitas, constan-
tia salva, decorus habitus, os planum, vox virilis,
tenax memoria, magnum ingenium, judicium æqua-
le*-Conf. seqv. ib. & Epist. 29. ad Quadratum, nec
non Lib. VII. Ep. 24. & Lib. IX. Epist. 13. Idem
forte sive pater hujus est *Quadratus*, Consul cum
Candido sub Trajano, apud Casfiodorum Chron. p.
m. 690. Quadratum nostrum graviter postea in-
fectatus est Hadrianus, teste Spartiano in hujus Vita
Cap. 15. Alius est, *Asinius Quadratus*, historicus,
apud Suidam, *Capitolinum & Vulcatium*, de quo
vid. *Vossius* de Hist. Græcis Lib. II. Cap. XVI. p. 239-
alius *Ninnius Quadratus* apud *Dionem*, alius porro
Quadratus sub Hadriano apud *Hieronimum* de Vi-
ris Illustribus Cap. XIX. p. m. 84. *Honorium Augu-
stodunensem* Lib. I. Cap. 20. pag. m. 74. *Eusebium*
IV. 3. aliosque,

O.

C. OCTAVIVS LAMPADIO. v. *Lampadio.*

OCTAVIVS TEVCER, Grammaticus fui temporis notissimus, in Gallia Togata docuit, teste *Svetonio* de Ill. Gr. cap. 3.

P. OPPIVS, Orator eximius, a *Quintiliano* laudatur Lib. VI. Cap. 3. pag. m. 358. *Quod P. Oppius dixit de genere Lentulorum, cum assidue minores parentibus liberi essent in nascendo, decrescere genus Lentulorum.* Alius est C. Oppius historicus apud *Svetonium* in Jul. Cæs. Cap. 56. *Plinium* Lib. IX. H. N. c. 45. *Gellium* Lib. VII. c. 1. & Lib. XVII. Cap. 9. &c. alius Oppius Chares apud *Tranquillum* de Ill. Gr. c. 3. *Festum* &c.

FIDUS OPTATUS vid. *Fidus.*

P.

SERVIVS PAETVS, frater Papirii Pæti, Criticus litteratissimus fuit, de quo *Cicero* Lib. IX. ad Familiares Epist. 16. *ut Servius frater tuus, quem litteratissimum fuisse judico, facile diceret, hic versus Plauti non est, hic est, quod tritas haberet aures notandis generibus poetarum & consuetudine legendi-Bibliothecam apparatusissimam habuit, quam sibi donatam fuisse testatur Idem* Lib. II. ad Atticum Epist. I. sub finem: *Patus, ut antea ad te scripsi, omnes libros, quos frater suus reliquisset, mihi donavit, hoc illius munus in tua diligentia positum est - si me amas, cura ut conserventur & ad me perferantur, hoc mihi nil potest esse gratius.*

M.

M. LOLLIVS PALICANVS, homo artis rhetoricæ studiosus sub Augusto floruit, ad quem *Horatius* Lib. I. Epist. 2. princ.

Trojani belli Scriptorem, Maxime Lolli,

Dum tu declamas Romæ, Præneste relegi :

Conf. Epist. 18. ad eundem & Lib. IV. Od. 9. item Notas *Acronis* & *Porphyrionis* ibidem, *Tacit. Annal.* III. 48. 4. XII. 1. 3. *Vell. Patercul.* II. 102. 1. nec non *Historiam* *Ciceronis* descriptam a *Franc. Fabricio Marcodurano* p. m. 15.

PEDIUS POPLICOLA, Orator eximius sub Augusto causas egit, de quo *Horatius* Lib. I. Sat. 10. v. 28.

Latine

*Quum Pedius causas exsudet Poplicola atque
Corvinus-*

ubi *Acron* in Notis: *Pedius Poplicola*, inquit, & *Mes-sala Corvinus* oratores fuerunt, qui observaverunt, ne *Græcis sermonibus* uterentur: erant autem fratres *causidici optimi*.

PHOEBITIVS, Philologus *Burdigalen-sis*, celebris in primis est *Carminibus* XI. *Ausonii* in *Commemoratione* Prof. *Burd.* p. m. 73.

Nec reticebo senem

Nomine Phœbitium :

Qui Beleni ædituus

Nil opis inde tulit.

Sed tamen ut placitum,

Stirpe satus Dryadum,

Gentis Aremoricæ

Burdigalæ Cathedram

Nati opera obtinuit.

M. PVPIVS PISO. v. infra *Pupius*.

PITVANIVS, Vir pereruditus & Græcis litteris deditus, temporibus Ciceronis floruit, de quo vide Librum IV. ad Atticum Epist. 15. Alius est, credo, *Pituanius* apud *Tacitum* Annal. II. 32.5. *Facta est de Mathematicis Magisque Italia pellendis Senatusconsulta, quorum e numero L. Pituanius saxo dejectus est.*

POLLIO aliquis, insignis Grammaticus, M. Antoninum Philosophum erudit, de quo vide sis *Capitolinum* in hujus vita Cap. 2.

POMPEIVS MACER, homo eruditus, sub Augusto floruit, qui *Bibliothecas illi ordinandas delegaverat*, teste *Svetonio* in vita *Juli Cæsaris* Cap. 56. extr. Prætor fuit sub Tiberio, ut auctor est *Tacitus* Annal. I. 72. 5. *Mox Tiberius consultante Pompejo Macroprætor, an judicia majestatis redderentur? exercendas leges esse respondit.*

POMPEIVS QVINCTIANVS sub Trajano vixit, Vir doctissimus & disertissimus, testimonio *Plini Junioris* Lib. IX. Epist. 9. *Is fuit Quinctianus, quem diligere deceat exemplo ipsius. Felices amabat, miseros tuebatur, desiderabat amissos. Jam illi quanta probitas in ore! quanta in sermone cunctatio? quam pari libra gravitas comitasque? quod studium litterarum? quod judicium?* *Cellarius* *Quinctianum* nostrum eum esse putat, (& recte, credo, putat) ad quem *Martialis* Lib. I. Epigr. 53.

*Commendo tibi, Quinctiane, nostros,
Nostros dicere si tamen libellos
Possim.*

L

Conf.

Conf. Lib. V. Epigr. 18. Patrem forte habuit *Quinctianum Afranium*, de quo vide *Tacitum* *Annal.* XV. 49. 4. & 56. 3. item 70. 2.

POMPONIVS BASSVS, Vir excellens, qui magistratus amplissimos gesserat, exercitum rexerat, &c. in eruditis censetur & commendatur ab amico *Plinio* Lib. IV. Epist. 23. *Magnam cepi voluptatem, quum ex communibus amicis cognovi, te, ut sapientia tua dignum est, disponere otium & ferre, habitare amœnissime - multum disputare, multum audire, multum lectitare, quumque plurimum scias, quotidie tamen aliquid addiscere.* Alius est *Pomponius Bassus* sub Imperatore Divo Claudio apud *Sextum Aurelium Victorem* in *Historiæ Augustæ* Epitome p. m. 632.

FESTVS POSTVMIVS, v. *Festus*.

M. PVPIVS PISO, Orator illustris, a *Cicerone* memoratur in Oratione contra L. Pisonem : *Irrisa est a te paulo ante M. Pisonis cupiditas triumphandi* : ubi *Asconius Pedianus* in *Notis* pag. m. 165. „Quis hic M. Piso fuerit, credo vos ignorare; fuit „autem, ut puto jam nos dixisse, Pupius Piso, eis- „dem temporibus, quibus Cicero, sed tanta ætate „major, ut adolescentulum Ciceronem pater ad e- „um deduceret, quod in eo & antiquæ vitæ simili- „tudo & multæ erant litteræ. Orator quoque me- „lior quam frequentior, habitus est, biennio tamen „ferius, quam Cicero, Consul fuit: triumphavit „pro Consule de Hispanis, Q. Hortensio, Q. Metel- „lo Cretico Coss. ante Ciceronis Consulatum.

Q.

NVMIDIUS QVADRATVS. v. *Numidius.*

POMPEIUS QVINCTIANVS v. *Pompejus.*

QVINTVS VARGONTEIVS. v. *Var-gontejus.*

S.

SALVIVS LIBERALIS. v. *Liberalis.*

SCA VRINVS, Scaurini filius, Grammaticus Romæ celeberrimus fuit temporibus Alexandri Se-
veri, qui præceptore eo usus est, teste *Lampridio*
in hujus vita cap. 3.

SCA VRVS Junior, clarus Grammaticus fuit,
quem Verus Imperator audivit. Vide *Capitolinum*
in vita hujus cap. 2. De *Scauro* patre alii affatim
dixerunt.

LICINIVS SCV RRA. v. *Licinius.*

SERVIVS CLAVDIVS five CLODIVS,
eques Romanus, multique ac varii & in doctrina &
in Rep. usus, artem Grammaticam apud Romanos
ab omni parte instruxit auxitque, quæ verba sunt
Svetonii de Illustr. Gr. Cap. 2. Confer historiam,
quam de eo narrat Idem ibidem Cap. 3. Scilicet
Servius cum librum foci non dum editum fraude
intercepisset & ob hoc repudiatus pudore ac tadio se-
cessisset ab urbe, in podagra morbum incidit : cujus
impatiens veneno sibi perunxit pedes & enecuit ita,
ut parte ea corporis quasi præmorta vixerit. Cu-

ius historiæ auctorem Svetonius sine dubio habuit *M. Terentium Varronem*, quem *Plinius* profitetur Lib. XXV. H. N. Cap. 3.

HERENNIVS SEVERVS. v. *Herennius*.

SILVINVS, rhetor, sub Antonino Heliogabalo vixit, de quo meminit *Ælius Lampridius* in hujus vita cap. 16. *Removit & Silvinum rhetorem, quem magistrum Cæsaris fecerat. Et Silvinus quidem occisus est.*

SVCVRO, Philologus Burdigalensis clarus in primis est Carmine XI. *Ausonii* in Commemoratione Prof. Burd. p. m. 74.

Et libertina

Sucuro progenies,

Qui rudibus pueris

Prima elementa dabas.

T.

METIVS TARPA v. *Metius*.

TERENTIVS JUNIOR, Vir admodum eruditus & utraque lingua doctissimus, sub Trajano floruit, de quo *Plinius* Lib. VII. Epist. 25. *Terentius Junior, equestribus militiis atque etiam procuratione Narbonensis provinciae integerrime functus, recepit se in agros suos, paratisque honoribus tranquillissimum otium pratulit. Hunc ego, invitatus hospitio, ut bonum patrem familiae, ut diligentem agricolaem intuebar, de his loqvuturus, in quibus illum versari putabam: & ceperam, quum ille me doctissimo sermone revocavit ad studia. Quam teresa omnia? quam Latina? quam Græca? Nam tantum*

tum utraque lingua valet, ut ea magis videatur excellere, quam cum maxime loquitur. Quantum ille legit? quantum tenet? At henis vivere hominem, non in villa, putes. Conf. Lib. VIII. Epist. 15. ubi Plinius Terentium nostrum Criticum & operum suorum emendatorem profitetur, nec non Lib. IX. Epist. 12.

TEVCER. v. *Octavius Teucer.*

TIBERIVS CLAVDIVS NERO. v. *Nero.*

TIBERIVS VICTOR MINERVIVS
v. *supr. Minervius.*

T. TINCA PLACENTIVS, Orator memoria Ciceronis fuit, quem Hortensius reprehendit apud *Quintilianum* Lib. I. Cap. 5. *Duos in uno nomine faciebat barbarissimos Tinka Placentinus (si reprehendenti Hortensio credimus) preculam pro pergulam dicens, & immutatione, cum c pro g uteretur, & transmutatione, cum r praeponeret e antecedenti.* Dictus videtur Placentinus a Placentia, urbe Italiae, de qua *Plinius* Lib. III. H. N. Cap. 15. *Conf. Cicero, qui Lib. de Clar. Orat. p. m. 245. Tincam nostrum hominem facetissimum vocat, & cum Q. Granio pracone dicacitate certantem.*

TITVS VETVRIVS v. *Veturius.*

TROSIVS APER, in Grammaticis sui temporis illustris fuit, quo praepatore usus est M. Antoninus Philosophus, teste *Capitolino* in vita hujus Cap. 2.

V.

Q. VARGONTEIVS, Grammaticus fui temporis præclarus, in Libros divisit Ennii Annales, quos certis diebus in magna frequentia pronuntiabat. Vid. *Svetonius* de Ill. Gr. cap. 2. Pro *Vargontejus* sive *Varguntejus* legitur nonnusquam *Varguntius*, quod *Casaubono* merito displicet. Certe *Varguntejorum* haud obscurum nomen est in historia Romana, maxime in conjuratione Catilinæ, qui socium habuit *Varguntejum* teste *Floro* IV. 1. 3. Conf. *Sallust.* de Bello Catil. p. m. 42. 77. 78.

VECTIVS aliquis notus nobis est ex reprehensione Lucilii apud *Quintilianum* Lib. I. Cap. 5. *Taceo de Tuscis & Sabinis & Prænestinis quoque. nam ut eorum sermone utentem Vectium Lucilius insectatur*—Hunc ego eundem *Veetium* (professione, credo, Grammaticum) esse puto, de quo *Svetonius* meminit Cap. 2. de Illustr. Gramm. Alius est *Veetius Messius* apud *Livium*, *Veetius Marcellus* apud *Plinium* H. N. Lib. XVII. Cap. 25. *Veetius Valens* apud *Tacitum* Annal. XI. 30, 2. & *sepius*, item *Veetius Bolanus* apud eundem Hist. II. 65. 5. ut de aliis porro quamplurimis taceam.

VELLEIVS CELER, Grammaticus eximius, sub Hadriano vixit, cujus ad egregium honorem pertinet, quod de eo refert *Priscianus* Lib. X. extr. pag. m. 418. *Sed Vellejus Celer respondens Hadriano imperatori, per epistolam de hoc (voce ambitus) interroganti, declinatione & tenere ambitus nomen a participio ostendit discerni.*

CLAV-

CLAVDIVS VENATVS v. *Claudius*.

VERGINIVS FLACCVS, Rhetor, temporibus Tiberii &c. eminuit, apud quem Persius studuit. Vide hujus Vitæ auctorem.

M. VESTINIVS, Orator (cujus ætatis, nescio) laudatur apud *Fabium* Lib. VI. Cap. 3. p. m. 358. *Et hoc ex eodem loco est, sed nulli priorum simile, quod dixit Marcus Vestinius*.

TITVS VETURIUS, litterator, quo usus est Alexander Severus Imperator, memoratur *Ælio Lampridio* in hujus vita Cap. 3. aliis L. *Veturius* dictus.

VIBIVS MARSUS v. *Marsus*.

VICTORIUS MARCELLUS. v. *Marcellus*.

MANLIUS VOPISCUS quantum de bonis litteris meruerit, suo tempore (sub Domitiano) fere collapsis, testis est *Statius* in Præfatione Libri I. Sylvarum pag. m. 6. *Manlius certe Vopiscus, Vir eruditissimus, & qui præcipue vindicat a situ litteras jam pene fugientes*.

L. STATIVS URSULUS, Tolosensis, illustris Rhetor sub Nerone, celeberrime in Gallia Rhetoricam docuit, quæ verba sunt *Cassiodori* in Chron. pag. m. 690. Confer Notas *Gervatii* ad Statii Præfationem Libri I. Sylvarum pag. m. 2. 3. Alius est *Ursulus*, Grammaticus Trevirorum, ad quem Epistola *Ausonii* exstat XVIII. pag. m. 229. quæ ita incipit :

Primus jucundi fuit hic tibi fructus honoris &c.

URSUS aliquis a' *Statio* commendatur in *Præfatione* Libri II. *Sylvarum* : *Ad Urfum quoque nostrum, juvenem candidissimum & sine jactura desidia doctissimum, scriptam de puero amisso Consolationem, super ea, quæ ipsi debeo, huic libro libenter inserui-Urfum* intelligo eum, ad quem *Plinius Junior* scripsit Lib. IV. Epist. 9. Lib. V. Epist. 20. Lib. VI. Ep. 5. & 13. Lib. VIII. Epist. 9.



PARS III.
DE
MONUMENTIS
QVIBVSDAM
ROMANIS,
QVORVM
VEL AVTORES IGNORANTVR
VEL TITVLI TANTVM SVPERSVNT,
ITEM DE
FRAGMENTIS
&c.



PRÆFATIO
AD
PARTEM TERTIAM.

QUOD naufrago contingit apud
Juvenalem Sat. XIV. v. 303. qui
mersa rate,
pieta se tempestate tuetur,
id & quamplurimis ingeniorum
Romanorum monumentis accidit, quibus
violenta temporis necessitas vel nihil prorsus
vel tabulas tantum, id est, titulos & Inscriptiones
supereffe voluit. Scilicet & hoc misericordiae genus est, nomen cum
homine non exstingui. Atque utinam justum
modo Titulorum Indicem nobis fata reliquissent!
Certe naufragium Librorum & Capitum
levius quodammodo ferremus. Utinam, inquam,
Romanis Veteribus in usu fuisset ea titulorum
ostentatio, ea allegationum luxuria, quam in
ætatis nostræ Scriptoribus merito reprehendunt
Sapientiores! utinam deniq; tantundem
Ephemeridum Litterariarum ea tempora circum-
fluxisset atque ad nos pervenisset, quantum
die in quolibet fere orbis litterati trivio
con-

confluit ! Certe Bibliothecam Titulorum haberemus. Verum enimvero ut eam Romanorum Veterum studiosam parsimoniam minime miramur, qui velut lege quadam & sacramento obstricti, Scriptorum suæ ætatis aut testimoniis uti aut mentionem habere nunquam vel sane rarissime solebant, ita hoc argumenti genus a recentioribus non occupatum esse merito miramur. Hic fragmenta Poetarum collegit, ille Historicorum &c. nemo, quod equidem scio, monumenta incertorum Auctorum eorumque Inscriptiones. Quod equidem institutum interesse omnino eorum existimo, qui Historiæ Romanorum Litterariæ diligentius vacant, eorumque in litteras merita exquisitius cognoscere avent. Sed dent illi mihi veniam, quam libenter peto: ego vicissim libentissime dabo, memor, quod ait *Seneca* Epist. 33. *multum etiam futuris relictum esse*, id est, non modo hanc materiam a solertissimis Scriptoribus mihi reservatam esse, sed & spicilegium aliis post hanc messem superfuturum. Vale LECTOR, mihi & bonis omnibus, ut æquum est, æquisime.

A. ACTA

A.

ACTA Romanis dicta sunt, quæ res singulis diebus gestas eventuumque memorabilium memoriam perscriptam continebant, ut

ACTA VRBIS DIVRNA, de quibus vide *Lipsum* ad Taciti Lib. V. Annalium & *Bæclerum* de *Actis Civitatis*.

ACTA PVBLICA, ad quæ provocare videtur *Tertullianus* Apologet. CXXI. *Eum mundi casum* (loquitur de fidere, quod nativitatem Christi significavit, de terræ motu & solis deliquio) *relatum in arcanis vestris habetis*. Conf. *Grotius* de Veritate Religionis Christi. Lib. III. §. XIV. pag. m. 166. *Svetonius* in vita Tiberii cap. 5. *Julius Capitolinus* in Gordianis tribus pag. m. 362. *Tacitus* Annal. XII. 24, 4. *Plinius Junior* Lib. V. Epist. 14. n. 8. & *Panegy.* LXXV. 1. Quæ quidem Acta *Ælius Lampridius* in Vita Commodi Antonini Monumenta publica vocat pag. m. 312. *Ludum semper ingressus est; & quoties ingrederetur publicis monumentis indijussit*. Alia de Actis Publicis eorumque custodia quære apud *Gulielmum Ranchinum* Lib. I. Var. Lect. Cap. VII. pag. m. 14. 15. edit. Schminck. 1717.

ACTA BELLI, de quibus meminit *Vegetius* Lib. II. de Re Mil. Cap. 19. *Totius enim legionis ratio sive obsequiorum sive militarium numerorum sive pecuniæ quotidie adscribitur actis*. Conf. *Stevvechii* Notas ibid. pag. m. 196. *Svetonium* in
vita

vita Cæſaris Cap. 37. & *Quæſtiones noſtras Romanas* de Librariis in Bello pag. 146.

ACTA SENATVS five PATRVM apud *Svetonium* in vita Auguſti Cap. 5. & 36. Tiberii Cap. 73. Cæſaris Cap. 20. *Tacitum* Annal. XV. 74. 4. & V. 4. 1. *Symmachum* Lib. III. Epiſt. 38. (qui *Acta Ordinis ampliſſimi* vocat; ita enim dictus eſt ordo Senatorius. v. *Sveton.* in Veſpaſiano c. 2. & *Cicer.* pro Milone c. 2. Conf. *Budæi* Annotationes in Pandectas p. m. 199. ſeqv. & 253. 328.) *Lampri-dium* in Alexandro Severo Cap. XI. pag. m. 353. *Spartianum* in Hadriano Cap. III. pag. m. 288. *Fl. Vopiſcum* in Probo pag. m. 400. de quibus conferri poſſunt *Lipſius*, *Doduvellus*, alii.

ACTA PRINCIPVM, cujuſmodi memorabilia ſunt Acta *Servii Tullii* apud *Livium* Lib. I. Cap. 60. *Acta Cæſaris* (v. *Serv.* in XI. *Æneid.* v. 743. *Symmach.* Lib. IV. Epiſt. 18. & *Gerard. Jo. Voſſius* de Hiſt. Lat. Lib. I. Cap. 13. pag. 64.) *Tiberii* (v. *Sveton.* Cap. 26. 61. & in vita Domitiani cap. 20. &c.) *Auguſti* (v. *Tacit.* Annal. IV. 42. 5. & XVI. 22. 6. & *Plin.* l. VII. H. N. c. 13.) *Caji Caligula*, (v. *Sveton.* in vita Claudii c. 11.) *Claudii* (v. *Tacit.* Annal. XIII. 43. 4.) *Vitellii* (v. *Tertullianus* de Anima p. m. 347.) *Valeriani* (v. *Vopiſcus* in Aureliano p. m. 390.) &c. conf. *Bæcler.* in Taciti primord. Annal. I. 7. p. 203. *Pitiſc.* in *Sveton.* Tiber. xxvi. 5. 9. alios.

ACTA TRIVMPHORVM, quæ a *Plinio* citantur Lib. I. in Indice Lib. V. X. & XXXVII. Confer *Harduinum*, qui in Indice Auctorum *Plinii* pag. 92. *Videntur*, inquit, *eſſe ea Tabula Conſulares*

Et Triumphales, quarum fragmenta exstant apud Onuphrium Panvinium. Auctorem illarum sunt qui Verrium Flaccum putent: etsi ille Tiberii principatu obiit. Verum Harduinus non videtur animadvertisse locum Plinii Lib. XXXVII. cap. 2. sub initium, qui Pompeji tantum Acta Triumphorum attingit. Verba auctoris sunt: Id uti plenius noscatur, verba ex ipsis Pompeji triumphorum actis subjiciam &c. de quibus porro Svetonius meminit in vita Cæsaris Cap. 19. *Qua maxima injuria instinctus, omnibus officiis Cn. Pompejum affectatus est, offensum patribus, quod Mitbridate rege victo, cunctantius confirmarentur acta sua* -

ACTIONES (forenses puto) a Varrone laudantur Lib. VI. de L. Lat. p. m. 80. „Ideo in Actionibus videmus dici, *Quam rem sive litem dicere oportet*,” Intelligit forte Actiones Cosconii, de quibus meminit Lib. V. pag. 62. Cosconii, inquam, de quo vide Vossium Lib. III. de Hist. Lat. pag. 700. Porro Actiones Civiles memorat Gellius Lib. II. cap. 6. *In Actionibus Civilibus auctor laudari dicitur, quod est nominari.* (quæ verba repetit Macrobius lib. VI. Sat. Cap. 7) Adde ex Libro XX. Cap. 10. princ. EX JURE. MANUM. CONSERVATUM. *verba sunt ex antiquis actionibus. & mox ib. In medio rerum & hominum qui vitam colunt, ignorare non oportet verba actionum civilium celebriora.*

ACTORUM UNDECIM LIBRI. Auctor Dialogi de Orat. Cap. 37. n. 1. *Nescio an venerint in manus vestras hæc Vetera, quæ & antiquo-*

quorum bibliothecis adhuc manent, & nunc maxime a Muciano contrahuntur, ac jam undecim, ut opinor, Actorum libris & tribus Epistolarum composita & edita sunt. Ex his intelligi potest Cn. Pompejum & M. Crassum non viribus modo & armis, sed ingenio quoque & oratione valuisse - &c. Intellige Lici-
nium Mucianum, de quo meminit Vossius Lib. I. de Hist. Lat. Cap. 27. pag. 141. & nos supra Parte I.

ANNALES MAXIMI. v. *Commentarii Pontificum.*

ANTHOLOGICON LIBRI. *Plinius lib. XXI. Hist. Nat. Cap. 3. sub finem: De floribus supra dictos (id est, præter laudatos Scriptores) scripsit Theophrastus apud Græcos. Ex nostris autem (Romanis) inscribere aliqui libros Anthologicon: flores vero persecutus est nemo, quod equidem inveniam.* Intellige *Libros floridorum* (quales reliquit *Apulejus*) quibus sententiæ historiæ & similes deliciae ex variis auctoribus collectæ continentur, cujus generis sunt Libri 'Ανθηρών apud *Gellium* de Inscriptionibus Librorum in Præfatione Noctium Atticarum p. m. 5. item *Joannis Stobæi* 'Ανθολόγιον sive *florilegium* ἐκλογῶν, ἀποφθεγμάτων, ὑποθηκῶν, de quo vid. *Phorius* Cod. CLXVII. *Suidas* p. m. 410. & unus instar omnium *Fabricius* meus Bibl. Gr. Lib. V. Cap. 30. pag. 666. seqv. ut plures hujusmodi Collectaneorum titulos omittam.

ARTIUM titulo libros inscripserunt Romanorum quidam, teste *Plinio* Lib. I. Hist. Nat. in Præfatione ad Vespasianum p. m. 9. *Nostri cras-flores, Antiquitatum, (ut Varro) Exemplorum (ut*
Vale-

Valerius Maximus, Nepos, Frontinus, Hyginus) *Artiumque*, sc. inscribere. Intelligo Libros de Artibus rhetoricis, cum *Quintiliano* Lib. VIII. proœm. pag. m. 429. *Unde existimant accidisse, ut qui diligentissimi Artium Scriptores extiterant, ab eloquentia longissime fuerint.* Conf. Lib. III. Cap. I. p. m. 139. *de antiquissimis Artium Scriptoribus.* Adde ex Capite XI. ibidem sub finem pag. m. 198. *Et quoniam quæ de his erant a Scriptoribus artium tradita, verbosius etiam, quam necesse erat, exposuimus &c.*

ARVSPICINÆ, five ARVSPICVM LIBRI a Servio citantur ad Librum VIII. Æneidos v. 398.

Nec pater omnipotens Trojam nec fata vetabant Stare.

Verba Servii sunt pag. m. 530. *sciendum secundum aruspici-næ libros & sacra Acherontia, quæ Tages composuisse dicitur, (vide Lindenburgium in Notis ad Censorinum pag. m. 98) fata decem annis quadam ratione differri.* Alio nomine idem Servius Libros aruspici-næ vocat Libros Etruscorum, five *de Etrusca disciplina* ad Librum I. Æneid. v. 46, 426, 737. Lib. III. v. 537. Lib. VIII. v. 398. item Eclog. IV. v. 43. Etruscos enim aruspici-næ peritissimos magistros fuisse, nemo in humanioribus quantillum versatus ignorat. Ceterum de Scriptoribus Etruscæ disciplinæ videri potest *Idea nostra Historiæ Litterariæ Romanorum* Lib. I. Cap. IV. Quæst. VII. pag. 99, 100. Conf. *Isidor.* Lib. VIII. Orig. Cap. IX. extr. ubi male *Stages* pro *Tages* dicitur, ejus Libros Ro-

mani ex Etrusca lingua in propriam convertenterunt; item *Valer. Max.* I. 1, 1. & *Cicero* Lib. I. de Divinat. p. m. 1214. & in Orat. adversus P. Clodium, quorum loca in *Quæstionibus Romanis* exhibuimus pag. 235. seqv.

ATTELLANÆ Poëta incertus, quem ob ambigui joci versiculum media amphitheatri harena igni cremavit Caligula, memoratur *Svetonio* Cap. 27. De Attellanarum fabularum origine, differentia a Satyris &c. vide *Gyraldum* de Poëtis Dialog. VI. p. m. 697, 698. *Jo. Baptistam Pium* Annotat. Poster. c. 71. p. m. 479. & *Jac. Nicol. Loenssem* Miscell. Epiphill. lib. II. c. 12. p. m. 317, 318. De Scriptoribus Attellanarum, *L. Pomponio, Novio, Memmio*, aliis, consuli possunt, qui de Poëtis scripserunt.

AUGURALES LIBRI, quibus auguriorum disciplina continebatur, a *Seneca* allegantur Epist. CVIII. p. m. 484. *Hodieque id exstat in Auguralibus Libris.* Adde *Fragmenta ex Varrone* de L. Lat. Lib. IV. p. m. 9. TERRA dicta ab eo, ut *Ælius* scribit, quod teritur. itaque TERA in augurum libris scripta cum R uno. & Lib. VI. p. m. 74. *Libri augurum pro tempore Tempestatem dicunt, id est supremum augurii tempus.* adde ex *Servio* ad Librum III. *Æneid.* v. 537. pag. m. 308. *Multi de libris augurum tractum tradunt. Iugetis enim dicitur augurium, quod ex junctis jumentis fiat.* ad lib. IV. v. 45. *Ipsa (Juno) in libris Augurum præesse dicitur auspiciis.* ad Lib. IX v. 20. p. 554. *In Auguralibus libris inter ostenta etiam cælum discessisse dicitur.* Taceo Libros Augurales *Appii Pulchri*, de quibus *Cicero* lib. III. Famil. Ep. 4. ad ipsum Appium :
Mibi

Mibi & Q. Fabius Virgilianus demonstravit, me a te plurimi fieri: quod egomet multis argumentis jam antea judicaram, maximeque illo libro (nempe primo vel secundo aut alio aliquo) augurali, quem ad me amantissime scriptum, suavissimum misisti. item Epist. 11. ibidem ad eundem: *Augurales libros ad commune utriusque nostrum otium serva-nunc tamen, ut ipse polliceris, pro auguralibus libris orationes tuas confectas omnes expectabo.* Conf. Lib. X. ad Atticum Epist. 7. Taceo porro fragmentum, quod ex Appii Pulchri Auguralis disciplinæ Libro primo servavit Festus in *Sollistimum*, relatum superius Part. I. in *Appius Pulcher*. Taceo denique Libros *Nigidii Figuli*, quorum primum *Augurii privati* allegat Gellius Lib. VI. cap. 6. item *Varronis* apud *Macrobiū* Lib. I. Saturnal cap. 16. p. m. 266. nec non *Emmii* de *Augurandi disciplina* apud *Svetonium* Cap. I. de Ill. Gr. extr.

AUSPICIORUM five *de AVSPICIIS* Libros scripserunt Augures Populi Romani, quos allegat Gellius Lib. XIII. Cap. 14. princ. „*Pomærium* quid esset, augures Populi Romani, qui libros de „auspiciis scripserunt, istiusmodi sententia defini- „erunt: *Pomærium est locus intra agrum effatum „per totius urbis circuitum pone muros regionibus „certis determinatus, qui facit finem urbani auspi- „cii,* „Cujusmodi fuerunt libri *Messala* apud eundem ibidem Cap. 15. *Super hac re meis verbis nihil opus fuit: quoniam liber M. Messalæ auguris de auspiciis primus, quum hoc scriberemus, forte adfuit.* Confer fragmenta, quæ ibid. sequuntur.

B.

BELLĬ ACTA. v. *Acta Belli*

C.

CÆRIMONIARUM LIBRI, v. *Rituales Libri.*

CANTILENA *Veterum Poetarum de Canide & Caneo* laudatur Gellio Lib. IX. Cap. 4. *Verba igitur hæc, quæ infra posui, ipsius (Plinii) sunt, ex eo libro (Historiæ Naturalis) sumta: quæ profecto faciunt, ut neque respuenda neque ridenda sit notissima illa Veterum poetarum de Canide & Caneo cantilena.* Confer notas Jacobi Gronovii p. 436. & Rhodigini Lect. Antiqv. Lib. XXI. Cap. 16.

CARMINVM VETVSTISSIMORVM LIBER a Macrobio citatur Lib. V. Saturn. Cap. 20. extr. *In Libro Vetustissimorum Carminum, qui ante omnia, quæ a Latinis scripta sunt, compositus ferebatur, invenitur hoc rusticum Vetus Canticum: HIBERNO POLVERE, VERNOLVTO GRANDIA FARRA CAMILLE METES.* Confer *Ideam* nostram *Historiæ Liter. Romanorum* pag. 5. & Scaligeri *Conjectanea ad Varronem de L. Lat.* pag. 120. Eadem credo, Carmina respicit Festus in Verbo *Obstinet*: *OBSTINET dicebant antiqui, quod nunc Ostendit, ut in Veteribus Carminibus: sed jam se cælo candens aurora obstinet suum patrem.*

CHORVS PROSERPINÆ. vid. *Proserpina Chorus.*

CHRO.

CHRONICI LIBRI Gellio citantur Lib. XVII. Cap. 21. *Ut ab istiusmodi temporum ætatumque erroribus caveremus, excerpebamus ex libris, qui chronici appellantur, quibus temporibus floruisse Græci simul atque Romani Viri, qui vel ingenio vel imperio nobiles insignesque post conditam Romam fuissent ante secundum bellum Carthaginensium. Intelligit autem Auctor ex Romanis præcipue Chronicos C. Nepotis libros, quos ibidem non semel allegat. Conf. Auson. Epist. XVI. ad Probum pag. m. 222. & Vossius de Histor. Lat. pag. 70.*

CIBORVM quorundam laudes a medicis scriptæ V. LAUDES & C.

COMMENTARII Varii, obscuræ memoriæ, in scriptis Veterum delitescunt, quos in solem, quod ajunt, & pulverem producere juvat, ut sunt

COMMENTARIUS incerti Auctoris in *Virgilium* apud *Servium* ad Librum VII. *Æneid.* v. 543. pag. 489. *Dicit etiam quidam Commentarius convector legendum, sc. in illo Virgilii:*

Deferit Hesperiam, cæli convexa per auras
quem *Commentarium* & *Gellius* forte intelligit lib. VII. Cap. 20. princ. *Scriptum in quodam commentario reperi Versus istos a Virgilio ita primum esse recitados atque editos (nempe Lib. II. Georg. v. 224)*

Talem dives arat Capua & vicina Vesevo
Nola jugo.

Conf. seqv. ibidem, quibus recensendis studio brevitatæ superfedemus.

COMMENTARIUS (in *Ennium*) apud *Gellium*

lium Lib. XIIIX, Cap. 5. extr. *sed eadem ipsa post etiam in pervulgatis commentariis scripta offendimus* nempe quod Ennius *eques* scripserit in annali septimo pro *equis*. Quinam autem veterum Grammaticorum Annales Ennii commentationibus illustrarint, prorsus ignoro. Nam Q. Vargonteius certis tantum diebus eos in magna frequentia pronuntiasse legitur, (ut *Ennianista* l. Gellii cit.) & *Pompilii Andronici* Opusculum Annalium Ennii Elenchorum historicum fuit non Grammaticum. Vid. *Sueton.* de Ill. Gr. Cap. 2. & 8.

COMMENTARII in *Lucilium*, quorum Scriptores a Gellio refutantur Lib. II. Cap. 24. Hanc *Lucilius poeta legem* (Fanniani) *signat, quum dicit:*
Fanni centussis misellos.

in quo erraverunt quidam commentariorum in Lucilium scriptores, quod putaverunt, Fannia lege perpetuos in omne dierum genus centenos aris statutos- &c. ubi Auctor forte *Curtium Niclam* intelligit, vel *Laelium Archelaum* & *Veetium Quintum Philocomum*, de quibus vide *Suetonium* de Illust. Gr. cap. 2. & 14.

COMMENTARII ad *Jus Pontificium* pertinentes advocantur Gellio Lib. XVI. c. 6. Id scriptum invenimus in commentariis quibusdam ad *Jus Pontificium* pertinentibus. forte *Ateji Capitonis*, cujus *Librum Quintum* de jure Pontificio allegat Idem Lib. IV. Cap. 6. (conf. *Macrob.* Sat. Lib. VII. Cap. 13. p. m. 625) quod argumenti genus Romanorum quamplurimi alii tractarunt, ut *Fabius Maximus Servilianus* apud *Macrobius* Lib. I. Sat. c. 16.

Fabius

Fabius Pictor (vide *Vossium* de Historicis Lat. p. 14) &c. ut taceam septem istos Numæ Pompilii Libros Juris Pontificii, de quibus memini Part. I. in *Numa Pompilius*. Confer *Jacobi Gutherii* Libros de Jure Pontificio apud Veteres, item *Budei* Annotationes in Pandectas pag. m. 30. nec non *Gronovii* notas ad Gellium pag. m. 73 (edit 1706. in 4to) de *Antistio Labeone* ejusque Commentariis Juris Pontificii, quos laudat *Festus* & cum eo *Augustinus*.

COMMENTARIUS de *Familia Porcia* incerti auctoris, quem se legisse testatur *Gellius* Lib. XIII. Cap. 19. extr. *Hæc Sulpicius Apollinaris audientibus nobis dixit, quæ postea ita esse uti dixerat, cognovimus, quum & laudationes funebres & librum commentarium de familia Porcia legeremus.* Qui quidem Commentarius vel forte *Messala Corvini* est, quem de Familiis Romanis scripsisse, auctor est *Plinius* Lib. XXXIV. Cap. 13. & XXXV. Cap. 2. vel *Suetonii Tranquilli*, qui teste *Suida* pag. m. 938. *ἑμμεναι Πωμπίων ἀνδρῶν ἐπισήμων* reliquit. Conf. *Idea nostra Historiæ Litterariæ Romanorum* p. 300.

COMMENTARIUS five COMMENTARIUM *Anquisitionis*, cujus testimonio utitur *Varro* de L. Lat. Lib. V. pag. m. 62. *Ut Commentarium indicat Vetus anquisitionis* (alii legunt *inquisitionis*) *M. Sergii Mani filii quaestoris, qui capitis accusavit Trogum, in qua sic est: Auspicio orando sede in templo auspicii-& mox pag. 63. In eodem commentario anquisitionis ad extremum scriptum caput edicti hoc est - Quo ego commentario acta Quaestorum perscripta fuisse conjicio.*

COMMENTARII CENSORII, quibus series, successiones & acta Censorum continebantur, apud *Dionysium Halicarnass.* Lib. I. pag. m. 87. sicut apparet cum ex aliis multis, tum e Censoriis commentariis, quos a patribus filii per manus accipiunt, & ipsi posteris pari cura tradunt haud secus quam sacra paterna & gentilitia. hi per Viros illustres servantur in familiis Censoriis. in eis invenio altero ante captam urbem anno censum Populi Romani habitum. *Varro* lib. V. de L. Lat. p. m. 61. Tabulas Censorias vocat: „Nunc primum ponam de „Censoriis tabuleis. Ubi noctu in templum censura „auspicatur, atque de caelo nuntium erit, praconi sic „imperato, ut viros vocet, Quod bonum, fortunatum „felixque salutareq. fiet populo Romano *Quiritium*, „reique publicae populi Romani *Quiritium*, mibiq. „collegaeque meo, fidei magistratuique nostro. Omnes „*Quirites*, pedites, armatos, privatosque, curatores „omnium tribuum, si quis pro se sive altero dari rationem „nem volet, voca inlicium huc ad me., Conf. *Jos. Scaligeri* Conjectanea p. 93. Taceo, quod ex Censoriis Libris refert *Gellius* Lib. II. Cap. 10. *Servius Sulpicius* juris civilis auctor, vir bene litteratus scripsit ad *M. Varronem*: rogavitque, ut rescriberet, quid significaret verbum, quod in Censoriis Libris scriptum esset. id erat verbum FAVISSÆ CAPI-
TOLINAE &c.

COMMENTARII CONSULARES, quos memorat *Varro* de L. Lat. Lib. V. pag. m. 62. In Commentariis Consularibus scriptum sic inveni: Qui exercitum imperaturus erit, accenso dicit hoc,
Cal-

Calpurni voca inlicium omneis Quiriteis huc ad me. Accensus dicit sic, Omnes Quirites inlicium visite huc ad judices &c. Quibus Commentariis edicta Consul &c. perscripta fuisse auguror.

COMMENTARII QVINDECIM VIRORVM, ex quibus sequentia refert *Censorinus* de Die Natali Cap. XVII. *Ut decimo centesimoque anno repetantur (ludi seculares) tam Commentarii quindecim Virorum, quam D. Augusti edicta testari videntur.* & mox ibidem: *Primos ludos seculares exactis regibus post Romam conditam annis CCXLV. a Valerio Publicola institutos esse, Valerius Antias ait: at XV. Virorum Commentarii annis CCXCVIII. M. Valerio, SP. Verginio COSS. item paucis interjectis: Tertii ludi fuerunt, ut in libris quindecimvirorum scriptum est, anno quingentesimo duodevicesimo, P. Cornelio Lentulo, C. Licinio Varo COSS.* In hoc Commentariorum genus eventa oraculorum Sybillinorum relata fuisse suspicor, (quod officium XV-Virorum erat Libros Sybillinos inspicere. vide *Ideam* nostram *Histor. Litter. Romanorum* pag. 139. & *Censorinum* de Die natali Cap. 17. nec non *Ausonum* Edyll. XI. v. 87) vel ritus & ceremonias sacrorum, quibus interesse imo præesse solebant XV-Viri, teste *Tacito* Annal. XI. 11. 3. *Is quoque* (Domitianus) *edidit ludos seculares, iisque intentius affui sacerdotio Quindecimvirali præditus, ac tum prætor. Quod non jactantia refero, sed quia Collegio Quindecimvirum antiquitus ea cura, (ludorum secularium) & magistratus potissimum exsequebantur officia ceremoniarum.* Adde locum *Porcii Latronis* in

Declamatione adversus Catilinam p. m. 913. *Primum Lentulus in libris Sybillinis nescio quid se perspexisse predicabat, quod Viri acutissimi atque peritissimi Lucius Cornelius ac Cnaeus Piso, custodes publicarum cerimoniarum nequaquam prospicere potuerunt.* Conf. *Francisc. Modii* Nov-Antiqv. Lect. Epist. VI. p. m. 14.

COMMENTARII Jurisperitorum Veterum. v. *Jurisperitorum* &c.

COMMENTARIIPONTIFICVM, de quorum exoleta dictione & obscuritate *Quintilianus* Lib. VIII. Cap. 2. p. m. 438. *Obscuritas fit etiam verbis ab usu remotis; ut si Commentarios quis Pontificum, & vetustissima fœdera & exoletos scrutatur auctores.* Conf. *Liv.* Lib. IV. Cap. 3. *Meminit & horum Plinius* Lib. XVIII. Cap. 3. p. m. 437. (edit *Harduin.*) *Equidem ipsa etiam verba prisce significationis admiror. Ita enim est in commentariis Pontificum: Augurio canario agendo dies constituentur, priusquam frumenta vaginis excant, & antequam in vaginas perveniant.* *Valerius Probus* de Notis Romanorum p. m. 1453. PONTIFICVM MONVMENTA vocat, *Varro* de L. Lat. Lib. IV. p. m. 26. & *Seneca* Epist. 108. LIBROS PONTIFICALES, Auctor Libri de Origine Gentis Romanæ p. m. 596. 598. 599. ANNALES PONTIFICALES, *Dionysius Halicarnassæus* Antiqv. Rom. p. m. 525. PONTIFICVM TABVLAS, alii ANNALES MAXIMOS, ut *Cicero*, cujus insignis locus est de antiquitate *Commentariorum Pontificalium* Lib. II. de Orat.

Orat. cap. 12. *Memoriæ publicæ retinendæ causa, ab initio rerum Romanarum usque ad P. Mucium, Pontificem Maximum, res omnibus singulorum annorum mandabat litteris Pontifex Maximus, efferebatque in album, & proponebat tabulam domi, potestas ut esset populo cognoscendi; ii, qui etiamnum Annales Maximi vocantur.* Idem Cicero etiam PONTIFICIOS absolute vocat de Nat. Deor. Lib. I. Cap. 30. *Nominum non magnus numerus in Pontificiis nostris; quem imitatur Ammianus Lib. XVII. p. m. 441.* Confer sis *Quæstiones nostras Romanas* Lib. III. Cap. IV. Quæst. II. pag. 286. seqv. & *Vossium* de H. Lat. Lib. I. Cap. I. p. 2, 3, 4. nec non *Servium* ad Virgil. Eclog. V. v. 66. Georg. I. v. 21. & *Æneid.* IX. v. 641 de *Libris INDIGITAMENTORVM* (de quibus v. infra) & *Lactantium* I. 21, 44.

CONTROVERSIÆ collectæ & editæ v. infra DECLAMATIONES.

CRETICI VERSVS ab *Hygino* allegantur fab. 177. cum hoc fragmento:

Tuque Lycaoniæ mutata semine Nympha,

Quam gelido raptam de vertice Nonacriinæ

Oceano prohibet semper se tingere Thetis,

Ausa suæ quia sit quondam succumbere alumne.

Conf. *Notas Munckeri* pag. 46. & *Jacob. Nicol. Lonsis* Miscell. Epiphill. Lib. III. Cap. 10. p. m. 355.

Translati ex sermone Græco (incertum a quo auctore) videntur, nam & *Strabo* τὸς παραδόντας τὰ χρητικὰ citat pag. 466. (edit. Paris. 1620. in fol.) & τὸς χρητικὸς λόγος pag. 472.

CVPIDINIS TRIUMPHVS. v. *Triumphus.*

D.

DECLAMATIONES incerti Auctoris in *Virgilium* a *Servio* laudantur ad Librum X. *Æneidos* v. 532.

Gnatis parce tuis-

Verba *Servii* sunt pag. m. 622. „Qui in *Virgilium* Declamationes scripsit, de hoc loco sic ait ex persona *Æneæ*, *Improbis es qui aut regi dones, aut filios exhæredes &c.* Intelligit forte Auctor vel *Julium Titianum* vel *Catulinum*, de quibus Idem ibid. v. 18. pag. m. 594. *Et Titianus* (de quo vide supra Partem I) *& Catulinus* (rhetores) qui *thematata omnia de Virgilio elicerunt & adformaverunt ad dicendum, in exemplo controversiarum has duas posuerunt adlocutiones* (o pater, o hominum-) *dicentes &c.* Taceo hic *Declamationes* alias, jamdudum deperditas, *Oratorum*, de quibus *Svetonius* meminit Cap. I. de *Claris Rhet.* *Nero Caesar & primo imperii anno, publice quoque bis antea declamavit.* (conf. præced. ib. de *Declamationibus* tam Græcis quam Latinis *Ciceronis*, *Cn. Pompeji*, *M. Antonii & Augusti*) plerique autem *Oratorum etiam Declamationes ediderunt.* Conf. seqv. lb. de *Controversiis collectis editisque.* Taceo *Declamationem* incerti Auctoris apud *Petronium* pag. m. 21. *Dum in hoc dictorum astu totus incedo, ingens Scholasticorum turba in porticum venit, ut apparebat, ab extemporali declamatione nescio cujus, qui Agamemnonis Suasoriam*

riam exceperat. ubi auctor declamatorum extemporalium ambitionem false deridet, quam & *Quintilianus* reprehendit Lib. X. Cap. 7. pag. m. 612. sq. & in Græcis *Androclides* περὶ τῶν ἐμποδῶν τεχνολόγων teste *Suida* in Ἀνδρεκλείδης.

DIALOGOS sub & coram Augusto recitatos memorat *Svetonius* in hujus vita Cap. 89. quorum argumenta & auctores utinam adjecisset! Certe notitia Rhetorum Romanorum auctior ad nos pervenisset.

DISCIPLINA REGIA, titulus Libri Romani apud *Gellium* in Præfatione *Noctium Atticarum* superest, quem omnes Editiones retinent, præterquam *Jac. Gronovii* Regium Codicem secuti. Ex recentioribus hoc argumentum pertractarunt *CONRADVS HERESBACHIVS* de *educandis erudiendisque principum liberis*, *IO. STURMIVS* de *Educatione principis*, *MARCVS ANTONIVS* de *Principum doctrina*, *HIER. CAGNOLVS* de *recta Principis institutione*, &c. quos recenset *Celeb. Morhofius* Polyhist. T. I. Lib. II. Cap. XII. pag. m. 465. quibus addi potest *La Vita Civile & l'Educazione del Principe*, h. e. *de Vita Civili & educatione Principis* Liber Autore *Paulo Matthia Doria*, Francof. III. Volum. in 12.

DISSERTATIO Sophistæ alicujus, cui ratio temporum & ætatum non constitit, memoratur *Gellio* Lib. XVII. Cap. 21. *Ne in sermonibus forte in conspectum aliquid super atate atque vita clarorum hominum temere diceremus: sicuti Sophista ille ἀπαιδευτος, qui publice nuper differens Carneadem*

dem philosophum a rege Alexandro Philippi filio pecunia donatum & Panætium Stoicum cum superiore Africano vixisse dixit.

E.

EPISTOLARVM TRES LIBRI. Auctor Dialogi de Orat. Cap. XXXVII. num. 1. *Nescio an venerint in manus vestras hæc Vetera, quæ & antiquorum bibliothecis adhuc manent, & nunc maxime a Muciano contrahuntur: ac jam undecim, ut opinor, Actorum libris & tribus Epistolarum composita & edita sunt. Ex his intelligi potest &c.*

ETRVSCI LIBRI. v. *Aruspicina libri, & mox infra Fatales Libri Etruscorum.*

F.

FATALES LIBRI ETRVSCORVM laudantur Censorino de Die Natali cap. XIV. *Etruscis quoque Libris Fatalibus etatem hominis duodecim hebdomadibus describi Varro commemorat. ad quem locum vide sis Francisci Modii Lectiones Nov-Antiquas Epist. XXVII. pag. m. 74. Adde ex S. Aurelii Victoris Epitome Historiæ Augustæ pag. m. 632. in vita Claudii: Claudius vero cum ex fatalibus libris, quos inspicere præceperat, cognovisset sententiæ in senatu dicenda primi morte remedium desiderari, &c. item ex Vopisco in vita Aureliani cap. 19. Referimus ad vos P. C. Pontificum suggestionem & Aureliani principis litteras, quibus jubetur, ut inspiciantur libri fatales, quibus spes belli terminandi sacro deorum imperio continetur. Sci-*

tis

tis enim ipsi, quotiescunque gravior aliquis exstitit motus, eos semper inspectos: neque prius mala publica esse finita, quam ex iis sacrificiorum processit auctoritas. Vides usum *Librorum Fatalium*. Confer, quæ de *Libris Fatalibus* diximus in *Quæstionibus Romanis* pag. 239. & locum *Macrobiani* Lib. III. Sat. cap. 7. *Traditur autem in libro (fatali, puto) Etruscorum, si hoc animal (aries) insolito colore fuerit indutum, portendi imperatori omnium rerum felicitatem.* adde seqq. *ibid.* nec non *Arnobium* p. m. 251. 253.

FRAGMENTA incertorum auctorum minime prætereunda h. l. videntur, ut illud apud

Ammianum Marcellinum Lib. XVII. p. 115. (edit. Lindenbrog. in 4to.) *Quibus (Sarmatis) incredibile quantum prosperitatis hæc attulit causa; ut verum illud æstimaretur, quod opinatur quidam, fatum vinci principis potestate vel fieri.* Apud *Ciceronem de Fato* nihil hujusmodi reperitur, nihil apud *Plutarchum* περὶ εἰμαρμένῃς. item Lib. XXIX. p. m. 532. Animadversum est recte hoc definitum, *Nullam esse crudeliorem sententiam ea, quæ est, cum parcere videtur, asperior.*

Macrobius lib. II. Sat. c. 9. ex *Indice quarto Metelli Pontificis* (cognomento *Cæci*) p. m. 354. sq. *Ante diem nonum Kalendas Septembris, quo die Lentulus flamen Martialis inauguratus est, domus ornata fuit. triclinia lectis eburneis strata fuerunt. duobus tricliniis pontifices cubuerunt Q. Catulus, M. Æmilius Lepidus, D. Silanus, C. Cæsar rex sacrorum, P. Scævola Sextus, Q. Cornelius, P. Volumnius, P. Albino-*
vanus

vanus & L. Julius Cæsar augur, qui cum inauguravit. in tertio triclinio Popilia, Perpennina, Licinia, Arruntia, Virgines Vestales, & ipsius uxor Publicia flaminica & Sempronia socrus ejus. Cæna hæc fuit. Ante cænam echinos, ostræas crudas quantum vellet, peloridas, sphondilos, turdum, asparagos. subtus gallinam altilem, patinam ostrearum, peloridum, balanos nigros, balanos albos: iterum spondylos, glycomaridas, urticas, ficedulas, lumbos, capragines, aprugnos, altilia ex farina involuta, ficedulas, murices & purpuras. In cæna sumina, sinciput aprugnum, patinam piscium, patinam suminis, anates, querquedulas elixas, lepores, altilia assa, amyllum, panes Picentes.

Sidonium Apollinarem Lib. VII. Epist. XIV. pag. m. 463. „Unde illud simile vulgatum est, quod ait quidam in causa dispari, sententia pari: *Filium Marci Ciceronis Populus Romanus non agnoscebat loquentem.*„ Confer notas Jo. Savari de filio Ciceronis degenerare ex Seneca, Spartiano, Plutarcho, Hieronymo, &c. pag. 466.

Isidorum(α) Orig. lib. X. lit. S. col. m. 1086. „Stultus hebetior corde, sicut quidam ait: *Ego me ipsum stultum esse existimo, fatuum esse non opinor.* id est, obtusis quidem sensibus, non tamen nullis. Stultus est, qui per stuporem non movetur injuria; sævitiam enim (forte omnem) perfert, nec ultus est, nec ulla ignominia commovetur ad dolorem.„ Lexicon Cellarii in voce *Stultus* hoc fragmentum Afranio tribuit, sed præter auctoritatem. Ceterum de differentia inter *Stultum*, *Stolidum* & *Fatum* vide

Vide *Aufonium Popmam* Lib. III. de Different. Ver-
p. m. 120. & 234, *Vallam* Lib. I. Cap. 113. alios.

(β) Lib. XI. cap. 2. col. 1104. „*Canities* vo-
cata a Candore, quasi candidities. Unde est illud,
,(Poëtæ alicujus, uti videtur) *Florida juvenus, la-*
,*etea canities*. prout diceret candida.,

(γ) Lib. XII. Cap. 12. col. 1272. „*Scetra* scu-
tum loreum sine ligno, quo utuntur Afri & Mauri,
de quo, Poëta: *lavam scetra tegit*.,

(δ) Lib. XX. Cap. 10. col. 1321 „*Cereus* per de-
rivationem nomen a *cera* habet, ex qua formatur;
de quo quidam :

Hic tibi nocturnos prastabo cereus ignes.

Subducta luce altera lux tibi sum.

Verba poëtæ omnino Ecclesiastici.

(ε) Ibid. cap. 14. col. 1324. „*Falx* est, qua arbo-
res putantur & vites. Dictæ autem sunt falces,
quod his primum milites herbam filicen solebant
abscindere, unde est illud:

Pax me certa ducis placidos curvavit in usus:

Agricolæ nunc sum, militis ante fui.

(ζ) Lib. IX. Cap. 1. col. 1034. „*Latinas Lin-*
guas quatuor esse quidam dixerunt, id est, *Pri-*
scam, Latinam, Romanam, Mixtam „- &c. Conf.
Morhofium de Patavinitate Liviana pag. 73. seq. &
Questiones nostras Romanas pag. 1 seq.

Auctorem Fragmenti, quod *Censorino* plerum-
que adjungi solet, cap. XIV. pag. m. 224. sequ.

& *Pro veste pinnis membra textis contegit.*
Aquilonis stridor gelidas molitur nives.

Calentibusque lymphas fontibus.

Tela famuli, tela propere sequitur me Thoas.

Proinde & abs te regimen Argos dum est potestas consulendi.

Hæc bellicosus cui pater, mater cluet Minerva.

Ibant mala viere veneream coronam.

Ille ictus retrocecidit in natem supinus.

Axena Ponti per freta Colchos denique delatus adhæsi.

Ore beato lumine volitans qui per cælum candidus equitas.

Quis meum nominans nomen exciet, quis tumultum, invocans incolarum fidem?

Qui repens semipulsus onere gravi fores strepitum terrent?

Miseri invidi vivimus scientes.

Magnum numerum triumphat hostibus devictis.

item Cap. XV pag. 227.

Rapite, agite, ruite celeripedes.

Olli crateribus exauratis hauserunt.

Horridi transeunt ad pedes ex equis. &c.

Gellium Lib. I. cap. 15. „Epicharmium quoque illud non incite te habet,

’Ου λέγειν δεῖνός, ἀλλὰ σιγαῖν ἀδύνατος.

„Ex quo hoc profecto iumentum est:

Qui quum loqui non posset, tacere non potuit.„

*Versus fortasse Ennii, qui Epicharmum sæpenu-
mero imitatus est, imo Epicharmum scripsit, teste
Varrone Lib. IV. de L. Lat. p. m. 17. & 19.*

Lib.

Lib. IV. cap. 9. „Nigidius Figulus-refert verſum
 „ex antiquo carmine, memoria hercle dignum:

„*Religentem* (malo *Religantem*) *eſſe oportet*; *re-*
 „*ligioſum nefas*. Cujus autem id carmen ſit, non
 „ſcribit.”

Lib. XII. Cap. II. extr., „Quidam veterum poë-
 „tarum, cujus nomen mihi nunc memoriæ non eſt,
Veritatem temporis filiam eſſe dixit.” Confer *Sui-*
dam in voce *Ὀπαδὸς* p. m. 671.

Servium (ad Lib. I. *Æneid.* v. 509) pag. m. 212.
Quidam tradunt apud Veteres omnia templa in mo-
dum teſtudinis facta. Varro forte aut *Fuſſitius*, de
 quo vide Partem I. nam apud *Vitruvium* equidem
 nihil hujusmodi reperio.

FRAGMENTA, editoribus Auctorum ha-
 ctenus inobſervata,

GELLII Libro nono Noctium Atticarum a-
 pud *Prifcianum* Lib. VI. pag. m. 191. *Hiſto-*
ria ex libris Heraclide Pontici jucunda memora-
tuſ & miranda. qui quidem locus non eorum modo
 diligentiam ſubterfugit, qui Gellium ediderunt, ſed
 & *Celeb. Voſſii*, qui de Heraclide Pontico commen-
 tatus eſt Lib. I. de Hiſt. Græcis cap. IX. p. 44. ſeq.

Libro Sexto, apud eundem ibid. p. 200. *Sole me-*
dio & arido & flagranti, ſpecum quandam naſtus
remotam latebroſamque penetro & recondo. adde me.

SALLUSTII apud *Macrobium* de Differ. & So-
 ciet. Græci Latinique Verbi pag. m. 693. *Cum infe-*
rior omni via graſſaretur.

VARRONIS in *Scævolam* ibid. pag. 690. *Et us-*
matrem audivi dicere.

FVLGVRALES LIBRI. Vide sis *Quæstiones nostras Romanas* pag. 239.

FVNEBRES LAVDATIONES, v. *Laudationes*.

G.

GALLIARUM PRISCA MONUMENTA laudantur *Symmacho* Lib. IV. Epist. 36. *Asperserat nos ille jamdudum facundie suæ floribus, & Galliarum prisca monumenta jucundo otio exscribenda mandaverat.* quæ Autor *Priscas Gallorum memorias* vocat ibid. Epist. 18. *Priscas Gallorum Memorias deferri in manus tuas postulas. Revolve Patavini Scriptoris extrema, quibus res Cæsaris explicantur, aut, si impar est desiderio tuo Livius, sume Ephemeridem C. Cæsaris* (de qua differit *Celeb. Vossius* Lib. I. de Hist. Lat. Cap. XIII. pag. 64) *decerptam bibliotheca mea, ut tibi muneri mitteretur. Hæc te origines, situs, pugnas & quicquid fuit in moribus aut Legibus Galliarum, docebit.*

GENERA PIETATIS. Scriptores de *Generibus Pietatis* citantur *Servio* ad illud *Virgilii* Lib. VI. v. 176.

Præcipue pius Æneas.

Verba *Servii* sunt p. m. 425. *Qui de pietatis Generibus scripserunt, primum locum in sepultura esse voluerunt. Unde cum Pontificibus nefas esset cadaver videre, tamen magis nefas fuerat, si visum insepultum relinquerent. Genus autem fuerat sepultura injectio pulveris.* Eosdem, credo, Scriptores tacite significat *Nonius* cap. I. num. 252. p. m. 511. PIE-

TATEM

TATEM docti veteres hanc esse voluerunt, quod quæ in ea sunt, quasi penitus & in penetralibus recondantur. hoc & in antiquis libris & philosophorum tractatibus invenitur.

GLOSSARUM five GOSSEMATUM Scriptores a Varrone allegantur Lib. VI. de L. Lat. p. m. 67. Quod addit templa ut sint dextra, ajunt sancta esse, qui Glossas scripserunt. & pag. 71. Qui glossemata interpretati, dixerunt (Camillam) administram. Intellego Grammaticos L. Ælium Gal- lum, L. Ælium Stilonem, P. Aurelium Opilium, Claudium Proculum, aliosque, quorum testimoniis crebro auctor utitur. Ceterum de Glossis & Glossographis taceo post Vossium, Clericum, Maussacum, Gronovium, Casaubonum, Rhodiginum, Wöwerium, Heumannum, alios.

GRAMMATICÆ artis Scriptores antiquissimos eosque clarissimos (sc. profapia) laudat Svetonius de Ill. Gr. cap. 3. Post hoc magis ac magis & gratia & cura artis (Grammaticæ) increvit, ut ne clarissimi quidem Viri abstinuerint, quo minus & ipsi aliquid de ea scriberent. Monumenta deperdita!

H.

HISTORIA VETUS RERUM PŒNICARUM a Gellio citatur Lib. XVII. cap. 9. Legimus id quoque in vetere historia rerum Pœnicarum, Virum indidem quempiam illustrem epistolam scriptam super rebus arcanis hoc modo abscondisse. incertum cujus auctoris; nam de Rebus Pœnicis in-

numeri scripserunt, *Navius, Livius, Cassius Hemina, Varro, Alfius Flavus &c.* Scioppius Polybium designari credit; Polybius vero non tam *res Carthaginensium* studiosus illustravit, quam aliarum gentium, *Achaorum, Ægypti, Syria, Macedonia, Persidis, Cappadocia &c.* Singularem fuisse Librum credibile est.

HISTORIA TEMPORVM AVGVSTI memoratur Gellio I. lib. X. cap. 2. *Sed &, Divo Augusto imperante, qui temporum ejus historiam scripserunt, ancillam Caesaris Augusti in agro Laurente peperisse quinque pueros dicunt, eosque pauculos dies vixisse: matrem quoque eorum, non multo post, quam peperit, mortuam, monumentumque ei factum, jussu Augusti, in via Laurentina; &c.* Apud Scriptores, quorum monumenta supersunt, de hujus partus memoria nihil equidem invenio.

HISTORICVS LIBER, tempore Trajani scriptus, laudatur Plinio Lib. IX. Epist. 27. *Recitaverat quidam verissimum librum, partemque ejus in alium diem reservaverat: ecce amici cujusdam (malo ejusdem) orantes obsecrantesque, ne reliqua recitaret. - Liber tamen, ut factum ipsum, manet, manebit, legeturque semper tanto magis, quia non statim-&c.* Confer omnino præcedentia ib. de potestate, dignitate, majestate & numine historia. Auctorem argumentumve hujus libri frustra indagaveris.

HISTORIÆ TVSCÆ a Censorino allegantur de Die natali. Cap. XVII. *Quare in Tuscis historiis, quæ octavo eorum (Tuscorum) seculo scriptæ sunt*

sunt, ut Varro testatur, & quot numero secula ei genti data sint, & transactorum singula quanta fuerint, quibusve ostentis eorum exitus designati sint, continetur. Itaque scriptum est, quatuor prima secula, annorum fuisse centum & quinque: quintum centum viginti trium: sextum, unde viginti & centum; septimum totidem: octavum tum demum agi: nonum & decimum superesse. quibus transactis finem fore nominis Etrusci. Intelligit forte Autor Libros Etruscorum, de quibus supra meminimus.

HISTORIAS sub & coram Augusto Imperatore recitatas memorat Svetonius in hujus Vitæ cap. 89. Recitantes & benigne & patienter audivit: nec tantum carmina & historias sed & orationes & dialogos. Utinam argumenta & nomina Autorum adjecisset!

I.

INDIGITAMENTORUM LIBRI. Vid. supra COMMENTARII Pontificum. Confer Censorinum de Die Natali Cap. III. Genio potissimum per omnem ætatem quotannis sacrificamus. Quamquam non solum hic, sed & alii sunt præterea dii complures, hominum vitam pro sua quisque portione adminiculantes: quos volentem cognoscere, Indigitamentorum Libri satis edocebunt. ita dicti a diis, quos Indigetes Veteres Romani vocarunt, in Glossis ἱερὰ τῶν θεῶν, nempe nomina & numina Deorum continentia, de quibus Librum ad Cæsarem scripsit Granius Flaccus (quod in Parte I monuimus) & Varro; vide Nonium cap. I. num. 41. Alia

de *Indigitamentis* quære in Lexicis & apud *Vossium* in *Etymolog.* pag. 265, *Salmasium* in *Plinianis Exercitat.* pag. 71. &c. Adde porro, quæ de *Indigitamentis* five *Libris Pontificum* differit *M. Zuerius Boxhornius* *Quæst. XIII. Rom.* pag. 67. *Erant Libri Pontificum duum generum. In quibusdam ratio & modus peragendorum sacrorum continebatur, ad quos proxime accedebant libri, qui Rituales dicebantur, quorum Festus aliique non semel meminere. In nonnullis vero interpretationes sacrarum fabularum proponebantur. De Indigitamentis Pomilianis vide Arnobium p. m. 95. edit. Lugd. Bat. 1651. in 4.*

INSTITUTIONES JURIS CIVILIS,
v. infra *Jurisperitorum Libri* &c.

JUDICIALIUM CAUSARUM Scriptores laudantur *Quintiliano* lib. III. cap. 6. extr. *Sed quia hæc variantur in litibus & fere tradita sunt ab iis, qui de judicialibus causis aliqua composuerunt, in illam partem differantur.* Intelligit auctor forte vel *Ciceronem* vel *Trebatium*, quos allegat ibidem Cap. II. p. m. 196. vel Græcos *Hermagoram, Apollodorum, Theodorum* &c.

JUDICIS OFFICIUM est ut res ita temporarierum

Querere-

inquit *Ovidius* Lib. I. *Trist. Eleg. I. v. 37.* præeuntibus forte *Scriptoribus* five *Libris de officio Judicis*, quos memorat *Gellius* Lib. XIV. Cap. 2. sub initium: *Quo primum tempore a prætoribus lectus in judices sum, ut judicia, quæ appellantur privata, susceperem.*

rem, Libros utriusque lingua de Officio Judicis scriptos conquifivi-&c. Quod argumenti genus diligentissime pertractavit ex Romanis Q. *Ælius Tuberus*, (vide *Gellium* in fequentibus l. c.) filius hiftorici L. *Ælii Tuberonis*; nam *Ælii Tuberones* ab eruditis, *Riccobono*, *Popma* aliis varie confunduntur, quos rite & fignate diftinguit Clariffimus *Voffius* lib. I. de Hift. Lat. Cap. XII. p. 56-58. & ex *Voffio* compreffius *Jo. Mollerus* Cap. IV. Homonymofc. pag. 410.

JURISPERITORUM VETERUM LIBRI five **COMMENTARII**, quorum vel nomina una cum argumentis fuis perierunt vel illa his, hæc illis fupersunt, a *Gellio* fubinde allegantur, ut Lib. IV. Cap. 2. *Non pratercundum eft, id quoque in libris Veterum Jurisperitorum fcriptum effe, MORBVM & VITIUM diftare: quod VITIUM perpetuum, MORBUS cum accelfu difceffuque fit.* Conf. *Nonius* Cap. 5. pag. m. 440, qui eandem diftinctionem tradit, fed itidem absque certo auctore. item Lib. XIV. cap. 2. *In rerum quidem diffiffionibus comperendinationibusque & aliis quibusdam legitimis ritibus, ex ipfa lege Julia & ex Sabini Maffurii & quorundam aliorum Jurisperitorum Commentariis commoniti & adminiculati fumus - &c.* nec non Lib. XX. Cap. 10. *Itaque id, quod ex Jureconsultis ex librisque eorum didici, inferendum his commentariis exiftimavi.* Adde ex Libro V. Cap. 19. *Idque ait (Maffurius Sabinus) plerosque juris Veteris auctores poffe fieri fcripiffæ.* Quo & refero illud *Lactantii* l. 1. 12. *Si quidam prudentes, &*

arbitri æquitatis, institutiones civilis juris compositas ediderunt, (ut L. Cassius Longinus, Q. Mutius Scævola, Massurius Sabinus, Cato, M. Catonis Porcii filius, Brutus, M. Manilius, alii) quibus civium dissidentium lites contentionesque sopirent, quanto melius nos & rectius divinas institutiones litteris persequemur; in quibus non de stillicidiis, aut aquis arcendis aut de manu conferenda, sed de spe, de vita loquemur? Conf. Isidorum Lib. V. Orig. Cap. 14. & Questiones nostras Romanas pag. 321.

L.

LAUDATIONES FVNEBRES *familia Porcia* laudantur *Gellio* Lib. XIII. Cap. 18. extr. *Hæc Sulpitius Apollinaris audientibus nobis dixit. quæ postea ita esse, uti dixerat, cognovimus, quum & laudationes funebres & Librum Commentarium de familia Porcia legeremus.* Taceo Laudationes hujusmodi alias, ut *IVLLÆ* amitæ *Cæsaris*, uxorisque *Corneliæ*, quas hic defunctas laudavit e more pro rostris, teste *Svetonio* in vita *Cæsaris* Cap. 6. *AVGVSTI*, qui bisariam laudatus est: pro æde *D. Julii a Tiberio*: & pro rostris sub veteribus a *Druso Tiberii filio*-apud eundem Cap. 100. *LIVIAE AVGVSTAE*, quam defunctam prætextatus etiam tum *Caligula* pro Rostris laudavit; ibid. in Vita *Caligulæ* Cap. 10. *DRVSI NERONIS*, quem defunctum ita pro concione laudavit *Augustus*, ut *Deos precatu sit, similes ei Cæsares suos facerent*-&c. ib. in vita *Claudii* cap. I. *CLAVDII* Imperatoris, quem *Nero* apparatissimo funere elatum laudavit consecravique, ut auctor

auctor est Idem in Nerone Cap. 9. PERTINACIS Imp. qui a Severo (Imperatore) funebri laudatione honoratus est, quæ verba sunt *Julii Capitolini* in vita Pertinacis, Cap. ult. VERGINII RVFI apud *Plinium* Lib. II. Epist. I. num. 6. *Hujus Viri exsequia magnum ornamentum principi, magnum seculo, magnum etiam foro & rostris attulerunt. Laudatus est a Consule Cornelio Tacito: nam hic supremus felicitati ejus cumulus accessit, laudator eloquentissimus.* Conf. Lib. IIX. Epist. XII. extr. Alias Clarorum Virorum Laudationes commemorat G. J. *Vossius* Lib. III. Instit. Orat. Cap. VII. §. X. pag. 412. seqv. cujus scrinia compilare nolumus. Denique addere libet ex *Quintiliano* hoc antiquitatis monumentum Lib. III. c. 7. *Funebres laudationes pendent frequenter ex publico aliquo officio, atque ex senatus consulto magistratibus sæpe mandantur. Ceterum quid sit Laudatio, nempe rerum gestarum relatio, docet Cornelius Fronto* pag. m. 1335.

LAVDES SOMNI MORTIS & certorum quorundam CIBORUM scriptas refert *Quintilianus* Lib. III. Cap. 7. pag. m. 177. *Nam & somni & mortis scriptæ laudes & quorundam a medicis ciborum.* Ubi pro ciborum pene scripsissem morborum, quo nempe modo febrim laudasse traditur *Plato*, & quartanam philosophus *Favorinus* apud *Gellium* Lib. XVII, Cap. 12. Sed ego nihil mutuo. Taceo exempla hujusmodi recentiorum, de quibus vide *Morbosum* T. I. Polyh. Lib. III. Cap. XII, n. 54. p. m. 698.

LAVDES VRBIVM citantur *Plinio* lib. III. Epist.

Epist. 21. n. 3. *Fuit moris antiqui, eos, qui vel singulorum laudes vel Urbium scripserant, aut honoribus aut pecunia ornare: nostris vero temporibus, ut alia speciosa & egregia, ita hoc in primis exolevit.* Confer illud *Quintiliani* Lib. III. Cap. 7. p. m. 177. *Laudantur urbes similiter atque homines: Nam pro parente est conditor: & multum autoritatis affert vetustas, ut iis, qui terra dicuntur orti: & virtutes ac vitia circa res gestas: eademque in singulis. Illa propria, quæ ex loci positione ac munitione sunt. Cives illis, ut hominibus liberi, decori. Est laus & operum, in quibus honor, utilitas, pulchritudo, autor spectari solet. Honor, ut in templis: utilitas, ut in muris: pulchritudo vel autor, utroque. - &c.* Cujus præcepti *Oratorii* loeupletissimum interpretem vide *Gerardum Jo. Vossium* Lib. I. Instit. Orat. cap. 39. p. 103-105.

LECTIONIS SVÆ, titulum fuisse Libri incertum an Librorum quorundam Romanorum, certum est ex Præfatione *Gellii Noctium Atticarum* pag. m. 5. qualis est Inscriptio illa, *Bibliothecæ Photii*: Ἀπογραφὴ καὶ συναρίθμωσις τῶν ἀνεγνωσμένων ἡμῶν βιβλίων, id est, *Descriptio atque enumeratio lectorum a nobis librorum, sive Telephi, Pergameni Grammatici apud Suidam* pag. m. 919. *Βιβλιακὴ ἐμπειρία.*

LIBRI VETERVM. v. *Veterum Libri &c.*

M.

MEMORIÆ VETERES. v. *infr. Veterum Libri &c.*

MILI-

MILITARIS DISCIPLINÆ SCRIPTORES a Gellio allegantur Lib. X. Cap. IX. *Hec & quædam item alia invenire est in libris eorum, qui de militari disciplina scripserunt. item Servio (ad Æneid. Lib. XI. v. 284.) pag. m. 658. Qui scripserunt de Arte militari, dicunt summum genus esse dimicandi, quotiens calcato umbone adversarii, se in hostilem clypeum erigit miles, & ita contra instantis vulnerat terga.* Intellige cum primis Catonem (qui Librum non Libros reliquit, uti contendit Stewechius ad Vegetium pag. m. 34, reprehensus proinde a Celeb. Fabricio meo Bibl. Lat. p. m. 24.) intellige T. Cincium Alimentum, cujus tertium, quintum & sextum Librum de Re militari citat laudatus Gellius Lib. XVI. Cap. 4. ut quamplurimos alios tam Græcos quam Romanos hujus argumenti auctores omittam (de quibus vide Ælianum Cap. I. Τακτικῶν pag. m. 11. & Stewechium in Notis ad Veget. Lib. I. Cap. IIX. pag. 36. 37) quos ex recentioribus sequuti sunt Hieronymus Catanaus & Lazarus Sorantzius, (quorum erudita commentaria se vidisse testatur Colerus in Epist. de studio Politico pag. m. 36) Michael Montanus, Justus Lipsius, De la Nue, homo Gallus, & novissime Nicolaus Parthenius Giannettasius, S. J. cujus Bellica prodierunt Neapoli 1699. in forma, quam vocant, octava, ingeniosissimo carmine elaborata.

MORTIS LAUDES. vid. Laudes.

N.

de NATURA HUMANA, Titulus (incerti

certi auctoris) apud *Gellium* superest in Præfatione Noctium Atticarum, si fides habenda pluribus iisque antiquioribus editionibus, a quibus in novissima sua discedit *Iacobus Gronovius* Códicem Regium sequutus, qui hanc inscriptionem non agnoscit.

de NVMERIS qui Latine scripserunt, laudantur *Gellio* Lib. XII. cap. 14. *Figura quadam numerorum, quas Græci certis nominibus appellant, vocabula in lingua Latina non habent. sed qui de numeris Latine scripserunt, Græca ipsa dixerunt. fingere autem nostra, quoniam id absurde futurum erat, noluerunt.* Conf. seqv. ex quibus diligens Lector facile animadvertit, non *Vitruvium* intelligi, qui Græcum ἡμιόλιον Latine vertit *sesquialterum* & ἐπίτριτον *tertiarium* Lib. III. Cap. I. Animadvertit porro, frustra esse *Isidorum* qui Lib. III. Cap. I. Orig. ab *Apulejo* disciplinam numerorum primum traditam refert.

de NVPTIIS Scriptores allegantur a *Servio* ad illud Virgilii Lib. IV. *Æneid.* v. 458.

templum.

Conjugis antiqui, miro quod honore colebat,
Verba *Servii* sunt pag. m. 355. Hi qui de nuptiis scripsisse dicuntur, tradunt, cum nova nupta in domum mariti ducitur, solere postes unguine lupino obliniri, quod hujus feræ & unguen & membra multis rebus remedio sunt. Intelligit auctor forte cum primis *Neratium*, cujus Librum de Nuptiis citat *Gellius* Lib. IV. Cap. 4. extr. ut taceam *Sacra Nuptialia*, quorum testimonio & auctoritate utitur *Quintilianus* Lib. I. cap. 7.

O. de

O.

de OFFICIIS Scriptores Latini memorantur Gellio Lib. II. Cap. 7. princ. *Quæri solitum est in philosophorum disceptationibus, an semper inque omnibus jussis patri parendum sit. Super ea re Græci nostrique, qui de Officiis scripserunt, tres sententias esse, quæ spectandæ considerandæque sint, tradiderunt.* Ex Græcis intellige cumprimis Theophrastum & Panætium, ex Latinis Ciceronem, in quo tamen nihil hujusmodi me legisse memini.

OFFICIVM JVDICIS. vid. *Judicis Officium.*

ORATIO Scipionis Africani five alterius incerti auctoris laudatur Gellio Lib. IV. Cap. 18. *Fertur etiam Oratio, quæ videtur habita eo die a Scipione,* (quum nempe M. Nævius tribunus plebis accusaret eum ad populum, diceretque a rege Antiocho accepisse pecuniam &c.) *Et qui dicunt eam non veram, non eunt infitias, quin hæc quidem verba fuerint, quæ dixi, Scipionis.* Conf. præcedentia ibidem, & Livium Lib. XXXIIX, Cap. 50.

ORATIO PII (Antonini,) jamdudum perditæ, ab Impp. Diocletiano & Maximiano memoratur in Codice Theodosiano Lib. X. Tit. LII. §. IV. col. m. 1040. *Oratione divi Pii liberalium studiorum professores, non etiam calculatores* (quos nonnulli interpretantur *Geometras*, aut *qui primas litteras docent*, Conf. *Idea nostra Histor. Litterariæ Romanorum* pag. 344.) *continentur.* Ubi probe observandum, *Orationem* Principis pro Mandato five

sive Edicto accipi, ut apud *Svetonium* in vita *Vespasiani* filii cap. 6. Cum patris nomine & epistolas ipse dictaret, & edicta conscriberet, orationesque in Senatu recitaret - &c. atque *Neronis* cap. 15. De quibusdam rebus orationes ad Senatum missas, præterito quaestoris officio, per Coss. plerumque recitabat. Ceterum orationem Pii nostri Antonini respicere videntur verba Capitolini in vita ejus Cap. II. Rhetoribus & philosophis per omnes provincias & honores & salaria detulit.

ORATIONES *Antiquæ* advocantur *Gellio* Lib. XIII. Cap. 21. princ. *Comprecaiones deum immortalium, quæ ritu Romano fiunt, expositæ sunt in libris Sacerdotum populi Romani & in plerisque antiquis Orationibus. in iis scriptum est, LVAM SATVRNI, SALACIAM NEPTVNI, HORAM QVIRINI, IVRITES QVIRINI, NAIAM VOLCANI, HERIEM IVNONIS, MOLAS MARTIS, NERIEIENEMQUE MARTIS. incertum quorum Auctorum. Nam in iis orationibus, quæ vel quarum fragmenta hodie supersunt, nihil ejusmodi reperitur. Taceo ORATIONES, sub & coram Augusto habitas, quarum mentionem injicit *Svetonius* cap. 89.*

P.

POENICARVM RERVM HISTORIA.

v. *Historia.*

PRA TVM, Titulus incerti & libri & Auctoris superest apud *Gellium* in Præfatione Noctium Atticarum, quam quidem Inscriptionem Latinam interpretationem esse Græcæ *Δεσμῶν*, (quam allegat

gat *Plinius* in Præfatione Historiæ naturalis) putat *Salmasius*. Verum quid obstat, quo minus tam *Pratum* Liber Latinus inscribi potuerit, quam Græcus *Λεπιδόν*, imò quam ab aliis *Silva* &c. teste eodem ibidem?

PROSERPINÆ CHORVS, poëma Vetus, (uti conjicio) a *Varrone* citatur Lib. V. de L. Lat. pag. m. 63. *Quare una origine Inlicio & Inlictus, quod in Choro Proserpina est.* Conf. *Jo. Scaligeri* Conjectanea pag. 96.

de PROSERPINÆ SACRIS scriptores a *Servio* allegantur ad illud *Virgilii* Lib. VI. *Æneid.* v. 136.

latet arbore opaca

Aureus & foliis & lento vimine ramus.

Verba *Servii* sunt pag. m. 422. *Licet de hoc ramo hi, qui de Sacris Proserpina scripsisse dicuntur, quiddam esse mysticum affirmant: publica tamen opinione hoc habet.*

PUBLICA ACTA. vid. *Acta*.

R.

de RIDICVLIS, Titulus incerti & Libri & Auctoris superest apud *Gellium* in Præfatione Notitium Atticarum, si fides habenda pluribus iisque antiquioribus editionibus, a quibus in novissima sua discedit *Jacobus Gronovius*, Codicem Regium sequutus, qui hanc Inscriptionem non agnoscit. Conf. *Quintilian.* Lib. VI. Cap. 3. qui & Libros incerti Scriptoris de *Jocis Ciceronis* commemorat, & varia ridiculorum exempla; item *Liv.* Lib. VII. Decad. I. p. m. 105. de *Ridiculorum jactatione* apud Romanos.

O

RITVA.

RITVALES LIBRI, in quibus observantia cerimoniarum & religionum circa sacrificia & quemlibet Deorum cultum tradita fuit, laudantur Ciceroni Lib. I. de Divinat. Cap. 33. quos quidem ita definit *Festus*: RITVALES nominantur Etruscorum libri, in quibus perscriptum est, quo ritu condantur urbes, aræ, ades sacrentur, qua sanctitate muri, quo jure portæ, quo modo tribus, curiæ, centuriæ distribuuntur, exercitus constituentur, ordinentur, ceteraque ejusmodi ad bellum ac pacem pertinentia. Testimonio horum & auctoritate utitur *Censorinus* Lib. de Die Natali Cap. XI. Alter autem ille partus, qui major est, in majori numero continetur, septenario scilicet, quo tota vita humana finitur, ut Etruscorum Libri Rituales videntur indicare. & Cap. XVII. in unaquaque civitate quæ sint naturalia secula, Rituales Etruscorum Libri videntur docere: in quæ scriptum esse fertur, initia sic poni seculorum-&c. Adde ex *Ammiano* Lib. XVII. pag. m. 441. Unde & in ritualibus & pontificiis obtemperantibus sacerdotiis, cautum, ne alio deo pro alio nominato-piacula committantur. item lib. XXIII. pag. m. 487. *Hetrusci* aruspices, qui comitabantur, gnari prodigialium rerum, quum illis procinctum hunc sæpe arcentibus non crederetur, prolatis Libris Ritualibus ostendebant, signum hoc esse prohibitorium, principique aliena, licet juste, invadendi contrarium. Taceo vero locum *M. Zverii Boxhornii* Quæst. XIII. Rom. pag. 67. Erant Libri Pontificum duum generum; in quibusdam ratio & modus peragendorum sacrorum continebatur, ad quos proxime accedebant Libri qui Rituales dicebantur, - in non-

nonnullis vero interpretationes sacrarum fabularum proponebantur. Denique eosdem esse Libros puto, quos Cerimoniarum vocat Tacitus Annal. III. § 8, 2. nulla de eo populi scita, non in libris Cerimoniarum reperiri; quas primus instituit Numa, teste Livio pag. m. 7. (confer Florum I. 2, 2. & Quaestiones nostras Romanas pag. 232. seqqv.) postea instauravit Hadrianus apud Aurelium Victorem de Cæsaribus cap. 14. Porro ad Rituales Romanorum Libros referri quodammodo possunt Libri de Sacerdotibus Publicis (de quibus v. infr.) nec non Dissertatio Tertii (forte Persannii, vide supr. Partem I.) de ritu Sacrorum apud Macrobius Sat. Lib. III. Cap. 11. item Leges illæ sacræ & Ecclesiasticæ, quarum summam edit Cicero, editam illustrat Lib. II. de Leg. cap. 9. seqv.

S.

de SACERDOTIBVS PVBLICIS Libros citat Gellius Lib. X. Cap. 15. princ. Cerimoniae impositæ flamini Diali multæ, item castus multipllices, quos in Libris, qui de Sacerdotibus publicis compositi sunt, scriptos legimus. Conf. ibid. sequentia sub finem ex edicto perpetuo Prætoris de flamine diali & sacerdote Vestæ, nec non ex secundo Varronis Libro Rerum Divinarum super flamine Diali. Sacerdotes publici dicebantur, quod publicam cerimoniarum, sacrificiorum &c. curam gerebant, quo nomine comprehendi solebant Pontifices, augures, flamines, decemviri sacrorum, teste Livio Lib. V. p. m. 228. Et aliquot publici sacerdotes mortui eo anno sunt: L. Cornelius Lentulus, PONT. MAX. & C. Papyrius, C. F. Masso Pontifex, & P. Furius

Philus, augur, & C. Papyrius L. F. Masso decemvir sacrorum &c. Conf. Lib. VI. pag. m. 250. de mortuis sacerdotibus publicis *M. Emilio Numida, decemviro sacrorum, M. Pomponio Mathone, pontifice, Sp. Carvilio Maximo, augure, C. Claudio, flamine diali.* item Lib. VII. p. m. 261. Lib. X. p. 451. Lib. XI. p. 460, 469. &c. Adde locum *Svetonii* in *Vitellio* Cap. 11. *Et ne cui dubium foret, quod exemplar regendæ Reip. eligeret, medio Martio campo adhibita publicorum sacerdotum frequentia, inferias Neroni dedit.* Denique alii omnino esse videntur **LIBRI SACERDOTVM POP. ROM.** apud laudatum *Gellium* Lib. XIII. Cap. 21. (in edit. Gronov. 22) princ. *Comprecationes deum immortalium, quæ ritu Romano fiunt, exposita sunt in libris sacerdotum populi Romani - quos nuspiam alibi memoratos invenio.*

SACRORVM LIBRI a *Servio* allegantur ad illud *Virgilii* *Eclog.* VII. v. 31.

levi de marmore tota-

Verba Auctoris sunt pag. m. 39. *Sane in libris sacrorum refertur sacrum dici, quod rite sacratur, ut adis, ære simulacra, dona.* ubi *Trebatius* forte intelligitur, cujus ex *Libro primo de Religionibus* hoc refert *Macrobius* Lib. III. Sat. cap. 3. *sacrum est, quicquid est, quod decorum habetur.* Adde ex eodem *Servio* (ad *Virgilii* Lib. IX. *Æneid.* v. 408) pag. m. 573. *Tholus proprie est veluti scutum breve, quod in medio tecto est, in quo trabes coeunt: ad quod dona suspendi consueverant. Quæ tamdiu dona dici poterant, quamdiu non profana fierent, sicuti in libris sacrorum refertur.* Scripsit autem ex veteribus
Clo-

Cloatius Verus, Grammaticus, *Libros Sacrorum*, (vide *Partem I*) item *Babius Macer* de *festalibus Sacrorum*, (ibid.) *Varro* de *Sacris Privatis & Publicis*, nec non *Tertius* de *ritu Sacrorum*.

SCIPIONIS AFRICANI VITA. *Gellius* Lib. III. cap. 4. princ. *In Libris*, inquit, *quos de vita P. Scipionis Africani compositos legimus, scriptum esse animadvertimus* - forte *C. Oppii* aut *Julii Hygini*, qui vitam & res gestas Africani litteris tradiderunt, teste eodem Lib. VII. cap. 1. de quibus videri potest *Vossius* Lib. I. de *Hist. Lat.* Cap. 13. p. 67- & Cap. 20. pag. 102 - Ceterum & *Ennius* Auctor haberi potuisset, nisi *Libros* dixisset *Gellius*. Nam *Ennius Librum* tantum scripsit, qui *Scipio* inscriptus fertur, ex quo hunc versiculum Idem adducit Lib. IV. Cap. 7.

Qui propter Hannibalis copias considerant.

Conf. *Macrob.* Lib. VI. *Saturn.* Cap. 2. pag. m. 542, & Cap. 4. p. 548. nec non *Suid.* p. m. 295. Taceo de *Lucilio*, qui vitam *Scipionis* nostri scripsisse nonnullis creditur, de quo alii dudum disseruere. Taceo de *Plutarcho*.

SOMNI LAUDES. v. *Laudes.*

de SOMNIIS Scriptores citantur *Servio* (ad *Libr. VI. Æneid. v. 284.*) pag. m. 431. *Qui de somniis scripserunt, dicunt, quo tempore folia de arboribus cadunt, vana esse somnia.* Intelligit forte in Latinis Scriptoribus *Fabianum*, (de quo *Parté I.* memini) qui de *Somniis* disseruisse videtur ex illo *Plinii* Lib. XXII. Cap. 4. pag. m. 17. *Aristoteles & Fabianus plurimum somniari circa vernum & autumnum tradunt, magisque supino cubitu ac pro-*

no nihil. Certe apud *Valerium Maximum* Lib. I. Cap. 7. *de Somniis* nihil hujusmodi reperitur, neque enim hic causas physicas indagat, sed historiam tantum & eventus refert. Taceo de Scriptoribus Græcis, *Aristotele, Hippocrate, Stratone, Antiphone, Serapione, Artemone, Cratippo, Epicarmo, Dionysio Rhodio*, aliis, quorum *de Somniis* philosophumena noster minime respicere videtur

SVASORIA AGAMEMNONIS, Declamatio incerti auctoris memoratur *Petronio* Satyr. pag. m. 21. *Dum in hoc dictorum astu totus incedo, ingens Scholasticorum turba in porticum venit, ut apparebat, ab extemporalis declamatione nescio cujus, qui Agamemnonis suasoriam exceperat.*

T.

TEMPORVM AVGVSTI HISTORIA. v. *Historia.*

TRIVMPHORVM ACTA. v. *Acta.*

TRIVMPHVS CVPIDINIS, incerti Auctoris Carmen, memoratur *Lactantio* I, II, I. seqv. *Non infulse quidam poeta Triumphum Cupidinis scripsit, quo in libro non modopotentissimum deorum Cupidinem sed etiam victorem (sc. deorum) facit. Enumeratis enim amoribus singulorum, quibus in potestatem Cupidinis ditionemque venissent: instruit pompam, in qua Jupiter cum ceteris diis ante currum triumphantis ducitur catenatus.*

TVSCÆ HISTORIÆ. v. *Historia.*

V.

VERBORVM VETERVM LIBRI citantur *Gellio* Lib. XIII. Cap. 24 (in aliis edit. 23.)
Aliud

Aliud omnino PRAEDA est, ut in libris rerum verborumque veterum scriptum est, aliud MANUBIAE Nam PRAEDA dicitur corpora ipsa rerum, quae capta sunt: MANUBIAE vero appellatae sunt pecunia a quaestore ex venditione praeda redacta. Adde ex Libro XVIII. Cap. 6. Illud impendio probabilius est, quod idonei vocum antiquarum enarratores tradiderunt, MATRONAM dictam esse proprie, quae-. Intelligit forte Auctor Casellii Vindicis Commentarios Antiquarum Lectionum, (de quibus vide Partem I.) Velii Longi, Grammatici doctissimi, Commentarium de Usu antiquae locutionis (allegatum lib. XII. cap. 9.) Caelii Galli Libros de Verborum Significatione (lib. XVI. Cap. 5) Gabii Bassi Libros de Origine vocabulorum & verborum (lib. II, 4. III, 19. V, 7. XI, 17,) M. Verrii Flacci de Verborum Significatione (lib. V. c. 17, 18) ut alios quamplurimos mittam.

VERSUS CRETICI. v. Cretici.

VESTALIS VIRGO. Gellius lib. I. Cap. 12. princ. *Qui de Vestali Virgine capienda scripserunt, quorum diligentissime scripsit Labeo Antistius, minorem quam annos VI, maiorem quam annos X. natam, negaverunt capi fas esse. - &c. Conf. seqv. ibid. ex Atejo Capitone & Fabio Pictore. Ex recentioribus scriptoribus vide Thomassinum de Donariis p. 51. Barthium ad Stat. Silv. p. 72. Lipsii Syntagma de Vesta & Vestalibus, Tiraquelli Notas ad Alexandrum ab Alexandro pag. 71. & 114. ut alios taceam.*

VICTVS POP. ROMANI. Gellius Lib. X. Cap. 23. princ. *Qui de victu atque cultu populi Romani scripserunt, mulieres Romae atque in Latio aetatem abstinentias egisse, hoc est, vino semper,*

quod temetum prisca lingua appellatur, abstinuisse dicunt: institutumque, ut cognatis osculum ferrent, reprehendendi (malo deprehendendi, quanquam invito Gronovio) causa, ut odor indicium faceret, si bibissent; bibere autem solitas ferunt loream, passam, murinam, & quæ id genus sapiant, potu dulcia: atque hæc quidem in his, quibus dixi, libris pervulgata sunt. Conf. Isidor. Lib. XX. Orig. Cap. 3.

VIRGILII INGENIUM ET MORES scriptorum nonnulli ævo Augusteo retulerunt, quos laudat Gellius Lib. XVII. Cap. 10. *Amici familiaresque P. Virgilii, in his, quæ de ingenio moribusque ejus memoria tradiderunt, dicere eum solitum ferunt: parere se versus more atque ritu urfino. Intelligo cum primis Julium Hyginum, cujus quartum de Virgilio Librum idem allegat Lib. XVI. Cap. 6. pro quo quintum ponit Macrobius Lib. VI. Sat. cap. 9. intelligo Melissum illum, de quo Auctor vitæ Virgilii: In sermone tardissimum (Virgilium) ac penè indocto similem fuisse, Melissus tradidit.*

VIRGO VESTALIS. v. *Vestalis.*

VITA SCIPIONIS AFRICANI. v. *Scipionis Vita.*

VITÆ & ÆTATES Doctorum hominum citantur Gellio Lib. XIII. Cap. 2. *Quibus otium & studium fuit, vitas atque ætates doctorum hominum querere ac memoriæ tradere, de M. Pacuvio & L. Accio tragicis poetis historiam scripserunt hujusmodi &c. conf. seqv. Intellige cum primis vel C. Nepotis Chronicon, vel Varronis Libros de poetis,*

& similia historiæ Rom. Litterariæ monumenta.

PARS IV.
DE
CLARIS
QVIBVSDAM
VRBIBVS IMPERII
ROMANI,
IN QVIBVS BONÆ ARTES
PRÆCIPVE FLORVISSE
VIDENTVR.

PRÆFATIO

AD

PARTEM QVARTAM.

ECce tibi, Benevole Lector, *Partem* IV. Opusculi nostri de Claris quibusdam Imperii Romani Urbibus, in quibus bonæ litteræ præcipue floruisse videntur. Partem sterilem, & Cathedrarum Romanarum gloria atque magnitudine multo angustiolem ! Fateor; sed perierunt LAUDES VRBIVM, quas Veterum Scriptorum nonnullos reliquisse tradit *Plinius* Lib. III. Epist. 21. num. 3. *Fuit moris antiqui, eos, qui vel singulorum laudes vel Urbium scripserant, aut honoribus aut pecunia ornare*-qui & ipsemet, se *descriptiones locorum non historice tantum sed prope poetice prosequutum* testatur Lib. II. Epist. 5. num. 5. Perierunt *Hygini* LIBRIVRBIVM, quorum secundum allegat *Macrobius* Saturnal. V, 18. ut taceam Libros triginta *Philonis Byblii* Grammatici, itidem deperditos, *Περὶ πόλεων καὶ ἑσέκασῃ αὐτῶν ἐνδόξος ἔργου*, de Urbibus, & quos quælibet claros Viros genuerit, teste *Suida* in *Φίλων* p. m. 993. item horum

horum (XXX. Librorum) Epitomen *Ælii Sereni*, apud eundem in Σερήνους p. 846. Neque vero hoc detrimentum refarciunt illa, quæ supersunt, utriusque linguæ monumenta. Certe *Ausonius* in libro de *Claris Urbibus* Memoriam harum litterariam parcissime imo vix extremis, quod ajunt, digitis attingit, *Plinius & Pomponius Mela* nunquam, *Strabo* nonnunquam, sed minus diligenter. Quinimo hanc historiæ partem velut ex compacto neglexisse Veteres mihi videntur, nec observari eam jubet *Quintilianus*, ubi momenta, quæ ad justam Urbium historiam & laudationem pertinent, præcipit Lib. III. Cap. VII. p. m. 177. *Laudantur Urbes similiter atque homines. Nam pro parente est conditor: & multum auctoritatis affert vetustas - & virtutes ac vitia circa res gestas: eademque in singulis. Illa propria, quæ ex loci positione ac munitione sunt. Cives illis, ut hominibus liberi, decori. Est laus & operum, in quibus honor, utilitas, pulchritudo, autor spectari solet. Honor, ut in templis: utilitas, ut in muris, pulchritudo vel autor, utrobique. Exemplo porro sunt Laudes Siciliæ apud Ciceronem Verrina IV, quæ nihil ornamenti litterarii continent, forte quia*

quia ratio instituti pati non potuit. Exem-
 plo sunt Laudes *Narbonis* apud *Sidonium*
 Carm. XXIII. p. m. 181. quibus Autor salu-
 britatem Urbis tantum prosequitur, amœ-
 nitatem, utilitatem &c. non Scholam, non
 Professores & similia bene constitutæ civi-
 tatis specimina. Ceterum quis dubitabit,
 multo pluribus, quam quæ nobis innotue-
 runt, sedibus litterarum & bonarum arti-
 um ITALIAM floruisse? *Italiam* dico,
 quæ (verbis utor *Plinii* Lib. III. H. N. c. V.)
omnium terrarum alumna eadem & parens,
numine Deum electa, quæ cælum ipsum clarius
faceret-humanitatem homini daret, breviter-
que una cunctarum gentium in toto orbe pa-
tria fieret. Quis GALLIAM facundam
 (ut vocat *Juvenalis* Sat. XV. v. III.) tam pau-
 cis Gymnasiis contentam fuisse credet,
 cum in Constitutione Impp. Valentis, Gra-
 tiani & Valentiniani, ad Antonium Præfe-
 ctum Prætorio Galliarum, legitur, *Frequen-*
tissimas civitates in Galliis fuisse, quæ polle-
rent & emerent claritudine Præceptorum,
Rhetorum & Grammaticorum, Atticæ Roma-
næque doctrinæ? ut paria *Hieronymi* testi-
 monia in Epistola ad Rusticum Monachum
 & adversus Vigilantium transeam. Quis
 de

de ingenioſa HISPANIA & Ibero, quem peritum vocat *Horatius* II, Od. 20.v. 20. tam exiliter merito judicabit, ut *Emeritam*, patriam Deciani, ut *Bilbilin*, patriam Martialis, ut *Tarraconem*, *Hiſpalin*, *Saguntum* & ceteras nobiliſſimas urbes ſtudiorum nomine ignobiles fuiſſe exiſtimet? Aliter proſecto ſentiet, niſi vehementer fallor, qui legit illud *Latini Pacati* in Panegy. ad Theodoſium Cap. IV. p. m. 234 *Hiſpaniæ uni, quidquid ubique laudatur, aſſurgit. Hæc facundiſſimos Oratores, hæc clariffimos Vates parit: hæc judicum mater, hæc Principum eſt.* Quis ſacra eloquentiæ & ſtudiorum in BRITANNIA uſquequaque tanquam profana domicilio caruiſſe putabit, cui locum *Taciti* obſervare libet in *Agricola* XXI, 2. *Jam vero principum filios liberalibus artibus erudire, & ingenia Britanno- rum ſtudiis Gallorum anteferre, ut, qui modo linguam Romanam abnuebant, eloquentiam concupiſcerent.* item illud *Juvenalis* Sat. XV, v. III.

*Gallia cauſidicos docuit facunda Britan-
nos.*

Brevi:

Brevi : nemo eruditionem & studiosas
Rom. exercitationes tam angustis finibus
circumscribat, ut earum tantum Urbium
muris clausas putet, quas nos comme-
moramus: nemo negligentiam nobis vertat,
quod negligentiam Veterum Scriptorum
quamlibet invitissimi imitamur.

AUGVSTODVNVM, Civitas Æduorum in Gallia, quam splendida studiorum ornamentis fuerit & frequentia juventutis Gallicæ nobilis, ex *Tacito* constat *Annal. III, 43, 2. Augustodunum caput gentis, armatis cohortibus Sacrovir occupaverat, nobilissimam Galliarum sobolem, liberalibus studiis ibi operatam, ut copignore parentes propinquosque eorum adjungeret.* Adde *Orationem* satis luculentam *Eumenii & Cap. XIV. ibid.* Epistolam Imperatoris *Constantii* pro Restaurandis Scholis Augustodunensium, (quam integram exscripsimus in *Idea nostra Hist. Litter. Rom. pag. 94-*) ubi *Cliviensium* pro Augustodunensium legi jubet *Beatus Rhenanus*, sed parum emendate, quod jam pridem monuit *Jacobus Nicolaus Loensis* *Miscell. Epiphill. Lib. V. Cap. XXIV. pag. m. 482. Tom. V. Supplem. Thesaur. Gruter.* Taceo Antiquitates Romanas, quarum tot spectacula hodieque præbet *Augustodunum* (Gallice *Autun*) uti *Romani Gallicam* vocare nonnulli non dubitaverint, quod encomium *Arelati* tribuit *Ausonius de Clar. Urb. VII. p. m. 105.*

Gallula Roma Arelas -

Augustoduni nescio quo casu immemor.

BENEVENTVM, Urbs Samnitarum in Italia minime prætereunda videtur, cujus ad litterariam laudem pertinet, quod artes in ea professus sit *Orbius Pupillus*, Beneventanus, quod honores statuarum eruditus habuerit (vide *Svetonium* de Ill. Gr. Cap. IX) quod litteras impensius coluerit, teste

Sym.

Symmacho Lib. I. Ep. III. *Urbs cum maxima sit* (Beneventum) *singuli ejus optimates visi sunt mihi urbe majores, amantes litterarum-&c.*

BRVNDVSIVM, civitatem haud ignobilem Italiæ in agro Hydruntino, studiis & bibliopolio illustrem fuisse crederes ex illo *Gellii* Lib. IX. cap. 4. princ. *Quum e Græcia in Italiam rediremus & Brundisium iremus, egressique e navi in terram in portu illo incluto* (quem tantopere prædicant *Strabo* Lib. VI. *Lucanus* Lib. V. v. 406. *Plinius* Lib. III. H. N. c. XI. & XXVI. & *Ennius* apud laudatum *Gellium* Lib. VI. Cap. 6) *spatiaremur, - fascēs librorum venalium expositos vidimus. atque ego avide statim pergo ad libros. erant autem isti omnes libri Græci, miraculorum fabularumque pleni.* Verum certi nihil exinde colligi posse prudenter satis jam ante monuit *Vir Clar. Christianus Schættgenius* de Librariis & Bibliopolis Antiquorum §. XIV. extr. Ceterum non parum decoris litterarii *Brundisio* sive *Brundisio* afferre videtur nativitas poëtæ celeberrimi *M. Pacuvii*, nemini paulo humaniori ignota, nec non obitus *Virgilii*, cujus ossa Neapolim postea translata sunt ibique condita, teste *Donato*.

BVRDIGALA, nobilissimum Aquitanorum in Gallia emporium, quam præclarum litterarum domicilium fuerit, quam fecunda ingeniorum alumna, luculentus & auctor & testis est civis *Burdigalensis Aufonius* de *Claris Urbibus* num. XIII. pag. m. 107

*Impia jam dudum condemno silentia, quod te,
Opatria, insignem Baccho, fluviisque virisque,
Moribus ingeniisque hominum-&c.*

P

Confer

Confer ejusdem Commemorationem Professorum
Burdigalensium, & num. II. ibid. de *Cathedra Bur-*
digalensi p. m. 63.

Adferat usque licet Fabium Calagurris alu-
mnus:

Non sit Burdigala dum Cathedra inferior.
Mille foro dedit hac juvenes: bis mille senatus
Adjecit numero purpureisque togis.

item num. XI, p. 73. de Phæbitio, qui
Burdigala Cathedram
Nati opera obtinuit.

nec non num. XII. p. 75.

Herculane, qui profectus gremio de nostro &
schola,

Spem magis quam rem fruendam præbuisi
avunculo,

Particeps Scholæ & cathedræ pæne successor
mea, &c.

Confer, inquam, *Sidonium Apollinarem* Lib. VIII.
Epist. IX. de *Lampridio*, Rhetore Burdigalensi,
quem *decus Thaliæ* Romanæ vocat pag. m. 515.
item Epist. XI. nec non Lib. IX. Epist. XIII. pag.
m, 596-

Illud vix Leo, rex Castalii chori,
Vix hunc qui sequitur, Lampridius queat,
Declamans gemini pondere sub styli
Coram discipulis Burdegalsibus.

CALAGVRRIS, Civitas Hispaniæ in Vasco-
nibus, minime negligenda videtur & suo littera-
rum honore defraudanda, quippe cui *Cathedram*
tribuit

tribuit *Aufonius* in Commemoratione Professorum
Burdigalensium Carm. II. p. m. 63.

*Adferat usque licet Fabium Calagurris alu-
mnium:*

Non sit Burdigala dum cathedra inferior:
Intellige *Fabium Quintilianum*, qui & ipse Lib. I.
Institut. Orat. Cap. 2. illustrem Calagurri scholam
fuisse testatur his verbis: *Non inutilem scio serva-
tum esse a praeceptoribus meis* (Caligurritanis) *mo-
rem, qui cum pueros in classes distribuerant, ordi-
nem dicendi secundum vires ingenii dabant, & ita
superiore quisque loco declamabat, ut precedere pro-
fectu videbatur.* Conf. *Idea nostra Hist. Litter. Rom.*
pag. 91.

CARTHAGO postquam imperio Roma-
no parere cœperat, ad eloquentiæ Romanæ imperi-
um pertinere videtur. Habuit nempe *Scholas*, in
quibus litteræ latinæ tradebantur, teste *Tertulliano*
adversus Valentinianos pag. m. 293. (edit. Paris:
1534. in fol.) *In scholis Carthaginensibus fuit qui-
dam frigidissimus rhetor Latinus, Phosphorus nomi-
ne, &c.* Carthaginenses fuere *Tertullianus* jam lau-
datus & *Cyprianus*, nec non *Tullius Marcellus*, qui, te-
ste *Cassiodoro*, septem libros de Categoricalis & hypo-
theticis syllogismis scripsit, nec non de fontibus, La-
tine. Habuit porro Carthago *Bibliothecam*, de qua
meminit *Apulejus* in *Floridis* p. m. 512. *Non secus
& mihi liceat nullam longinquam & transmari-
nam civitatem hic, sed enim ipsius Carthaginis vel
curiam vel bibliothecam substituere. Igitur proin-
de habetote, si curia digna protulero, ut si in ipsa cu-
ria*

ria me audiat : si erudita fuerint, ut si in bibliotheca legantur. Denique laudes addere libet, quibus hic Carthaginem, patriam suam, velut eruditionis & bonarum artium domicilium extollit ibidem pag. 517. *Quæ major laus aut certior, quam Carthagini bene dicere, ubi tota civitas eruditissimi estis : penes quos omnem disciplinam pueri discunt, juvenes ostentant, senes docent ? Carthago Provincia nostra magistra venerabilis : Carthago Africa Musa cælestis, Carthago Camæna togatorum.* Confer præcedentia pag. 515. *Hanc ego vobis mercedem, Carthaginenses, ubique gentium dependo, pro disciplinis, quas in pueritia sum apud vos adeptus. Ubique enim me vestra civitatis alumnum fero ; ubique vos omnimodis laudibus celebro ; vestras disciplinas studiosius percolo.*

COMVM sive NOVUM COMVM, Gallicæ Cisalpinæ civitas, Plinii Junioris beneficio primum ad famam litterarum pervenisse videtur. Nimirum annuos hic sumtus in alimenta ingenuorum dedit, ut domi juvenus, quæ Mediolanum studiorum causa ablegari solebat, institueretur, dedicata simul bibliotheca, de qua in *Sermone nostro Pano-gyrico de Variarum Gentium Bibliothecis scholasticis* diximus pag. 17. seqv. Confer *Gruteri* Inscriptionem hujusmodi ex Marmore Mediolanensi pag. 1028. DEDIT. IN. ALIMENT. PVE-ROR. ET. PVELLAR. PLEB. VRB. H.S. IN. TVTELAM. BIBLIOTHECÆ. H.S. C. Adde Libr. IV. *Plinii* Epist. 13. in qua Auctor, municipes suos hortatus, ut scholam institu-

ant,

ant, etiam tertiam sumtus partem pollicitus, *Cornelium Tacitum* rogat, ut præceptores idoneos conducat. Quo & pertinet, quod ad *Caninium* scribit Lib. VII. Epist. 18. *Pro quingentis millibus nummum, quæ in alimenta ingenuorum promiseram, agrum ex meis, longe pluris, actori publico mancipavi: eundem vectigali imposito recepi, tricena millia annua daturus.* &c. NOVOCOMENSES celebriores sunt *Plinius* laudatus & *Caninius*, atque nisi fallor, *Cornel. Minutianus*, de quo vide Partem II. Taceo hic *Benedicti Zobi* Comensis Veterum monumentorum, quæ tum Comi, tum ejus in agro reperta sunt, Collectanea, MSta in Bibliotheca V. C. *Raphaelis Fresnei*, quorum notitiam debeo *Philippo Labbe* Biblioth. Bibliothecar. p. m. 670.

COR DVBA, (hodie *Cordova*) Urbs Hispaniæ, clarissima quondam nobilium & patriciorum Romanorum sedes, teste *Strabone* Lib. III. p. m. 207. & *Plinio*, qui Lib. III. Cap. 1. pag. m. 91. *Coloniæ patritiæ* cognominatam fuisse tradit, eloquentiæ Romanæ sacris initiata fuit etiam ante tempora *Ciceronis*, cui tamen in Oratione pro *Archia* Cap. 8. extr. Poëtæ Cordubenses *pingue & peregrinum sonare*, videntur. Vides deperdita poëticarum Cordubæ antiquitatum monumenta. Conf. *Seneca* Suafor. II. de *Sextilio Hena*, munice suo Cordubensi, ingenioso magis quam erudito poëta, & inæquali, nec non *Lil. Gyrald.* Dialog. IV. de Poëtis pag. m. 514, 515. Post ætatem *Ciceronis* caput Cordubæ extulerunt uterque *Seneca* & *Lucanus*, unde *Martialis* Lib. I. Epigr. LXII

*Duosque Senecas unicumque Lucanum
Facunda loquitur Corduba.*

NB. *facunda*, unde eloquentiam & bonas litteras in hac civitate floruisse conjicio. Confer loca *Cæsaris & Pollionis* in epistola ad Ciceronem, quæ de *Corduba* refert *Morhofius* in libello elegantissimo de *Patavinitate Liviana* Cap. XV. pag. 186.

Ceterum de *Corduba* scripsit *Ambrosius Morales* *Cordubensis*, teste *Labbeo* in *Bibliotheca Bibliothecarum* p. m. 515.

CREMONA, civitas Italiæ, minime illiterata fuit, cum *Virgilium* in ea studuisse tradit *Servius* in vita poëtæ: *Diversis in locis litteris operam dedit* (*Virgilius*) *nam & Cremonæ & Mediolani & Neapolî studuit.* Conf. *Strab.* Lib. V. p. m. 331. edit. *Amstelod.* 1707. in fol. qui *illustrem* urbem appellat.

DVROCORTORVM Rhemorum in Gallia Comata, urbs litteratissima, a *Strabone* Lib. IV. pag. m. 297. nimium quantum extollitur. Ibi sane (verbis utor *Viri Clarissimi M. Ge. Nicolai Kriegk* de *Peregrinationibus Romanorum Academicis* §. LXX. pag. 71) proventus studiorum largissimus fuit, adeo ut *Athenarum* nomen perinde ac *Mediolanum* acceperit. *Cornelius Fronto*, ex *Hadriani* seculo, rhetor & grammaticus, referente *P. Consentio*, itidem vetere *Grammatico*, dixit, illæ *VESTRÆ ATHENÆ DVROCORTORO.* &c. Conf. *Cellarii* *Dissertat.* XV. de *Studiis Roman.* *Litterariis* in urbe & *Provinciis* pag. 369. edit. *Walch.*

FALERII sive FALERIS, Urbs Faliscorum in Etruria, ut obsidione *Camilli* præprimis
nota

nota est, ita & plurimum celebritatis litterariæ debet historiæ, quam de ludo litterario, pueris & magistro, puerorum Faliscorum proditore, narrat *Plutarchus* in vita *Camilli* pag. m. 125. *Pueri eorum (Faliscorum) in litterarium ludum commeaverunt, & circum muros deambulandi exercendique corporis gratia ducti a præceptore sunt. Nam exemplo Græcorum communem puerorum magistrum habebant, ut ii statim ab initio una educarentur. Is igitur magister capta ex officio suo occasione, civibus insidias struens, pueros quotidie extra portas urbis eduxit, principio non procul, inde reducens intro ad exercitationes: deinde paulatim ulterius cum ipsis progressus eo advesecit, ut crederent omnia esse tuta: tandem cum universis ad excubias Romanorum accessit, seque & ipsos tradidit, duci- que ad Camillum iussit. Adductus & in medio constitutus, puerorum se horum magistrum esse dixit, studium tamen gratificandi Camillo officio suo antiquius habuisse, ideoque venire & Falerios per hos pueros ei in manum tradere. Indignum hoc visum facinus Camillo-qui lictoribus mandavit, ut proditori vestes deriperent, manusque in tergum revincerent: pueris autem virgas flagellaque darent, quibus cum ferientes in urbem compellerent &c. Conf. Livius Lib. V. Decad. I. pag. m. 83. qui Plutarcho sua dictasse videtur.*

G A B II, urbs antiquissima Campaniæ in Italia, clara inprimis est institutione Romuli & Remi, qui pueri, cum liberalis discipline capaces facti essent, Gabiis Græcarum Latinarumque litterarum edi-

scendarum gratia commorati sunt, ut auctor est *Aurelius Victor* de Origine Gentis Romanæ c. XXI. princ. Quo quidem Victoris testimonio si superstitiosius standum foret, crederes omnino, Gabiis ea tempestate floruisse litteras Latinas, quæ sero demum coli cœperunt, teste *Tranquillo* in Libro de Ill. Gr. c. r. Ego Græcis tantum litteris & disciplinis institutos eos fuisse puto, cujus sententiæ gravissimum & antiquissimum auctorem habeo *Dionysium Halicarnassensem* Lib. I. p. m. 99. *Amotos a nutricis uberibus* (Romulum & Remum) *voluntate altorum ferunt missos in urbem Gabios, non longe a Palantio distant, ut NB. Græcas artes edicerent: ibique apud Faustuli hospites educatos, litteris, musica, tractandisque more Græco armis institutos, donec pubertatis annos attingerent.* Taceo *Plutarchi* testimonium, qui neque Græcarum neque Latinarum litterarum meminit, sed *conficio Numitore & alimenta suppeditante secreto nutritiis, pueros litteris omni-que liberali disciplina Gabiis institutos fuisse* unice refert. Atque hæc sunt ἀξιομνημόνευτα, quæ de Gabiis litteratis me adnotasse memini.

G A D E S, ab urbe Roma remotissimas, (v. *Juvenal.* Sat. 10. pr.) a litteris & disciplinis Romanis minus remotas fuisse, vel unicui *Columellæ*, satis idonei auctoris exemplum evinceret, nisi & plura superessent, ut *Canii* apud *Martialem* Lib. I. Epigr. 62. p. m. 37.

Gaudent jocosæ Canio suo Gades.

& perquam memorabile illud incerti Gaditani, de quo *Plinius Junior* Lib. II. Epist. 3. num 8. Nunquam

quam ne legisti, Gaditanum quendam Titi Livii nomine gloriaque commotum ad visendum eum ab ultimo terrarum orbe venisse, statimque ut viderat, abiisse? quam brevissimam historiam de pluribus refert Hieronymus Epist. CIII. ad Paulinum cap. 1. Ad T. Livium lacteo eloquentiæ fonte manantem, de ultimis Hispaniæ Galliarumque finibus quosdam venisse nobiles legimus; & quos ad contemplationem sui Roma non traxerat, unius hominis fama perduxit.

LVGDVNVM, urbs Galliæ satis incluta (v. Plutarchus in vita Hannibalis p. m. 936.) litterarum laude minime caret. Tabernas librarias habuit, teste Plinio Lib. IX. Epist. II. num. 3. *Bibliopolas Lugduni esse non putabam: ac tanto libentius ex litteris tuis cognovi venditari libellos meos, quibus peregre manere gratiam, quam in urbe collegerint, delector.* Habuit porro illustrem Scholam, de qua Ausonius meminit in Gratiarum Actione c. X. p. m. 256. *Quomodo Titianus magister? sed gloriosus ille municipalem Scholam apud Visontionem Lugdunumque variando, non ætate quidem sed utilitate consenuit.* Taceo historiam plane singularem sed ad litterarias Lugduni antiquitates pertinentem, quam de Caligula narrat Suetonius c. 20. *Edidit in Gallia Lugduni ludos miscellos. sed & certamen quoque Græcæ Latineque facundiæ. quo certamine ferunt Victoribus præmia Victos contulisse, eorundem & laudes componere coactos. Eos autem, qui maxime displicuissent, scripta sua spongia linguave delere iussos, nisi ferulis objurgari aut flumine*

proximo mergi maluissent. unde illud Juvenalis Sat. I. v. 44.

Aut Lugdunensem rhetor dicturus ad aram.

Confer Casauboni Notas ad Strabonem Lib. IV. pag. m. 292.

MASSILIA litterarum emporium in Gallia nobilissimum fuit, in quo tyrocinia Romani iuvenes posuere, atque Athenis ipsis, teste Strabone Lib. IV. pag. m. 273. anteposuere, quo pertinent exempla apud Tacitum Annal. IV. 44, 4. L. Antonium admodum adolescentulum sororis nepotem seposuit Augustus in civitatem Massiliensem, ubi specie studiorum nomen exilii tegeretur. & in vita Agricola IV. 4. Arcebat cum (Agricola) ab illecebris peccantium præter ipsius bonam integramque naturam, quod statim parvulus sedem ac magistram studiorum Massiliam habuerit, locum Græcia comitate & provinciali parsimonia mistum ac bene compositum. nempe Massiliæ florebant imprimis Græcæ litteræ, quod nec ipse Nogarola in epistola ad Adamum Fumanum de Italis, qui Græce scripserunt, inficiatur pag. m. 229. (edit. Fabric. Hamburg. 1709) At Galli forte linguam Græcam suam quoque esse contendunt, propterea quod Massiliæ jam Græca littera & studia viguerint. &c. ut transeam testimonium Varonis de linguis Massiliensium apud Isidorum Lib. XV. Cap. I. col. m. 1189. Varro trilingves esse dicit: quod & Græce loquantur & Latine & Gallice. ad quem locum ita commentatur V. C. Petrus Hendreich in libro rarissimo, cui titulus MASSILIA §. II. pag. 183. „Si hodie lingua Gallica omnium „disci-

„disciplinarum ac doctrinarum capax prædicatur,
 „merito tum temporis Massiliensium talis appella-
 „ri poterat. Eo autem perfectionis litteræ perve-
 „nerant, ut neglecta Atheniensium schola, omni-
 „um illo disciplinarum quondam templo ac com-
 „muni sapientiæ oraculo, Romani, Galli, Hispani
 „in hunc bonarum artium mercatum opulentissi-
 „mum, non secus ac Rhodum aut Alexandriam
 „Philosophiæ Græcæque linguæ gratia confluerent
 „frequentissimi, nomenque, derogato Athenis suo,
 „Athenopolis sive Athenarum Gallicarum Acade-
 „miæ huic dederint. &c., Alia de eruditione & stu-
 „diis Massiliensium quære apud alios, *Jo. Casp. Kuh-*
nium de Massilia, *Ubbonem Emmium* de Statu &
 Republica Massiliensium, *Berneggerum* in *Svet.*
Cæs. c. 34. p. 74. seqv. Rupertum in *Flor. IV. 2, 24.*
p. 592. Kirchmaicrum in *Taciti Germ. Cap. 3. p.*
65. & denique Ge. Nicolaum Kriegk de Peregrina-
 tionibus Romanorum Academicis §. XLIX - LIII.
 pag. 51-54. ut taceam *Orationem pro Gallia*, quam
Joachimo Ernesto Duci Holsatiæ, tribuit *Thomas*
Lanfius, pag. m. 171. edit. Tubing. 1620. in 4. quo
 pertinet *Lettre écrite par Mr. de la Roque a Mr.*
Rigord, subdelegué de l'Intendance de Provence a
Marseille, sur le projet d'établir en cette Ville une A-
cademie des Sciences & des belles lettres, où il est par-
lé de l'ancienne Academie de Marseille, & des Mar-
seillois, qui se sont distinguez dans les sciences &
dans les beaux Arts. Conf. *Memoires de Trevoux*
 Mens. Januar. 1717. Num XIV.

MEDIOLANVM sive MEDIOLANIVM
 (quod

(quod vult *Laurentius Abstemius* Maceratenfis in Annotationibus Variis pag. m. 888. Tom. I. Theſaur. Gruter.) florentiſſimam ſtudiorum ſedem fuiſſe nemo ignorat, qui legit illud *Plinii* Lib. IV. Ep. 13. num 3. ſeqv. *Proxime quum in patria mea fui, venit ad me ſalutandum municipis mei filius præextatus. Huic ergo, (forte ego) ſtudes? inquam. Reſpondit, Etiam. Ubi? Mediolani. Cur non hic? Et pater ejus, (erat enim una, atque etiam ipſe adduxerat puerum) Quia nullos hic præceptores habemus-&c.* quo pertinet Inſcriptio Mediolanenſis ſub Antonino Pio apud Gruterum p. 177. n. 4. A Q V Æ. DVCTVM. IN. NOVIS. ATHENIS. (ita dictum *Mediolanum*) COEPTVM. A. DIVO. HADRIANO. PATRE. SVO. CONſVMMAVIT. DEDICAVIT. QVE. Conf. Cluver. Ital. Antiqv. I. 24. & *Cellar.* in Notis ad locum *Plinii* citatum. Neque vero prætereundum, quod *Virgilius*, teſte *Servio* in vita poëtæ, Mediolani ſtudiit. Adde elogium Mediolani apud *Auſonium* de Claris Urbibus num. IV. pag. m. 103.

*Et Mediolani mira omnia, copia rerum,
Innumera cultæque domus, facunda Virorum
Ingenia, antiqui mores. &c.*

Taceo ſequiora tempora, quibus Mediolanum Doctõribus Chriſtianis inprimis *Ambroſio*, inclaruit, de quo vid. *Auguſtinus* Lib. VIII. Confefſ. Cap. VI. Taceo Monumenta antiqua urbis Mediolani ab *Alciato* collecta, quæ duobus poſtea libris in folio ſupplevit *Franciſcus Cicerius*, Patricius Mediolanenſis, quos inter Codices manu exaratos in Bibliotheca

V. C.

V. C. Raphaëlis Fresnei reperiri tradit *Philippus Labbe* in *Bibliotheca Bibliothecar.* p. m. 670.

NARBO, Urbs incluta Galliæ, mercatura nescio an bonis artibus magis floruit. Certe illustrem *scholam* habuisse videtur ex illo *Ausonii* in Commemoratione Professorum Burdigalensium num. XIX. de *Marcello*, Grammatico Narbonensi, p. m. 79.

Nec te Marcello genitus (lego genitum) Marcelle silebo,

Aspera quem genitrix urbe, domo pepulit.
Sed fortuna potens cito reddidit omnia &
auxit,

Amisam primum Narbo dedit patriam &c.
Mox Schola & auditor multus, prætecta que
pubes

Grammatici nomen divitiasque dedit.
Cui consonant præcedentia ibidem num. XII. de *Exuperio* Rhetore pag. 78.

Exuperi memorande mihi - &c.

Palladia primum toga te venerata Tolosa:
Mox pepulit; levitate pari Narbo inde re-
cepit.

Illic Dalmatio genitos fatalia regum
Nomina tum pueros grandi mercede docendi
Formasti Rhetor metam prope puberis ævi.
Adde ex numero XX. p. 80. de *Sedato* :

Est tua nunc soboles moremque secuta parentis,
Narbonem ac Romam nobilitat studiis.
item Parental. IV. p. 47. de *Emilio Magno Arborio*,
avunculo *Ausonii* :

*Qui me lactentem puerum juvenemque vi-
rumque*

Artibus ornasti, quas didicisse juvat.

Te sibi Palladia antetulit toga docta Tolosa,

Te Narbonensis Gallia prapofuit,

Ornasti cujus Latio sermone tribunal-&c.

Taceo de *Consentio*, poëta Narbonensi, apud *Sidonium* Carm. XXIII. de quo vide *Partem I.*

NEAPOLIS in Italia sedes litterarum prædicatur *Kriegkio* (lib. cit.) aliisque, & in iis urbibus numeratur, quas studiorum gratia petere solebant Romani. Loca vero auctorum, quæ afferuntur, litteras non attingunt, sed certamina gymnica, salubritatem aëris, observantiam rituum Græcorum & similia. Ceterum non immerito prædicatur. Floruit Græcis Latinisque litteris, teste *Gellio* meo Lib. IX. Cap. 15. princ. *Cum Antonio Juliano rhetore, per feriæ tempus æstivarum, decedere ex urbis æstu volentes, Neapolim concesseramus, atque ibi erat adolescens tunc quispiam ex ditioribus cum utriusque linguae magistris meditans & exercens, ad causas Romæ orandas, eloquentiæ latinæ facultatem, atque is rogat Julianum, uti sese audiat declamantem &c.* Adde, quod de *Virgilio* refert *Servius* in *Vita* poëtæ, sub init. *Diversis in locis litteris operam dedit; nam & Cremonæ & Mediolani & Neapoli studuit.* Philosophum *Epietum* senatusconsulto Roma ejectum temporibus *Domitiani*, hic docuisse crederes, quod *Codex MS. Regius Gellii* Lib. XV. Cap. 11. ita habet: *Qua tempestate Epietetus quoque philosophus propter id senatusconsultum Neapolin Roma*

ma

ma decessit. Lege autem cum pluribus *Nicopolin*, (nam tota Italia adeoque & Neapoli interdicti ibidem philosophi perhibentur) & cum *Fabricio* meo Lib. IV. Bibl. Gr. cap. VII. (p. m. 258. in Notis litt. l.) intellige *Nicopolin* apud Actium, conditam ab Augusto Imperatore, hodie *Prevezo* sive *Priviso*. Patriam Statii *Neapolin* fuisse, nemo paulo humanior ignorat. Sed neque prætereundum putamus, quod Neapoli sepultus fuit *Virgilius*, unde *Plinius* Lib. III. Epist. 7. n. 8. de Silio Italico: *Vergilii ante omnes imaginem venerabatur, cujus natalem religiosius, quam suum, celebrabat; Neapoli maxime, ubi monumentum ejus adire, ut templum, solebat.* Adde Inscriptionem in Notis Cellarianis ex *Mabillonii* Mus. Ital. p. 112. SISTITE. VIATORES. QVÆSO. PAVCA. LEGITE. HIC. MARO. SITVS. EST. Denique ex Oratione *Laurentii Wensini* pro Italia (quæ in Fr. Achillis Ducis Wurtemberg. Consultatione de principatu inter provincias Europæ exstat & paucorum manibus teritur) nonnulla exscribere libet, quæ Auctor in laudem Neapolitanam tam veterem quam hodiernam congescit p. m. 648. edit. Tubing. 1620. in 4. „In „primis placuerat *Neapolis* ante omnia alia loca, „quæ Romanis atque aliis vel studiorum vel otii „vel voluptatis & deliciarum atque etiam sanitatis „jucundissimus esset secessus. Atque ita isthic „*exemptum curis gravioribus ævum* „egerunt P. Virgilius, qui Georgicorum libros ibidem composuit; T. Livius, Horatius Flaccus, „Statius Papinius, Claudius Claudianus, Annæus „Seneca,

„Seneca, Agellius, Franciscus Petrarca Regi Neapolitano Roberto amicissimus, Antonius Beccadellus Bononienfis, cognomine Panormitanus, Orator, Laurentius Valla Romanus, Porcellius Romanus poëta, Blondus Foroliviensis, Bartholomæus Facius Sulmonensis & alii innumerabiles. Nec minus hac ætate Principes, Duces, Marchiones, Comites, Barones, summatesque viri totius regni Neapolitani, maiorem anni partem hic exigunt, ut credam, paucas in Orbe reperiri civitates, ubi par Nobilium & illustrium hominum conveniat numerus, Conf. *Strabo* Lib. V. p. m. 378. & *Historia Italica Joannis Antonii Summontii* 1601. in 4. nec non *Historia Neapolitana Julii Caesaris Capacii* 1607. in 4.

OSCA, Urbs florentissima Hispaniæ, Q. Sertorii auspiciis quomodo litteras & utriusque linguæ magistros receperit, pluribus narrat *Plutarchus* in vita Sertorii pag. m. 575. Μάλισα εἶλεν (ὁ Σερτώριος) αὐτὸς τὰ τῶν Παίδων. τὲς γὰρ εὐγενεσά-
τες ἀπὸ τῶν ἔθνων συναγαγὼν εἰς Ὀσκαν πόλιν
μεγάλην, διδασκάλας ἐπισήσας, Ἑλληνικῶν τε καὶ
Ρωμαικῶν μαθημάτων, ἔργῳ μὲν ἔξωμηρεύτατο,
λόγῳ δὲ ἐπαίδευεν ὡς εὐδράσι γενομένοις πολιτεί-
ας τε μεταδώσων καὶ ἀρχῆς. οἱ δὲ πατέρες ἤδοντο
θαυμαστῶς, τὲς παῖδας ἐν περιπορφύροις ὀρώντες
μάλα κοσμίως φοιτῶντας εἰς τὰ διδασκαλεῖα, καὶ
τὸν Σερτώριον ὑπὲρ αὐτῶν μιστοὺς τελόντα, καὶ
πολλάκις ἀποδείξεις λαμβάνοντα, καὶ γέρεα τοῖς
ἀξίοις νέμοντα καὶ τὰ χρυσᾶ περιδέραια δωρού-
μενον. id est, *Præcipue cepit eos (Hispanos) puerorum*
disci-

disciplina, nam ex parentibus sibi gentibus nobilissimam in *Oscam* amplam urbem contraxit, iisque doctores præfecit litterarum Græcarum & Latinarum. Ita illos revera habebat obfides, verbo erudiebat, ostendens, ubi crevissent, civitate Romana eos donaturum se atque ad honores provecturum. Quorum genitores delectabantur, quod filios conspicerent prætextatos, decore ad ludum litterarium committentes, pendentem pro his salarium Sertorium, crebro summentem specimen, præmiaque meritis tribuentem & aureas bullas donantem. Sed & conferri ibidem potest pag. 581. ubi Sertorius ab humanitate & lenitate pristina degenerans, Hispanorum filios, qui *Oscæ* educabantur, violasse dicitur, ac partem eorum occidisse, alios sub corona vendidisse. Atque hæc sunt maxime memorabilia, quæ de *Oscæ litterata* me legisse memini.

PATAVIVM, inclutam hodie in Italia studiorum sedem, antiquitus nequaquam litterarum gloria caruisse, testes sunt *Morhofius* de Patavinitate Liviana, *Sertorius Ursatus* in Monumentis Patavinis, *Laurentius Pignorius* in Libro Originum Patavinarum, *Jacobi Philippi Thomæsi* Urbis Patavinæ Inscriptiones sacræ & profanæ &c. Atque utinam non periisset Liber de Origine Patavina, cujus auctorem se profitetur incertus ille, cujus est *Origo Gentis Romanæ*, nempe *Sextus Aurelius Victor*, vel (quem mavult *Popma*) *Asconius Pedianus*; (vid. *Fabricii* Bibl. Lat. lib. III. Cap. 9. p. m. 571. *Vossius* de H. Lat. Lib. II. Cap. 8. p. 196. & *Molleri* Homonymosc. Cap. IV. pag. 412.) certe minus obscuram tam

Q

amplæ

amplæ & opulentæ civitatis memoriam litterariam forte experiremur. Ceterum non parum interesse existimamus ad ornamentum & decus Patavii, quod Viros genuit clarissimos, *T. Livium* Historicum, *Aruntium Stellam* & *Valerium Flaccum* poetas, unde & felicem *Aponam* (id est *Patavium*, ita dictum a fonte *Apono*, de quo v. *Cassiodor.* Lib. II. Var. Epist. 39. *Claudianum*, *Sidonium*, alios) prædicat *Martialis* Lib. I. Epigr. LXII. p. m. 37.

Marone felix Mantua est,
Censetur Apona Livio suo tellus,
Stellaque nec Flacce minus.

Conf. Epigr. LXXVII. ad Valerium Flaccum.

PICTAVIVM, in Gallia, (hodie *Poitiers*) studiis olim conspicuum fuisse & Cathedra ornatum, ex verbis *Ausonii* conjicio in Commemoratione Professorum *Burdigalensium* Carin. XI. pag. m. 74.

Pange & Anastasio (Grammatico *Pictavorum*)
Flebile, Musa, melum.
Burdigale genitum
Transtulit ambitio
Pictonicaque dedit, sc. urbi.

Quo pertinet Epigramma L. de imagine *Rufi Rhetoris* p. m. 13.

Ore pulchro & ore muto scire vis, quæ sim? volo
Imago Rufi Rhetoris Pictavici.

sive, quod aliis placet, *Pictavica* sc. urbis.

ROMA quam magnificum litterarum domicilium fuerit, dicere non attinet post *Hermannum Conringium* de Studiis liberalibus Urbis Romæ &
Chri-

Christophorum Cellarium de studiis Romanorum litterariis in urbe & provinciis, quibuscum conferri potest, si placet, *Idea nostra Historia Litteraria Romanorum*. Taceo Auctores alios, qui de Urbe Roma scripserunt, de quibus vide *Georgii Fabricii ROMAM* Cap. 1. Sed in his nihil fere, quod ad sacra Rom. litteraria pertinet, invenies, imo nec in ipso *Fabricio*, præterquam Cap. XI. p. m. 483 - 486. de domibus quorundam doctorum.

THVRIVM sive THVRII Oppidum Italiæ in magna Græcia quantopere studiis olim vacarit, jam pridem ostendit eruditissimus *Lipsius* in *Lo- vanio* Lib. III. Cap. 7. Adde ex *Oratione pro Italia*, quam *Laurentio Wensino* tribuit *Thomas Lanstus* in Consultatione de principatu inter provincias Europæ, pag. m. 657. „Acumen Italarum in literarum etiam studiis longe transcendit aliorum „hominum conditionem: & illi etiamnum scientiarum dictaturam gerere videntur. Inter priscos „occurrunt Thuri, quorum legislator magnus ille „*Charondas*, inter alia scivit, τῶν πολιτῶν τὴς υἱῆς „ἀπαντας μανθάνειν τὰ γράμματα civium omnes „filios discere litteras: (vid. *Diodor.* Lib. XII. Biblioth.) & quia videbat, fore, ut pauperes inopia „fortasse non possent, amplius statuit, ut e publico „civitatis ærario honoraria præceptoribus solverentur.„ Adde, inquam, quod *Thuriis in Italia* historiam suam condidit *Herodotus*, teste *Plinio* lib. XII. Hist. Nat. Cap. 4. Conf. *Celeb. Fabricii* mei Biblioth. Græc. Lib. II. Cap. XX. pag. 695, 696.

TOLOSA, Narbonensis Galliarum urbs nobilis-

suma, studiorum singulari laude eminuit, quam proinde *Palladium* vocat *Martialis* Lib. IX. Epigr. CL.

*Marcus Palladiæ non inficianda Tolosæ
Gloria*

& *Ausonius* Parental. IV p. m. 48.

Te sibi Palladiæ antetulit toga doctæ Tolosæ
nec non in Commemoratione Profess. Burdigal.
XIX.

Palladiæ primum toga te venerata Tolosæ
Conf. ibid. Carm. XVII de *Æmilio Magno Arborio*,
Rhetore Tolosæ, & XX de *Sedato*, itidem Rhetore
Tolosano, & *Schola Tolosana*, nec non supra *Partem*
II de L. *Statio Ursulo*, Rhetore Tolosensi.

TREVIRI, Urbs Gallix Belgicæ, Cathedram
omnino habuisse videtur, quod in ea docuit *Ursulus*,
Grammaticus doctissimus, (non *Statius* ille, de quo
diximus Parte II) ad quem *Epistola Ausonii* extat
XVIII pag. m. 229. atque *Harmonius* apud eun-
dem ib. p. 230.

Ursule, Collega nobilis Harmonio.

*Harmonio: quem Claranus, quem Scaurus
& Asper:*

Quem sibi conferret Varro, priorque Crates.
Quique sacri lacerum collegit corpus Homeri,
Quique notas spuriiis versibus apposuit.

Cecropiæ commune decus, Latiaque Camæna,
Solus qui Chium miscet & Ammineum.

TVSCVLVM, antiquissimum illud oppi-
dum in Latio, non in celebri scholarum & bonarum
artium ornamento præditum fuisse, testis satis lo-
cuples

cuples est *Livius* Lib. VI. Decad. I. p. m. 99. *Camillus* castris ante portas (Tusculi) positus, eademne forma pacis, quæ in agris ostentaretur, etiam intra mœnia esset, scire cupiens: ingressus urbem, ubi patentes januas, & tabernis apertis, proposita omnia in medio vidit: intentosque opifces suo quemque operi, & ludos litterarum strepere discantium vocibus &c. Alia est Schola Tusculana *Ciceronis*, de qua vide *Franciscum Philelphum* & *Alexandrum ab Alexandro* Lib. I. *Dier. Gen. Cap. XXIII.*

VALENTIA, Gallorum in provincia Narbonensi oppidum, frequentissimo *Athenæo* valuit, inquit Auctor *Orationis pro Gallia* (p. m. 172) quam *Joachimo Ernesto*, Duci *Holsatiz*, tribuit *Thomas Lansus* in Consultatione de principatu inter provincias Europæ. Quæ quidem notitia cui auctori Veterum debeatur, me nescire ingenue fateor.

VIENNA, Urbs Galliz Narbonensis, Romanorum colonia, in minimis imperii Romani civitatibus litteratis minime censenda videtur, quod *Martialis* tantopere de hujus applausu sibi suisque Carminibus gratulatur Lib. VII. Epigr. 87.

Fertur habere meos, si vera est fama, libellos

Inter delicias pulchra Vienna suas.

Me legit omnis ibi senior, juvenisque puerque,

Et coram tetrico casta puella viro.

Hoc ego maluerim, quam si mea carmina
cantent,

Qui Nilum ex ipso protinus ore bibunt.

Quam meus Hispano si me Tagus impleat auro,
Pascat & Hybla meas, pascat Hymettos
apes.

*Non nihil ergo sumus, nec blande murmure
lingua*

Decipimur, credam jamputo, Lause, tibi.

Desideramus hic *Inscriptiones antiquas Viennæ*, quas inter Codices manu exaratos in B.b. iotheca V. C. *Raphaelis Fresnei* suo tempore reperiri, tradit *Philippus Labbe* in *Bibliotheca Bibliothecarum* p. m. 671.

VISONTIO sive VESONTIO, urbs Gallorum, in Burgundia Comitatu, clara imprimis est schola sua, de qua *Ausonius* meminit in *Gratiani* Actione ad *Gratianum* cap. X. p. m. 296. *Quomodo Titianus magister? sed gloriosus ille municipalem Scholam apud Visontionem Lugdunumque variando, non etate quidem, sed utilitate consenuit.*

VOLATERRÆ, oppidum antiquissimum Etruriæ, quo minus Catalogo nostro excludi debeat, intercedere videtur Auctor *Vitæ Persii*, qui poëtam usque ad annum XII. *Volaterris studuisse* tradit: cui testimonio quod adjiciam, plane nihil me habere fateor. De antiquitatum vero monumentis, quæ visentibus hodie ostentat, vide *Joh. Reiskium* in *Notis ad Cluverium* pag.

m. 261.





INDEX

RERUM NOTABILIORUM.

Numerus Romanus significat *Partem* :
barbarus *paginam*.

A cta Varia	III. <u>173. 174</u>
Æneidomastigen scripsit <i>Carbilius Pi-</i>	
etor	L. 55
Æneidos Liber secundus mirandæ vetu-	
statis	II. <u>147</u>
Agonaliorum repertor Numa Pompilius	L. <u>70</u>
<i>Alberti Magni</i> error notatus	L. <u>26</u>
de <i>Albertis</i> (<i>Leo Baptista</i>) admonetur	L. 53
<i>Alemariani</i> (<i>Petri Nannii</i>) Liber de claris Corneli-	
is suppletur	L. <u>30</u>
Ambegnæ Oves quæ dictæ	L. <u>28</u>
Angeroniæ cur sacrificatum	L. <u>70. 71</u>
Anthologicon Libri deperditi	III. <u>176</u>
Apollo unde dictus	L. <u>44</u>
Aprilis unde dictus	L. <u>58</u>
Aruspiciæ five Aruspicum Libri	III. <u>177</u>
Attellanæ fabulæ	III. <u>178</u>
Augurales Libri	III. <u>178</u>
Augusti ancilla quinque pueros enixa	III. <u>198</u>
Augustoduni Antiquitates Litterariæ	IV. <u>224</u>
<i>Aurelii Victoris</i> testimonium in dubium vocatur	IV. <u>232</u>
	<i>Auso-</i>

INDEX

<i>Anfonius</i> corrigitur	IV. 237
Auspiciorum Libri	III. 179
<i>Barthius</i> refellitur	II. 146
<i>Beatus Rhenanus</i> Eumenium minus emendate emendat	IV. 224
Belli Acta	III. 173
Beneventum, urbs litterata	IV. 224
Brundisium, urbs studiis haud ignobilis	IV. 225
Burdigala, nobile litterarum domicilium	IV. 225
Cærimoniarum Libri	III. 180
Calagurris, urbs litterata Hispaniæ	IV. 226
Calculatores qui?	III. 207
Caligulæ certamen Lugduni institutum	IV. 233
Camillus quomodo punierit Præceptorem Nobilium Faliscorum	IV. 231
Canere fata, pro prædicere	I. 112
Carmen, quo dii evocati civitate obsessa	I. 59
<i>Carolus</i> (<i>Philippus</i>) notatur	II. 147
Carthago Romanis litteris incluta	IV. 227
<i>Casaubonus</i> admonetur	II. 152
<i>Cellarius</i> , Vir emendatissimus, modestè refutatur	II. 147
<i>Censorinus</i> corrigitur	II. 139
Cerastibola quid	I. 27
Chronici Libri	III. 181
Cicero post laborem fori scholam Gniphonis frequentavit	I. 17
- - illustratur,	I. 32
Claudiorum prænomen apud Romanos	I. 18
Cœlibes unde dicti	I. 65 . 71
<i>Columella</i> emendatur	I. 102 . & II. 135
	Commen-

RERUM NOTABILIORUM

Commentarii Varii	III. 181
Comum, urbs litterata	IV. 223
Consul Major quis dictus	I. 79
Conticinium unde dictum	I. 27
Controversiæ Veterum	III. 187
Corduba, urbs litterata Hispaniæ	IV. 229
Cremona urbs minime illitterata Italiæ	IV. 230
<i>Criniti</i> (Petri) Libri de Oratoribus Ferrariæ asser- vari traduntur	I. 118
Cupidinis Triumphus	III. 214
Declamationes variæ deperditæ	III. 188
de Disciplina Principis Scriptores	III. 189
<i>Donatus</i> refellitur	I. 40
Durocortorum Rhemorum in Gallia urbs litterata	IV. 230
<i>Fabricii</i> (Jo. Alb.) Bibliotheca Græca suppletur	I. 18. 33. 92. 93. 110. II. 141. 142
Falerii sive Faleris, urbs litterata	IV. 230. 231
Fatales Libri Etruscorum	III. 190
Februarius unde dictus	I. 58
<i>Festus</i> quid sit	I. 17
<i>Festus</i> emendatur	I. 36. 72
Fontes salubritatem ægris corporibus afferre credi- ti	I. 13
Fragmenta Varia incertorum Autorum	III. 191
- - certorum Autorum, editoribus hætenus inob- servata	III. 195.
<i>Fulgentius</i> emendatur	I. 18. 90
Fulgurales Libri	III. 196
Funebres Laudationes Variæ Vett. Rom.	III. 202.

203

INDEX

- - SCto magistratibus plerumque mandatæ	203
Gabii, urbs quondam litterata in Campania	IV. 231
Gades, urbs minime illiterata in Hispania	IV. 232
Galliarum Prisca Monumenta	III. 196
Gellius emendatur.	L 8. II. 132. III. 195. 216. IV. 239
Gellii recepta lectio defenditur	L 54
Genius quid	L 25
Glossarum Scriptores	III. 197
Gravii (Jo. Georgii) emendatio reprehenditur	L 74. 75
Grammatici, Comites Principum in itinere	I. 22
Gronovii emendatio Gelliana rejicitur	L 8
Harduinus refellitur	L 16. 37. 108
- - admonetur	L 81
- - reprehenditur	L III. 113. 120
- - castigatur	III. 175
Herenniorum Catalogus apud Fabricium augetur	II. 151
Historiæ Variæ	III. 197 seq.
Indigitamentorum Libri	III. 199
Infani qui dicti	II. 143
Ionsius modeste admonetur	L 14. 17
Isidorus emendatur	L 19. 51. 85. III. 177. 192
Juris Civilis Scriptores Veteres	III. 202
Jurisperitorum Veterum Libri <u>deperditi</u>	III. 201
Laudes Somni, Mortis, Ciborum, Urbium	III. 203
Lexicon Fabri castigatur	L 35. III. 192
Liberalium Catalogus apud Fabricium suppletur.	II. 153
Lindenbrogius notatur	II. 139. 140
	Lipsius

RERU M NOTABILIORUM

<i>Lipſus</i> refellitur	I. 78
<i>Livium</i> viſendi cauſa multi peregre venerunt	IV. 233
<i>Longula</i> , oppidum Volſcorum, in Lexicis Latinis & Geographico <i>Caroli Stephani</i> nec non <i>Cluverio</i> fruſtra quæſitum	I. 77
<i>Loydus</i> (Nicolaus) erroris arguitur	I. 109
<i>Lugdunum</i> in Gallia, urbs litteratiſſima	IV. 233
Luna cur plena gelidas æſtate noctes faciat, hieme tepidas	I. 52
<i>Macrobius</i> emendatur	I. 7. 80
- - illustratur	I. 67
<i>Maja</i> , Dea bona, eadem quæ terra	I. 43
<i>Maſſilia</i> nobiliſſimum litterarum domicilium	IV. 234
<i>Maſſilienſes</i> trilingues	ibid.
<i>Maſſacus</i> refellitur	II. 137
<i>Mediolanum</i> , florentiſſima ſtudioꝝ ſedes	IV. 235. 236
<i>Meditrinalia</i> unde dicta	I. 58
<i>Meliſſi</i> varii	I. 9
<i>Menagius</i> refellitur	II. 144
<i>Meuſius</i> fallitur	I. 119
Militaris diſciplinæ Scriptores	III. 205
Morborum laudes	III. 203
<i>Morbus</i> & <i>Vitium</i> diſtant	III. 201
Mulieres Romanæ abſtemiæ	III. 215
<i>Nacca</i> quid	I. 47
<i>Narbo</i> , urbs litterata	IV. 237
de <i>Natura Humana</i>	III. 205
<i>Neapolis</i> , incluta litterarum ſedes in Italia	IV. 238
	<i>Nonius</i>

INDEX

<i>Nonius</i> corrigitur	<u>L.60</u>
Notarum inventores Romani	<u>L.19.20</u>
Numa Pompilius Agonaliorum repertor	<u>L.70</u>
de <i>Numeris</i>	<u>III.206</u>
de <i>Nuptiis</i>	ibid.
Obolus quanti pretii	<u>L.48</u>
Oratio Principis pro Edicto, Mandato	<u>III.207.208</u>
Orationes Variæ deperditæ	<u>III.208</u>
<i>Osca</i> urbs litterata vetus in Hispania	<u>IV.240</u>
Oves ambegnæ quæ dictæ	<u>L.28</u>
<i>Patavium</i> , incluta studiorum sedes in Italia	<u>IV.241</u>
<i>Pictavium</i> , urbs Galliæ studiis Rom. conspicua	<u>IV.242</u>
<i>Plinius</i> Junior, disciplinæ Stoicæ sectator	<u>II.142</u>
- - emendatur	<u>III.198</u>
- - in litteras liberalissimus	<u>IV.218.229</u>
<i>Plinius Secundus</i> ab <i>Harduino</i> recte emendatur.	<u>L.7</u>
- - illustratur	<u>L.31 III.176</u>
- - corrigitur	<u>L.52.68</u>
- - distinguitur	<u>L.70</u>
Pontificum Cœnæ	<u>III.191.192</u>
- - Libri	<u>III.200</u>
<i>Postuma</i> proles quæ?	<u>L.33</u>
Præficæ officium	<u>L.27</u>
Præmium Scriptorum, qui urbes &c. laudaverant	<u>III.204</u>
Prænomina quando pueris, quando puellis imposita	<u>L.101</u>
<i>Princeps</i> , qui vult omnia scire, necesse habet multa ignoscere, Dictum <i>Domitii Afri</i> , de quo v. P.	<u>L.50</u>
<i>Priscia-</i>	

RERUM NOTABILIORUM

<i>Priscianus</i> emendatur	L. 1. 35
- - illustratur	I. 19. 23. 63. 84
- - varie legitur	I. 88
<i>Procestria</i> quid	I. 21
Proserpinæ Chorus, & de Proserpinæ Sacris	III. 209
Punicarum Rerum Scriptores	III. 197. 198
Quindecim-Virorum Officium	III. 185
<i>Quintilianus</i> emendatur	I. 76. III. 203
- - illustratur	II. 166
de <i>Ridiculis</i>	III. 209
Rituales Libri	III. 210
<i>Rufinus</i> de Metris Comicis illustratur	I. 55
de S littera scripsit Messala	I. 74
Sacerdotes publici qui	III. 211
Sacrorum Libri	III. 212
Saliorum carmina interpretatus L. <i>Ælius Stilo</i> , de quo v. P	I. 10
<i>Salmasio</i> repugnatur	I. 112. III. 209
<i>Scaliger</i> (<i>Jos.</i>) minus recte Aufonium interpreta- tus	I. 24
<i>Scetra</i> quid?	III. 193
Scipionis Africani vita	III. 213
<i>Sciscidi</i> præteritum a <i>scindo</i>	I. 24
<i>Scrofa</i> cognomen unde	I. 102. 103
<i>Sculna</i> quomodo dicatur	I. 74
Secta Stoico-Pythagorica apud Romanos	I. 107
<i>Seneca</i> a Jac. Nicol. Loënsi recte emendatus	I. 26
<i>Servii</i> recepta lectio defenditur	I. 39
- - emendatio tentatur	I. 40. 95
Sestius & Sextius differunt	I. 87
Somni Laudes	III. 203 de So-

INDEX


de Somniis Scriptores	III. 213
<i>Stephanus</i> (<i>Carolus</i>) reprehenditur	I. 109
Stoicorum Catalogus apud Fabricium suppletur	I. 92. 110
Stoico-Pythagorica secta apud Romanos v. <i>Setta</i> .	
<i>Suetonius</i> in vita Aurelii Opilii suppletur	I. 27
- - recte a nonnullis emendatur	I. 107
<i>Symmachus</i> emendatur finis & illustratur	I. 15
<i>Tapulla</i> quid	I. 116. 117
Temetrum prisca lingua dictum, quod postea Vinum	III. 216
Tempestas pro tempore	III. 178
<i>Tentipellium</i> quid	I. 21
<i>Tiburium</i> , Oppidum Italiae litteratum	IV. 243
Tituli servorum venalium	I. 91
<i>Tolosa</i> , Urbs Galliae Narbonensis quondam litteratissima	IV. 243
<i>Topper</i> quid	I. 21
<i>Treviri</i> , urbs Galliae Belgicae litterata	IV. 244
Triumphorum Acta	III. 174
Triumphus Cupidinis	III. 214
Turma quomodo dicta	I. 47
Tuscae historiae	III. 198
<i>Tusculum</i> , oppidum in Latio quondam non illiteratum	IV. 244
<i>Valentia</i> , urbs Gallorum litterata	IV. 245
<i>Varro</i> de R. R. emendatur	I. 11. 90
Verborum Veterum Libri	III. 214
Vestalis Virgo quae & quomodo capta	III. 215
<i>Victus Populi Romani</i> . III. 215. Edidit & <i>Franciscus Robertellus</i> Libros XV. de Vita & Victu Pop. Romani,	


RERUM NOTABILIORUM

Romani, Bononiæ in fol. 1559.

<i>Vienna</i> , urbs Galliæ Narbonensis literata	IV. 245
<i>Virgilii</i> vitia & furta	L 55. 90
- - libri <i>Æneidos</i> transpositi	L 89
- - ingenium & mores	III. 216
- - monumentum Neapoli	IV. 239
<i>Visontionensis</i> schola	IV. 246
<i>Vitium</i> & <i>Morbus</i> distant. v. supra <i>Morbus</i>	
<i>Vitula</i> , Dea lætitiæ	I. 67
<i>Unionum</i> nomen quando impositum margari- tis	I. 10
<i>Volaterræ</i> , oppidum in Etruria quondam non illi- teratum	IV. 246
<i>Vossius</i> (G. Jo.) admonetur	I. 12
- - de Hist. Lat. suppletur	I. 5 2. 7 I. 86. II. 156
<i>Urbium</i> Laudes qui scripserant, præmio affecti, III.	204
- - quomodo scribendæ	ibid.









005637745

